



H. II. 16










JOANNIS PAULI  
OLIVA  
PRÆPOSITI GENERALIS  
Societatis JESU  
ALLOCUTIONES  
Ad suos in Urbe.  
SIVE  
EXHORTATIONES  
DOMESTICÆ.

Interprete JACOBO BOSCHIO.

Ejusdem Societatis Sacerdote.

PARS IV.

*L. P. Camerarius  
Anno Regni  
1680*



*Dono ab Antonio  
Petra Lindrich  
procuratore nro  
hujus provincie*

Pragæ, Typis Universitatis Carolo-Ferdinandæ,  
in Colleg. Soc. Jesu ad S. Clementem. An. 1680.

JOHN WIS PALL  
OLIVA

REYOTZ CERMA  
SOMER 15

ALLOUTIONES

Ad hoc in loco

2175

EXHONATIONES

TOCHSITICE

REYOTZ CERMA

Ad hoc in loco

PARS IV

One of the  
two books  
preserved  
in the  
library of  
the  
University of  
Cambridge



Printed by the University of Cambridge  
at the University Press, Cambridge

*Imprimatur,*

Si videbitur Reverendissimo P. Mag: Sac:  
Pal: Apost:

*I. de Ang. Archiep. Urb. Vicescr.*

---

*Imprimatur.*

Fr. Raymundus Capisuccus  
Ord. Prædic: S. P. A. Magister.



EXHORTATIONES  
DOMESTICÆ

Habitæ

*In Domo Probationis*

Ad

D. ANDREÆ.



## EXHORTATIO XXXVII.



*Ita Perfectio, quam tantis  
erumnis sibi compararunt  
primi Christiani, hodiéque  
tantis laboribus emunt tñ  
solitudinum. Alumni, tum nostri per In-  
dias Missionarij, minimo facilique labo-  
re à Societatis nostræ Tironibus & Scho-  
lasticis obtinetur, si modò illi ad Exem-  
pla non optima cecutiant, hi verò pra-  
vis consilijs obsurdescant. Quemadmo-  
dum Presidum ductui in omnibus ob-  
sequendum, ità necessarium est, ut suã  
quisq; sponte ac marte ad Virtutis me-  
tam ultro decurrat.*

## EXHORTATIO XXXVIII.

*Nisi quis in Domo Probationis stre-*  
nuè



nue Virtutem excolere incipiat, nunquã  
deinde toto vita sua tempore illius perfe-  
ctionem consequetur. Itã Paulus in  
grandem Apostolum evasit, quia primis  
statim Conversionis sue diebus Sancti-  
tatem adeptus est. Nam nisi primo Ve-  
re floruerit, fructibus in Autumno Ar-  
bor carebit. Quare tũ denique egregij  
Apostolicique Operarij erimus, si, quales  
oportet, Tirones fuerimus.

### EXHORTATIO XXXIX.

Christus Sectatores suos à Consan-  
guineis alienos, & à Familiaribus ac  
necessarijs sejunctos esse voluit. Citra  
hanc Evangelicam sanctissimãq; cum  
carne & sanguine inimicitiam, nemo Re-  
ligiosus aut vitam tranquille peraget,  
aut sanctã morte defungetur. Consan-  
guineorum virtutem cordi habeamus,  
omni-



omnîque operâ promoveamus, nullâ verò ratione negotijs eorum nos implicari patiamur. Secus qui facit, meminerit, alios in solitarijs nemoribus, ob nimium erga sanguine junctos amorem, furto se alligâsse, alijs Fidei ac Martyrij palmâ è manibus extortam fuisse.

#### EXHORTATIO XL.

Cupiditatum affectuûmque nostrorum victoria parùm habet utilitatis, nisi penitus profligentur, & non tam mortificentur, quam emoriantur. Qualiscunque enim in Tironibus profani sensûs fibra remanserit, satis ea est ad creandum periculum, Ægyptum, quam relinquere, repetendi. Eapropter nulla nisi præclare virtutis exempla nos moveât: neque aurem ijs commodemus, qui pestiferâ pietate Crucem nobis in solium,  
\* 3                      labo-

labores in quietem mutant, & à severa  
legum custodia revocatis, otij pulvina-  
ria nobis substernunt.

## EXHORTATIO XLI.

*Ira Divina suppliciorumque, quibus  
improbi castigantur, Timor, ad conse-  
quendam conservandamque vita san-  
ctitatem plurimum conducit. Neque  
hunc, quippe beatitatis auctorem, me-  
tum Paulus damnavit, cum Ecclesiam  
Amoris Filiam, non Ancillam poenae ap-  
pellavit. Id palàm fit eo, quòd Christus  
ipse, cum Discipulos suos apud Evange-  
listam ad Martyrium, hoc est precipi-  
um nostri in DEum amoris argumentum,  
exhortatur, inferos aeternaque supplicia  
ijs ponat ob oculos. Avertat Deus, ne-  
quando, in Religiosarum Aedium Para-  
diso versantibus, suppliciorum horrorem  
Caco-*

*Cacodemon detrahat, ut pari arte, quâ  
Evam, nos quoq; ad negligenda man-  
data violandasq; leges impellat.*

## EXHORTATIO XLII.

*Qui Religiosæ vitæ genus semel arri-  
puit, nisi disciplinæ studium in naturam  
quodammodo convertat, & ultro se ad  
absolutissimæ virtutis decus exstimulet,  
haud magnopere proficit. Actum de illo  
puta, qui eatenus solum probus est, quod  
inter probos degit. Jordanes quoq;, dum  
in alveo suo Arca constitit, fluctus suos  
continuit, & inhibuit cursum. At ubi  
illa littus attigit, ipse quoque ad ingeni-  
um redijt, & more pristino cœpit curre-  
re. Par est igitur, ut virtutem, quam  
semel ambire & consecrari cœpimus, æ-  
quabili semper ac perpetuâ constantiâ  
teneamus.*



### EXHORTATIO XLIII.

*Corporis animiq; relaxationes Religiosis Ordinibus nullâ lege vetantur; ab ijs verò minimè aliena sunt, qui literarum ac sapientia studium profitentur. Illud quidem satagere verus Dei servus debet, ut, dum corpus recreatur, mentis ardor nequaquam intepescat. Quapropter, nec in ipso villa otio, Religiosa disciplina & salutis aliena cura seponitur. Idq; feriæ Autumnales testatû faciunt: per quas nostra Societatis Filij ad vicinos pagos excurrunt, ut rudes edoceant, & improbos ad frugem reducant.*

### EXHORTATIO XLIV.

*Ut illustre nomen, quô Christus literatorum hominum Ordines insignivit, cum eos mundi salem appellavit, promeremur, à mundo penitus abhorreere neces-*

cesse est. Prorsus ad eum modum, quo  
aqua, cum à mari sejuncta in terra in-  
duratur, & mutatur in salem, si mari,  
quod reliquerat, denuo conjungatur,  
colliquefcit atque dissolvitur: ita si nos,  
quos Deus rebus profanis eo consilio ex-  
emit, ut terra Apostolos ministraret, pro-  
fana negotia, & humanas denuo res at-  
tigerimus, & seu animo, seu corpore,  
Mundo, mundanisque hominibus con-  
juncti fuerimus, Apostolica Religiosaq;  
vita perfectionem amittemus.

#### EXHORTATIO XLV.

Sancti Reges obligatam Christo cum  
suis muneribus fidem eâ maximè ratio-  
ne conservârunt, quòd, priusquam ea  
illi offerrent, eum & agnoverunt, & ad-  
orârunt. Idem veris Religiosis usurve-  
nit, qui se cruci, non tam brevis fugiti-  
vique





## EXHORTATIO XLVII.

*Nemo in Societate vite sanctitatem consequetur, nisi qui primo tempore, ex quo, paternâ relictâ domo, in Religionem se contulit, ardere statim & lucere inceperit. Verum Tunc ab adulterino eâ ratione dignoscitur, quòd conjectum in carbones continuò fumat, & latè fragrantiam suam spargit. Quare qui Titocini tempore non flagrantissimū virtutis studium præ se fert, subinde penitus obrigescet. Promptitudini alacritas conjungenda, quæ in rebus adversis exultet, nec vivere se arbitretur, nisi cum Christo, & pro Christo rebus desiderijsque omnibus moriatur.*

## EXHORTATIO XLVIII.

*Stanislaus intrâ paucos menses, quos in vita Religiosæ exercitatione posuit, san-*

sanctissimos Viros, quotquot Ecclesia  
veneratur, aquavit, & modò Beatorū  
numero adscriptus, sacros honores A-  
rāmque adeptus est. Porro ad tantū fa-  
stigium evectus est, quia sive in seculo,  
sive cū apud nos viveret, deprimendi  
sui, & licet esset nobilissimā Palatino-  
rum stirpe ortus, ad infima ministe-  
ria se abjiciendi, studia nunquam premit-  
tebat, nihil eximium, nihil quod ad lau-  
dem suam pertineret, vel quarens, vel  
admittens. Quòd si nos, Angeli i hujus  
Adolescentis exemplum imitati, latere  
potiùs in Societate, quàm inclarescere;  
premi, quàm extolli; labores magis,  
quàm laudes & premia quesierimus,  
Divi nostri Indigetis Palmas aquabi-  
mus, tantòque in oculis Dei majores eva-  
demus, quantò majore diligentia studu-  
erimus, nullā, in hominum aestimatione,  
auctoritate ac loco esse.

# EXHORTATIO

## XXXVII.

In Pervigilio SS. Omnium.

Gaudeamus omnes in Domino,  
diem festum celebrantes sub ho-  
nore Sanctorum omnium.

**V**irtutis Vitæq; omnis  
PERFECTIO, cujus obti-  
nendæ causâ tot labores æ-  
rumnâsque primi Christiani suscep-  
runt, ac tantos hodièque sudores pro-  
fundunt tum Anachorete, tum nostri  
per utramque Indiam Missionarij,  
multò letioribus impensis ab hujus  
Domûs Tironibus atque Scholasti-  
cis comparari potest. Sed enim quò  
hec expeditior faciliorque istis est ob-  
eam curam, quam de ijs Prasides ge-  
runt, tantò gratioribus Ira Divi-


Pars IV.

A


ne

## 2 VITÆ PERFECTIO FACILIS

*ne supplicijs se reddunt obnoxios, nisi illam consequantur. Qui ab agnita veritate, arreptoque Virtutis studio desciscunt, ingens periculum adeunt, ne fœdè corruant, & ab ipsa Cruce per summam perfidiam deficiant. Hæc verò tam graua pericula, turpèsque adeò sugas ac proditiones vitant Scholastici juxtà & Tyrones, siquidem illi prauis consilijs aures, hi verò exemplis non optimis oculos clauserint. Vitæ deinde sanctitatem consequentur utrique, si postquam Virtutis præceptiones à Magistris hauserint, suâ sponte ad metam Religiosæ Disciplinæ decurrent, nec ignavorum desidiam, neque dehortantium clamores morati.*





I.  Ubi hodiernæ Lucis occasû  
Ecclesia Divini Numinis  
sponsa, & electorum ejus  
filiorum Mater, indictis per  
omnia Tempia supplicationib<sup>9</sup>, nō tam eo-  
rū Cœlitū, qui Dei conspectu in felicissimo  
illo regno beantur, memoriam, trophæa,  
& triumphos recolit, quàm eorum, qui si-  
deli perfectoque obsequio, dum in mortali  
hac vita degerent, & accurata Virtutum  
omnium exercitatione illud sibi promere-  
ri studuerunt. Nempe non eorum illa  
nobis Palmas præsentī celebritate repræ-  
sentat, qui cœlestis Patriæ felicitate po-  
titi sunt, sed qui sanctè in hoc exilio vixe-  
runt. Plurimi enim beatæ illius Civitatis  
pace tranquillitatēque fruuntur, quorum  
nomina nec Vaticani Codices consecrârūt,  
nec cineres Christus illustrat prodigijs.  
Atque hoc vel inde manifestum est, quòd,  
licet Christiana Justitia sibi certò persua-  
deat, Latrones capitali supplicio adjudi-  
cados, postquam sua commissa damnârint,  
& scelera lachrimis eluerint, ad cœlestem  
gloriam evolâsse, beatēque degere, nihi-

#### 4 VITÆ PERFECTIO FACILIS

lominis eorum interim corpora palis infixa, & vultutibus exposita æternâ infamiâ notare consueverit. Ijs verò qui præclaris facinoribus, & magnanimis consilijs in hac ad Patriam peregrinatione se supra ceteros extulêre, magnificas ædes fidelium Congregatio dedicat, eorûmque Tumulos tum prodigiorum gloriâ, tum adoratorum frequentiâ Numen exornat, & consecrat immortalitati. Ad horum itaque Heroum imitationem tum Vos, tum meipsum exstimulare in præsentia, & ad parandum nobis Evangelicæ perfectionis decus animare constitui, cujus videlicet studio, relictis paternæ Domûs otio & commodis, felices ad ærumnas, beatôsque labores, quibus in Dei Domo exercemur, ad Societatem nos contulimus. Et huc quidem non eâ mente commigravimus, ut quomodo-cunque salutem nostram in tuto collocaremus: hoc enim humile nimis, abjectûmque contilium foret; sed ut Sanctitatem jam tum nobis à Deo propositam, cum nos ad hoc vitæ institutum pro divina

sua

## ET NECESSARIA.

1

sua clementia vocavit, & Apostolicam Perfectionem consequeremur. Jam verò ut certam in dicendo rationem ordinemque ineamus, exponam primum, quàm facilis, quàmque necessaria nobis Societatis Religiosis Vitæ Sanctitas sit: & subinde, quoniam ad eos Juvenes verba facio, quorum alii Tyrocinij tempora expleverunt, alij nuper inchoârunt, utriusque efficacissimum Antidotum ministrabo; illis, ut quam consecuti Virtutem sunt, medios inter studiorum labores, strepitusque litterarum, nunquam perdant; his verò, ut eam consequantur: utique cum solidum illis biennium, ab omni litterarum aut negotiorum occupatione solutum ad eum ipsam finem Societas concesserit.

2. Facilis, & expedita hæc, quâ vivimus, tempestate consequendæ sanctitatis est ratio: at enim non perinde prompta illa fuit Lini, Cleti, Anacleti, Sixti, ac Petri maximè Paulique temporibus. Quisquis enim illo seculo pietatem colere, Deoque vivere decrevillet, is unà ne-

A 3

cess-

## 6 VITÆ PERFECTIO FACILIS

cessitatem sibi imponebat pretiosam Vir-  
tutis margaritam in vastis nemoribus, fe-  
ras inter belluas procul à civili consuetudi-  
ne quarendi, aut certè, si excedere ur-  
bibus nollat, vivum se tumulandi, & in-  
tra Catacumbas extra cœli Solisque aspe-  
ctum delitescendi. Quid? quisquis per  
ea nascentis Ecclesiæ tempora morum in-  
tegritatem sanctitatēque consecraba-  
tur, is patrimonium Fisco, famam calu-  
mnijs, corpus catenis, rotis, Equuleis,  
vitam denique Licetorum arbitrio, & cru-  
delitati Carnificum addicere cogebatur.  
Religiosè piēq; difficillimis illis atrocissi-  
misque temporibus viventium alios Ursi,  
Leones, Tigres laniabant, alios Gladia-  
tores concidebant, alij è turribus præci-  
pitabantur, alij fluvijis mergebantur, alij  
Crucibus affigebantur, aut ex arboribus  
suspendebantur: alij membratim divide-  
bantur, alij demum superjectis rupibus  
opprimebantur, aut vastis voraginibus vi-  
vi videntēque hauriebantur. Quod si  
quis tantam barbariem non ferens vitam  
in Evangelij professione protrahere ali-  
quan-



quantò diutiùs vellet, is cum Paulo Anachoretarum Principe in solitudines fugiebat, ipsis propè Leopardis impervias, vel cum Athanasio Majorum suorum sepulchra habitabat. Atque hoc pretio Vitæ sanctitas trecentis & amplius annis comparabatur. Diversâ ratione nobiscum hoc sæculo agitur, quo pietatem colere non fas modo, verùm etiam gloriosum est: Quippe ii maximè coluntur, celebrantur & amantur, qui maximè sanctitati student. Quæ cùm ita sint, quantum foret ætatis hujus nostrumq; propriè dedecus, si tum quoque, cùm Virtutis studium Magistratum insignibus, nobilitatis honoribus, fortunis denique omnibus sectatores suos spoliaret, innumerabiles tamen reperiuntur, qui tanto impendio Crucem amplecterentur, germanamque Dei Crucifixi effigiem in seipsis exprimerent, si, inquam, raros ea nunc Ascleclas haberet, paucique adeò forent è nobis, qui vel Calvarij, vel Sinai montis apicem scanderent, sive ut Christo commorerentur, sive ut Deo se quàm tenacissimo nexu conjunge-

## 8 VITÆ PERFECTIO FACILIS

rent? Hæc querebatur, hæc amarissimis  
lachrimis deplorabat S. Ephræm, cum  
videret Cernobium suum nondum in  
Cherubinatorum cœtum commigrâsse,  
qui Divino amore succensi, & corporum  
suorum planè oblit, rerumque omnium,  
quæ Mundus appellantur, pertæsi, nihil  
jam præter Charitatem & animum, qui  
ardere posset, haberent. NULLIS,  
inquit, PRORSUS PERSECUTO-  
RUM TERRORIBUS *divina dilectio-*  
*nis FERVOR in sacris ipsorum pectoribus*  
*extingui unquam potuit. Nos verò ETIAM*  
*IN REQUIE ATQUE DELICIIIS*  
*diligere benignissimum Dominum detrecta-*  
*mus.*

*De Laud. SS.  
Martyr. To.  
30. 123.*

3. Id verò, quod Divus Ephræm  
Monachis discipulis suis, objecit, ut qui  
divino amore medias inter Holocausto-  
rum flammæ, & sacri Thuris odores, al-  
tissimæque in Religiosæ vitæ pace non ar-  
derent, multò iustius ego queri possem,  
si persuasum haberem eile inter Nos ali-  
quem, qui non totâ contentione animi  
ad summum absolutissimæ Virtutis apicem  
rape-

ET NECESSARIA. 9

raperetur. Et ille quidem fieri nullâ ratione posse arbitrabatur, ut, cum Christi cultores candentibus Craticulis impositi, flagrisque dirum in modum concisi, ad perfectissimæ Charitatis metas alacres lætique festinarent, Religiosi deinde viri, quos nullis compedibus Tyranni adstringunt, non Barbari tormentis excruciant, non feræ belluæ dentibus unguibusque per ludum in Amphitheatro discerpunt, virtutum factis extendere, præclarisque facinoribus se nobilitare negligunt, quamvis ad id Præsidum hortatu, æqualium approbatione, festisque omnium acclamationibus provocentur. NON ENIM VALUIT IMMENSA POENARUM VIS JUSTORUM ANIMOS FLECTERE, nec Mors ipsa tanta charitatis ardore *Ibid.* ullatenus potuit extinguere. Quam ergo nos excusationem habebimus apud Deum, QUI ABSQUE ULLA PERSECUTIONIS ATROCITATE, tormentorūque vi, CHARITATEM DEI, vitāque nostram NEGLEXIMUS? Atqui severissimum illud institutum sequen-

A 5                      tibus

# IO VITÆ PERFECTIO FACILIS

tibus non ita pronum erat, Virtutis perfectionem consequi. Quippe, ut taceam solitudinis ab humano commercio, ac civili usu sepositæ horrorem, vestitus ijs asperrimus, victus tenuissimus, nulloque sapore imbutus, continuata jejunia, quotidianæ vigiliæ, quies aut nulla aut brevissima, & supernudam humum, mutum silentium, longissima precandi, & perpetua psallendi spatia ijs erant. Ut adeo quæ Tyrannorum crudelitas, & Proconsulum barbaries Martyribus tormenta ingeriebant, ipsi severissimæ Disciplinæ rigore non multum à Martyrio abhorrente sibi ultro inferrent. Etsi enim atrocitate vulnerum, & asperitate vinculorum ea vivendi ratio martyrio concederet; proximè tamen ad illud accedebat sponte susceptorum cruciatuum acerbitate, quâ singula corporis membra non macerabant, sed distrahebant & excarnificabant quodammodo. De his ipsis tamen Ephræm scripserat: **IN REQUIE, ATQUE DELICIIIS diligere Dominum benignissimum deprecemur.** Agite jam, & quid



quid de Nobis dicendum foret, judicate; si Perfectionem religiosam exactâ Rituum nostrorum observantiâ comparare nobis per summam ignaviam negligeremus, eâ nimirum consuetudine vivendi, quæ ut cordis munditie, demissione animi, custodiâ sensuum, humanæ salutis studio, cognati sanguinis oblivione, paternarum opum exspoliatione, Indifferentiâ ad quaslibet Orbis plagas, Obedientiâ summis Pontificibus, nostrisque Prælidibus votâ, egregia prorsus est & insignis, ita eadem est in victûs, vestitûs, habitationis, afflictandi se, divinæque meditandi ratione mitis, & prudenti moderatione temperatur. In hac ipsâ tamen quantumvis moderata vitæ Disciplina qui prorsus & ex animo Deo se consecrat, Legibus, quas S. Parenti nostro Divinus dictavit Spiritus, & Dei Vicarij cum insigni commendatione confirmarunt, examussim obtemperat, tantos in Virtute progressus facit, ut vivus prodigiosis facinoribus inclarescat, & publico cultu, consecratisque nomini suo Altaribus exornetur defunctus. Id  
certè

## 12. VITÆ PERFECTIO FACILIS

certè Stanislaus, Aloysius, gemini Francisci, trësque Martyres nostri experti sunt, experienturque etiam, cùm Deo visum fuerit, tot alij de Societate, quos Annales nostri rerum gestarum magnitudine, multitudine prodigiorum, vitæ integritate celeberrimis quibusque Dei servis æquârunt, Gentësque totæ passim per utrumque Orbem privatâ pietate venerantur, & votis vocare consueverunt : fama verò dignos prædicat publicis honoribus, quos Romana Ecclesia ijs decernit, quicunque rebus pro Deo, Christianâque Republica præclarè gestis vitam suam illustrârunt. Eam ob rem ego ut Patribus Fratribûsque nostris omnibus geminos, eosque communes Tumulos ponere liceret, vehementer optarem. Alterum ex his auro, gemmîsque beatæ Civitatis illius constare vellem, in quo scilicet eorum ossa quiescerent, qui, cùm inter Nos viverent, vitam egerunt omni Virtutis laude cumulatissimam : adderémque insuper insculptum Iaspidi epitaphium ejusmodi : *Visi sunt oculis insipientium mori,*  
IL-

ILLI AUTEM SUNT IN PACE. *Sap. 8. 41*

Alterum porro sepulchrum è durissimo  
filice rudibus atque ignobilibus top-  
his construerem, in quod illorum cineres  
abijcerentur, qui, cùm potuissent, Le-  
gum sanè non durissimarum custodiâ,  
Virtutem omnibus numeris absolutam si-  
bi comparare, ad hanc ipsam tamen mo-  
deratissimam vivendi rationem mores su-  
os componere grave sibi duxerunt. Tum  
infelicium illorum sepulchrali Lapidis Ti-  
tulum interberem illum ipsum, quo digni  
sunt, & quem David tantæ rei indignita-  
te commotus, ipsidem aptavit. PRO NI-  
HILO HABUERUNT TERRAM  
DESIDERABILEM. Vah Cadavera  
omnium quæ ubivis terrarum jacent lon-  
gè infelicissima! quæ tam desides animos  
hospitio accepistis, ut ad nobiles Evange-  
licorum Consiliorum Palmas ne per se-  
mitam quidem Lilijs rosisque constratam  
cursum capeßere sustinuerint. Quid  
namque homini accidere jucundius vel  
potest vel debet, quàm videre se in San-  
ctorum virorum censum venire citra ul-  
lum

#### 14 VITÆ PERFECTIO FACILIS

lum feralium tormentorum apparatus, qualia scilicet Martyribus subeunda fuere: citra nemorum vastissimarumque solitudinum horrorem, quas Anachoretæ incoluere: citra dirissimos illos cruciatus ac lanienas, quibus Deus plerosque Cultores Majestatis suæ, charissimique Filij sui Discipulos excarnificari pallus est, cum eorum alij vulneribus deformati, alij fœdis stigmatibus inusti vitam exegerint, & mortem vel lento igne tosti, vel fluminibus hausti oppetierint? Jobo, Tobia, Abrahamo, Alexio, primo, secundo, tertio Franciscis, geminis Macarijs, tot Stylitis quantò Sanctitas stetit? Eam tamen illi quovis impendio, licet filius immolandus, deferendus Sponsæ thalamus, abdicandi Principatus, humana omnia, ipsaque adeò humana consuetudo deferenda, & omnibus cœli temporumque injurijs corpora columnis statuarum instar imposita diu noctumque exponenda forent, emendam sibi putaverunt. Et vos miserrimi hominum, quibus facilitas tanta, & tam vera felicitas obtigerat, celebr-



berrimorum illorum Heroum triumphos  
æquandi, ita duntaxat, ut Legibus illis,  
quæ nobis in hoc exilio degentibus cœle-  
stis Patriæ beatitatem pari tranquillitate  
mentis, vitæq; innocentia repræsentabant,  
religiosè obtemperaretis: atq; interim per  
summam vecordiam vitæ perfectæ san-  
ctitatis gloriâ excidistis. Id porrò ani-  
mum meum vehementer angit & torquet,  
quòd inter sègnes strenuòque virtutis  
cultores minimum in vivendi ratione dis-  
crimen interlit, ex altera verò parte me-  
ritis ac præmijs inter se maximo interval-  
lo distent. Omnes, qui sub Ignatij signis  
militant, rem ac substantiam hujus vitæ  
instituti tuentur ac retinent, cum nemo  
toleretur apud nos, cui dicti per Vota Sa-  
cramenti fides vacillet, quisque à commu-  
nimore, consuetâque vitæ ratione rece-  
dat. Itaque temperatus ille Virtutis mo-  
dus atque perfectio, cujus ornamenta de-  
generes Societatis non filij, sed privigni  
sibi stolidè invident, & quorum flagran-  
tissimo studio tenetur legitima Matris no-  
stræ soboles, id demum est, quod incu-  
rios

## 16 VITÆ PERFECTIO FACILIS

rios suūque negligentes infauſtæ memoriæ arenâ tumulat, & amatores ſuos immortalibus laudibus ornat, & ſempiternæ gloriæ nomen eorum atque oſſa commendat. Hinc eſt, quòd Naamani Hiſtoriam nunquam ſine maxima vultûs confuſione legam. Videntur enim mihi quotquot Cœlo Patres noſtri regnant, iſdem me verbis compellare, quibus Princeps ille à familiaribus ſuis olim admonitus fuit. Atque huic quidem Eliſæi, ut ſe Jordane ablueret, Leprâque abſtergeret, dignâ Vate conſtantiâ ſuadentis monitis obſequi grave moleſtūque videbatur. Siccine autem, inquiebant illi, rem tantulam exequi gravaris, qui, ſi à Viro illo diuiniſſimo juiſſus fuiſſes ferventibus balneis, ſulphureis que ſtagnis nudum corpus immergere, ut ſcedam è vultu ſcabiem, quæ à familiaritate Principis tui te ſegregat, detergeres, obtemperare tamen mandatis debueras? Quantò igitur nocentior, Regique tuo ingratior redibis, quòd ſepties puriſſimo Jordanis latice tingere te fueris dedignatus? PATER, ET SI  
REM

REM GRANDEM dixisset tibi Propheta,  
certè facere debueras : quanto magis quia nunc  
dixit tibi : Lavare & mundaberis. Toti-  
dem verbis ipse quoque Adolescentes no-  
stros, ac modò Virtutis stadiū ingressos, nu-  
pèrque admodum Deo per religiosa Vota  
consecratos literarum Studiosos compello.  
Si pane frigidâque vitam tolerare plu-  
ribus per annum mensibus juberemini,  
velut id Antonius Abbas ab alumnis suis  
exegit : si precibus à Solis occasu usque ad  
auroram incumbendi, necessitatem Lex  
vobis aut consuetudo imponeret, quẽ-  
admodum Anachoretarum & Monacho-  
rum multi positum in more habuerunt :  
si corpora vestra loricâ vel Camelorum  
pilis tegerentur, qui Guilielmo in Aquitania,  
& ad Jordanem Joanni cultus fuit;  
deberetis nihilominus tantis, tamque  
grandibus exquisitissimæ austeritatis im-  
penis Sanctitatis Diademata licitari. *Est*  
REM GRANDEM DIXISSET tibi  
Propheta, CERTE FACERE DEBUE-  
RAS. Nunc verò, cùm non aliud à vo-  
bis postuletur, quàm ut victu vestituque

## 18 VITÆ PERFECTIO FACILIS

non incommodo instructi Legibus nostris obtemperetis ; usitatam apud nos afflicti corporis normam sectemini, cum Deo unâ alterâque per diem horâ , eâ, quæ mente peragitur, precatione colloquimini : Philosophiæ humanitatîsque studijs sacrorum Voluminum lectionem meditationemque jungatis : mentem ab omni vel minima labe puram conservetis : communem mortalium omnium salutem promovere sive ardentibus per fora sermonibus, sive privatis in ludo litteratio colloquijs, semper autem & ubique homines improbos egregijs morum vitæque totius exemplis castigare, & ad Virtutem provocare studeatis, cum, inquam, nihil amplius à vobis exquiratur, repugnare tam blandis Virtutis illicijs poteritis? *Quanto magis, quia nunc dixit tibi: Lavare & mundaberis.* Neq; id nunc à vobis petitur, ut Missionariorum nostrorum labores æquetis, qui seu per Europam obfisos nivibus montes percurrant, stramentis indormiunt, leguminibus in ediam expleant; seu apud Indos omni panis ac vini  
usu



usu destituti, nudis pedibus, & rudi can-  
nabe malè recti post enavigata immensa  
marium spatia, Æquatoris æstum, & Se-  
ricæ frigora tolerant, è vimine juncóque  
palustri contexta tuguria habitant, fon-  
tanâ sitim, crudis radicibus & oryzâ ma-  
ceratâ potiùs, quàm coctâ, famem pel-  
lunt. Tam duræ Exercitationes, ærumnæ  
tam laboriosæ, tam gravia, manifestaq;  
pericula reservantur olim studiis vestris,  
atque interim id solum à vobis exigitur,  
ut religiosi Scholastici mores, vitâque  
numeris omnibus absolutam nobis repræ-  
sentetis. Quod si ergo, ut illustribus San-  
ctitate viris adnumerarentur, sanguinem  
Martyres, Anachoretæ sudores, & co-  
piosissimas lachrimas profuderunt, Pa-  
tres verò nostri tam asperum vivendi ge-  
nus in ijs, quas excolunt, regionibus se-  
cuti sunt, hodièque sequuntur, fierine  
potest, ut vos inter pietatis & sapientiæ  
delicias Virtutem aversemini?

4. Enimverò, si cum tam pronus  
vobis ad Sanctitatis metam sit cursus, quâ  
ratione desidiâ vestram vel Deo, vel ho-

## 20 VITÆ PERFECTIO FACILIS

minibus excusare possētis, si nullā ejus contingendæ curā tangeremini? Admonere proinde resistentes debeo, in religiosis ædibus geminas hæc res, acquirendæ videlicet Perfectionis facilitatem, & consequendæ necessitatem insolubili vinculo colligatas esse. Donec intra Domesticos parentum nostrorum parietes versabamur, solâ divinorum mandatorum reverentiâ salutem nostram in tuto collocare licuit. At verò, postquam in Christi familiam adlecti, & supra plebejorum animorum sortem, utcunque ab Ecclesia toleratam, evecti sumus; nobilitatis Christianæ dignitatem consecuti, & à Reparatore nostro in Primogenitos Evangelii sui filios & Crucis suæ Sectatores cooptati sumus, ad concipiendos majores spiritus, suscipienda fortiora consilia, sanctiorem vitæ rationem ipsa nos gradus, in quo stamus, altitudo præstantiæque adstringit. Equidem in Ægypti paludibus arundinum aut myricarum instar à terra caput attollere satis erat: nunc verò cum Divina Clementia nos inde evocârit, &

in

in Carmelum, Libanumque transtulerit, nisi in odoratas Cedros, vel in fortissimas Abietes, quæ Dei Templum exornent, & sæculi hujus tempestatibus insultent, asfurgimus, securim ac flammam expectare necessum erit. Id scilicet Joannes Palæstinæ populis ominatus est, & Matthæus denunciavit nobis. *Ne velitis dicere intra* vos: PATREM HABEMUS ABRAHAM: id ipsum quippe, quod ex electa Sanctissimorum Patriarcharum stirpe descendatis, insignem à vobis morum integritatem requirit, quam videlicet non eodem iure ab Esau posteris, & Agar abnepotibus exigas. Quam ob rem aut fructus veluti totidem Vitæ arbores proferatis, aut divini furoris fulmina, perpetuamque sterilitatem expectetis oportet. *Omnis ergo Arbor, quæ non facit fructum hominum, excidetur & in ignem mittetur.* Quis subinde quantusque sit Ignis, quem Joannes infructuosis iis arboribus minatur, quæ in Dei Viridariis consistunt, cogitatione facilius, quam oratione possumus assequi. Id certum, flammam ejusmodi vel ipsis

Matth. 3. 9.

## 22 VITÆ PERFECTIO FACILIS

inferorum ignibus exitiorem esse. Hi enim Iræ Divinæ ministri sunt, illæ Dei Legi adversantur: illi pœnæ, hæ culpæ sunt. Utinam verò paucos ejusmodi Ramos numerare liceret, qui è Stirpibus Ordinum sacrorum cœlestibus excisi securibus, & in Babylonis plateas rejecti experientiâ Magistrâ didicerunt, quàm verè ab Evangelistis dictum sit, quòd eos, qui religiosis è cœtibus amputati fuerunt, flammæ, atque ictos incendia excipiant. *Excidetur*: non quidem ut in profanæ licentiæ pratis otiosè jaceat, sed ut inter Desolatorios Innocentiæ Christianæ Carbones æternùm ardeat. *Excidetur, & in ignem mittetur*. Neque injuriâ supplicio tam gravi addicuntur ii, qui Christi hortos inumbrant, & sterilitate se ipsos damnarunt. Quippe, cùm Vitæ Sanctitas ijs tam obvia & prompta sit, merentur sanè in cineres redigi, qui eam negligunt, contemnuntque. Atque ad hanc ipsam se se perficiendi facilitatem usitata hoc loco Stirpis Metaphora videtur respexisse. Cùm enim Evæ Filix maxima cum difficult-



cultate, dirisque cruciatibus partus suos edant; Arbores contrà tanta cum voluptate fetus suos enituntur, ut priusquam poma proferant, floribus se ornent, virorem explicent, & latæ ridentisque quodammodò ad maturitatem fructus suos perducant. Æquum proinde videtur, ut, qui vel levi negotio, vel etiam cum voluptate, Christo se per absolutæ Virtutis osculum conjungere potest, idque nolit, asperneturque, hanc suam cœlesti Gratia tam injuriosam, & in Deum, cujus munere ad hoc vitæ genus vocatus est, longè ingratiſsimâ vecordiam novissimis supplicijs expiet. Nunquam excidat è memoria, quàm acris in eum lata sententia sit, qui de commissio sibi Talento quæstum facere omisit. Recurrat animo, quàm falsè derisus fuerit ille, qui post jacta fundamenta molem ad fastigium non perduxit. Quid multis? OMNIS ARBOR, *quæ non facit fructum bonum, excidetur, & in ignem mittetur.* Perfacilis nimirum obtentu Sanctitas est, sed ut eam obtineamus, maximopere necessarium est.

## 24 VITÆ PERFECTIO FACILIS

5. Neque dicas , homines nostros universos, veluti fecundissimas Arbores, admirabile illud Divinæ Vocationis Pomum jam tum protulisse, cum desertâ patriâ, patrimonio abjecto, neglecto parentum amore, Togæ, Sagique contemptis ornamentis in Calvarij montis verticem Christum, eidem cum ipso Cruci configendi, persecuti fuimus. Et verò acquiescere forsân hîc possemus, nisi Evangelica illa sententia necessitatem nobis imponeret nunquam non fructus producendi. Non enim Matthæus, *Omnis arbor*, inquit, QUÆ NON FECIT, sed, QUÆ NON FACIT *fructum bonum*, excidetur, & in ignem mittetur. Haud igitur sat est, ut ne ferrum ac flammâs timere debeamus, quòd primis illis diebus aut mensibus, quibus nos ex Ægyptijs vallis ad Terræ sanctæ beatos Colles recepimus, frugi arbores visi fuerimus, nisi ceptam ubertatem novis identidem egregiæ Virtutis fructibus, paribûsque illi, quo Mundum proculcavimus, facinoribus editis prosequamur, ac conservemus.

*Omnis*

*Omnis arbor, quæ non FACIT fructum bonum, excidetur.* Adeò autem extra dubium est, veterem fœcunditatem, si quando ad eam religiosæ disciplinæ incuria, & in agendo desidiosa consequatur, non sufficere, ut vel hoc ipso nomine, quòd olim tantâ animi magnitudine fuimus, gravioribus etiam suppliciis fiamus obnoxii. Cujus rei admirabile Paradigma vicissimum primum Numerorum Caput nobis exhibet. Nunquam Deus, ut ego quidem existimo, graviori Indignatione detestatus Hebræam Gentem fuit, aut severiores ab ea pœnas exegit, quàm cum veneno flammæ conjunxit, ceu parum esset supplicij in alterutro, & ardentibus Iræ suæ prunis in initium Serpentum virus accendit; ut arderent pariter, & laniarentur, & contractâ in unum flammæ juxta & toxicæ geminâ peste, inaudito mortis genere perduelles plecterentur. *Misit Dominus IN POPULUM IGNITOS SERPENTES, ad quorum plagas, & mortes plurimorum venerunt ad Moysen, atque dixerunt: Peccavimus.* Neque hoc

*Num. 21. 6.*

## 26 VITÆ PERFECTIO FACILIS

fatīs: non solum enim violentissimā atque acerbissimā strage, quemadmodum audistis, in eos sœvitum est; verum etiam, ut grassantis per omnium capita mortis cursus sisteretur, necesse fuit, ut in ipso supplicii loco Calvarij mysteria, schemate anticipato, repræsentarentur, & Messia in Crucem olim agendi figura facta ex ære Serpente, & è stipite suspenso tantò antè adumbraretur. *Fac Serpentem æneum, & pone eum pro signo: qui percussus aspexerit eum, vivet.* Quod verò istorum tam atrox facinus, tam sacrilegam impietatem fuisse putatis, ut haud aliā morte, quàm titiōnibus in colubros conversis tollendi viderentur, nec salutem vitāque reciperent, quā Æterni Verbi è ferali Trabe suspenso sacratissimo symbolo, divināque Imagine jam tum expressā? An fortè in ea planitie impurissimorum Numinum erectis statuis insanientis populi perfidia Deum ejurarat, Religionēque superstitione mutaverat? Non sanè. At enim in Sanctuarij Ministros conjuratione factā, Tribuum Principes Aaronem ac Moysen

Sy-



Synagogæ Pontifices lapides sustulerant ? Minimè gentium. Quid autem ? numquid Circumcisionis notam non ferentes militares animi, Chananæorum, & Gezæorum sacris initiati, earum gentium Idolis thus adoleverant ? Nihil horum. Causam, ne diutius vos moretur oratio, accipite. Nescio quæ nausea & cœlestis illius cibi satietas Dei manibus tam inusitata furoris sui instrumenta extorsit, & tantam in charissimo ipsi populo stragem edidit. En vobis omnem illius iudicii rationem, & prodigiosæ illius horrendæque pœnæ originem. *Anima nostrajam* NAUSEAT SUPER CIBO ISTO LEVISSIMO. Hoc crimen: illud erat supplicium, quod continuò sacer Scriptor subiungit. QVAM OB REM *misit Dominus in populum ignitos Serpentes.* Tam gravi autem, inquis, supplicio tam leves querelæ vindicantur, & Israëlitarum agmina tantà internecione delentur ? sic est. Incredibile enim dictu est, quàm Deus superbo illo favorum suorum fastidio sit offensus, cùm isti vilissimi cibi nomine Pa-

## 28 VITÆ PERFECTIO FACILIS

nem illum Angelicum appellarent, quem nuper prodigiosi conimeatûs genus, & admirandam prorsus Annonam vocitârant.

*Quod cum vidissent Filij Israël, dixerunt ad*  
*Exod. 16. 35. invicem : Manhu, quod significat, QUID*

EST HOC? Perinde acti Deus diceret: Vah populi fæcem! Prô vilia mancipia, tamque indigna beneficiis, quàm digna suppliciis! Vos itaque Coriandrum illud pedibus conculcatis, quod paucis ante annis festo manuum plausu in cœlum ferebatis, coelestem escam & Divinum frumentum appellare soliti: Vósne autem audeatis dicere: Anima nostra jam NAUSEAT *super cibo isto* LEVISSIMO: qui quondam clamabatis: MANHU? *quid est hoc?* Nunc ego vos appello, Patres fratresque, prô quanti damni causâ idipsum Nobis quoque potest existere, quòd tantis laudibus divinam erga nos Clementiam sub prima religiosæ vitæ tempora exaltavimus, cum primis ardoribus æstuentes, & voluptatis magnitudine à sensibus quodammodò alienati, illud Divinæ Sponsæ frequenter in ore haberemus, testati Myrrham

rham à nobis cuius fragrantissimo Balsamo, & Religiosæ vestis Centones Consulum Purpuræ, regiisque Paludamentis longissimè anteferri: FASCICULUS *Myrrhæ*, in quiebamur, INTER UBERA MEA *commemorabitur*: si deinde qualiscunque austeritatis nostræ pertæsi eam, quam veluti charissimam gemmam à pectore nunquam remove oportuit, ad pedes velut ædium purgamentum abiiciamus. Caveant proinde singuli atque universi, ne Vitæ religiosæ, quâ se tam felices olim existimârunt, ut Regalibus foliis vastissimisque Imperijs contemptam vulgò irrisamque Crucis ignobilitatem præponere non dubitârint, fastidio subinde capiantur: id enim haud aliud foret, quàm cum calonibus illis vociferari: *Anima nostra jam nauseat super cibo isto levissimo*, de quo tot laudes protuleramus, & nobilissima Encomia conscripseramus. Certè par pœna parem culpam sequeretur: & cum degeneri populo nos quoque voracibus flammis cederemus in prædam. Temperare mihi hoc loco nequeo, quin, quod  
 Ju-

## 30 VITÆ PERFECTIO FACILIS

Juveni mihi contigit, vobis referam. Inter eos, qui magno numero egregiæ pietatis laude Romanam Academiâ eâ tempestate illustrabant, fuit nonnemo, qui, audiente me, ac suprà quàm dici possit, indignante, religiosam suam, & minimarum rerum observantiam, quâ sub prima Tyrocinij minutissimos Legum apices cōsectari consuevisset, joco traducere cœpit, nec sine risu commemorare, quàm acribus stimulis animus suus id temporis foderetur, cùm ad Præsidis pedes advolutus seipsum reum ageret, quòd vocem fortè tempore non suo misisset, quòd oculum temerè aliquòd conjecisset, quòd denique periodum è libro, ab Obedientia fortè non præscripto, percurrisset. Vixit is brevissimo tempore, mortemque haud quidem malam (arbitror enim Deum in hæc usque tempora à Domibus nostris id genus exitum clementissimè avertisse) sed tamen inhonoram, si causam spectes, & si modum, meritò dolendam oppetijt. Nempe infelix ille sepulchrum sibi aperuit vilissimæ placentæ esu immodico, &

in-



inter homines plus iusto edaciores post mortem relatus est, quod cum viveret, moderatè, atque è Legum præscripto ventium se numero exemit, suosque ipse ætatis primæ ardores, cœptosque cursus derisit. Discant, qui à Virtute deficiunt, amissam non reprehendere. Quodsi Manna palato nostro inter sapientiæ cupidias nimis aridet, glutiatnr nihilominus, nullà verò ratione damnetur. Cœptam cum cupiditatibus nostris pugnam prosequamur, hæc enim est militia nostra: quodsi tamè imbecillitas & ignavia mentis nos à Cruce refixisset, & exosam cum toto Calvarij monte reddidisset, tum quoque, cum ex illo descendimus, ejus fastigium proni adoremus, & radicem venerabundi deosculemur. Avertat à nobis Deus errorem tam atrocibus pœnis castigatum, ut è Thabore, in quo alium nobis vultum ac figuram aptavimus, in Gelboam transgressi, Philisthæis in prædam & mancipia cessuri, glorias nostras & præclarè gesta contemnamus, & ne principiorum nostrorum magnanima consilia de-

### 32 VITÆ PERFECTIO FACILIS

detestabili potius Ironiâ ludamus, quàm, uti par est, egregiè cœpta urgeamus. Tamen si enim risus absit, quo vetera nostra studia perstringimus, vel ipsa eorum intermissio gravissimis suppliciis obnoxios reddit. Satis superque est ad calamitatem nostram proturbandosque nos in confinia vitiorum, Virtutem detrivisse, tamen si eam cultu venerationeque prosequamur. Animos adhibete id ipsum, quod modò dicebam, demonstranti.

6. In Solymæos Circitores incidisse Dei sponsam tertium nobis Canticorum Caput memorat. Atque illa quidem per medios militum cuneos incescit, nullo neque verbo perstricta, nec affecta injutiâ. Imò locum, quo, quem quærebat, facile, repertura esset, à Centurionibus fuit edocta. *Invenerunt me Vigiles, qui custodiunt Civitatem: num quem diligit anima mea vidistis? Paululum cum pertransissem eos, inveni quem diligit anima mea.* Non ita multò post alteri denuò Cohorti occurrit, ab eâque tam barbarum in morem accepta, tam inhumaniter ornatu suo spoliata, tam

Cam. 3. 3.

tam crudeliter percussa vulneratâque est, ut manantibus sanguine membris, ipsiâque adeo contusis ossibus, vix tandem inde profugerit, & ut erat cruenta, & incul-ta, ad Solymæas Virgines se recipere co-acta fuerit. *Invenerunt me Custodes qui cir-cumeunt civitatem: percusserunt me, & vul-neraverunt me: tulerunt pallium meum mihi Custodes murorum.* Unde, quaeso, tam di-versus eorundem militum in eandem Re-ginam animus, amicus nuper, nunc ho-stilis? An fortè credendum est, eam, cum tantâ humanitate ab ijs excepta, viâmq;, quam tenere deberet, edocta fuit, arma-torum manum, & assuetam corporis cu-stodiam secum duxisse, Vigileâque sine te-lo fuisse: ac tum denique tot injurijs vul-neribûsque affectam fuisse, cum in arma-tos inermis ipsâ nullôque cincta præsidio incidisset? Fallimur. Sponsa enim cum primò iterûmque obvias Vigiliâs habuit, tam solitariè incessit, ut ne pedillèquam quidem comitem haberet, neque illæ un-quam vel hastam omiserant, vel phare-trâ humeros, ensè latus nudaverant. Quæ

Capit. 5. 7.

### 34 VITÆ PERFECTIO FACILIS

*Can. 3. 4.*

causa igitur tanti discriminis: Nempe cum Solymarū Custodes principiò compellâsset felix ille animus, Sponso certè suo tum carebat, neque tamen id temporis tantam cum illo familiaritatem sponsa contraxerat, ut præsentia illius mirum in modum recreata posset exclamare: *Tenui eum, nec dimittam.* Quo factum est, ut Æterni Verbi absentiam, cui nimirum illa nondum se totam addixerat, condonandam illi milites arbitrarentur. Secus se res habuit, cum infelix Virgo hastis transfixa, pallioque suo exuta est. Jam enim ipsi diuturna cum Deo necessitudo intercesserat; jam se illi familiari usu, ardentissimæque Charitatis officijs donaverat, propriamque dicarat: Vicissim ab eo Reginae titulos acceperat, & omnibus Cœli Virginibus prælata fuerat. Jam illum in secretum Hortum seduxerat, & unâ cum eo favos collegerat, myrrhâmq; messuerat. Jam denique pro regis suæ limine stantis vocē intellexerat: *Aperi mihi Soror mea, quia caput meum plenum est rore.* Age verò si Anima quæpiam post hæc omnia in voces ejus-



ejusmodi prorumpere audeat: Equidem fores cadentem illum audio, sed ego scilicet quiesco, & dum somnus illabatur, expecto. Ille sanè pruinâ vexatus sub Dio nocturno rore perfunditur; at si è strato consurrexero, pulvinar interim deferendum, & pedum plantis fortè etiam pulvis adhærebit: *Lavi pedes meos, quomodo in-quinabo illos?* Si has voces, inquam, Anima proferre audeat, digna profectò est, cujus corpus vulneribus concidatur, & omniornatu spoliatur. *Invenierunt me Custodes, percusserunt me, & vulneraverunt me, tulerunt pallium meum mihi.* Adeò scilicet verum est, præteritos ardores non solum Tepidis non suffragari, ut etiam magnopere oblit, novis identidem flammis eos exaggerare negligētibus. Quocirca satis non est, quòd Mentis nostræ Arbor sub illud tempus, quo rebus humanis valediximus, & Crucem amplexi fuimus, uberes fructus tulerit, nisi eodè temper nunquam imminutâ fertilitate produxerit, clamante Matthæo: *Omnis Arbor, quæ NON FACIT fructum bonum, exci-*

## 36 VITÆ PERFECTIO FACILIS

*detur.* Ut adeò necesse sit, Patres mei, siquidem procul à radicibus Arborum nostrarum avertere securim, nòsque ipsos in eo solo, in quo confiti à Deo fuimus, stabiles conservare volumus, eàdem ubertatis constantià quocunque tempore aurea poma proferamus, quàm fontes inundare campos, fecundisq; complere seminibus perseverant, secus qui faxit, & frugem ferre deserit, nil jam præter ictum & securim expectabit. *Omnis Arbor, quæ NON FACIT fructum bonum, EXCIDETUR.*

7. Atque ego quidem tam inexorabilis severitatis eam esse causam existimo, quòd quàmprimum Animus noster à studio Sanctitatis remiserit, non eo loco ubi sistit, persistat, verùm tam longè recedat, ut quo tempore in altissimum Sinai Montis verticem jamjam evasurus, alterque quidam Moyles præsentem Deum allocuturus videbatur, tam procul inde recedat, ut parum absit, quin funestos Chaldaee montes contingat, & veluti novus Balaam appareat, qui è profanis Moabitæ scopulis Diras in Electi Populi Castra

stra ritu imbris effundat. Idem ninivum  
 qui se se perficiendi curam remittit, quod  
 Naclero grandem Onerariam ab Ocea-  
 ni littore versùs Euphratis in mare ruentis  
 fauces impellit, accidere solet. Donec  
 ille velis remisque Babylonem versùs iter  
 urget, remigum industriæ Viribùsque e-  
 verberatæ procellæ, irruentisque fluminis  
 impetus cedit. Quàmprimùm verò aut  
 vela dimittuntur, aut inhihentur remi,  
 continuò Navis tanto impetu retroagitur,  
 ut vel in brevia impingat, vel in lirtus eje-  
 ctum solvatur. Idem prorsus accidere uni-  
 cuique nostrum existimate. Simul enim  
 de contentione profectus nostri remiseri-  
 mus, in scopulos, & labes nunquam an-  
 tè à nobis cognitæ incurremus, & fortè  
 ab ipso portu Perfectionis Religiosæ, quem  
 pœnè subijimus, in sæculi vortices retracti  
 famæ naufragium faciemus, Vitiis  
 omnium præda futuri. Audiamus Hiero-  
 nimum. *Quomodo*, inquit, *qui adversò*  
*flumine lembum trahit, si remiserit manus,*  
*statim retrolabitur, & fluentibus aquis duci-*  
*tur, quò non vult: sic humana conditio, si*

Lib. 3. ad 9.

Pelag. To. 17.

295.

*paululum se remisit*, DISCIT FRAGILITATEM SUAM. Quid verò ultima hæc S. Doctoris verba sibi velint, quibus sententiam absolvit, & veluti fulgure legentes percellit, sibi quisque interpret esto: Ego enim ut id exponam, pudore prohibeor. Id solum ijs, qui ardores suos ipsi restingunt, non sine ingenti corporis horrore inculco repetôque: *Humana conditio, si paululum se remisit*, DISCIT FRAGILITATEM SUAM. Tres istæ postremæ voces non absimiles sunt tribus illis Lanceis, quas in Absalomî è quercu pendentis pectus Joabus adegit: quibus qui non movetur, saxum is pro corde gerat oportet, adeoque reus illum reddidit stupidum, ut præsentem mortem, dehiscences sub pedibus suis voragines Inferis licet conterminas non expavescat. DISCIT FRAGILITATEM SUAM.

8. Id ipsum scilicet penitus intelligemus, si, ut Spiritum, quem funestum Hieronymi omen intercluserat, recipiamus, Plinium sequamur Romam in Campum Martium nos deducentem. Quere-  
ba-



# ET NECESSARIA.

39

batur Senator ampliffimus apud Batavos speluncas ftrui, in quibus muliebris cultûs mollitiæ tam fubtilia vela texerentur, ut aranearû telis levitate certarent, & pœnè aëri moverent invidiam. *Telas Arancarum*

*Lib. II. Nat.*

*Hift. c. 22.*

*To. 9. 159.*

*texunt, quæ bombycina appellantur, UT*

DENUDET FEMINAS VESTIS.

Hæc cùm diceret Vir antiqui moris, fuamque fententiam graviffimis quibusque Civium, quos Roma Orbis domitrix habebat, approbaret, confirmaretque, textilibus ijs fpuis Romanas Matronas dehonestari, obvium habuit nobiliffimorum Juvenum globum, qui texto in Oriente ferico fæviante caniculâ, veltiri confveverat. Dicit non poteft quantâ indignatione graviffimus Senex commotus fit, cùm videret per ejufmodi corruptelam tam frædè Latinum robur evirari. Amens igitur iracundiâ, Nos igitur, exclamat, Nos, qui olim vel pacis in otio callide ac loricâ tefti procedebamus in publicum, repente in feminas verfi duritiem pondûsque chalybis Bæticæ lanæ mollitiâ permutavimus, neque has quoque fât leves arbitrati à

C 4

Phry-

40 VITÆ PERFECTIO FACILIS

Lib. II. Nat.  
Hist. c. 23.

Phrygia rosa bombycina petimus: quin-  
imò, ceu tenuissimæ Orientis telæ graves  
ferro plumbôque laminæ forent, è Se-  
ptentrionalibus specubus pellucida lina  
quibus tegamur, refodimus. *Telas Ara-  
nearum texunt: nec puduit has vestes usurpa-  
re etiam viros, levitatem propter astivam.*  
IN TANTUM A LORICÀ GE-  
RENDA DISCESSERE MORES,  
UT ONERI SINT ETIAM VE-  
STES. Quàm vereor, ut tam acerba Sa-  
tyra unum alterumve nostrorum homi-  
num nonnullâ sui parte perstringat! Ut  
enim nihil dicam de laboriosissimæ vitæ  
genere, quam Primi decem Societatis  
Patres in difficillimis itineribus, in Xeno-  
dochiis inter ægrorum fastidia, in cultura  
populorum horridas rupes, & perpetuis  
obstitas nivibus Alpes, vel deserta & pe-  
stilenti aurâ infecta littora colentium, in  
victus ejusque tenuissimi & ostiatim emē-  
dicati, in vestitûs tum asperi, tum obsole-  
tiratione, in tradendis per fora & plateas  
rusticanæ plebi, ac rudi ætatulæ Religio-  
nis Christianæ Capitibus, in perpetua ex

una

una in aliam Urbem, ab uno ad alium pos-  
lum peregrinatione, regionumque pro-  
no Sole calentium cum adstrictis glaci-  
terris commutatione, in tanto demum  
dura quæque perferendi studio Primi So-  
cietatis Patres tenuerunt, ut tum denique  
vivere se ac triumphare crederent, cum  
Christi causâ mortem obirent; eamque  
omni morte infeliciorem vitam arbitra-  
rentur, quam per cruciatus profundere  
non liceret. Prætereo Manresæ specum  
carissimam S. Parenti nostro sedem, iti-  
nera in Palæstinam ab eo suscepta, con-  
tinuatos inediâ dies, nihil præter panem  
& frigidam admittente; ferreas catenas,  
quibus renes adstringere, flagra quibus  
quotidie, idque trinâ, & aliquando qui-  
nâ diverberatione nudum corpus cruen-  
tare consueverat, taceo; quinque de die-  
bus singulis horas detractas, & precibus  
impenas; litteras consanguineorum suo-  
rum, sic ut erant, obliteratas nec inspe-  
ctas flammis traditas. Nihil de plerorum-  
que Patrum nostrorum, qui primos illos  
longo intervallo secuti sunt, Paupertate,

#### 42 VITÆ PERFECTIO FACILIS

Pietate, sui afflictiandi, atque infra omnes  
 abijciendi, alienæ salutis, promptæque ad  
 omnia voluntatis præclaris studijs dico.  
 Id solum reputare vos cum animis vestris  
 jubeo, quam absurda & indigna res foret,  
 si Nos tot sanctissimorum Virorum Poste-  
 ri tam vili patriæ, Domiciliorumque in  
 quibus versamur studio teneremur, ut ali-  
 quis, nisi cum ingenti difficultate, refigi  
 se, & in aliam transferri Provinciam non  
 pateretur, seu, quod quidem incredibile  
 videtur, in eodem Collegio ex uno in ali-  
 ud Conclavi, cum res ita postulaverit,  
 demigrare aliter haud posset, quin mœro-  
 re propemodum insanabili acceptum vul-  
 nus palam testaretur. Si qui minimè  
 omnium eruditionis laude ac facultate in-  
 signes sunt, impatientes ferrent eos sibi  
 præferri, à quibus doctrinæ, generisque  
 nobilitate quàm longissimè absint: si  
 dignum Abrahamo facinus, & parem illi  
 sacrificio victimam à se dari existimaret,  
 cum ab Obedientia invitatus, noctem  
 unam pervigil ad moribundi cujuspiam  
 grabatum, propriâ neglectâ quiete, asse-  
 dit;

dit; vel communis cujuscumque relaxationis  
exorsus sua commissa fatentium gemitus  
excepit, lachrimas absterxit, vel solitæ  
refectionis tempus deducendo ad Sacra-  
ria Martyrum agmini supplicantium im-  
pendit, vel denique librum aliquem jam  
diu apud se otiosum ac supervacaneum al-  
teri, cui is magnopere necessarius est,  
commodavit. Et licet hæc probra in pau-  
cissimos cadant, cum infinitus sit eorum  
numerus, qui primævam austeritatem  
mordicus ac constantissimè retinent: co-  
gunt nos tamen vel pauculi illi non sine  
totius vultûs confusione fateri: *In tantum*  
*à Lorica gerenda DISCESSISSE MO-*  
*RES, UT ONERI SINT ETIAM*  
*VESTES.* Sed quid ego cum illis, qui æ-  
tate, Virtutéque nos antecesserunt, mo-  
res nostros compono? Nos ipsi, Nos in-  
quam, tam diversi aliquando à Nobis su-  
mus, quàm ab Occasu Ortus distat. Ec-  
quis est nostrum, qui sub ea tempora,  
quibus recens in Religiosæ Disciplinæ  
Schola, quam in Calvario nobis Christus  
aperuit, se contulerat, non expalluit, si  
fortè



44 VITÆ PERFECTIO FACILIS

fortè Patritio genere, & ad summa Societatis nostræ munia natus diceretur? Jam verò reperire forsàn aliquem erit, quem natalium suorum obscuritas offendat, pudeátq; quòd in purpura editus non fuerit, & fortè de stirpis suæ humilibus ramusculis fabulosa intignia, Tesseras adulterinas, & mendaces coronas suspendit. Nos, qui Tiaras sedèique Pontificum vitaturos jurejurando promissimus, nisi Numinis Vicarius diserto imperio ceu ferreo clavo nos ijs confixerit, nunquid non Orbis ludibrium futuri sumus, si quando Academia-  
rum nostrarum cathedras ambiremus? Nos, qui tot votis expetebamus, ne quis esset in Provincijs nostris aut tam obscurus, aut tam negligens sui, cui victûs, vestitûs, habitationis incommodis, vel paupertate cederemus; poterimûsne jam delicias non averfari, aut etiam queri poterimus, si fortè diem unum malè pasti, qualemcunque occasionem diurnum aliquod incommodum ministrarit per tritas ab Apostolis semitas progrediendi? Heu, heu! *Tant. sm à Lorica gerenda* DISCES-  
SERE

SERE MORES, *ut oneri sint etiam vestes!*  
 Repulsâ, quam patimur, licet sexcentis  
 promissionibus temperatâ perturbamur,  
 qui quondam eo solum consilio nostra vo-  
 ta promebamus, ut castigarentur, ac fru-  
 strarentur. Quælibet suspicio, ne fortè ab  
 ijs, quos Patrum loco habere debemus,  
 cõfusioneamur, aut reprehendamur, quie-  
 tem nobis excutit, quibus olim acerbissi-  
 mæ objurgationes, longè jucundissimæ  
 solebant accidere; easque solum non pro-  
 babamus, quod vel aculeatæ satis non es-  
 sent, vel domesticorum parietum angusti-  
 is pudoris nostri causâ concluderentur,  
 nec proferrentur in publicum. Videtis,  
 quò evadant, & in quantum Religiosæ  
 Disciplinæ horrorem præcèps ruant, qui  
 à Christi Cruce vel tantillum se abduci pa-  
 tiuntur? *Et oneri sint ETIAM VESTES.*

9. Sed enim tantum abest, ut hæc  
 Plinij criminationes ac maledicta me mo-  
 verent, ut stimulos ab ea manu, quæ mu-  
 tis statuis Thus adolebat, adactos, & ore  
 illo, quod flagitiosissimis hominibus Di-  
 vinitati consecratis vota fundebat, prola-  
 tam

46 VITÆ PERFECTIO FACILIS

tam Satyram risu exploderem; nisi me Jeremias terreret, qui Divino afflatus Spiritu palam edixit, Lac in picem, in sordidam Cretam Ebur, Amethystos in fragile vitrum, nivis candorem in atros carbonem commutari, si quando res ejuscemodi pretium nobilitatēque suam nō accuratissimā diligentia conservārint. Candidio-

*Thren. 4. 7. res Nazarae ejus nive, nitidiores lacte, rubicundiores ebore antiquo, Sapphiro pulchriores. Denigrata est* SUPER CARBONES *facies eorum, & non sunt cogniti in plateis.* Fuit olim, fuit tempus, cum Aloytius Gonzaga integerrimus sanctissimūque Juvenis itinera oblideret, per quæ profecturos Scholasticos nostros cognoverat, cā mente, ut ex eorum modestia singulari beatæ vitæ formam, & inchoatā quoddammodo æternæ felicitatis imaginem in animo suo describeret. Fuit, cum, simul atque aliquis hominibus nostris se junxisset, simul prioris vitæ maculas cruentis lachrimis eluere properabat. Fuit, cum filios suos parentes à Templis nostris arcerent, veriti, ne, quod accidere plerisque vide-

bant,

bant, Apostolicis Oratorum nostrorum sermonibus persuasi, rebus humanis valere jussis è seculo in Cœnobîa, & è Principum Aulis in Carthusianorum Cellas irrevocabili transfugio sese proriperent. Utrum verò hac tempestate omnes sint ejusmodi, ut sensum pietatis spectatoribus ingenerent, familiares suos ad virtutem accendant, Auditoribus, ad quos in publico verba faciunt, alas aptent, quibus se ad summa sacrorum Montium fastigia subvehant, numerus docebit eorum, quos Vitiatorum creptos Tyrannidi consecravimus Pietati. Id certum S. Parentem nostrum eam ob causam nullo singulari vestis genere Sectatores suos à ceteris Sacerdotibus discrevisse, quòd persuasum haberet, fore, ut morum sermonisque gravitas ab ijs nros distingueret, qui pari nobiscum, communi videlicet Clericis, cultu, eorundemque litterarum professione censentur. Id nimirum ille tibi de nobis promisit, & verò evenire videbat, ea, quæ vivebat, ætate, hodièque idem accidit, an verò in omnibus, id scilicet est, quod  
igno-

48 VITÆ PERFECTIO FACILIS

ignorare me fateor: dubito enim annon incuria vel curiositas aliqua nostrum quēpiam Jeremiæ lachrimis oburgationēque dignum faciat, sic ut de paucis quidem, sed tamen de uno vel altero dici non sine lachrimis queat: *Denigrata est super carbones facies eorum, & non sunt cogniti in plateis.*

10. Ictus hoc fulmine Gregorius Nazianzenus abjecto in humum vultu, luctuque incredibili oppressus, interrupta singultibus voce, lachrimisque in verba fluentibus exclamat: Cave, quisquis es, inquit, ne tibi somnum subrepere patiaris, ne somnum morti conjungas. Quāprimum enim divino amore ardere desieris, calor omnis pietatis, studiūque Virtutis adeo refrigescet, ut non modò te nulla jam vitij cuiuspiam, aut rei non omnibus numeris absolutæ umbra conterreat, verum ut licentiæ Opium plenis calicibus non aliter haurias, quàm si promissæ à Deo innocenti Adamo felicitatis flos quidam atque prægustus foret. *Demus operam,* verba sunt Nazianzeni, *ne torpescamus ad beatum: spiritu FERVEAMUS, NE*

ALIO.



ALIOQUI PAULATIM OBDORMIAMUS IN MORTEM. En, quàm non verè minùs, quàm ad terrorem incutiendum accommodatè dictum illud ab Hieronymo fuerit, cùm segnes Nauceros meminisse iussit, ad fluviorù ostia naves rapiendas esse, quàmprimùm ipsi oppositos fluctus everberare remis, & Clavo contrisq; in adversum niti destitissent. Certè si Nazianzeno credimus, quodlibet languoris, siccordæque principium humanos Animos in interitum rapit. *Spiritu ferreamus, ne paulatim obdormiamus in mortem.* Nemo vestrum est, qui periculis tam certis, tam manifestis non praefidium hoc loco imploret. Liberabo itaque fidem meam, quam vobis ipso dicendi principio obligavi, & primùm quidem ijs, qui consuetis Societatis nostræ exercitationibus comprobati, nuncupatúsque subinde Votis Cruci consecrati per humanæ litteraturæ pelagus ingredi coeperunt, auxiliarem manum porrigo. Vos itaque, si, quam vobis Virtutem peperistis, salvam vobis atq; incolumem esse vultis, auditum tanquam

*Orat. de  
mod. serv.  
To. 59. 146.*

Animi tutissimum propugnaculum præcipuâ curâ defendite. Idipsum est, quod Philo nos docet, nunquam persuadere sibi passus, ut Abelis innocentissimi adolescentis à barbaro fratre interfecti miserimum fatum ullâ miseratione prosequeretur. Hoc habet, inquit, meritòque habet, quem Caini sermo ad insolentes excursus, periculofumque à paterno Tentorio longinquitatem invitantis non terruit. Quàmprimùm enim audivit ijs se verbis compellari: *Egrediamur foras: vel, ut legunt Septuaginta Interpretes, Transeamus in campum;* debuerat vel ipso solitudinis, & latè patentium camporum nomine perturbari, pessimum Hortatorem repellere, nedum ejus sive aversioni à domestici Viridarij septis, seu curiositati, & regiones ignotas homini sub potestate patriæ etiamnum constituto parum tutas vivendi studio tam promptè obsequi. Abijt, obiit. *Noster Abel debuerat recusare in campum descendere, & provocationem contemnere inimici.* TERGIVERSARI ENIM PRÆSTAT, QUAM VINCI. Au-

*Lib. quod de-  
ter. prior.  
insid: Tô.  
107. 93.*

— dian-

diantur sanè, monet eruditus Interpres, qui nobis loquuntur, & consilia suggerunt. Verum enim verò si hoc illi agunt, ut à Rectorum nostrorū ductu nos seducant, & in apertos nullisque munimentis inclusos campos abstrahant, hostium loco habeantur; repudientur vel fratrum consilia, quæ novæ amœnitatis speciem nobis depingunt, & ex angustis castigatæ vitæ, velut ex invisis carceribus, ut erumpamus, hortantur. *Noster Abel* DEBUERAT RECUSARE IN CAMPUM *descendere*. At enim quidquid Philo sentiat, Abel per egressum illum vitam quidem, non verò vitæ Sanctitatem amiserat: Sed nos scilicet Virtutis, & fortè cum Vocatione periculum quoque salutis adhibemus, si non in odò licentiæ à religiosis hominibus alienæ hortatores non rejecerimus, verum etiam tanquam Duces ad honestas, & nullâ veritas lege delicias, atque ad Moderationem non alienam ab eo, qui animum suum Cruci Christi confixit, viam commonstrantes fuerimus profecuti.

II. Atque ità Hebræus Scriptor sen-

## 52 VITÆ PERFECTIO FACILIS

fit. At multò severior extitit alius, qui tamen longè inferiorem de Deo Mundi hujus Architecto, rebúsque æternis ac cœlestibus cognitionē habuit. Satis enim Philoni faciebat, qui licèt ad aures prava consilia admisisset, ab animo tamen excluderet. Id verò Senecæ satis non fuit, quòd Philosophiæ, hoc est, rectæ rationis, Thesaurum tam anxia curâ servandum diceret, ut mendacij lenocinijs penitus obscurdescere Virtutis studiosum juberet. Neque verò nullam hujus sui consilij, quo aurem Adulatoribus occludendam judicet, causam affert. Licèt enim verborum sonus perexiguo tempore in aure duret, at non perinde tenuis est mora, quam in animo Virtutē oppugnantium illarū sententiarum strepitus trahit. **DIUTIUS SERMO HÆRET**, *quàm auditur*. Audietis fortè degenerem quempiā ignavumq; Sordalem ita disserentem: Quisquis in Ordine religioso cadaveris instar vivit, & Præsidum arbitrio penitus se volvendum revolvendumque permittit; jacebit is semper vel insepultus in arena, quin unquam ad  
ul-

Ep. 124.

To. 9. 77.

ullum honestum munus assurgat, vel ignobili tumultu conditus, nullius unquam aspectu dignandus, omnium pedibus proteretur. Equidem ubi primum audiri cepit hic Aphorismus Christianæ Modestix tantopere adversus, nemo est eorum, qui nuper ultimum locum inter Pœnitentiæ asseclas sibi deposcebat, quin tam pestilentem doctrinam non averteret: subinde autem, cum eam iterum iterumque Animus secum retractat, tantas vires exerit, ut invisam demissionem, motumque jam olim mortuis reddat. Quo fit, ut qui paulò antè, quocunque loco a Præside depositus esset, immotus jacebat, nec soli duritiem, nec anguli angustias, nec obscuritatem situmque querebatur, movere paulatim sese, mutare locum, assurgere, suisque ingredi pedibus incipiat. Quod ego de tertio Voto, qui præcipuus Societatis nostræ Thesaurus est, dixi, vos porro de geminis alijs subjungite, quorum videlicet palmas nobis extorquent sermones eorum, qui Pudoris Angelici vel pauperum memores, vel Apostolicæ Paupertatis



## 54 VITÆ PERFECTIO FACILIS

tis haud satis tenaces esse videntur. Super his quoque Virtutibus mustant interdum aliqui, esse quidem nos Religiosos, non Anachoretas tamen, quibus nudi pedes, & è texto vimine pallium sit. Ajunt, purissimo candori non officere vel aspectûs urbanitas, vel familiarior quæpiam consuetudo. His atque similibus personatorum Serpentum sibilis excantati secundi Adami Filij in Evæ liberos se convertunt, & incautæ Matris exemplo vetitæ Arboris Ramos inflectunt, ac fructus specie quidem amœnos visuque jucundos, sed lethali succo infectos decerpunt. Eam ob rem Stoicus ad ipsas Arborum radices consistens totâ contentione vocis exclamat. Procul hinc, qui venenum timet, latet hic anguis: quisquis non Aspidis in morem malignis invitantium sibilis oblirescit, non tam hic prædâ capiet volupratis, quàm ipse iniquitatis erit præda. IDEO CLAUDENDÆ SUNT AURES MALIS VOCIBUS, & quidem PRIMIS. Nam, cùm initium fecerunt, admissæque sunt, PLUS AUDENT. Inde  
ad

*ibid.*

*ad hæc pervenitur verba.* VIRTUS ET PHILOSOPHIA VERBORUM INANIUM CREPITUS EST. Atque utinam minùs vera esset conclusio Senecæ. Quodsi autem fas esset, ei, qui Domorum nostrarum Sanctitati non à præsentibus tantùm malis, sed à futuris quoque cavere cupit, eo dicendi genere hoc loco uti, quod in eos Cætus magis conveniret, qui nihil veteris Disciplinæ retinent; imperare mihi non possem, quin eo solùm ex capite, quòd accipi omninò ejusmodi clades potest, ità dislicerem, ut quàm procul à defidis vitæ otio refugiendum, quàmque plena periculi res sit, non flagrantissimo Virtutis studio teneri, universi cognoscerent. Eò impudentiæ devenitur, ut non jam per ambages, sed palàm ac disertè Superstitionis nomine Circumspectio appelletur, fervor furor, Virtus morositas, Pœnitentia Desperatio, Divinus Amor Misanthropia, terriculamenta puerorum levium noxarum fuga; demum ignavæ mentis abjectio dicatur omnis ea veneratio, quâ honestissima

Crucis opprobria prosequimur. *Virtus & Philosophia inanum verborum crepitus est.* Quodsi omnes effata tam pestifera pro merito detestamur, omni etiam studio cavendum nobis, ne Discipulos ipsos Auditoresque praebeamus, alioquin eorum Interpretes ac Doctores paulò post futuri. *Ideò claudenda sunt aures malis vocibus,* ET QUIDEM PRIMIS. Quanto autem pudore suffunderer, si deesset mihi sacros inter Scriptores, qui tanto Stoicum efficacitate remedij vinceret, quanto ille Moyses quendam Discipulum Antidoti virtute superavit. Et Philo quidem prava loquentibus aurem ut accommodes finit, ut animum, non finit. Seneca verò, ut ne audias quidem, patitur: Ephraem denique, ut Sycophantas ejusmodi, qui Virtutem oppugnare audent, licet fucum tibi non fecerint, humi affligas, & spiritum intercludas, magnis vocibus imperat. *Imitare,* inquit, *David,* ET UNO JACTU LAPIDIS PROSTERNE ADVERSARIUM. Et certè Davidem nunquam eò deinentiæ oratio Gigantis ad-  
duxe-

*Ser. de Con-  
summ. hu-  
jus Seculi.  
Th. 30. 35.*

duxerat, ut ejurato Numine inanium  
 Deorum statuas veneraretur. At neque  
 id omnino, ut Juveni persuaderet, labo-  
 rârât Goliathus, neque arcanos cum eo  
 super hac re sermones miscuerat. Adora-  
 tores Arcæ criminari, & Immortalis Dei  
 Exercitibus ausus est insultare. *Clamabat*  
*adversum phalangas Israel.* Atque hoc satis *1. Reg. 17.8.*  
 Davidi fuit, ut fundam rotaret, lapidem  
 excuteret, irrisoris frontem feriret, humi  
 pervicacem affligeret, proprioque ipsius  
 gladio caput à cervice revelleret. Hoc  
 Davidis exemplum imitari universos E-  
 phraem jubet, qui fortè animadverterent,  
 esse in sacris Cœtibus Incircumcisum ali-  
 quem, qui pravis consilijs Religionem op-  
 pugnare, & Tabernaculi Defensoribus  
 oblatrare non dubitet. In horum frontem,  
 si quidem habent ullam, limpidissimum  
 silicem egregius tuendæ Sanctitatis ardor  
 infigat, horum capita seu publicæ objur-  
 gationis, seu arcani indicii ferro demetat:  
 cā videlicet mente, ut Cohortes ceteræ,  
 quæ Christo Imperatore gloriantur, pro  
 Religione magnis animis pugnent, Infe-

58 VITÆ PERFECTIO FACILIS

1. Reg. 17.  
26.

rosque debellent. Nam qui cū primū  
Religiōsæ Disciplinæ contrarias dici sen-  
tentias audierit, non exclamat: **QUIS**  
**EST HIC PHILISTHÆUS INCIR-**  
**CUMCISUS**, *qui exprobravit acies Dei*  
*viventis? ego vadam, & pugnabo adversus*  
*Philisthæum*: non is aut David, aut Vates,  
aut Abrahami, Christi que Filius est. Et  
quoniam absterendis male dicis, proster-  
nendis perturbatoribus verba non suffici-  
unt, magnanimitas dictis non inferiora facta  
jungenda sunt: ut idem aptari nobis possit,  
quod de Davide sacer Scriptor testatur.  
*Tulit lapidem, ET FUNDA JECIT, &*  
*percussit Philisthæum in fronte.* Quod nisi  
præstaremus, nullam Israël's Tentoria  
quietem sibi promittere possent unquam,  
neque Ephræmi dictis audientes essemus,  
qui nostris etiam in Collegijs Clasticum  
canit, nostrumque singulis atque univer-  
sis edicit, ut, si quis fortè inter innumera-  
biles, qui pro Tabernaculi custodia diu  
noctūque armati excubant, si esset, in-  
quam, vel unus, qui pravis persuasionibus  
Disciplinæ vigorem infringere, sensum-  
que



que omnium pervigilem custodiam laxare  
tentaret, cum nos opprimamus, suoque  
in sanguine volutemus. In eum ruborem  
publicis reprehensionibus, inflictisque  
supplicijs detur Goliathus ejusmodi, ut  
porrò non audeat vel caput erigere, vel  
vocem mittere, unde proborum Virtus  
detrimentum ullum pati possit. *Imitare*  
*Davidem, & uno jactu lapidis* PROSTER-  
NE ADVERSARIUM.

12. Atque hic agendi modus tenen-  
dus est Scholasticis nostris, ne conceptos  
Virtutis ardores restinguant. Illi verò,  
qui à primo, secundo, tertio semestri, quo  
se in hanc Domum contulerunt, ad per-  
fectæ Vitæ decus aspirant, si voti sui dam-  
nari volent, singulari Virtutis amore inar-  
descant, magnoque animo se ad ejus exer-  
citationes accingant, oportet, non quòd  
Præsides in speculis sint, intentosque in  
progressum suum oculos habeant, sed  
quòd ità secum ipsi constituerint, pro se  
quisque sibi, licet omnes, qui pro Christi  
Arcibus excubant, oppressi somno inob-  
servatas actiones suas transmitterent, Dux  
Re-

# 60 VITÆ PERFECTIO FACILIS

Psal. 12.

ReCTORque futurus, & Legum nostrarum freno cupiditatum propensionumque suarum tumultus cohibiturus. Cùmque David ipso Psalmorum suorum exordio veros Dei Servos transitis Arboribus comparaverit, *Et erit, inquiens, tanquam lignum quod plantatum est*, seu ut legunt multi, *quod transplantatum est secus decursus aquarum*: necesse est, ut is, qui tantæ felicitatis amore, qualis nimirum est, è sterilibus sæculi arenis in sacrorum Ordinum terras melle lactèque fluentes traduci, Sanctitatem sibi præstituit, id exequatur, quod hortorum nostrorum stirpibus evenire deprehendit. Arbor omnis vel in domesticis seminarijs sylvestris nascitur. Huic verò natalium infelicitati Olitoris industria frugiferarum Arborum insitione medetur. Et surculus quidem, quem inoculant, adeò tenuis est, ut oculorum pœnè aciem effugiat. Eum tamen tantâ benevolentia Truncus amplectitur, tantâque sedulitate fovet ac nutrit, ut in ejus naturam totum se quodammodo convertat. Parùm dixi. Quippè, quod animadver-

ten-

tendum præcipuè est nobis, tametsi Cerasus aut Pyrus, è quibus insitius ille surculus avulsus est, exaruerit, aut à flammis consumptus sit, non ideò tamen receptus & civitate quodammodo donatus Truncus producere fructus cessat: sed neque si mortem obeat, qui adscititio ramo fecunditatis ipsi munus contulit, folium ullum aut frondem amittit, eundemque virorem ac vigorem seu Arbore in cineres redactâ, seu Cultore è vivis sublato, conservat, & vel cerasâ vel pyra producit. En vobis, religiosæ Sanctitatis Tyrones, legitimam forinam, ad quam vitæ vestræ rationes exigatis. Evangelica Ductorum vestrorum monita reverenter excipite. Ea subinde tam arcto complexu pectoribus vestris adstringite, ut licet ille, à quo rectè vivendi præcepta didicistis, contraria dictis facta repræsentaret, penitusque à Virtute non ille solùm, verùm etiam, quod quidem fieri nequit, omnis ille sacer Ordo, cui vos consecrastis, deficeret, & ex Apostolicorum hominum Societate in Academicorum pietate carentium & otiosorum,

62 VITÆ PERFECTIO FACILIS

rum, sibi que, neglectâ omni salutis alienæ curâ, vacantium Virorum Cœtum abiret, vos tamen nihilo secius integritate morum florere, ac eodem semper ardore mentis fulgere possitis. Id certè in Sichare Oppido videre licuit, cujus Cives cum è Samaritana Messia in fines suos adventu edocti fuissent, Servatori honoris causâ obviam egressi adeò divinisimo ejus aspectu ac sermone capti sunt, ut Mulieri palam planèque confirmarent, coli adorari que à se humanati Verbi Divinitatem, non quidem, quòd ejus rei testem auctoremque ipsam haberent, sed quòd, comprobata oculis suis veritate, spontè Reparatorem Animorum Orbisque Magistrum, quacunque ire juberet, prosequi cum animis suis statuissent. *Multo plures crediderunt in eum propter sermonem ejus. Et mulieri dicebant, quia jam NON PROPTER TUAM LOQUELAM CREDIMUS: IPSI ENIM andivimus, & SCIMUS, quia hic est verè Salvator Mundi. Atque hoc est, succo suo vivere, & Davidicæ Turri, è qua subinde mille Clypeos suspen-*

JOH. 4. 41.

pendamus, adversus omnes impetus seu pravorum exemplorum, seu consiliorum non optimorum praesidium futuros, solida fundamenta praestruere. Cupio sane ut Magistrorum nostrorum dicta velut Oracula excipiamus; at volo pariter, ut secundum eam religiosarum praeparationum auscultationem ipsi Nos ad scandendum Horebi verticem urgeamus, praesentem Deum coram allocuturi, & exardentis Rubi flammis ea monita capturi, quibus ad flagellandam Aegyptum, submergendumque Pharaonem accendamus.

13. Possūne autem plus justo à Dei filijs exigere videri, cum id ab eis requiro, quod stupidissima Philisthaeorum armenta praestiterunt: simul ac afflictissimarum Gentium Principes aurato in Curru Dei Arcam collocavere, simul Boves nullis neque Aurigarum stimulis subactae, neque manibus pertractae rectum cursum ad eum locum intenderunt, cui Sacriarii illud, acta de Praedatoribus suis praedae spoliisque hostium nobile, Deus destinaverat, nihil seu vitulorum mugitus, seu riden-



#### 64 VITÆ PERFECTIO FACILIS

dentium latè pratorum virorem moratæ.  
*Tollentes duas vaccas, quæ lactabant vitulos,*  
 4. Reg. 6. 10. **JUNXERUNT AD PLAUSTRUM.**  
 Equidem, dum Idolorum Cultores cur-  
 rum ornarent, depositoque in eo supremi  
 Numinis Throno dedicarent, immotæ  
 in eodem vestigio constiterant: vix autem  
 machinæ puppim Arca occupaverat, cum  
 iter ingressæ haud segniùs quàm quatuor  
 illa Ezechielis animalia sacrum Onus ad  
 Bethsamitarum usque confinia depottä-  
 runt. *Posuerunt Arcam Dei super plaustrum.*  
**IBANT AUTEM IN DIRECTUM**  
**VACCÆ** *per viam, qua ducit Bethsames,*  
*& itinere uno gradiabantur pergentes & mu-*  
*gientes:* **ET NON DECLINABANT**  
*neque ad dexteram, neque ad sinistram.* Sic  
 agat, quisquis recens in Dei servitutem  
 transcriptus est, si quidem in dedicatis illi  
 sedibus aliam à priore induere formam cu-  
 pit, seseque in Virtutis exemplar, & in  
 Cherubinum convertere amat, qui olim  
 divini Verbi gladio armatus Paradisi nostri  
 delicias defendat. E Ducis sui manibus  
 arma quibus pugnet, accipiat: & conti-  
 nuò

quò in arenam profiliat, suòque Marte ad Sanctitatis metas procurrat. Festinet; sed stimulo non adactus: non exorbitet, neque ab ea, quam ingressus est, semita iter detorqueat, licet fortè natura reluctetur, & remugiant cupiditates. Eat, quà ire cœpit; sed trahentis manum non requirat. Verbo, traditarum sibi præceptionum ipse sibi Magister fiat, neque aliam suà in Terram sanctam professionis causam habeat, præter Arcam Testamenti fidei suæ commissam. *Posuerunt ARCAM Dei super plaustrum: IBANT autem in directum Vacca.*

14. Ne verò tam abjectis vocibus, symbolisque à præcepto mutuatis Orationi finem imponamus, ex Ethnicorum stabulis ad Templi cortinam transgressi, sacri Thymiamatis fragrantia illorum graveolentiam emendemus. Spectandum illic se nobis offert Samuel etiamnum puer in Altaris obsequio, & proposito sanctitatis, quæ dignum Tabernaculi ministrum deceret, tam firmus & constans, ut licet pallim in oculos incurrerent nefaria flagi-

*Pars IV.*

E

ti-

66 VITÆ PERFECTIO FACILIS

tia, quibus tota Pontificis Aula inquinabatur, & vel maxime præcipuorum duorum Synagogæ Sacerdotum Ophni ac Phinees palam Hostias contaminantium, & alienam pudicitiam expugnantium indignis facinoribus, totoque Cælo ab omni Ecclesiastica Domo remotis, diu noctique oblideretur, adeò purum intaminatumque se, tantamque sacræ Disciplinae observantiam conservârit, quam si ad eum diem cœlesti in regia inter Angelos versatus fuisset, illique templo non exauctorati Pontificis impij Filij, sed Moyses Aarónque moderarentur. *Erat ergo*

*Reg. 2. 17.* *peccatum puerorum grande nimis coram Domino, quia retraherent homines à Sacrificio Domini. Quæ licet ita se haberent, subiungit tamen divinus Scriptor: SAMUEL AUTEM MINISTRABAT ANTE FACIEM DOMINI, puer accinctus Ephod lineo. Itaque, cum talia ac tam fœda flagitia, quæ vel profanis in lustris ignorabantur, in consecratis Divinæ Majestati sedibus perpetrarentur, inventus est puer, qui, quamvis esset infirmâ atate*

re

ce, non solum à virtute latum unguem dimotus non est, verum eam confirmavit etiam, atque mitis incrementis exaggeravit. Non se ab ea domo, quam publicæ rapinæ, clandestinæque libidines infamarent, proripuit: non ita secum ratiocinatus est. Equidem longè majori religione, majorique Virtutis quæstu in Patris mei ædibus sub Matris meæ ductu, inter sacrorum Vatum Oracula & Cantica, quàm hoc loco, tot obversantibus undique atrocissimorum scelerum, & perpetuorum sacrilegiorum funestis imaginibus cum nulla vel certè perexigua Sanctitatis adipiscendæ spe vitam exegillem. Satiùs proinde fuerit, ut ex hoc loco, non jam Dei Sacrario, sed publica scelerum omnium Palæstra, in qua tantò foediùs peccatur, quantò in ipso Arcæ conspectu, interque sacri Thuris odores impudentiùs flagitia fiunt, me quantocyùs eò, unde veni, recipiana. At nihil horum intrepidus Adolescentens cogitavit unquam, quin potiùs maternarum juxta præceptionum, & Sacerdotalium cærimoniarum unice memor,

observantique, totum se Arae ministerio impendit, parum sollicitus, an ij, ad quos Victimarum cura spectabat, ritè, an secùs, sua munera obirent. ERAT PECCATUM PUERORUM GRANDE: nihilo tamen minùs SAMUEL MINISTRABAT *ante faciem Domini*, puer accinctus Ephod lineo. Quæ verba expendens D. Gregorius, animadvertit, geminis, iisque nobilissimis ornamentis inclaruisse pueri Samuelis innocentiam: ac primum quidem, quòd in tanta Sodalium impudentique licentia, ipse velut puerilibus etiamnum fascijs involutus adstrictusque, visus sit, & cùm Deum tam gravibus injurijs affici holocaustisque per ingens sacrilegium frustrari videret, functiones internum suas provinciàmque non intermisit.


*Libr. 2. in 1. Reg.*  
*Tom. 25. 26.* Itaque Ephod lineo accinctus, & in conspectu esse Domini perhibetur. Subinde verò, id quod primis ardoribus nostris in eodem semper Virtutis studio sponte nostrà perseverandi maximam necessitatem imponit, quòd suos ipse renes Levitico lino adstringere semper consueverit adolescens

san-



sanctissimus. PUER ACCINCTUS  
*Ephod lenco.* Perinde ac si diceret: Vincu-  
 la illa, quibus, cum primum Deo conse-  
 craretur, adstrictus fuerit, tam chara sibi  
 esse, ut nunquam ea vel deponere, vel  
 laxare velit dum vivat. Et verò tam gran-  
 dis Animæ sermone universos hujus Do-  
 mûs alumnos, omnésque Collegiorum  
 nostrorum Scholasticos uti oportebit, si  
 paria cum Sanctis illis Cœlitibus, quorum  
 hodie trophæa recolimus, Sanctitatis re-  
 ferre præmia concupiscunt. Quòd si dein-  
 de Juvenes nostri, tum ij, qui Crucis se ali-  
 quantò prius consecrârunt, pravis consili-  
 js aures, tum, qui recens in hanc militiam  
 adscripti sunt, exemplis non optimis ocu-  
 los ocluserint, utrique verò eam vitæ  
 perfectionem consequi studuerint, quæ  
 nostræ Societatis hominibus tam facilis,  
 & universis, qui se à Mundi contagione  
 secreteverunt, tam est necessaria, quondam  
 & ipsi inter beatas cœlestium Principum  
 cohortes numerabuntur, quas adoramus,  
 & ipsi quoque in gaudiorum & gloriæ  
 partem venient, cum eorum etiam hono-

70 TYRONES NON SEGNITER  
ri Posterii nostri accinent : GAUDEA-  
MUS *omnes in Domino, diem festum cele-*  
*brantes sub honore* SANCTORUM O-  
MNIUM. Ità voveo.



## EXHORTATIO

XXXVIII.

Pridie Nativitatis S. Joannis  
Baptistæ.

Replebitur Spiritu Sancto adhuc ex  
utero Matris suæ : & multos fi-  
liorum Israël convertet ad Domi-  
num Deum ipsorum.

Luc. 1.



*Eteres solitaria Vita  
Magistri omnibus, qui sub  
prima Religiosi Tyrocinijs  
tempora non arderent, iners Senium,  
et atemque universam otio marcentem,  
ac nullâ Virtutis excellentiâ insignem*  
omi-

ominari consueverunt. Eam ipsam doctrinam confirmat, quod in caelesti Hierosolyma pretiosiora plateis fundamenta memorantur. Eam ob causam Christus non Arborum, paulatim scilicet diuque in fructibus suis proferendis laborantium, sed Lucis, se totam momento temporis locis omnibus simul ac orta est, diffundentis nomine nos appellat. Ità Paulus primo statim Conversionis suae tempore Sanctus exiit. Ità Symbola Vitiorum Colossi Babylonici membra uno ictu percussa videri desierunt. Ità Christianis pro lacte absinthium; manansque è vulneribus Seruatoris cruor propinatus est. Subinde quemadmodum flores primo erumpentes vere copiosos sub Autumnum fructus promittunt: ità nisi sacrorum Ordinum novitij Alumni

72 TYRONES NON SEGNI<sup>TER</sup>

*præclara Virtutū Heroicarum facinora  
edant, nihil egregiè ab illis, cūm ado-  
le-verint, polliceri nobis possumus.  
In nostris verò Tyronibus eò minùs  
teporem desidiàmque excusare possis,  
quò pluribus ad Virtutem stimulis, co-  
piofioribus incitantur exemplis, quò  
mitior austeritatis ratio ijs adhibetur,  
& quedam quasi comparande Sancti-  
tatis necessitas incumbit.*

15. **N**ON possunt non omnib<sup>9</sup>, qui de  
Societate JESU sumus, non ju-  
cundissimi accidere plausus illi,  
quibus Joannem Baptistam Christi Pro-  
dromum verba facientem Palaestina ex-  
cepit. Numerosissima non solum, sed in-  
numerabilis planèque incredibilis, nisi Re-  
ligio fidem adstrueret, concio erat, quæ  
Viro illi mortalium omnium maximo fre-  
quentiam faciebat. Ad eum audiendum  
ex Urbibus atque provincijs totæ Gentes  
agminatim, inagnorum instar exercituum,  
con-

convolabant. *Tunc exibat ad eum*, inquit  
 Matthæus OMNIS Hierosolyma, & OMNIS *Match. 3. 1.*  
 Judæa: & OMNIS Regio circa Iordanem, & confitentes peccata sua baptizabantur ab eo in Iordane. Et verò non minor  
 populorum veneratio, quàm Baptistæ dignitas fuit. Cum enim omni esset virtutum genere clarissimus, universæ regionis illius animos oculosque in sese convertit, parèmq; Sanctitatis suæ cultum promeritus est. Patriam, parentisque reliquerat, delicias vitæque humanæ commoda rejecerat, nemus Urbe, herbas epulis, cilicium veste mutaverat: feroces militum animos cicurârat, Phariseos erudierat, Sacerdotes informârat, improbos homines correxerat, principes Viros liberis vocibus admonuerat; carcerem subinde, ac vincula tulit, vitæmq; pro pudicitia posuit, quodque hæc omnia longissimè superat, accedentem ad pedes suos Messiam, & Baptismum à se flagitantem vidit, & delatos sibi honores, Messiaque Gentisque Hebrææ Servatoris titulos inaudita magnitudine animi aversatus



## 74 TYRONES NON SEGNITER

tus est. Et ad hoc quidem auctoritatis gloriaeque fastigium Joannes sub ultimos ætatis suæ annos, idcò potissimum evectus fuit, quia primis statim Vitæ suæ temporibus, excusso peccati iugo, & cœlesti repletus Gratiâ in lucem prodijt, antè sanctus, quàm natus. *Replebitur SPIRITU Sancto ADHUC EX UTERO MATRIS SUÆ, & multos filiorum Israël convertet ad Dominum Deum ipsorum.* Quoddli ergò consecrare Provincias, Gentisque integras Religioni Sanctitatique subicere optamus, Joannem imitemur oportet, qui prius Divino se Spiritu implevit, quàm materno ex utero progrediretur. Noster erit, nostròque arbitrio temperabitur Orbis Terrarum, si primo statim Conversionis nostræ tempore ita nos rotos Deo tradiderimus, ut de quolibet nostrum illud quoque edi possit Oraculum. **REPLEBITUR SPIRITU SANCTO adhuc ex utero Matris sue.** Atque ego quidem magnopere cuperem, ut hujus, quam dicebam, plenissimæ absolutissimæq; Virtutis amore, & paribus Animorum studijs

dijs præfens Oratio mea inflammaret Ty-  
 rones omnes Societatis nostræ, cui perficienda Veterani omnes, qui singulari Dei beneficio in hac Domo versamur, allaboramus. Ajo igitur de Sanctitate Novitiorum Christi Servorum conclamatum esse, nisi altissima Virtutis fundamenta primis statim Probationis mensibus jecerint: Illis verò, quibus sub ipsum biennij exordium egregio ardore pectus incaluerit, eos in Virtute progressus, mirandaque prorsus incrementa Sanctitatis auguror, quæ satis sint ad non pauciores populos, quàm Joannes pietati redonaverit, ad frugem reducendos. Et verò prædictioni respondebit eventus, si hinc quidem, qui recens hoc vivendi genus auspicati sunt, luculenter asserint, illinc verò Veterani milites, qui jam aliquousque progressi sunt, odoratam Religiosorum Exemplorum materiam illorum flammis ministrare studuerint. Et hoc quidem in postrema meæ allocutionis parte paucis indicabo; nunc verò id agam, ut nuper admissis severam illam legem exponam, quæ jubentur in ipso

## 76 TYRONES NON SEGNITER

ipso religiosæ vitæ limine seipsos perfectos, numerisque omnibus absolutos præstare, cum sanctum in senectute futurum, qui cum Joanne non sanctam quoque pueritiam habuerit, sperare nemo possit.

16. Quanta necessitas Tyronibus incumberet primo quoque tempore à suo in Religiosas Domos ingressu se totos ad sanctioris vitæ normam fingendi, nunquam magis exploratum habui, quam cum apud Climachū funestos illos exitus legi, quos ijs, qui modicis initijs contenti nihil magnum, nihil eximium spirant, ominari non dubitavit. Igitur magnis vocibus Cœnobij sui, quod in Sinæo Monte moderabatur, claustra personans, O nos miseros, inquebat, si hos intra parietes adolecentes admiserimus, qui citiùs pœnè ab opere manum retrahant, quàm admo-verint, & in ipso in stadium ingressu lassati ad quietem potiùs quàm ad metam aspirent: ijdè verò multò misèriores erunt, si huc se conferent, ut proprias quidem cupiditates, quà libebit, debellent, sed interim nullà hostilis cruoris siti accensi

pri-

prius canant receptui, quàm pugnandi  
 signum proponatur. Equidem nili tam  
 ignavis animis jam nunc exequias adorna-  
 mus, spiritualis conflictus naturam peni-  
 tus ignoramus. *Odiolum sanè*, ait Clima-  
 chus, PERICULIQUE PLENISSI-  
 MUM EST, *in ipso conflictus congressu*  
 LASSESCERE *luctantem*. EST ENIM  
 FUTURÆ NECIS ARGUMEN-  
 TUM NON OBSCURUM. *Erit no-*  
*bis omnino perutile, forte, & validum re-*  
*nunciationis initium arripere.* Potèstne au-  
 tem luculentius quidquam, & ad injici-  
 endum ijs terrorem accommodatius dici,  
 qui Crucis Vexilla secuti non primum in-  
 ter Crucifixos locum animo præceperunt?  
 Sanè plusquàm dici queat, necessaria est  
 omnibus, qui ad Calvarium montem pro-  
 prius accedunt, hæc cellitudo mentis: E-  
 primis quippe passibus, quibus in jugum  
 adicenditur, conjectura fit, quos quique  
 saltus sit daturus, cum in Crucis, quam  
 Mundi totius impendio sibi comparavit,  
 conspectum venerit. Si enim ad radices  
 Montis exultat, volabit in fastigio: atqui  
 nul-

Grad. 1.  
 To. 48. 3.

78 TYRONES NON SEGNITER

nulla spes est, egregias unquam Operas nobis obventuras, nisi Tyrones impigros strenuóque formaverimus.

17. Etverò Divinæ Sapientiæ placuit, quod demonstrare aggredimur, planum nobis facere, cùm ocelestem Civitatem Beatarum mentium regiam delinearet. Propositâ igitur futuræ Urbis Ichnographiâ, solæ solidæq; gemmæ in fundamenta demissæ fuere. *Fundamentum muri Civitatis* OMNI LAPIDE PRETIOSO ORNATUM. Porro ne quis putaret, Uniones illos mœnium fundamentis pro tectorio duntaxat fuisse, quemadmodum apud nos Tophi ac Silices, qui parietem componunt, secti Achatidis, lapidisque stellati tenuissimis lamellis exornantur, ut ab hac inquam, opinione nos facer Scriptor abduceret, totam, quanta quanta erat, latitudinem fossæ Amethystis ac Carbunculis expletam stipatamq; fuisse testatur. *Fundamentum primum Iaspis, secundum Saphirus, tertium Chalcedonium, quartum Smaragdus, &c, ut, quæ sequuntur, omittam, duodecesimum Amethystus:*



*Sus*: in hunc modum substructione factâ, cætera moles in Cryſtallum & aurum deſinebat. Quis verò non videt hac cœleſtis Architectonicæ formâ Religioſarum Ædium ſtructurâ adumbrari, Religioſos que Viros admoneri, multò majus in ſoliditate perfectioneque fundamentorum, quàm in propylæi majeſtate, & conclavium amplitudine, ordineque momentum eſſe? Nempè qui parietibus Jaſpides & Adamantas ſuppoſuit, ſatis oſtendit, Apoſtolicæ Sanctitatis molem educere volentibus, plus laboris indiſtriæque ab ijs poſtulari, qui opus inchoant, quàm qui ceptum ad finem perducunt. Quòdſi autem requirat aliquis, ecurr tantum à Tyronibus, & qui nuper ad nos acceſſerunt, ſtudium, tantàmque Virtutis omnis affluentiam exigam; ajo, idem Joanni ſub primos vitæ dies contigiffè. Adducor proinde, ut credam, eo planè modo Apoſtolos alienæ ſaluti deſtinatos in Evangelicam vitam naſci oportere, quo Servatoris Tubam Præcurſoremque editum in lucem fuiſſè legitimus. Quemadmodum enim

## 80 TYRONES NON SEGNI-TER

enim Joannes utrumque parentem Spiritu sancto, quo erat plenissimus, replevit, atque alterius quidem viscera priusquam nasceretur consecravit, alterius verò linguam statim ac natus est ad vaticinia erudit, planè ut in cunis vagiens etiamnum Genitoribus suis Virtutis Magister efficeretur, suâque illos sanctitate imbueret: ita par est eos, qui hanc domum tanquam alteras cunas sortiti sunt, eâ integritate morum, omnisque vitæ perfectione conspicuos esse, ut è vasto ardorum suorum incendio non minorem divinorum sensuum copiam ad Veteranos transmittant, quàm in Elisabetham & Zachariam Joannes puer transfuderit. Neque hanc illis necessitatem solum prodigiosi Infantis, quod attulimus, Paradigma imponit: requirit hoc ipsa spiritualis Infantiae natura, ut quæ præ omni alia piè viventium ætate singulari virtute opus habet. Veteranis quidem longa religionis servitutis assuetudo Mundi rerumque caducarum imagines è memoria delevit: cupiditates roties edomitæ vel nullæ in ijs, vel, si quæ sunt, vin-

vinculis constrictæ jacent. Virtutes diuturnâ exercitatione confirmatæ in id robur apud cos adolevère, ut nullo unquam tempore ex eorum animis evelli posse videantur. Jam verò sacra volumina toties lecta & relecta, Evangelica monita nunquam non opere expleta, cogitationes in æternitatem defixæ, Crux nunquam ab amplexu dimissa, Deus ipse omni amore atque obsequio cultus, animus toto mundo superior, cæque omnia tam longâ annorum serie, usque perpetuo confirmata tantum Virtuti præsidium parant, ut præclara consilia, quæ in divinarum rerum contemplatione susceperunt, ac subinde fortiter administravère, immota persistant, nullis unquam adversitatibus cessura. Id totum scilicet Tyronibus deest, contra quos Mundi castra nuper admodum deserta stant etiamnum ex adverso; quos collato pede cominus impugnant parentum ac consanguineorum amor, Patriæ dulcis memoria, voluptatum veteres amicitiae, paternæ domus affluentia ac nobilitas, sensuum illecebræ, cupidi-

## 82 TYRONES NON SEGNITER

tates, pravique habitus animi, quorum vim neque sui vincendi studium adhuc infregit, neque frequens pugna debilitavit. Quo fit, ut, cum Christi novus miles inimicos habeat, & ob veterum deliciarum memoriam proximiores, & ob imaginum menti suae impressarum varietatem numerosiores, & ob inolitam cum hujus seculi rebus, quarum vehementiam olim vel concussum, vel etiam eversum se meminit, consuetudinem robustiores, nemo non videt, quanto potentioribus armis muniendus sit novitius Mundi transfuga, ut neque hostibus tergum neque manum præbere vinculis debeat. Quamobrem neque Climacho querelas vanus timor sed matura prudentia expressit, neque profusionis fuit, sed necessitatis, cælesti Civitati tam pretiosa fundamenta subjecisse, neque demum supervacanea illa Dei dona fuere, quæ ille Joanni contulit, atque ipse materno etiamnum clausus in utero pluribus incrementis auxit. Ite jam, ac dicite, nonnullam Virtutis remissionem condonari Tyronibus posse, ob eam vide-

delicet spem, quòd is, qui nondum in Apostolum formatus sit, paulatim ac cum tempore sit affecuturus, quod nondum tenet. Itàne verò paulatim, inquis? dic autem, quænam illa Davidis oratio fuit, cum Dei Servos in Evangelicæ perfectionis stadio cursū ineuntes describit. Quid? nōne Gigantes illos appellat vel in fascijs, similémque cum Deo quem sequerentur tenere cursū ait, qui videlicet *Ex ultioit ps. 18. 6* *ut Gigas ad currendam viam?* An autem hoc Gigantis nomen in Joannem convenire obicuriū est, qui vixdum formatus in utero, Divino Spiritu non tinctus modò, ut ita dicam, sed planè mundatus est, ejusque vivum quoddam Tempium fuit. Quid? An spes tam longas inchoare Christus Apostolis suis concessit? Hoc igitur videamus.

18. Exegit ille ab ijs, qui salutem humanam unà secum promoverè vellent, ut à paternis ædibus eà alacritate se propere-  
rent, eaque animi promptitudine ad sacrum Crenaculum proficiscerentur, ut orientis Solis, Orbémque collustrantis



## 84 TYRONES NON SEGNITER

imaginem referre viderentur. *Vos estis LUX mundi.* Nempe nascitura arbor jacto semine terræ commendatur, tum frondet, ac se humo attollit, deinceps explicat sese: flores fructibus præmittit, ac coloni spem totâ hyeme, vere, atque æstate differt. At vero lux tota simul numerisque omnibus absoluta nascitur, nec ullam primordiorum tenuitatem progressusque tarditatem sentit. *Omnia simul profudisti* (verba sunt Plinij Trajanum laudantis) & **VELUT DIES** *non parte aliquâ, SED TOTUS, ET STATIM, nec uni aut alteri, sed omnibus in commune profertur.* En tibi legitimam descriptionem ejus, qui meliorem vitam auspicatur. Deleat ex animo omnem Arboris, licet illa Vitæ arbor esset, imaginem, ob eam tarditatem, quam stirpes ejusmodi requirunt, ut floreat, ac crescant. Cœli potius lumina suspiciat; quæ nunquam nisi planè perfecta videntur, ac momento, quantum in ipsis est, subjectis sibi corporibus vim suam radioque impertijunt. *Non uni aut alteri, sed omnibus in commune profertur.* Hoc  
fu-

*Paneg. ad  
Trajan.  
Co. 10. 55.*

supernorum siderum paradigmate Solis nomen abrogatur ijs omnibus, qui per intervalla relucet, & pedetentim quodammodò emicant. Quippe qui nunc unicuique Legi parent, plures alias convellunt; jam Virtutem aliquam amplectuntur, negligunt multas; modò alacres & prompti, remissi subinde ac segnes: interdum ærunnas sitire se profitentur, ac paulò post omnem cruciatûs cuiuscunq; umbram expavescunt. Non est hoc, non est Diei, quæ momento tota atque ubique illucescit, Ortum nobis repræsentare.

19. Ab hac porrò lucem latè ac momento spargendi necessitate exire nullâ ratione possunt hujus Domûs Alumni; ea enim est tum jugi hujus suavitas, tum consuetudinum, quibus hîc vivitur, moderatio, ut nullam possit excusationem obtendere, qui non omnibus sese attemperat. Anachoretis quidem & nemorum habitatoribus, tametsi magno Virtutis studio teneantur, vestis asperitas, tenuitas victûs, lecti durities, precum assiduitas, laboris difficultas atque contentio, rigor

## 86 TYRONES NON SEGNITER

silentij, carnificina sensuum, jejuniorum  
 austeritas, Claustrij custodia, silvæ hor-  
 ror, tugurij angustia, solitudinis squalor,  
 pedum nuditas, aliâque id genus sexcen-  
 ta possunt forsân tam difficile id vitæ ge-  
 nus reddere, ut principio quidem unus &  
 alter vel titubet aliquantùm, vel etiam de  
 constantia deiiciatur. Iis verò qui in hac  
 Domo vivunt, in qua imperij summa leni-  
 tas, Instituti ratio, vitæ tenor nihil ab hu-  
 mano more abhorrens, afflictationes cor-  
 poris moderatæ, & ad prudentiæ leges  
 exactæ, Præsidum benignitas singularis,  
 animorum cultura perculgens, Sodalium  
 ad eandem Virtutem aspirantium concor-  
 dia, Exempli optimi fragrantia, piorum  
 sermonum ardor, lac doctrinæ, Religiosi  
 Vocatûs cœlestia munera omnem defen-  
 sionis locum præcludunt, eûmque, qui  
 in Virtute non proficit, & inter tot flami-  
 mas non ardet, nè proficere quidem atque  
 inflammari posse demonstrant. Quis enim  
 Societati hanc à se vitæ perfectionem pri-  
 mo statim tempore requirenti negare po-  
 test? dum hinc quidem à filiis suis summinā

in

AD SANCT. GRADIENTUR. 87

in refrenandis animi perturbationibus, in afflictando verò corpore temperatam, nec majorem quàm vel necessitas postulet, vel vires ferant, severitatem ac vehementiam postulat. Quid si incruentâ virtute contenta satîs habet, si floreat innocentia, tametsi nullis spinis interpungatur: Quid si Nos Deo quàm conjunctissimos, & cum Paulo in tertium usque cœlum sublato videre quidem cupit, sed secedere à corpore, omnemque ejus curam omittere non itidem jubet? Maturitatem frugis à nobis, sed suavissimorum desideriorum Vere quodam temperatam requirit. Fructus exigit, operumque proventus, sed quos liberalis animi Autumnus proferat. Virtutem numeris omnibus absolutam à nobis expectat, sed quæ neque vulneribus, neque vigilijs, neque vitâ simillimâ morti nobis comparanda sit. Quid multa? tanquam Victorijs Lauream imponit, licet neque gladio sensus nostros vastemus, neque malleis ossa tundamus; Sanctitatis palmam largitur, sed vitam interim indulget; mortificationem non mortem, pie-

# 88 TYRONES NON SEGNITER

tatis denique suaveolentiam, nullâ tamen carbonum violentiâ fumantem commendat. Quemadmodum igitur multos Anachoretarum reperias, quibus austeritas Disciplinæ possit eas querelas exprimere, quas apud Augustinum à duobus Cæsaribus familiaribus Aulæ tædio effusas leges: *Per quot pericula pervenitur ad grandius periculum!* Itâ quilibet Alumnus noster, si, quali ambrosiâ pascatur, expendat, id ipsum quod ex ijs alter intulit, subungere potest: *Amicus autem Dei si voluero, ecce nunc fio.* Sic est profectò; quippe, ut in hac Societate Primogenitus sis in multis fratribus, satis est inagno constantique animo tecum statuas, te, quicquid hæc tua Mater à te postulaverit, seriò, accuratèque perfecturum. *Filius autem Societatis, si voluero, nunc fio.*

20. Et profectò quisquis hos ad Virtutem animos, & alacritatem ejusmodi non affert, haud levem suspicandi ansam præbet, fore, ut in Societate instar corporis mortalis, infinitis miserijs subjecti succrescat, procúlque ablit ab ea dignitate,



te, quæ Animæ quippe immortalī, & inviolabili propria est. Et verò humani corporis membra tam lentè formantur, ut principio alterum ab altero dignosci nullâ ratione queat, nihilque præter confusam molem, & informem massam appareat, particularibus, ut ajunt, formis malè sustentatam. Diversa omnia in Anima contingunt. Hæc enim utpote Numinis Filia simul ac est, vivit, omnesque fœtus partes animat sola. Ad hunc modum, qui perfectæ, numerisque omnibus absolutæ formæ instar habet, non diu luctatur, ac comparat se se; sed momento existit. Nempe formarum accidentiarum, quæque corruptrices dicuntur, hoc proprium est, ut habeant difficultates, quas vincant, & non nisi temporis successu, multaque vi locum, per quem se corpora explicent, obtineant. Hinc se metiatur oportet, qui toto biennio vix aliquid promovet. Certè, qui tam lentè formatur, atque perficitur, non Animus is mihi, sed Animal videtur. Huc facit, quod ingeniosè animadvertit Augustinus, Sauli in Paulum mu-

## 90 TYRONES NON SEGNITER

rati Conversionem factam tanta cum celeritate fuisse, ut ex equo excussus, simul ac è terra consurrexerit, Apostoli nomen, & perfecti viri decus inde retulerit. Quam ob rem Christus cum Anania de illo verba faciens, non Saulum olim Vineæ suæ Colonum, & Militiæ suæ Ducem futurum; verum cum solo tridui spatio tantum profecisse dixit, ut ab ipsis Conversionis suæ principijs Vas Electionis, Evangelij Tuba, Petri Collega, & Gentium omnium Magister appellari potuerit. *Quoniam Vas Electionis EST mihi iste.* Non dixit *Erit*, sed *Est*: indicaturus scilicet, tantis incrementis brevissimo tempore auctam fuisse magni Catechumeni Virtutem, ut maximos Ecclesiæ administratos æquaret. Quæ causâ fuit, ut Augustinus de illo scribere non dubitârit: ADHUC *positis in terra membris*, FORMATUR EX PERSECUTORE PRÆDICATOR, & *ex hoste miles*. Jam tum, cum in pulvere Paulus etiamnum volutaretur, spargendæ à se doctrinæ semina digerebat; Epistolarum, quas subinde conscripsit, argumen-

Srv. 7. de  
Convers.  
Pauli.

ta excogitabat; expeditiones, quas suscepit, meditabatur: Europam, Asiamque, totque alias Provincias, quas ab Idolorum cultu abstractas, Deo ac Religioni subiecit, animo complectebatur. Nondum ab eo tempore, quo ad res tantas vocatus erat, hora fluxerat, cum ille perfidiam suam averſari, atque ultum ire, injurias Christi ſectatoribus illatas gemitibus lacrimisque abolere, ſeriò cum animo ſuo ſtatueret, non quieturum ſe, donec novæ Legi non ſolùm tot capita, quot antè injectis catenis à Crucis vexillo abſtraxerat, ſed totidem Urbes, ac, pœnè dixerim, Regna blandis hortationibus reſtituiſſet. Verbo, Apoſtolus antè, quàm Neophytus, nondum piacularibus undis caput ſubjecerat, & ſanguinem pro religione, quam à pluribus annis inſectatus fuiſſet, profundere geſtiebat. Itane vos illum, qui primo ſtatim Converſionis ſuæ momento grandem illam vocem miſerat: *Domine, quid me vis facere?* eaque dira famis mala, lapidum imbres, flagrorum ſævitiem, ergaſtulorum pedorem, crucem, mortem

deni-

92 TYRÓNES NON SEGNITER

denique ipsam provocârat , paulatim se perfecisse , ac , captatis temporum intervallis , se in Apostolum finxisse dicetis ? Nempe si vox una eum deiecit , si pauci de cœlo radij eum penitus immutârunt , si tridui spatium ad Sanctitatem eum perduxit , nos deinde contendemus , ad vitæ perfectionem pedetentim , atque interpositis moris , hoc est lentè festinandum esse ? Ne verò putetis , tam repentinam morum conversionem in eos tantum cadere , quos Ecclesia Duces , & Evangelica Lex maximos interpretes habitura erat. Non minus festinata vitæ mutatio , nec minus velox ab adoratione saxorum , ac in legifectorum & Dei digito scriptorum marinarum reverentiam transitus Moyli alleclis imperatus est.

21. Id scilicet immensus ille Colossus luculenter expressit , quem Rex somniaverat , lapillus everterat , Daniel fuerat interpretatus. Nemo est , qui nesciat , quàm vastum illud simulacrum , quàmq; multiplici metallorum varietate compositum fuerit. At fortè non omnes animad-

verterunt, quâ ratione prodigiosa illa Moles destructa sit. Enimvero uti admittâ glebâ sensuum inquinamenta notabantur, ita ferro crudelitas, ære dolus, argento vanitas, auro superbia figurabatur. At enim vitia genere suo tam immania, & difficultate propemodum insuperabilia nō annorum longa series, aut impacti diu sæpèq; mallei constantia emendavit, sed primo lapidis à scopulo excidentis attacktu deleta penitus, ac sublata fuerunt.

**TUNC CONTRITA SUNT PARI-** *Dm. 2. 35.*

*TER, testa, ferrum, æs, argentum & aurum, & locus non est inventus eorum amplius. Neque sic satis comminutum fuisse simulacrum est visum: quippe membrorum locum idem ille vastator lapis occupavit, atque in immensum ad eò excrevit, ut totum impleret Orbem terrarum. Lapis autem, qui percusserat statuam, factus est Mons magnus, ita ut impleret universam terram. Sed enim contrà evenire debuerat, si Trepidorum Tyronum sive orationem, sive, multoque id magis, vitam morèsq; spectemus; debuit scilicet inter pedum, capi-*



pitiusque ruinam tempus moraque longior  
intercessisse. Nimirum frangi primò testa,  
tum ferrum comminui, subinde in pulve-  
rem æs argentumque redigi oportuerat,  
ut auri denique splendor omnis ac species  
aboleretur. At verò Deus, ut eos in ru-  
borem daret, qui Virtutis perfectionem se  
gradatim adeptos esse, vanissimè glorian-  
tur, omnia illa pessimarum cupiditatum  
symbola uno eodémque articulo tempo-  
ris interire, pariterque è somniantis Prin-  
cipis oculis evanescere iussit. **TUNC**  
*contrita sunt* PARITER. Huc oculos, ex-  
clamat Richardus, huc animum adverti-  
te, qui ad virtutem aspiratis, & in hujus  
confusissimæ Babylonis ruina tanquam in  
speculo vos contemplamini. Si seriò pror-  
susque Deo vos consecrare persuasum ha-  
betis, id cum animis vestris statuите, pri-  
mo quoque divini luminis ilapsu omnes  
omniò cupiditates, quibus quondam pa-  
ruistis, vobis extinguendas esse. Divini  
Numinis timor veteres propensiones  
omnes uno agmine ex animis vestris ejci-  
at, ut hic solum Tyronum memoriam, in-  
tel-

telligentiam, ac voluntatem sic occupet, ut id solum meminerit, promeruisse se, qui æternum ardeat; utq; non aliâ re, quàm promissæ felicitatis æternæ cognitione ingenium oblectet; nil denique præter salutem suam optet, ac concupiscat.

*Lapis iste*, inquit laudatus Auctor, *TIMOR EST DIVINITUS inspiratus*, *Lib. de Erru. c. 27.*

**QUO STATUA DEJICITUR.** Et erit aliquis, qui, cum primo cœlestis monitionis ictu immanem Colossium solo æquatum, omniâque ejus membra comminuta penitus videat, confidat nihilominus, plurium ordine mensium emendandis vitijs, inferendisque virtutibus apparare se posse?

22. Quippeni autem, inquis, cum Apostolus maximus Virtutis Præceptor, fateri non dubitet, Discipulos suos ad Calvarij montis verticem gradatim lentoque passu à se promotos fuisse? *Lac vobis potum dedi, non escam.* *1. Cor. 3. 2.* Quibus ut respondeam, ajo nescire me, an Apostolus doctrinam Religiosorum Ordinum Exercitationibus adeo repugnantem tradiderit. Subinde  
non

## 96 TYRONES NON SEGNITER

non tam illud ego, quod Paulus scripsit, quàm quod Dei Filius, cùm illum ad fidem adduceret, gessit, intueor. Sed nec illud inquirò, quantum Discipulis suis tempus, quo se perficerent, definiverit. Id scio eum non toto horæ unius spatio è lupo in Pastorem, & è sacrilego in religiosissimum Antistitem mutatum fuisse. Verùm age, recognosce mecum Pauli oraculum, & an tarditati, quam increpo, quàmque illi defendunt, qui sacrorum Cœtuum experientiæ diffidunt, patrocinetur, disquiramus. Ac sententiam quidem illam in priori ad Corinthios data Epistola reperies, quâ magnus Gentium Doctor Ecclesiæ illius Neophytos tanquam infantes alloquitur, iisque loco calicis ubera porrigit: *Lac*, inquit, *vobis potum, non escam: nondum enim poteratis.* Hoccine illud est, quo lentè currentium segnitiam tuebare, stadiùmque pro eorum commoditate metiebaris? Et quod genus lactis ex Apostoli pectore manare potuit, cùm nullam corporis partem haberet, quam non flagris concidissent impij, non

la-

i. Cor. i.

lapidibus invidi appetijissent? Certè si Pauli ubera premas, haud aliud in Tyronum potum possis elicere, quàm fel ac cruorem, cum nullus à vulnere locus vacaret.

Quod si verò laudatæ sententiæ mentem intelligere ex me non lubet, Augustinum certè audietis, qui multò rigidiùs eam exponit. Tunc, inquit, Lactis Apostolici fiducia tibi blandiris? vidēsne autem in ejus poculi, quod egregius Magister Alumnis suis propinat, fundo latere non chlamydis atque arundinis in atrio ludibria, sed spinas, sed clavos, sed lanceam, sed Crucem cum toto Golgothæ monte abscondi? *Christus crucifixus est*, QUO

VELUT LACTE *discipulos suos aluisse* *Tract. 98. 11.  
Joan. 10. 28.*

*dicit Apostolus.* Hic nimirum, hic ille liquor erat, quem filioliis suis ea tempestate intillabat Ecclesia. Nemo vero hanc Sancti Doctoris expositionem inmodicæ exaggerationis coarguat: Quiquid enim litteris ille consignavit, id omne primi Animorum Duces in subterraneis specubus sui sæculi Christianis propotuerunt. Meminit se suos illi non Neophytos modò,

## 98 TYRONES NON SEGNITER

verum etiam Catechumenos jubebant ,  
 debere ipsos fidem suam palam profiteri ,  
 sive cum à Tyrannis super ea interpella-  
 rentur , sive cum eam ab Idololatrâ con-  
 temni viderent. Denunciabantur novæ  
 Legis Infantibus , Custodiarum squalor ,  
 Prætorum barbaries , inhumanitas lictor-  
 um , suppliciorum acerbitas , ac morte  
 ipsa diriora mortis genera. Atque hæc  
 erant prima Disciplinae illius rudimenta :  
 contingebatque non raro , ut qui Christia-  
 na sacra recens complexus esset , madi-  
 dum adhuc lustralibus undis vultum fuso  
 cruore respergeret. Quoties deinde Ca-  
 techumenos non aqua , sed ignis expiavit ,  
 priusque in Martyrum numerum Mors re-  
 tulit , quam Christo renati novam à Ba-  
 ptismo vitam auspicarentur ? An est quis-  
 piam , qui nesciat , famulos Histriones  
 Genesium atque Porphyrium , perceptis  
 vixdum primis Religionis nostræ capitibus ,  
 in ipso Theatro , in quo populo ludos da-  
 bant , Prætorum securi cervices subjecisse ?  
 Audete jam Lac illud , quod Apostolus  
 nuper ad fidem conversis offerebat , ap-  
 per-



petere, & hiantibus labris sugere. Utinam  
 verò hæc nostra ætas tantam in veteranis  
 suis virtutem posset jaçtare, quantam in  
 nonnullis suis Alumnis illa prior exhibuit.  
 Quare cum supplicia Crucis, & Calvarij  
 montis funesta Catastrophe, sub Præcepto-  
 ribus Apostolis prima Christianæ doctri-  
 næ Elementa fuisse videamus, conclu-  
 dendum necessario erit, neminem dein-  
 ceptis sperare posse, se inter veræ Pietatis  
 Discipulos unquam numeraturum iri, nisi  
 planè persuasum habeat, curaturum se,  
 ut cum ea sanctitate inter obscuræ asperæ-  
 que vitæ exercitationes Societati renasca-  
 tur, quâ Joannes Baptista Synagogæ inter  
 Sacerdotij splendores exortus est. *Reple-  
 bitur Spiritu Sancto ADHUC ex utero  
 Matris sue.* Equidem nisi tanta Divini Spi-  
 ritus ubertate primis statim vitæ tempori-  
 bus æterni Verbi Præco instructus fuisset,  
 sterilem fortè omnem ætatem, & infru-  
 ctuosos ultimos muneris sui annos habuisset:  
 neque, uti videtur, de illo aut dictum  
 aut prædictum fuisset: *Multos filios unum Isra-  
 ël convertet ad Dominum Deum suum.*

## 100 TYRONES NON SEGNITER

23. Cui sententiæ Cassianus Abbas memorabili eventu fidem adstruit. Sanctitatem Paphnutij Thebaidis solitudines magnopere mirabantur. Pro se quisquis Anachoretarum illorum in eo suspiciebat donum lachrymarum, mentis in Deum abreptæ celsitudinem, in loquendo sanctitatem, in agendo strenuitatem, in cogitando sublimitatem, in bene cœptis constantiam; venerabantur soliditatem doctrinæ, consiliorum gravitatem, desideriorum præstantiam, atque omnis vitæ perfectionem summam. Verbo, tota illa Anachoretarum colonia digito Paphnutium monstrabat, atque ut venerationem omnibus veneranda ejus canities, ita morum ejus divinitas religionem pœnè iniecerat. Haud probavit Piamon, omnium oculos in ejus senectutem duntaxat intentos, non respicere interim, quam floridum Veri strenuissimæ juventutis nobile hunc decrepitæ sanctitatis Autumnum præcessisset. Quare convocatis in concilium Archimandritæ Paphnutij laudatoribus, in hanc sententiam disseruit. Vos quidem,  
in-

inquit, salutiferæ illius arboris aurea poma colligitis, at quis vestrum stirpem ac radicem, unde illa succrevêre, considerat? At enim, quem senem vos prodigiorum magnitudine, ac vitæ integritate mirabilem prædicatis, ad hoc gloriæ fastigium ascendisse scitote, quod primis statim militiæ hujus temporibus Angelum innocentiam, & rerum adversarum patientiam se Apostolum exhibuerit, his gradibus illuc evasit. Inter innumera prodigia, quib<sup>9</sup> Infantiâ suâ exornavit, palmarium illud extitit, cum furti crimen impactum, consecutamque ex eo infamiam, eâ constantiam pertulit, ut non modò nullas Apologias texeret, & prolatam à Præsulum Senatu sententiam, gravissimamque pœnam facinoræ tam novo inter Monachos, & inaudito decretam forti animo subiret, verum etiam, ut in accusationem coiret, & delatoris mendacio fidem adstrueret, licet esset innocentissimus; majora quoque, quàm quæ Patrum Senatûs-Consulto irrogabantur, supplicia acrior sui Judex inferret. Quod si igitur admirabilem senis sanctitatem venera-

## 102 TYRONES NON SEGNITER

Coll. 18. c. 14.  
To. 48. 202.

mini, invictam pariter Juvenis patientiam  
imitari studeatis oportet. *Hec ille* IN A-  
DOLESCENTIA sua futura indolis jam  
tunc indicia *PRÆFIGURANS*, lineas  
quasdam perfectionis illius, quæ erat maturi-  
tate ætatis augenda, ADHUC IN AN-  
NIS PULCHILIBUS designavit. Si igitur  
ad culmen virtutum ejus volumus pervenire,  
talia vobis EXORDIORUM FUNDAMEN-  
TA jacienda sunt. Poterátne autem  
vel Piamon, vel Paphnutius sententiam  
meam, quam ut maximè vellem, ex-  
promere satis aptè non poteram, aut lucu-  
lentiore testimonio, aut illustriori exem-  
plo confirmare? totà proin contentione  
vocis exclamo: *Quis est homo qui vult vi-  
tam, diligit dies videre bonos?* Quis est, in-  
quam vestrum, qui inter operarios Socie-  
tatis eximius esse, & Orientis Franciscus,  
& Occidentis Ignatius dici optat? Age,  
qui tam magnis votis æstuas, & in ipso hu-  
jus militiæ Tyrocinio ætatis ultimæ victo-  
rias repræsenta, hujus coronas illius lau-  
reis adumbra. Sic sunt exordia, qualem  
progressum ac finem habere optas. Non  
enim

Psal. 33. 19.

enim sub ultimos vitæ annos sanctitatis  
 famam post se relinquere potest, nisi qui,  
 cum primum Deo renatus in sanctioris  
 vitæ cunis vagit, singularis virtutis præcla-  
 ra specimina jam tum ediderit. Cogitate  
 jam vos, fierine queat, ut, qui in ipso me-  
 lioris vitæ ingressu, tanquam longo labo-  
 re fractus, anhelat, & tum quoque, veluti  
 membris omnibus captus desidet, cum  
 commissorum poenitentia non tam stimu-  
 los quàm alas ad conscendendum rigidissi-  
 mæ severitatis, & religiosissimæ Discipli-  
 næ fastigium addere debere videbatur, ut,  
 inquam deinceps annis gravis, & varijs or-  
 namentis auctus, ad Apostolicæ austerita-  
 tis maximè arduos difficillimòsque ascen-  
 sus aspiret? Equidem haud facile reperie-  
 tis infantem, qui membrorum usu & nu-  
 mero sive adultus, sive decrepitus à se ipso  
 dissentiat. Nam qui non omnibus digitis  
 instructam manum, nec corpus utroque  
 sultum pede secum in lucem attulerit,  
 eam ille inopiam nullo ætatis processu re-  
 cuperabit. Quo motu brachium in pue-  
 ritia pollet, pollebit pariter in senectute;



neque unquam cubitum quis in dorsi sui spinam reclinabit, quod ad hoc genus motus, cum formaretur, eruditus non fuerit. Potest ille quidem membrorum multiplicem usum, variâque munera membris suis, artis beneficio impertiri, verum ipsa variate, motumque eorum immutare nullâ ratione potest. Age porro, si glaucoma oculis obiectum est, nemo desperat se Medicorum remedijs, aut Chirurgorum artibus lippitudinem depulsurum; at verò nativam cæcitatem nullum unquam Collyrium persanabit. *A seculo non est auditum, quia quis aperuit oculos.* CÆCI NATI. Id igitur omni studio contendat, quisquis Deo vivere incipit, atque ad id instituitur, ut aptam sibi formam induat, ut iusta se partium omnium conformatione absoluat: quod si enim hunc vel patientiâ defectus, vel precandi rudis, vel nullo sui ipsius odio, salutisque alienæ studio incensus digressus fuerit, idem deinceps per omnem ætatem futurus est, perpetuumque secum hominis neque vitij carentis, neque virtute insignis, notam circumferet, frustrâ enim spe-

AD SANCT. GRADIENTUR: 105

speraverit, se ab annis maturioribus id obtenturum, quod primis vitæ religiosæ temporibus à se obtinere neglexit.

24. Hoc ipsum, quod hætenus exponere contendi, evidentiùs me demonstraturum considerem, si paradiymate uti, è profanæ superstitionis sacris traducto, ista inc virtutis Palæstra permetteret. Audeo tamen, & quia, quam narrare instituo, Fabula veritati nuper propositæ haud leve pondus addit, dicam, quod cæteroqui silentio præterirem. Pomona erat sacrilego ritu à Romanis Deæ loco habita: huic cum magnam rerum ad vitam spectantiũ partem in acceptis referrent ejus cultores, Floræ, tanquam inutili Numini, quæque omnem suam providentiam ac liberalitatem in odorum & colorum inanibus illecebris apparandis consumeret, convitium faciebant. Enimverò ea res vanæ Divinitatis hujus Sacrificulos vehementer offendit, extremamque pomarijs sterilitatem minati sunt, si quando injurias suas ultura Flora, stirpes florere vetuisset.

*Lib. 5. Fast.**To. 104. 133.*SI BENE FLORUERINT *segetes,*  
*erit Area dives*FLORE SEMEL LÆSO *pereunt*  
*viciaq; fabaq;*

Fac itaque tu quoque in Viridario, nostro sub Aprilem, Malum auream non florescere, aut postquam floruerit, ultimam pruinis in Maio, prænantem non fieri, quantumvis & rore Cælum eam foveat, & irrigent pluviae, & olitor impinguet, nullum tamen ullo in ramo pomum proferet. Adeò scilicet verum est, omnem nostrum in Virtute progressum à principijs pendere: tamque arctum foedus inter primos ultimisque vitae melioris annos intercedit.

25. Qua in sententia firmiter adeò acquieverunt Ægyptiorum Cœnobiorum Alumni, ut juvenes suos vetarent, ne seniorum quidem laudatissimam vitam sibi pro virtutis suae forma præstituere, nisi exquirerent prius, quales illi tum fuissent, cum primum se ad id vitae genus conferrent. Eos duntaxat imitandos deligi sinebant, quos sub religionis vitae primordia

ma-

magnis animis virtutem coluisse commu-  
 ni famâ didicissent. NON OMNIUM  
 SENIORUM nobis sunt sectanda vestigia,  
*sed eorum, quos laudabiliter vitam suam, ac*  
*probatissime comperimus* IN JUVENTU-  
 TE SIGNASSE. Divitiæ enim Senum non  
 sunt canitiæ capitis, SED INDUSTRIA  
 JUVENTUTIS metiendæ. Et horum  
 quidem statutorum Auctorem Spiritum  
 Sanctum Sapientes Ascetæ illi dictitabant,  
 apud Ecclesiasticum capite vicesimo quin-  
 to, miserabilem inopemque senectutem  
 omnibus ijs Tyronibus ominantem, qui  
 perfectæ virtutis haud magno studio te-  
 neantur. *Quæ enim non congregasti* IN JU-  
 VENTUTE, *quomodo invenes in sene-*  
*ctute tua?* Quis Davidem, eumque iner-  
 mem, cum Goliatho, qui unus toti He-  
 bræorum exercitui tot palmis inclyto, solo  
 sui aspectu terrorem incusserat, manum  
 conferere non obstupescat? At enim ideo  
 ille tantum Bellatorem laceffit, quod mul-  
 to ante eam pugnam cum Ursis atque  
 Leonibus, sylvarum monstris, collato  
 pede luctatus, ex ipsis eorum faucibus præ-  
 dam

## 108 TYRONES NON SEGNITER

dam extorserat. Itaque qui puer in Tigres pugnauit, cum Gigantibus quoque descendere in arenam citra periculum potuit.

26. His ità constitutis, quemadmodum maiori parti Auditorum meorum augurari posse videor, fore nimirum, ut vergente in senium aetate strenuè constantèrque ad pietatem incumbant, quoniam cos ipso limine vitæ religiosæ tam alacres intueor, ità fucum concioni facerem, & in muneris huius gravitatem peccarem, si promiscuè omnibus senectutem virtutibus inlignem promitterem. Equidem integritatem morum in omnibus laudo, sed non in omnibus ardorem illum, quem in plerisque suspicio, deprehendo. Proh quantum me miseret eorum, qui neque primorum temporum opportunitatem cognoscunt, neque intelligunt, quanti referat, prima quæque semina probatissima esse. Ne, quæso vos, in ea Virtutis specie, quam tum loci huius religio, tum experimentorum sanctitas subministrat, acquiescendum vobis cogitatis: quippe cum ista finem acceperint, & ex Aposto-  
lico



lico Sacrarij hujus, in quo modò versamini, coenaculo digressi fueritis, nisi internâ opulentiâ, & ardore ingenito, præclarisque studijs animum impleveritis, vos ipsos egentiores frigidioresque quàm cum primum huc ingressi estis, mirabimini. Vel è chalybe confectum speculum, licèt naturâ frigidum, si Soli opponatur, tantum ardorem concipit, ut radios quaquaversum diffundat, & admota ritè ligna succendat, plumbumque dissolvat. Simul autem Sol se subdlexerit, omnis ille adventitius ardor perit, & ad indolem suam reversum, nativo frigore attingentium manus obstupefacit. Non perinde topis Indicis usu venit: hi enim in regionum illarum, ad invidiam usque felicium, fodinis solaribus radiis in purgatissimū argentum, purumque putum aurum durantur, adeoque penitus in metalli hujus naturâ transeunt, ut tametsi Solem cœlo refigi, æternæque nocte obrui terrarum orbem contingeret, ipsi tamen conceptâ luce radiarent, & in ijs extincti mundi tenebris, esse metalla se, tum pondere, tum pretio de-

## 110 TYRONES NON SEGNITER

demonstrarent. Id nempe Tyrones illi agunt, qui cor habent: non mutuuntur illi externæ virtutis fulgorem à tabernaculo in quo degunt, sed in familiæ mores ac disciplinam adeò se totos transformant, ut & in ea sanctè vivant, & insignem ab ea secum vitæ sanctitatem exportent.

27. Et certè nemo eorum, quos utiles Ecclesiæ Operarios informamus, non spei nostræ per omnia responderet, si eam vitæ perfectionem, quam Apostolici muneris dignitas exigit, in Operarijs jam formati reperirent. Nempe Joannes à materno utero sanctitatem retulit, eamque subinde cum ætate miris incrementis amplificavit. At enim & à sanctissima Matre conceptus, & è parvis virtutis Patre genitus est. Equidem is non sum, qui Domitilia nostra Collegiò Apostolicò, & Noëmi Arcâ, quorum alterum non ab omni macula purum, ex altera verò Irrisor Chamus extitit, beatiora me visurum confidam: ajo nihilominus, quòd, sicut Juniorum virtuti parùm admodum obstaturus cujusdam Condiscipuli ignavus  
tepor

tepor, sic veterani cujuslibet non optimū  
 exemplum incredibilem stragem illatu-  
 rum videatur. Cujus rei ca videlicet cau-  
 sa est, quòd Tyrones in omnium Seniorum  
 actiones intentos habere oculos consue-  
 verint. Non possunt enim illi sibi persua-  
 dere, futurum, ut Præsidum providentia  
 ullum eo loco versari, patiatur, qui of-  
 fendiculo sibi esse, ac educationi suæ ullā re  
 officere possit. Existimant: quemadmo-  
 dum Societati visum sit, ipsos in loco à tur-  
 bis remotiore, arctiorique septo custodiā  
 collocare, itā solos, qui religiosarum Le-  
 gum observantiā sint prorsus eximij, in-  
 quilinos admisisse. Quam ob rem ut ab  
 aequalibus suis, quippe qui pariter in eodē  
 ludo versentur, perfectæ vitæ formam,  
 quam imitentur, minimè requirunt, sic  
 eorum, quibus ætas maturior est, dicta,  
 facta, motusque omnes observant, nem-  
 pe quos tanquam ejus formæ, ad quam  
 ipsi se fingere debeant, exemplaria sibi  
 propositos à Societate fuisse arbitrantur.  
 Neque mirum videri debet, id in Ignatij  
 ædibus evenire, cū perinde in Patriar-  
 cha-

charum tentorijs accidisse legamus.

28. Iſaacus cum inſigni Virtutis incremento adoleſcebat, licet junctum lateri ſuo haberet Iſmaëlem omnis pietatis expertem. Niſil ejus ſanctis ardoribus fratris protervia offecit, quod Patris obedientiam, & matris religionem haberet præ oculis. Sed neque Jacobo vel morum integritatem, vel familiaris cum Deo conſuetudinis decus, Eſau ſi fratris perfidia imminuit: quippe hinc Matrem Caſtitaſis typum, magiſtram pietatis habebat, hinc à Patre inſtituebatur, qui ne Deo repugnaret, parentis ſui gladio cervicem offerre, non dubitârat. Subinde à moribus Abrahami Jacobi filij degenerârunt, adeò quidem, ut è tredecim filiis, quibus Patriarchæ ſtirpem confirmaverat Deus, vix Beniaminum aliquem noxâ vacuum, & Joſephum laude dignum reperias. Cæteri adeò peſſum ière, ut ſcelerum indicem texere hujus loci Sanctitas nulla ratione patiatux. Eam verò corruptelam non tam mutua inter undenos conſuetudo, quàm Matrū vitia peperère. Et harum quidē  
fi-

simultates, atque odia ideo divinus scriptor exposuit, ut scirent omnes, vel in Israël Tabernaculis Abrahami Abnepotes ad flagitia succrescere, cum exiguum Balæ ac Zelphæ pietatem, mutuaq; invidiâ flagrare Rachelem ac Liam, infelicis illius familiæ Matres, pueri viderint. Donec inter juvenes Legum incuria constiterit, spes est, fore, ut Virtutis ardor non intepescat, si quidem is in senioribus luce suâ fulgere interim perrexerit. Ab his scilicet Juvenum educatio pender: qui cætenus solum proficiunt, quod vel illorum offensam timeant, si secus fecerint, vel pudorem suum non ferant, si viderint se ab eorum virtute, quos ipsa Societas ad imitandum dederit, tam procul abire. Eam ob rem miris se se modis excruciat Ambrosius, quoties egregius quispiam Mediolanensis Urbis Presbyter è vita excedebat, haud ambiam cladem prospiciens, quæ illius Diocesanos Clericis ab eorum funere immineret. *Cum aliquis huiusmodi decidit, afficior, quia destituatur* GREX

JUVENUM MURO SENILI. *Furti-*

Pars IV.

H

ra

Lib. 2. de Abel. c. 3.

To. 20. 191.



*relabis* HOC PRIMUM INDICIUM  
 EST, *si decidant viri graviores*. Nec mino-  
 ri dolore afficipar est Juvenes nostros, si  
 quando contingat, aliquem Seniorum vel  
 è Domo, in qua Deo nuper renati sunt,  
 vel è vita migrare. Et verò miseros illos,  
 si quando nos canitie capitis, & ætatis  
 maturitate ab illo à virtutis studio, quod à  
 nobis & instans exitus, & annorum in So-  
 cietate transactorum multitudo summū  
 postulat, adeò remitteremus, ut animum  
 inde sumere aulerent adolescentes nostri,  
 circumspectiendi sese, & alter alterum, tan-  
 quam perfectæ atque Apostolicæ vitæ,  
 quam meditantur, formam sibi præstitu-  
 endi. Hæc talis arrogantia forensē elo-  
 quentiam, si Plinio credimus, funditus  
 perdidit. Sublatâ enim unâ cum veteribus  
 Oratoribus arte dicendi, juvenes, cum  
 non haberent quos imitarentur, ipsi sibi  
 esse Magistri coacti sunt. *Statim*, inquit,  
*sapiunt, statim sciunt omnia, neminem ve-*  
*rentur*, IMITANTUR NEMINEM,  
 ATQUE IPSI SIBI EXEMPLA  
 SUNT. Tum scilicet animam egit Ro-  
 ma.

*Lib. 8. Ep. 24.*  
*To. 29. 28.*

AD SANCT. GRADIENTUR. 115

mana Facundia, cū, deficientibus Præ-  
toribus, Infantes illi Oratores vicissim sibi  
Magistri ac Discipuli esse cœperunt. Spe-  
ro equidem tale genus monstri nunquam  
in Domûs hujus Sacrario conspectum iri;  
confido insuper, fore, ut complures ea  
semper Apostolos educet, si quidem, ut  
est modò, totidem illa Patriarchas, quot  
Patres, tot Virtutis Magistros, quot  
Veteranos, numerare per-  
rexerit.



H 2

EX-

# EXHORTATIO


## XXXIX.

Pridie S. Vitalis Martyris, sub  
cujus Tutela est Domus ad  
S. Andream.

Ego sum Vitis, Vos Palmites.  
*Joan. 15.*

**C**hristus Sectatores suos ab ijs,  
quibuscum sanguine juncti es-  
sent, dissidere, & à pri-va-  
tis necessitudinibus suis abhorre-  
re voluit. Hanc virtutem à Le-vitis in  
Lege veteri Deus requisivit, jussis  
videlicet, cognato sanguine manus  
imbuere. Equidem promo-vendæ ne-  
cessariorum nostrorum virtuti vel  
vitam impendamus; sed super profu-  
nis negotijs interpellantibus, ne aures  
quidem commodandæ sunt. Quisquis  
tam

*tam beatas prorsusque Evangelicas inimicitias cum stirpe nostra suscipere reformidat, is neque tranquille vitam exiger, neque ab omni labe purum Con-  
ditori Spiritum reddet. Immodicus erga Propinquos affectus Anachoretas furto adstrinxit, & Martyrij palmam extortam è manibus, in perfidiam com-  
mutavit. Hinc Deus eos, qui hoc er-  
ga suos studio vinci se patiuntur, gra-  
vissimis supplicijs afficit, amplissimis  
verò præmijs exornat victores.*

29.  *Go sum Vitis, Vos Palmites.*  
Non hæc Joannis, quip-  
pe qui audita referat, sed  
Divini Verbi nos allo-  
quentis Oratio est. Se Vitem, Aposto-  
los verò, omnèsque qui eorum vestigijs se  
insistere, uti nos, perfitentur, felices Ec-  
clesiæ suæ Palmites Servator appellat. Et  
his quidem geminum edictum proponit.

Alterum sic habet: Putantur, ut fructum ferant: Alterum verò: si fructum ferre recusent, amputantur. Vel enim falcem admittant oportet, quâ pampini, optimi cuiusque succi prædatores, recidantur, vel si exuberantium foliorum sterilitatem inducant, securim expectent & flammæ.

*Omniem Palmitem in me non ferentem fructum, tollet eum: & omnem qui fert fructum PURGABIT EUM, ut fructum plus afferat.* Orationem deinde concludens etiam atque etiam monet, ut ipsi constanter perpetuòque adhæreamus, & à Nostris omnibus penitus recedamus: MANETE IN ME, & ego in vobis. Et verò ramusculum omnem, qui nobiscum vel coaluerit, vel natus sit, rescindi adeò est necesse, ut Gregorius, cognomento Theologus, huicputationi atque iacturæ feracitatem Palmitum universè adscribat, quasi si plus momenti in falcis usu, quàm in Solis genitali calore; in vulnere, quàm in pluvijs; in ramorum detractione, quàm in stipitis vigore positum foret. **SECTIO-  
NE PULLULAT, & cum absumitur  
crescit**



*crefcit.* Id quod hodiernâ luce in Vitale fortiffimo Chrifti pugile opere ipfo comprobatum fpectare licet. Is ab Uxore fanctiffima matrona, & à Protasio Gervafio-que filijs, fortiffimis Athletis, fejunctus, timidum leporem, & in Chriftianæ profeffionis constantia vacillantem à perfidiæ barathro, in quod præceps ibat, retractum in Leonem mutavit, animavitque ut vitâ potiùs, quàm datam Deo fidem, exuat. Subinde, cùm Urficino Martyrij coronâ afferviffet, Stephani Protomartyris gloriam non æquavit modò, verùm etiam câ parte fuperavit, quòd, præter injectos lapides, equulei lanienam, & follæ tormentum, forti animo pertulerit. Jam verò ut ad nos quoque haud diflimilis Martyrij, quo Religiofæ Vitæ institutum Alumnos fuos coronare folet, gloria pertineat, Nobifque adeò, circumciâ pampinorum luxurie, in Servatore radicatum Palmitû illuftre nomen conveniat, demonftrare mihi vifum eft, quàm fèverè, quantòque jure, Deus à fèrvis fuis exigat, ut magno animo, quidquid nobis agnatum eft, re-

cidamus, abstrahamúsque. Atque hoc unum, ex argumento longè gravissimo, præsens allocutio consecrabitur, & alteri deinceps demonstrandū relinquet: hanc, etli natura suâ durissimam, Divisionem humanas vires non excedere, quâque ratione ac modo ea perfici queat, docendū reservabit.

30. Reperti sunt haud pauci, qui cū in Bethlemi specu festas Angelorum voces, sumæ tranquillitatis lætitiæque pacis otia Ecclesiæ promittentium audiissent: *Et in terra pax hominibus bonæ voluntatis:* in eam opinionem se adduci passi sint, ut crederent, nascentem istum Piorum Cœtum, Horto cuidam cultissimo, florum amenitate, ubertate aromatum, aquarum copiâ ridenti simillimum futurum, quem Irides coronarent, avium cantus pertonerent, nulla contingere adversitas auderet. Equidem à consilijs meis, inquit Servator, & à Legis meæ consuetudine procul isti aberrant. Quin vos potius à Viridarijs meis Irides illas ablegatis, & gladios, exacutissimâsque novaculas præfigi-

figitis, tam potentes, ut arctissima vincula,  
 quibus hominem homini natura colliga-  
 vit, dissolvant. *Nolite arbitrari, quia PA-*  
*CEM veni mittere in terram: non veni pa-*  
*cem mittere, sed GLADIUM; veni enim*  
*separare hominem adversus Patrem suum, &*  
*filiam adversus Matrem suam: & inimici ho-*  
*minis domestici ejus.* Quid? Filios ego à  
 Parentibus abhorrere cupio, fratrem dis-  
 fidere à fratribus jubeo, sanguinem in san-  
 guinem confurgere volo, nihilque com-  
 mune ijs esse patior, quos eadem ubera,  
 eadem cunæ inseparabili videbantur con-  
 junctione copulasse. *Non veni Pacem mit-*  
*tere, sed Gladium.* VENI ENIM SEPA-  
 RARE. Quo loco animadverti velim,  
 non ejusmodi Separationem à familia &  
 cognatione à vobis requiri, quâ Paluda-  
 mentum Princeps exuit, & diadema in-  
 terdum deponit è capite. Nempe insignia  
 Dignitatis suæ omittunt Reges, sive ut in-  
 terdum quiescant, sive ut noctu commo-  
 diùs dormiant. At non multò post ea re-  
 sumunt, ut, quæ tantisper sibi detraxerint,  
 mox recepturi. Secùs accidit, ubi gladio

Matth. 10.

34.

H 5 semel.

semel facta divisio est. Nam si brachium vel ægro chirurgus, vel in acie pugnanti miles absciderit, licet illud victoriæ suæ præmijs, armillis videlicet ex hoste raptis, exornaveris, nunquam posthac cum reliquo corpore coalescet. Quinimò nos ipsi disjuncta à nobis, & à vermibus corrosa membra, detestamur, eaque vel patrio sepulchro inferimus, vel in fossas abjecta, lapidibus humoque superobruimus. Nemo truncam manuum aspectu dignatur, & quæ nostra quondam, & dum corpori hærerent, odoratis ablucere lymphis, & exornare gemmis consueveramus, deinceps odimus, atque averfamur. *Non veni pacem mittere, sed gladium.* Id ipsum in Religiosarum ædium Alumnis, facta à propinquis discessio, efficiat, oportet. Non relinquere duntaxat eos, sed non aliter averfari debemus, quàm recisam corporis nostri partem abominamur, & invisum cadaveris loco habemus. *Veni enim separare hominem adversus Patrem suum.* Quod si magnum alicui videretur, si Divini Magistri mentem penitus introspexerit, parùm admodum, aut potius nihil esse, comperiet. 31. In-

31. Ingrata profectò vel propria membra sunt, si aut Chirurgi novacula, aut hostile ferrum ea nobis ademerit: at enim quæ cum stomacho quidem aspici-mus, non ideo tamen incessimus irati, vel furentes persequimur. Sanè, uti diceba-mus, resecto pedi, vel sacris in ædibus, vel in floridis pratis, tumuli honorem imperti-mur. Id verò Messia non est satis, ut Apostoli sui ac Sectatores à necessarijs, à consanguineis, à paterna stirpe satis remo-ti censeantur. Licèt igitur è paterna Do-mo in Dei Familiam transgressi fuerimus, nisi huic à charissimis capitibus absentiæ, capitale insuper odium, professasque ini-micitias addamus, nunquam illustres Apo-stolorum titulos promerebimur. Age Ser-vatoris verba recitemus, quibus omnis hujus sententiæ obscuritas ac dubitatio tollitur. *Si quis VENIT AD ME:* Enti-bi transitum, & à patrijs sedibus ad Ana-choretarum specus, vel Religiosarum æ-dium cellas migrationem: *ET NON* Luc. 14. 26. *ODIT PATREM SUUM, & Matrem, & uxorem, & filios, & fratres, & Sorores, NON*



NON POTEST *meus esse Discipulus.* Audin' fieri nullâ ratione posse, ut is olim, ne dicam in populorum Ducem, & Provinciarum Magistrum, sed ne in Discipulum quidem Evangelij & Crucis tyronem evadat; qui contra gentem suam, & de familia sua optimè meritos non exardescit, fremit, furit. QUI NON ODI, *non potest meus esse discipulus.* Non de relinquendis negligendisque tuis; sed hostium loco habendis, sermo est: non ut adversus eos, qui te proximè contingunt, aversum animum, verum ut hostilem geras, postulatur. QUI NON ODI *Patrem & Matrem.* Quoniam verò imperium ejusmodi barbarum prorsus, & ijs, qui Christo nomina dederant, indigna tyrannis videbatur, Augustinus occurrendum sibi pro gravissimi edicti defensione, & doctrinæ tam necessariæ, admirationē pariter & horrorē detrahendū ratus, apertè demonstrat, injuriâ propinquos, super inimicitijs illis, quas cū ipsis tulcissim<sup>o</sup>, nobiscū exposulare, eò quòd odium, quo eos prosequi jubemur, pari severitate à nobis contrà

ADVERSUS PARENTES. 125

nos ipsos, corpora, animosque nostros  
eâdem Lege imperetur. *Qui non odit Pa-*  
*trém, adhuc autem & animam suam, non po-*  
*test meus esse discipulus.* NON SUCCEN-  
SEANT PARENTES, *hoc præcipere*  
*Dominum*, UT EOS ODERIMUS,  
QUANDO NOBIS HOC DE ANI-  
MA NOSTRA PRÆCIPITUR.  
Prorsus uti religiosissimis Cœnobijs solen-  
ne est, sensus corporis animique facultates  
nunquam intermissis supplicijs cruciare,  
sive cùm inedia, vigilijs, cilicijs, flagris  
corpus atteritur, sive cùm mens omni  
Magistratuum gloria, deliciarum, specta-  
culorum imagine, curiosæ lectionis volu-  
ptate, priorumque adeò decorum me-  
moriâ se frustratur: sic consanguineis seu  
commoda, seu honores procurare prohi-  
bemur. Quæ durities atque inhumani-  
tas Odij quidem speciem habet, revera  
Tutela est. Nemo quippe ardentius se-  
ipsum amat, quàm qui corpus suum quàm  
inclementissimè accipit, ac voluntati suæ  
perpetuò adversatur, quibus nempe præ-  
sentis vitæ austeritatibus delicias sibi & fe-  
lici-

Epist. 38.

To. 45. 239.

licitatem sceneratur æternam. Contrà odio plus quàm Vatiniano se prosequuntur, qui præsentis exilij spatio unguentis se perfundunt, & phylacteria dilatant, ut exitium sibi consciscant, & lethiferos dolores arcessant. *Magna & mira sententia: Qui odit Animam suam in hoc mundo, in vitam æternam custodit eam. Mira sententia, quem*  
*admodum sit hominis* IN ANIMAM SU-  
 AM AMOR, UT PEREAT, ODI-  
 UM NE PEREAT. *Si malè amarveris, tunc odisti: si bene oderis, tunc amasti. Felices, qui oderunt custodiendo, ne perdant amando. Quod igitur corpori nostro, dum nullam ei quietis partem, nullam à vexatione vacationem, indulgemus, solemus obijcere, id pariter propinquis nostris obijciamus. Dicat pro se quisque: Vos ego, parentes & consanguinei mei, amare ideò supersedeo, ut diligam: à consuetudine vestra me nunc abstraho, ut arctiùs olim me vobis adstringam. Nam si sancto nos odio, dum in Aegypti hujus calamitoso exilio degimus, persecuti mutuò fuerim⁹, subinde in beata illa Palæstina, quam*  
 Mes-

Ioan. 12. 25.  
 Tract. 51. in  
 Ioan. To. 38.  
 198.

Messias ijs promittit, qui ultrò cum Parentibus suis divortium faciunt, tenerrimis, ijsque innocentissimis amplexibus, jungemur: in illa scilicet beatissimæ Sionis Arce, cujus portas non alia Clavis meliùs referat, quàm Gladius ille Evangelicus, qui charissimam nostri partem à nobis resecat, & à sinu nostro sorores parentisque divellit. *Non veni pacem mittere, sed gladium.* In ijs quidem rebus, quæ ad virtutem, promovendamque salutem vestram pertinere videbuntur, nihil à me desiderari patiar, nec dubito, ejus rei gratia sanguinem dependere. Nulla mihi antiquior cura, nullum impensius studiù erit, quàm vestri: & in ijs, quæ Deo gratiores, Virtute præstantiores, à perturbationibus invictos, meritis illustriores reddere poterunt, mihi ante omnes eritis. Ut piè sanctèque vitam exigatis, nulli labores, nullæ vigiliæ unquam mihi graves accident; volupèque erit tempora hujus vitæ abrumpere, ut beatam vobis æternitatem producam. Id solum vos per omnia sacra obtestor, ut ne ad terræ hujus inquin-

na-

namenta me cogatis descendere, ut mortali hoc visco inaplicare me nolitis, & cætenus mihi liceat procul à vobis penitusq; abesse, & tum in me, tum in vobis Christianâ quadam inimiciâ, detester, quæ nos à perfecta Christi imitatione possunt abducere. Fas mihi per vos sit, Evangelicis monitis intentû, Naturæ obstrepentis clamores, & humanarum affectionum blanditias, surdis auribus præterire.

32. Neque verò ejuscemodi odium novæ legi Cruces, Clavosq; passim ostentanti, adeò proprium est, ut in veteri quoque Mosâica, quæ tamen præsentium bonorû affluentia prene tota sustentabatur, cultoribusque suis ubertatem agrorum, sobolisque multitudinem promittebat, non etiam templi ministris & tabernaculi custodibus imponeretur. Quærit proinde Iliodorus Pelusiota, quid causæ sit, quòd summum Sacerdotium, atque adeò Gentis omnisque Hebræorum ditionis imperium Tribui Levitarum attributum fuerit, utique cùm eam sors natalium ad tertium locum rejecisset. Ad extremum col-



colligit invidendæ illius purpuræ decus  
cognati sanguinis effusione partum Levi-  
tis tuille. Is videlicet manibus Deus Sce-  
ptrum dilectæque sibi Reip. Clavum in-  
seruit, in quibus enses effullerant, ad ple-  
ctenda charissimorum capitum flagitia di-  
stricti. *Levi, qui tertius erat, quia divini*

*honoris causâ* COGNATORUM SAN- *Ep. 48. l. 2.*

GUINE MANUS IMPLEVERAT, *To. 40. 149.*

SACERDOTIO DONATUS EST.

Rem uti gesta est, incredibilem alioquin,  
nisi Religio auctoritatem faceret, legim<sup>9</sup>  
capite tricesimo secundo Exodi descriptâ.  
Conspectâ Moyses perfidiæ ac vecordis po-  
puli turpissimâ defectione, qui non verere-  
tur in immortalis Dei conspectu victimas  
tuo à se Vitulo immolare, choreis que  
nefandis sacrilegio triumphum adornare;  
fortissimos quosque de Tribu sua delegit,  
iussitque strictis gladijs in noxiorum exiti-  
um properare. Ite, inquit, ac cadite:  
nemo tamen vestrum vel inimici, vel igno-  
ti jugulum hauriat. Illos implacabili furo-  
re vultate, quos amicitia necessitudo, &  
sanguinis conjunctio vobis charissimos

*Pars IV.*

I

red-

Exod. 32. 27.

reddidit. *Occidat unusquisq; FRATREM & AMICUM, & proximam suum.* Et verò tantâ fide demandatam lanienam exequuti sunt, ut eâ ipsâ die ad viginti tria cognatorum corporum millia in arenam procubuerint. *Feceruntque filii Levi juxta Sermone[m] Moysi. Et ait Moyses: consecrâstis manus vestras hodie Domino unusquisque in FILIO, & IN FRATRE SUO, ut detur vobis benedictio.* In qua Vatis sententia, geminum, idque gravissimum, arcenum continetur. Et primò quidem ausus ille non est filiorum eadem cohortibus, quas armaverat, mandare, satisque visus est habuisse, si familiarium suorum ac fratrum sanguine se cruentarent. *Occidat FRATREM, & AMICUM & PROXIMUM.* Verùm ultra præscriptos limites egregius militum ardor procurrit, abruptis quippe omnibus Naturæ vinculis, & ingentæ in suos humanitatis obliti, ijs quoque vitam eripuerè, quibus dederant. *IN FILIO.* Subinde Deus in tanta nocentium cæde, neglecta, quæ vel ignotæ, vel alienæ multitu-

di-

dinus  
doti  
sele  
tura  
CO  
Dom  
TR  
Illas  
vict  
inna  
tati  
Fili  
vol  
itâ  
pra  
nus  
ver  
Leg  
pro  
in f  
tis  
mo  
Et  
ab  
tru

dinis edita fuerat, illam duntaxat Sacer-  
 dotio atque Infulis remuneratur, quâ  
 scelesis vindices in agnatos, & quos na-  
 tura charissimos fecerat, gualati erant.  
 CONSECRASTIS *manus vestras hodie*  
*Domino unusquisque in FILIO, & IN FRA-*  
 TRE SUO. Quod idem erat ac dicere:  
 Illas eorum mortes in Religionis vestræ  
 victimis numero, in quibus immolandis  
 innatæ vobis erga stirpem vestram chari-  
 tati vim longè maximam intulistis. *In*  
*Filio & in Fratre suo.* Aliorum cædes ut  
 vobis nullam è pectore fibram avulsit,  
 ita nullum quoque vel singularis virtutis  
 præmium, vel amplissimæ dignitatis mu-  
 nus è manibus meis in vos derivabit. Aded  
 verum est, æterno Numini tantò ante  
 Legem Evangelicam placuisse, ut, qui  
 prophanorum hominum turbâ exempti,  
 in familiam suam cooptati essent, cruen-  
 tis odijs ab omni eo dissiderent, quod ani-  
 mo tenacissimis vinculis Natura illigarat.  
 Et quamvis proditum sacris litteris nõ sit,  
 ab ullo Levitarum Patrem, Matrève  
 trucidatam fuisse, nempe ut venerationi,

quæ sanctissimis ejusmodi nominibus debetur, consuleretur, procûlque injuriam omnem à progenitoribus nostris doceremur habere: non tamen idcirco credendum est, invictos illos animos, qui per calcata cadavera gradum tibi ad Aras faciebant, parentum occursum expavisse. Quippe inter cadentium gemitus Matris sæpe Patrisque voces audiebantur, filiorum, quos armatos videbant, opem miserabili ejulatu implorantium. At nemo erat, qui in sanctissimo illo tumultu, & reorum internecione, non exclamaret. Nullus est è vobis, qui vel parentes, vel agnatos agnoscat: quin igitur è conspectu nostro faceflitis, ne quos defensores imploratis, carnifices ac parricidas habeatis. *Qui dicit, PATRI SUO, & MATRI SUÆ, NESCIO VOS: & fratribus suis, ignoro vos: & nescierunt filios suos. Hi custodierunt eloquium tuum, & pactum tuum servaverunt.* Quisquis igitur vel adolere Deo Thymiana, vel ejus honori Holocausta consecrare ambit, à stirpe sua oculos, animumque avertat: & cum

in

*Deut. 33.*

in eorum corpora, à quibus vitam hausi-  
 mus, scire nefas duxerit, certè praesidio  
 suo non tegat, sed improtectos destituat.  
 NESCIO VOS, IGNORO VOS.  
 Haec eorum Oratio, haec voces sunt, qui  
 Psalmos Caelo decantant, & ad Aras sa-  
 crificant. Ac proinde Ambrosius tonitru  
 omni minaciore sono proclamat. *Quod*  
*autem occidi fecit à proximo proximos, filios à*  
*parētib⁹ à fratrib⁹ fratres,* PRÆCEPTUM  
 EVIDENS, QUIA PRÆFERENDA  
 EST RELIGIO NECESSITUDINI,  
 PIETAS PROPINQUITATI. *Ea*  
*enim est vera pietas, quæ preponit divina hu-*  
*manis, perpetua temporalibus.* Atque hîc,  
 ut videtis, non agitur, an Apostolorū suc-  
 cessoris animus, distrahi debeat abjectis  
 turpibusque curis, honores atque divitias,  
 quas ipsi contempsimus, nostris conqui-  
 rendi. Sed de Ira & Salutari odio illo ser-  
 mo est, quod à Levitis Aræ custodibus  
 æternus Pater requisivit, & æqualis Patri  
 filius Collegis suis mandavit, videlicet,  
 ut id necessarius nostris sanctâ quâdam vio-  
 lentia rapiētes, quod menti tam facile

*Ep. 56. ad  
 Rom. To. 40.  
 89.*



Deum eripit, improbas eorum preces & cupiditatem detestemur. Qui Dei in cruce suffixi servum se profitetur, is ab omni re caduca, & universis humanis affectionibus refigatur necesse est, sibi que charissimos ac conjunctissimos, si opus fuerit, rubore, vel si res postulaverit, etiam dolore afficiat: eò quòd Amor divinus amores nostros omnes ad se rapiat, & desideria universa consumat. *Occidat unusquisque fratrem & Amicum & proximum.* NESCIUNT ENIM (verba sunt Ambrosij sententiam pertextentis) SUI PARCFERE, *qui nihil suum nòrunt*: QUONIAM SANCTIS OMNIA DEUS EST.

33. Eam ob rem S. P. N. primis statim scriptarum à se Constitutionum paginis, omnem à filiis suis erga gentem suam indulgentiæ, obnoxiiæque voluntatis speciem latà lege removit, proscriptis è memoria menteque tum eorum nominibus, tum studio properiore. Octavam enim Summarij Legem perscribens, Quisquis, inquit, militiæ nostræ nomen de-

derit, non modò familiaribus necessarij-  
 que suis nuncium remittat, sed odium  
 quoque advertùs eos sibi à Christo inan-  
 datum esse arbitretur. *Si quis venit ad me,*  
*& NON ODIT patrem suum, & Ma-*  
*trēm, non potest meus esse Discipulus.* Id cer-  
 tè præstandum fuit Abramo, ut Vitæ  
 Religiosæ umbram quandam, & Aposto-  
 lici ministerij rudem imaginem referret.  
 Paternâ domo, natalique Provinciâ eum  
 expulit Deus; passus est Saram ejus con-  
 jugem rapi ab Ægypti Rege; fratris filium  
 ab ejus latere avulsit, Pastorum discor-  
 diâ in eam rem opportunè usus: adegit  
 hominem, ut Ilinaëlem Agarémque do-  
 mo exigeret; jussit demum amplissimi  
 patrimonij hæredem, & spem gentis in  
 Monte jugulare primùm, ac deinde sub-  
 jectis flammis in cinerem redigere. Bre-  
 viter: ab omnibus, quibuscum illi arctissi-  
 ma necessitudo intercedebat, rexit, vo-  
 luitque, ut suorum modò absentiam fer-  
 ret, modò salutem daret in discrimen.  
 En! quantopere Cœlum cupiat univer-  
 sos nos alumnos suos à nostris alienos esse.

34. Quod sanctè, si alia decissent, e præ-  
miorum magnitudine perspicitur, quæ  
Deus affectionis tam vehementis atque  
incomitæ Victoribus persolvit amplissi-  
ma. Et quoniam de Abrahamo nobis  
est sermo, in eo potissimum, quàm ea  
sint eximia, recognoscamus. Vix de Chal-  
dæa Patriarcha digressus fuerat, cum se  
Deus illi spectandum obtulit, totâque,  
quam oculis emetiri posset, regionem ejus  
posteris se transcripturum recepit. *Appa-  
ruit autem Dominus Abraham, & dixit ei:*  
*Gen. 12. 7.* *Semini tuo dabo terram hanc.* Vix Saram ra-  
pi viderat, cum ab eo ipso, qui injuriam  
fecerat, pecorum ac servorum grege tam  
copioso ditatus est, ut angusta illi, quan-  
tumcunque ampla, terræ spatia essent.
- Gen. 13. 1.* *Ascendit ergo Abraham de Ægypto.* Erat  
autem dives valde in possessione auri & ar-  
genti. Porro post Lothi Fratris Filij dis-  
cessum, reportatâ è quatuor Regibus Vi-  
ctoriâ, spoliisque opimis nobilitatus, in-  
signi plausu à conterminis Principibus  
exceptus vindicatæ libertatis, assertæ-  
*Gen. 14. 25.* *que pacis publicæ gloriam tulit.* Irruit su-  
per

per eos nocte, percussitq; eos. Pergamus.  
 Eodem pœne temporis momento, quo  
 Isinaëlem vertere solum iussit, cum im-  
 pij filij proscriptore fœdus pepegêre, Prin-  
 ceptis regionis Abimelech, & Phicol  
 copiarum Ductor. Eodem tempore dixit  
 Abimelech, & Phicol princeps exercitus ejus Gen. 21. 22.  
 ad Abraham: Deus tecum est in universis,  
 quæ agis. Quid jam cætera persequar,  
 quæ magnanimo Hebræo in filij jugulum,  
 quem Obedientiæ Victimam destinabat,  
 intentanti collata sunt, & regna promil-  
 sa, prænunciatas Victorias, Messiam de-  
 nique ejus stemmati insertum enumerem,  
 atque in re universis notissima, & sacris  
 litteris testatissima, verba consumam?  
*Quia fecisti hanc rem, benedicam tibi, &  
 multiplicabo semen tuum sicut stellas Cœli,*  
 quæque alia felicitatis Virtutumque deco-  
 ra vicissimum secundum Genesis caput  
 longâ ferie commemorat. Equidem haud  
 facillè reperietis, tantâ unquam præmio-  
 rum affluentia Deum remuneratum fuisse  
 ullam aliam virtutem, quantâ hanc,  
 quam suademus, à propinquis, medita-

tam potius, quàm perfectam disjunctionem profecutus est. Nullus Anachoreta vel in exesæ rupis horrore, nemo Concionatorum, licet circumquaque Doctrinæ lumina fundat, nullus denique Martyrum medios inter carnifices, & horribilem tormentorum apparatus constitutus, Deum habuit vel ad ingerenda solatia tam promptum, vel in largiendis præmijs tam profusum, quàm is, qui Religiosis Coeribus exemplum prius prævit, charos non amandi, & à propinquis faciendi divortium. At, inquires, beneficia hæc sunt ingentia certè, sed obnoxia temporì, sed caduca, sed Synagogà, quàm Evangelio digniora. Davidem proinde audi, inaudita prorsus præmia, novæque liberalitatis gen<sup>o</sup> extituris quondam in Ecclesia Vatibus prænunciantem, Deo thesauros suos paternæ domus oblivioni potissimum impensuro. *Obliviscere* *populum tuum, & domum Patris tui, & concupiscet Rex decorem tuum.* Excitatus nobilissimæ mercedis pollicitatione Hieronymus, ad Cœnobiorum vestibula pro-

cur-



currit, & Evangelicâ lætitiâ ebrius quodammodo, *Grande præmium*, exclamat, *Ep. 10.*  
*Parentis obliti! Concupiscet Rex decorem tuum. To. 17. 56*  
*mm. Dicet tibi: Tota pulchra es Amica mea, Can. 4.*  
*& macula non est in te.* Deus ille, è cujus vultu suspensi Cherubini sanctitatem ac beatitatem hauriunt, neglectis quoddammodo Angelorum in se defixis aspectibus, ad eos se convertit, eos intuetur, complectitur, beneficijs ornat, qui omnem è mente sua patriæ imaginem, parentumq; memoriam delent. *Obliviscere, & concupiscet.*

35. Porro quàm certum Deo, & immutabili Decreto fixum est, eos, qui demandatæ à propinquis secessionis legi paruerint, amplissimis præmijs remunerari, tantum pariter ejus desiderium ostendit gravissimis in contumaces constitutis supplicijs. Animos adhibete. Adolescentulus quispiam S. Benedicto Abbati traditus in disciplinam fuerat, interque alios Cassinensis Cœnobij alumnus numerabatur. Is furtim è religiosis septis digressus eo animo, ut parentes salutaret, in ipso lumine

mine paternæ domûs exanimis concidit  
 & vitam posuit malè cautus Tyrunculus.  
 Neque hic stetit atrocitas supplicij; quip-  
 pe quem sui terræ mandaverant, postri-  
 die sepulchrum revomuit, & in apertum  
 eiecit. Redditum igitur terræ corpus, al-  
 tiusque defossum, iterum è tumba evolu-  
 tum attoniti vidère. Quare uterque in-  
 felicis adolescentis parens Benedictum  
 adicere, multisque cum lachrymis orârunt,  
 ejus ut ossibus quietem largiretur, à quo  
 nimium dilecti fuissent. Quis credat?  
 Sumptum ex Altari Christi corpus, de-  
 mortui pectori super imponi jussit Vir, san-  
 ctus, eoque prodigioso præsidio, adver-  
 sus indignationem terræ, munitum cada-  
 ver, sepulchro denique immotum inhæsit.  
 Res, ut gesta est, à Gregorio Maximo,  
 sanctissimoque Pontifice describitur, nec  
 sinè horrore legi à quoquam potest, ado-  
 lescenti ejus ætatis, & sub ipsâ Religiosi  
 Instituti principia, vitam ademptam, &  
 sepulchrum occlusum, eam solùm ob  
 causam, quòd parentes, plùs, quàm par-  
 erat, dilexisset. *Dum quidam ejus* PUE-  
 RU-

RULUS MONACHUS, PARENTES SUOS ULTRA QUAM DEBERET DILIGENS, *de Monasterio exisset*, MOX, *ut ad eos pervenit*, DEFUNCTUS EST. *Cumque esset sepultus, die altero projectum foras corpus, & quæ sequuntur apud Gregorium funestissimi casus seriem percontantem, graviterque ponderantem. Age jam, si noxiam ejusmodi, in qua vix crimen agnoscas, seu levitatem erroris, seu ætatis infirmitatem, sive denique causam profectiois spectes, Divina tamen Justitia tam gravi, totiesque repetito supplicio castigavit; quo demum fulmine feriendum se putare debet, qui post plura Religiosæ vitæ lustra, multo longius se abduci finit, & à carne ac sanguine longè ulterius pertrahitur? Hos ego Jesu Christi nomine compello, & heus vos, inquam, Mementote Vxoris Loth.* Vix enim incauta Mulier, quæ tot annos, tam clarâ famâ Virtutis, in thalamo sapientissimi Viri exegerat, quæque, ut peregrinos hospites suos ab injuria defenderet, haud repugnavit, quò minùs Maritus

Lib. 2. Dial.

c. 24. T. 32.

415.

Luc. 17. 32.

com-

communes liberos insanæ plebis furiis, & Procerum libidini objiceret, vix, inquam, oculos eò, unde digressa erat, reflexerat, visura scilicet, quid domo paternâ, quid duobus generis, quos in urbe reliquerat, fieret, cum in statuum versâ, vitam pariter & supremum sepulchri munus amisit. *Retrò aspexit*, ait Augustinus, ET UBI RESPEXIT, IBI REMANSIT.

*Ser. 29. de*

*Verb. Dom.*

*To. 26. 47.*

*In Salem conversa est, ut prudentes CON-DIRET EXEMPLO.* Quod si ergo ad necessitudines suas, dum vastis incendiis hauriuntur, mediâque inter flammâs tremunt, atque intereunt, oculum temerè convertisse tantum piaculum est, ut novâ prorsus & inauditâ carnis in marmor conversione plectatur, perpetuâque prostare debeat & supplicii nota, & prodigiosi spectaculi probum immortale; conjiciat unusquisque, quæ quantâque vastitas inferenda sit menti suæ, si eam in cognati sanguinis contemplando factu, delicijsque defigat, idque non eo tempore, quo domûs crepitantibus ex busto flammis injicere salutarem terrorem, sed inter deli-

cias

cias & honores assurgens blandiri eâ specie, & curulum sedium ostentatione, veluti efficacissimo fascino, Crucis Amorem expugnare, Disciplinæque Apostolicæ fastidium creare intuentibus continevit. **UBI RESPEXIT, IBI REMANSIT.** Nimis profectò, nimis potentes sunt ex machinæ, quas nobis cognati sanguinis, infelicis licet, & ad supplicia damnati, amor admovent, inque perfectionis stadio sufflaminat vel gigantes: intuentes vincit, & invidentes enervat. At fortè paucissimos, & nullius nominis homines reperire sit, qui dum parentes, quos Christo posthabuerunt, alloquuntur, & cum propinquis, quos ad Aram Cœlo victimas fecerunt, versantur, adeò istorum blanditis, & honorum ac voluptatum illecebris, quibus illos affluere vident, capti sint, ut horrendis inconstantium suppliciis inconcussi, & quâvis rupe duriores furdiorisque, neque Prætidum montis, neque tot aliorum exemplis moveantur, qui torantia lachrymis lumina, uberâque melle fluentia utriusque parentis negligunt;



gunt, eam duntaxat ob causam, ut expeditius in Calvariae clivum enitantur, & in Crucis amplexus ruant; ipsi interim nihil tam præclaris aliorum studiis moti, turpiter à Christo deficient, & per calcratam Crucem evolent in parentum sinus. *Vbi respexit, ibi remansit.*

36. Video aliquem, qui Mulieris in saxum versæ spectaculo non adeò tangatur, quòd procul à patria, procul à propinquis, aliòque sub cælo degat. Vivimus, inquit, adeò sejuncti, ut nullus invicem intercedere conspectus queat. Quare si illa *ubi respexit, ibi remansit*; nihil ad nos tanto terrarum intervallo à nostris semotos, intentati fulminis minæ pertinere videntur. At enim hanc vestram confidentiam, falsamque securitatem castigabit Ambrosius. Quandoque parentum convivia, villas, latifundia, venationes secum animus retractat, longè illis vicinior intimiòrque redditur, quam Generorum busto se Lothi Coniunx admoverit. Quod si autem oculi jactus illam perdidit & saxo mutavit, mul-

tò funestiores erunt Metamorphoses nostræ, quæ à mentis obtutu tantò efficacior, quantò corporis lumen ratio vincit, proficiscuntur. Sed Ambrosium audiamus. *Nemo, inquit, sibi de absentia* Lib. 2. *con-*  
*blandiatur,* PRÆSENTIOR EST, QUI *tra Sym-*  
 SE ANIMIS INSERT, QUAM QUI *mach. T. p. 21*  
 OCULIS. *Plus enim est* MENTE CON-  
 NECTI, QUAM CORPORE CO-  
 PULARI. Inexpugnabili proinde fascino Mens illigatur, quæ Avorum suorum atria cogitatione revisit.

37. Atque hæc sanctissimi Doctoris denunciatione ad alteram institutam Disputationis partem deducti sumus. *Qui non odit Patrem suum, & Matrem, non potest meus esse Discipulus.* Equidem quid Christum impulerit, ut è Sectatorum suorum pectoribus tam severè fibras omnes innati adversus propinquos amoris revelleret, nec ingenij mei est investigare, nec demonstrare facultatis meæ. At enim non deest obsequium, quo Naturæ conditorum reverear, ea, quæ caro & sanguis conjunxit; virtute dividente. Quare

Pars IV. K sub-

submissō vultu ad sidera vocem extollo:

*Rom. 11. 33.* *O altitudo divitiarum Sapientiae & scientiae*

*Dei!* Sanè nos Pater æternus tenacissimis vinculis progenitoribus nostris per tot annos adstringit: atque hos tam suaves nodos coævus illi Filius tã severo edicto dissolvit, ut ijs, qui nos genuère, nec vivis memoriam, nec functis tumuli honorem

*Luc. 9. 60:*

impendere liceat. *Sine, ut mortui sepeli-  
ant mortuos suos. Obliviscere populum tuum,  
& domum Patris tui.* Quis verò capere

possit, eadem vincula hinc quidem tenacissimis nodis à Deo adstringi, & inexorabili sententiã à Dei filio rescindi? At enim, quod ego non allequor, mirabili ingenio, summaque felicitate assecutus est Hieronymus. Heu me, inquit Senex doctissimus, quin omnem tam noxiæ stirpis fibrã revellitis, quemadmodum enim nullum erat folium Apocalypticæ Arboris illius, quod non esset *ad sanitatem Gen-*

*Apo. 22. 2.*

*tium:* ità frondes omnes stirpis paternæ, sint licèt tenuissimæ, aridæ, exluccæ, ad imponendas lethales plagas, monstrososque abortus proferendos exitialem vim

ha-

hab  
CO  
ping  
PO  
MU  
exar  
Hau  
nym  
quo  
a De  
& v  
vato  
icel  
nos  
& n  
no  
facer  
mus  
unu  
Ato  
est,  
que  
ptio  
reru  
um

habent. MULTA NOS FACERE  
 COGIT AFFECTUS: & dum pro-  
 pinquitatem respicimus corporum, COR-  
 PORIS ET ANIMÆ OFFENDI-  
 MUS CREATOREM. Quem non  
 exanimet adeò formidabilis sententia?  
 Haud equidem stimulos, inquit Hiero-  
 nymus, & calcaria nobis iste in propin-  
 quos amor subjicit, ut apertà defectione  
 à Deo transfugiamus, sed manum impicit,  
 & violenter à Conditore abductos in Ser-  
 vatoris contumeliam aumat, nec simplici  
 icelere, unàque tantum pernicià notare  
 nostatis habet, sed toto malorum pelago,  
 & interminato litioribus criminum Ocea-  
 no mergit vel invitos. *Multa, multa nos  
 facere cogit affectus.* Et pati forsan posse-  
 mus, si turbulentissimis huius fluctibus  
 unus duntaxat vel alter Jonas sorbetur.  
 Atqui eorum innumerabilis multitudo  
 est, quos ejusmodi vortices haurire: ne-  
 que illos vel de plebe homines, præcep-  
 tionum divinarum rudes, vel Clericos  
 rerum cœlestium inexpertos. Naufragi-  
 um quinimò in rapidissimis ejusmodi pro-

Ep. 128. Fa-

isole.

To. 17. 312.

cellis, adière, atque utinam non hodièq,  
 adirent priimi quique Anachoretarum  
 Duces, & nobilissimi Religiosorum Or-  
 dinum Antesignani! QUANTI MO-  
 NACHORUM, prosequitur Hierony-  
 mus, *dum Patris, Matrisque* MISEREN-  
 TUR, SUAS ANIMAS PERDIDE-  
 RUNT! Quis hîc, rogo, quis vultu,  
 quis animo sibi constet: quis, cùm tali-  
 um ruinarum sonum excipiat, & stellas  
 cœlo refigi, præcipitèsq; in lutum ruere  
 videat, nō exanimis prolabatur? QUAN-  
 TI MONACHORUM *suas animas*  
*perdiderunt?* Nimiùm heu! nimiùm exa-  
 cuta illius gladij acies est, quem nobis  
 nostra in parentes pietas, & in propinquos  
 charitas imprimit, tamque virulento cruo-  
 re imbuta, ut vel durissimos Adamantes  
 pervadat, intimâque eorum pectora ri-  
 metur, qui cum Apostolo Paulo Fidei  
 Scutum, & Votorum Loricam objici-  
 unt. *Dum Patris, Matrisque miserentur,*  
*suas animas perdiderunt.* Atque hi non no-  
 stri ævi, sed ejus, quo vixit Hieronymus,  
 ætatis Monachi erant, Viri nempe corpo-  
 ris



ris quodammodo expertes, qui noctem  
 Psalmis, diem laboribus extrahebant,  
 quibus pro cervicali silex erat, oryza  
 pro dapibus, scopulus pro domo, pro  
 contubernalibus feræ, vita demum o-  
 mnis inusitata austeritatis prodigium, cor-  
 pusque ab omni terrena face absolutum  
 videbatur. Et tamen *Quanti Monachorum*  
*suas animas perdiderunt!*

38. At enim minùs me ista move-  
 rent, si quæ S. Doctor litteris consigna-  
 vit, consignasset duntaxat, nec argumen-  
 tis confirmasset. Verùm enimverò post  
 omnia, rationes attulit, & Rustico, Viro  
 patricio, & nuper è Capitolio in solitari-  
 os scopulos, ut procul à turba soli dein-  
 cept Christo viveret, transgressio, memo-  
 rabilem super ea re Historiam perscripsit.  
 Age, inquit, & cum Anachoretis, sylvæ  
 incolis, colloquia misce, in quibus videli-  
 cet severissimæ virtutis forma, & species  
 quædam Martyrij relucet; verùm etiam  
 atque etiam considera, utrum in tanto,  
 tamque rigido vitæ tenore, & an cineri-  
 bus illis ulla privati erga propinquos amo-

ris scintilla intermicet: quippe ubi aliqua  
 fulserit, jam tu Eclipses ac tenebras expe-  
 cta, quales pendente è Cruce Christo  
 Calvarium Montem obsederunt. Haud  
 equidem temerè ac fortuitò ista moneo,  
 neque vaticiniorum involucris, sed rerum  
 gestarum fide terrorem meum adstruo.  
 Menses sunt, (nec enim è retroactis secu-  
 lis advocare exempla necesse est) menses,  
 inquam, sunt, cum nos Anachoretæ cu-  
 juspian mors exanimavit. Is cum asperi-  
 tate vestis, speluncæ angustijs, squalore  
 vultus, famam sibi sanctitatis comparâs-  
 set, omnes omnium oculos loculosque ad  
 se traxit, copiosamque stipem, quam sci-  
 licet in egenos, pupillosque divideret, ex  
 omni ea provincia collegit. Verùm tan-  
 tum absuit, ut, Evangelicam illam viduâ  
 imitatus, vel duos solum teruncios egenti-  
 bus erogaret, ut pecuniam omnem in an-  
 trum suum conferret, eamque constan-  
 guineis suis testamento legaret, qui cum  
 super hoc omni essent egentiores, & de  
 intima plebe homines, ab infelicis Ana-  
 choretæ funere, novi repentè Croesi,  
 ad

ad  
 tun  
 hæc  
 riis  
 verb  
 Vidi  
 CR  
 DE  
 in us  
 PO  
 ferr  
 vit a  
 ama  
 tan  
 ra,  
 stor  
 lij,  
 ftes  
 suce  
 se,  
 si A  
 pro  
 tam  
 opp  
 cula

ad invidendam maximis Principibus fortunam, assurrexere. Ne verò quis putet hæc à me magnificentius fortè, quàm ventis, dici, reddam fideliter Hieronymi verba, nullà ne quidem syllabâ immutatâ.

*Vidimus nuper, &* PLANXIMUS Ep. 4. ad Rustic.  
 CROESI OPES, UNIUS MORTE To. 17. 24.  
 DEPREHENSAS, *Urbisque stipes, quasi in usus pauperum congregatas,* STIRPI ET POSTERIS DERELICTAS. *Tunc ferrum, quod latebat in profundo, supernatavit aqua, & inter palmarum arbores, myrrha amaritudo monstrata est.* Sinite me; palpitantis animi curas inter vos, ô mea viscera, dividere. Quis est, inquam, qui victoriam sibi promittat ex eo genere prælii, quo Gigantes, ijque non Arcæ hostes, sed Propugnatores prosternuntur: succumbuntque ij quoque, qui Christo se, res, spēsque omnes devoverunt? sanè si Anachoreta clarissimus quispiam tam procul à patria propinquisque suis positus, tam fœdum facinus admisit, mortemque oppetijt tot sacrilegiorum & inauditi peculatus conscius, nec pœnitens; ut pro-

pinquos loco , professione , ac vivendi  
conuetudine penitus diversos , ad opes &  
honores eveheret : quâ ratione vereri ego  
non debeam , ne , dum necessariorum  
nostrorum vel domos frequentamus , vel  
comodis studemus , in illorum bitumine,  
ceu visco, hæreamus impliciti, & ne, quan-  
do ipsi quoque Nazaræi, qui modò can-  
didissimis illibata vitæ stolis amicti Taber-  
naculo votivam servitutem serviunt , pu-  
rissimas professionis sanctissimæ nives infi-  
ciant, vel laboribus eo , quo versantur,  
loco indignis , vel studijs ab Apostolico  
vivendi genere alienis ? Atqui unus ille in-  
ventus est, qui pietatis sacrarium, Cellam,  
inquam , suam , in spelæum latronum  
converteret , & fortè facinoris atrocitas  
ad absterrendum potius, quàm ad allici-  
endum, valere possit. At verò, qui Mo-  
nachorum turbam audit, cognati sangui-  
nis amore, mollique in suos indulgentiâ  
fascinatam, parentum inopix sublevandæ  
causâ cum Cacodæmone conjurâsse,  
quomodo se vel à periculo tutum, vel im-  
munem ab interitu existimabit, si propin-  
quo-

quorum suorum cupiditatibus favet, & fortunis exaugendis industriam suam locat? Qui! ni ergo metu concutimur, ne animos nostros invadat affectio ejusmodi, quæ expugnatas Anachoretarum solitudines triumpho traducit, stylitas dejicit, & inexplicabilibus labyrinthis implicat, nobili transfugio ex Aegypto in terram sanctam transgressos. *MULTA facere* COGIT AFFECTUS. QUANTI MONACHORUM *suas animas perdiderunt.*

39. Id quod non solum Hieronymus aliquis deploravit, sed Idolorum quoque Cultor prævidit, qui Venatorum, feras metuentium, arma saltè deridens, nihil esse his opus monet, quando vel ferocissimæ Tigres, Leopardi, Leonéque immitissimi, atque immaniissimi Elephanti, vel ipsis muralibus machinis, nedum militum hastis inexpugnabiles, ultrò se in plagas induunt, exposita vel inermibus prædâ. si modò hi subreptos eorum fœtus in insidijs collocassent, furentéque hâc eicâ illexissent. CATULORUM AMOR



*in venabula impingit FERAS, quas feritas  
& inconsultus impetus præstat indomitas.*  
Nempe reperies aliquos, qui nullo fastu,  
nullis delicijs, aut vitæ commodis fracti,  
uni in stirpem suam amori turpiter suc-  
cumbant: &, cum omnes Inferorum  
assultus invicti sustineant, ne mollissimū  
quidem, quem cognata manus impres-  
serit, impulsū perferant, quin præscri-  
ptas ab Instituto suo leges convellant, &  
aliquando ne divina quidem Jura reve-  
rantur. Sed enim *Catulorum Amor* nihil  
non efficit, & ferocissimas quasque bellu-  
as, quarum rugitu ipsa quoque arcium  
propugnacula intremiscunt, pueris ad lu-  
dibrium objicit. *Quas feritas præstat indo-  
mitas.* Ab Anachoretarum specubus, ad  
arenas & amphitheatra gradum facio, li-  
cèt inde me retrahat corporum, Christi  
causâ laniatorum, veneratio, & patrimo-  
niorum, Cæsarum aviditati expositorum,  
religio. Vidit Ecclesia, vidit, inquam,  
Heroum suorum aliquem, postremæ,  
quæ à filijs suis in subterraneis cryptis age-  
batur, ætatis, post flagra, post equuleos,

can-

candentes laminas, ardentes rogos, &  
 sexcenta exquisitissimæ crudelitatis tor-  
 menta, cum jam Cœlum triumphaturo  
 pateret, palmâsque laureâsque Victori  
 porrigeret, conspectis prolis suæ lachry-  
 mis fractum, inducias cum tortoribus pa-  
 cifici, & depositum ex equuleo, SS Tri-  
 dem ejurare, Saturno thus adolere, de-  
 vovere, quò lustratus erat, Baptismi fon-  
 tem, salutem projicere, æternum sibi  
 exitium advocare, denique, ne lachry-  
 mantem filium videre cogeretur, ipsam  
 Cœlitum lætitiâ, quantum in ipso erat,  
 in mœrorem, confusionemque conver-  
 tere. Audiamus Ambrosium, oculatum,  
 ut ipse tateretur, funestissimæ Catastrophes  
 testem. SÆPE COGNOVIMUS, *ser. 15. in 57.*  
 inquit, *quoniam, 'quem formidolosa carnifi-*  
*cum pompa non terruit, nec dirisi lateris sul-*  
*cus infregit, nec ardentes lamina à triumphâ-*  
*lis fortitudinis rigore abducere potuerunt, eum*  
*inter sacra jam præmia constitutum, Uxor,*  
 TENERÆ SOBOLIS OBLATIO-  
 NE, *miserabilis, unius lachrymæ m. seratio-*  
 ne DECEPIT. Quis non totis artibus

con-

contremiscat, non quovis saxo frigidior  
stupidiórque jaceat, dum longè foedissi-  
mam rerum conversionem intelligit, &  
nobile martyrium in manifestam defe-  
ctionem permutatum deprehendit. Proh  
callidum ac veteratorium Henrici Regis  
ingenium! cum Thomæ Episcopo, &  
paulò post Martyri, post opes, honores,  
patriam ademptam, consanguineorum  
egestatem, gentisque illuviem suæ, spe-  
ctandam in Exilio dedit; ratus, invicti  
Præsulis constantiam, quæ quovis Ada-  
mante durior, irati sceptri formidabiles  
ictus repercussèrat, afflictæ lachryman-  
tisque familiæ molliæ labefactandâ esse.  
Verùm eas omnes machinas, noxiosissi-  
mæque fraudis potentissima instrumenta,  
quâ tot aliorum Christi pugilum expu-  
gnata constantia fuerat, invicti Exulis  
Virtus, & potior in Deum pietas, discuf-  
sit. Heu quàm violenta cognati sanguinis  
lenocinia sunt! Sirenium ejusmodi quæ-  
stus, ipsos quoque, qui se Crucis Arbori  
tenacissimis vinculis adstrinxerunt, emol-  
liant. Cessent proinde divinæ Litteræ ad  
extol-

extollendam Israël's Dei gloriam posthac Erythræum mare ostentare, quod Ægyptijstumulum, Patriarchis viam præstet, quando nos in pauculis plorantis infantuli lachrymis submersum Cœlum, & , si licet ità dicere , haustam naufragio Dei Immensitatem , contra vero Idolorum cultui complanatum iter , & ad possidendum tantum non Martyris Corpus referatum Dæmonibus transitum lugemus. *Inter sacra jam premia* CONSTITUTUM, *Vxor, teneræ sobolis oblatione*, UNIUS LACRYMÆ MISERATIONE DECEPIT. Et ô felices vos, si unus modò Christianus repertus foret, qui tam desperato casu prolapsus esset, ut à cœlestis gloriæ laurea, jam pæne prehensa, ad Idololatriam revolvî, & Dæmonis Tyrannidi subdi se postliminiò pateretur! Verùm primæ duæ voces, quibus S. Doctor orationem suam inchoat, testaturq; sexcentis Fidelium hoc familiæ suæ studium impotuisse, & Religionis professionem à lingua, virtutem ab animo, coronam à vertice sustulisse, quiescere me non si-

sinunt. SÆPE, inquit, *cognovimus*.  
 Omnis alia vis retundi potest, sed amoris,  
 quo in propinquos ferimur, impetus, vel  
 ipsis Levitarum Tubis violentior est: ac  
 proinde, ut istæ Jerichuntem sono pro-  
 straverunt, sic ille plorantium gemitu Hierosolymas evertit. Ipsum quoque Adam  
 novimus, licet nativâ Gratiâ obar-  
 matus, oppugnandi sui audaciam Dæmo-  
 ni ademisset, in detestabilis perfidiæ ba-  
 rathrum ivillè præcipitem, impulsûm vi-  
 delicet ab uxore, unius duntaxat voculæ  
 illecebræ, & simplici gustu pomi. Itaque  
*Fœmina Virum*, QUEM SERPENS  
 TENTARE NON AUSUS EST,  
 CIBO ORIS ET VI AMORIS *in-*  
*flexum, mollis quâdam affectione* TRADU-  
 XIT. Quod si ergo, nec sinè lachrymis,  
 fatendum est, cum hominem, quem suis  
 ipse manibus Deus formaverat, & divinæ  
 Gratiæ radijs coronatum produxerat, tan-  
 tam cladem accepisse, licet nulla esset in  
 Coniuge doloris, atque adeò misèrationis  
 materia, & uterque elementorum, ani-  
 mantium, totius denum terrarum Orbis  
 im-

ibid.



imperio polleret, conjiciat unusquisque  
 vestrum, quâ constantiâ ipsi parentum  
 affiniûmque importunas preces rejecturi  
 simus, si quando rei familiaris angustias  
 questi, ad ampliores fortunas viam com-  
 monstrent, nôsque familiæ columen, gen-  
 tisque Instauratores amplificatorésque in-  
 clament? *Ah, ah, ah nescio loqui* in re tam *Ierem. 1.6,*  
 ancipiti, & quæ, remota omni turpitu-  
 dinis notâ, quâ cætera vitia laborant, in-  
 fidijs suis speciosum pietatis titulum præ-  
 textit, nec aliud nobis, quàm quod Na-  
 tura docet, & humanæ Leges jubent, per-  
 suadere contendit. Ego certè decem illis  
 annis, quibus hanc Domum rexi, vix ul-  
 lum vidi, qui aliâ Tyrannide subactus ab  
 Aratro manum removeret, & oculos ani-  
 mûmque eò, unde venerat, referret, quàm  
 isto in consanguineos suos studio victus.

40. Quod verò de Tyronibus pro-  
 nuncio, Veteranis itidem inculco. Ne-  
 mo transactorum in obsequio Christi an-  
 norum fiduciâ sibi blandiatur, non obten-  
 tis adversus vitia victorijs, aut partæ virtu-  
 tis gloriâ se jactet, quando Affectionis hu-

jus præstigiæ Justos circumveniunt, &  
 sanctos de gradu dejiciunt. Equidem Jo-  
 nathæ bona mens, vitæ integritas, pietas  
 in Deum, charitas in Davidem, minimè  
 defuit. Jacuit ille nihilominus in Gelboa  
 profanorum hostium gladijs transossus.  
 Eam videlicet ob causam, veluti Petrus  
 Damiani existimat, quòd infelix Princeps,  
 Patris sui vitia patientius, quàm par erat,  
 tulisset, quorum cum Censorem objur-  
 gatorémque se non præstitisset, reum se  
 fecit, haud quidem atrocitate culpæ, sed  
 acerbitate tamen supplicij. *Jonathas, cum*  
*in Deum pius, & sancto Propheta esset ami-*  
*cus,* PROPTER PATERNÆ TA-  
 MEN SUPERBIÆ EASTUM, gla-  
 dio subjacuit impiorum. At hoc parum  
 est ad Patriarcharum in suos indulgentiam,  
 cum vel ipsi Abrahami atque Isaac, quâ-  
 libet scythicâ nive frigidiores essent, in  
 summo peccantium filiorum ardore. Tar-  
 tarea Ismaëlis machinamenta, qui ventus  
 haud esset Idola sub sacratissimo tentorio  
 fabricare, Abrahamo Sara expotuerat:  
 gravissimisque verbis hortata virum erat,

Ser. 24. de S.

A. ex.

To. 14. 146.

ne dubitaret, tanti sceleris architectum  
domo expellere, futurum alioquin, ut  
damnatae superstitionis contagione Isaa-  
cum quoque, cœlesti oraculo promissam  
stirpem, corrumpere, & Numinis, à  
quo tantis beneficijs ornatu essent, tot  
tamque gravibus iniurijs appetiti, vindi-  
ctam in omnem familiam provocaret. Ex-  
cepit accusationem, manifestissimis in-  
dicijs comprobata, magnus ille Pater-  
familias, tantumque absuit, ut, pro rei  
dignitate commotus, Ægyptiæ ancillæ  
filium castigaret, ut scelestissimi Vernæ  
impietatem elevandi consilium cœperit.  
*Ejice ancillam hanc, & filium ejus:* inquit-  
bat illa. Sed enim DURE ACCEPIT  
*hoc ABRAHAM PRO FILIO SUO.*  
Adcœque in defensione impiæ sobolis ani-  
mum obstinabat, ut, nisi violendum se co-  
ram Deo præbuisset, palamque exilium  
noxio indixisset, simulachra Isinaël fin-  
gere perrexisset. CUI DIXIT DEUS:  
*omnia, quæ dixerit tibi Sara, audi vocem ejus.*  
Itane verò ille quoque, qui alterum è fili-  
js Obedientiæ facere Victimam potuit,

idem alterius sacrilegia , per ignavam  
mollémque in sanguinem suum indul-  
gentiam , dissimulare sustinuit ? Ite jam  
ac me falsum opinione meâ proclama-  
re , cum dicerem , solâ cognati sangui-  
nis persuasione induci mortales ad sube-  
unda , quantumvis foeda , dedecora ,  
qualia sunt : scelera impunita relinquere ,  
& invisam superis impietatem dissimula-  
tione transmittere : siquidem eam ob cau-  
sam Jonathas commonere Patrem , &  
Abrahamus castigare filium supersedit.  
Quis Isâaco , exclamat Chrysostomus ,  
justior sanctiorque , parato mori , ut paren-  
tis somnio fidem adstrueret ? Hæc ipsa  
ramen Christi , in Monte occisi , germa-  
na effigies , licet tor tantâque Esâui flagi-  
tia comperta haberet , quamvis sciret im-  
morigerum & contumacem Matri , pa-  
triarum Legum contemptorem , Chana-  
næarum mulierum maritum , Natalium  
prærogativam abligurivissè , fratrem ho-  
stili odio infectari , à sacrificiis alienum , so-  
lis venationibus delectari , denique Epicu-  
reorum sectam tantò antè auspicari , huic

tamen Gentis imperium destinavit, & electi à Deo populi parentem esse, atque è tam scelesti hominis stirpe nasci Dei filium voluit. *Fac mihi pulmentum, ut comedam,* Gen. 27. 4.  
 ET BENEDICAT TIBI ANIMA MEA, *antequam moriar.* Quò Patriarchæ factò, & Amoris depravatione, attonitus Joannes Chrysostomus exclamat: *Esau nonne sancti Isaac erat filius,* MAGNO Hom. 9. in  
 PATRIS FAVORE MUNITUS? *Matth.*  
 Et hic quoque necesse fuit Deum geminare prodigia, & interposità æquitatis suæ potentia paterni amoris fascinum expugnare. Nempe ut Patris optimi in pessimum filium studia interverteret, stuporem, semper, cæterà perspicacissimo, annuissit, & mutuata vestis, alluti capillamenti, artificiosa clavis, arcessita fragrantia, innocentibus dolis, circumvento, necessitatem imposuit, ut majorem filium, cui favebat immeritò, minoris imperio subiceret. *Iuxta naturæ ordinem prior,* ET DE PATRIS VOLUNTATE SECURIOR, *quia tamen displicebat Deo,* AMISIT. *omnia, quæ jam tenere videbatur,*



Pluribus affectionem ejusmodi , quæ veneno suo Animos inficit , & sanctissimos quosque contaminat , infectari , ejusque tum fecditatem , tum supplicia demonstrare , per tempus non licet. Itaq; Orationi finem imponet ejus supplicij commemoratio , quod de summo Synagogæ Pontifice , ob immodicam in scelestos filios indulgentiam , Julice Cælo , in oppido Silunchis sumptum legimus. Intellexerat Sacerdos infelix , quibus injurijs Tabernaculum profanaretur , quibus Holocausta rapinis fraudarentur , quâ Ministrorû lasciviâ sacrarium pollueretur , quâ contumeliâ Deus afficeretur , quæ sibi suisq; supplicia imminerent. Cùm nihil horum ignoraret , præ tanta tamen sacrificiorum contaminatione , religionis contemptu , cultus divini neglectu , morum corruptelâ , libidinum & Sacrilegiorum colluvie , plus apud eum sobolis suæ amor potuit ; maluitque Princeps ignavus domi suæ Dei cultum venerationemque obsolescere , quàm impijs ministris , justissimū licet , ruborem suffundi. Quô factum est , ut tan-

tâ tot libidinum rapinarumque impunitate  
 offensus Deus, dissimulationem Patris,  
 & licentiam filiorum, inhoneste  
 mortis genere vindicandam duxerit. Igi-  
 tur Arcam ab hostibus capi, fundi exerci-  
 tum, & in ea strage Ophni & Phineen oc-  
 cumbere passus est. Heli subinde, tum  
 publicæ tum privatæ calamitatis sensu ict<sup>9</sup>,  
 ac præcipuè propriæ ignaviæ conscientia  
 perturbatus, revolutus in præceps corpo-  
 re corruit, aspersisque cerebro suo postib-  
 us, excessit e vita, incertum, quæ fors  
 proscriptam ab Orbe mentem exceperit.  
*Cecidit de Sella retrorsum juxta ostium, & 1. Reg. 4. 18.*  
*fractis cervicibus mortuus est.* Mollis illa &  
 effeminata Indulgentia, quæ familiæ sa-  
 cerdotalis gravitatem infregit, & Ponti-  
 ficæ dignitatis majestatem inobscuravit,  
 ipsum laceri cadaveris sepulchrum deho-  
 nestavit, inscriptis marmori vocibus ijs,  
 quas Deus ad immortalem infamiam, hu-  
 jus in cognatum sanguinem impotentis  
 studij, consignavit. MAGIS HONO- 1. Reg. 2. 29  
 RASTI FILIOS TUOS, QUAM ME.  
 Nec sinat unquam æterna Numinis Sapi-

entia, ut servorum suorum tumbæ, tam funestâ Epigraphæ, notentur. Et certè vel sola suspicio, posse in aliquem filiorum meorum tam foedæ turpitudinis maculam cadere, me ad mortem adigeret. Et tamen inevitabile hoc fulmen foret, si Constitutionum nostrarum, si Ecclesiasticarum legum obliti, & divinis imperijs contumaces, eos diligeremus, à quibus sancto quodam odij genere dissidere debemus; cùmque è memoria delere nos oporteat vel ipsum familiæ gentisque nostræ nomē, mentem interim consanguineorum studijs occupari, distrahiq̃ue pateremur, vel eorum luxui alimenta ministrando, vel inopiam, aliq̃ue incommoda, quibus Deus eorum virtutem experitur, eò consiliò, ut hujus exilij malis exercitos, æternis in patria præmijs remuneretur, præposterâ miseratione prosequendo. **MAGIS HONORASTI FILIOS TUOS, QUAM ME.** At enim nunquam veniet tam funesta dies, ut id de Ignatii filijs dicatur, utique, qui Evangelici edicti à Christo propositi, & à vobis intelle-

cti,

cti, religiosissimam Obedientiam profi-  
tentur, quique alteram argumenti partem  
jam exponi postulant: ecquis scilicet in  
sacro sancti hujus in consanguineos Odij  
exercitatione modus ac ratio teneri pos-  
sit ac debeat, nempe quod illis cœlestia  
præsidia parare, ipsiis verò immortales  
coronas parere consuevit. Quod dum  
in aliud tempus rejicimus, ea,  
quæ dicta sunt, te-  
neamus.



EXHORTATIO  
XL.*Feriâ VI. post Domin. Sexages.*

Et aliud cecidit in terram bonam, & ortum fecit fructum centuplum. *Luc. 8.*

Nisi granum frumenti cadens in terram mortuum fuerit, ipsum solum manet. *Ioh. 12.*

**M**ORTIFICATIO perturbationum nostrarum infructuosa est, nisi eas illa penitus exstirpet, & mortis instar extinguat. Iam verò cupiditatum nostrarum felicissima Mors, in commune quidem omnibus longè utilissima est, sed No-*vis Societatis Alumnis* summè necessaria. Frustra verò tantum bonum speraverint tum Tyrones



noſtri tum Scholaſtici, niſi Praſidium  
 ſuorum ductui ſe totos permiferint,  
 mentesque ſuas expurgare omni ſtu-  
 dio per ſe ipſi contenderint. Quali-  
 bet Veteranorum actio, non ex virtu-  
 te patrata, exemplo ſuo peſtem Iuniori-  
 bus afflat. Hi porro ſi latum ungem è  
 cæpto virtutis itinere deſlectant, in  
 funeſtos exitus impetum capiunt, nec  
 prius exerrare deſiſtunt, quàm à vo-  
 catione penitus excidant. Quare qui  
 vivere Chriſto cupit, ſibi moriatur  
 oportet, nec à ſanctiſſimo mortis huius  
 genere ſe ſinat ab ullo excitari, quip-  
 pe ſi è ſepulchro redi-vivus prode-  
 at, tanquam monſtroſus quiſ-  
 piam Lazarus con-  
 vi-via inibit.

OS ( o ) SO

L 5

Octa-



Ctavus hodie dies il-  
 luxit, ex quo Provinciar  
 hujus moderator, abso-  
 lutâ cum ingenti animi  
 sui lætitia, Domûs hujus, animorûmque  
 vestrorum Inspectione, cum fausta vos  
 appreciatione dimisit, gemino eoque ma-  
 ximò solatio impertitos, tum promulgatâ  
 pro more summorum Pontificum Indul-  
 gentiâ, tum expositâ eâ felicitate, quam  
 universi Vocationis vestræ beneficio ade-  
 pti essetis. Usus ad eam rem anniversa-  
 riâ festâque S. Romualdi memoriâ, cen-  
 tuplicatam mercedem, æternæque gloriæ  
 præmia, à Christo in Evangelio promif-  
 sa, Sectatoribus suis, vobis quoque Chri-  
 sti nomine promisit, adductis in medium  
 ijs, quæ de felici in Societate morientium  
 conditione, tum Magdalena Florentina,  
 tum Theresia Hispana Virgo, cœlesti ora-  
 culo didicere. Et verò sanctissimarum  
 earum mentium auctoritate fultus, cer-  
 tû vobis quodammodo pignus exhibebat,  
 fore, ut à Jesu domo, ad Dei regiam transi-  
 retis, cum Apostolis sessuri Judices Or-  
 bis

bis terrarum, hoc est opum, voluptatum, honorum contemptorum præmium, ejusque vitæ generis, quod aliud denique non est, quàm perpetua quædam pro Christo in Calvario monte morientium mors, amplissimam mercedem accepturi. *Sedebitis & vos super sedes duodecim, judicantes duodecim tribus Israel.* Et ut omnem illius orationem in compendium mittam, id ille unicuique vestrum dixit, quod hodie Christus: *Et aliud cecidit in terram bonam, & ortum fecit fructum contuplum.* Quin igitur, tanti beneficii magnitudine commoti exclamamus universi: *Misericordias Ps. 88. 2. Domini in æternum cantabo*: siquidem tot alios mortales, vel similes nobis, vel etiam meliores intueamur, quos æterna Providentia in terra destituit, vel pertinaciæ lapidibus constrata, vel ambitionis profanorumque negotiorum spinis impedita, vel denique vicinos ei, quæ ad æternam perniciem ducit, viæ, in quam, qui incidit, interit, quando vix ullus improborum consiliorum præstigias, & pravi exempli insidias, vitat. Atque utinam

mo-

modò liceret mihi referare vobis cœlum, oculósq; vestros ad intuentes Thronos, qui vos manent, & contemplandas Angelorum, qui vos expectant, cohortes deducere. Sanè vos estis, qui à Deo, fecundissimo Religiosi ordinis agro insiti, tam copiosam promeritorum messem in Domini horrea inferetis, ut Ægyptia illa sub Josepho ubertas, vestræ comparata, extrema sterilitas, famésque sævillima videri possit. *Et ortum fecit FRUCTUM CENTUPLUM. Centuplum accipietis, & vitam æternam possidebitis.* At enim tam beata prodigiosaque ubertas sperari nequit, nisi feracitati glebæ industria frumenti responderit. Equidem in felicissimam frugum copiam succrescemus, si in excolenda semente nos strenuos laboriosósq; præstiterimus. Nempe qui plenas nobis uberésque spicas promittit, is emoti nos penitus affectionibus nostris jubet. *Nisi Granum frumenti cadens in terram MORTUUM fuerit, ipsum solum manet.* Res, inquit, geretis maximas, & ad nominis mei Gloriam illustres, postquam in

Agri

Agri mei sulcos coniecti, non tam effie-  
mini vobis viles, quàm nulli. *Cadens in  
terram MORTUUM fuerit.* Certè hanc  
provinciam nostram esse Societas voluit,  
toto illo quatuor annorum spatio, quò cā  
nos, veluti consepultos, per primum  
Tyrocinij, alterumque studiorum bien-  
nium, à publico & communi consuetu-  
dine semovit. Atque has ego geminas  
Sodalium nostrorum Classes hodie allo-  
qui constitui: & ijs quidem, qui nuper  
in Christi familiam transierunt, auctor  
ero: ut cupiditatibus, opinionibùsque  
seculi univerſis mori non dubitent, futuri  
scilicet instar Evangelici frumenti, tantò-  
que uberiozem quondam Ecclesiæ fru-  
ctum allaturi, quantò illi depressiores,  
obſcurioresque modò fuerint, & nec la-  
tere, nec interire moleſtè tulerint. Ea-  
propter in tria capita orationē partiemur.  
Et primùm quidem Apostolicæ hujus  
mortis necessitatem; tum ejus assequen-  
dæ modum; denique non immoriendum  
modò huic mortì, verùm etiam immo-  
randum esse demonstrabimus. BEATI  
MOR-



*Apoc. 14. 13.* MORTUI, qui in Domino moriuntur.  
*Colof. 3. 3.* MORTUI ENIM ESTIS, & Vita  
 vestra abscondita est cum Christo in Deo.  
 Nisi Granum frumenti cadens in terram mor-  
 tuum fuerit, ipsum solum manet.

42. Religiosæ Vitæ perfectionem  
 consequi nullâ ratione potest, nisi qui,  
 prorsus sibi mortuus, totum se ad Evan-  
 gelicæ vitæ normam aptaverit, ut dicere  
 cum Paulo & ipse possit: *Vivo ego, jam non*  
*ego, VIVIT verò IN ME CHRISTUS.*  
*Gal. 2. 20.* Nemo pedem Virtutis sacrario infert, nisi  
 à seculo penitus sese abstraxerit, atque  
 omnium eorum, quæ Mundus sentit, co-  
 lit, in pretio habet, semel oblit<sup>9</sup>, nunquam  
 non obliviscatur. Id scilicet denunciavit  
 Augustinus Academicis, qui fateri non  
 dubitabant, non percipi à se neque My-  
 steria Divinitatis, neque Philosophiæ  
 Christianæ Sacramenta, quæ scilicet à  
 propensionibus hominum, & Gentium  
 consuetudine plurimum abhorrerent. E-  
 quidem certissima sunt, inquit, esset  
 Evangelicæ Doctrinæ, sed enim intelligi  
 non possunt, nisi penitus te illi consecra-

veris. *Ipsam verum non videbis, nisi in Phi-* Lib. cons.  
*losophiam* TOTUS INTRAVERIS. *Acad.*

Spem proinde omittat omnem, futurum *To. 86. 34.*

unquam, ut in æterna cœlestiâque mens  
 defigatur, nisi caducis, vanis, periturisq;  
 rebus ita clausus fuerit oculus, ut eas nun-  
 quam imposterum vel aspectu, vel æsti-  
 matione dignetur. *Nisi in Philosophiam*

TOTUS intraveris. Habet Religiosa  
 Sanctitas quiddam cum Indico mari com-  
 mune, cui nisi quis se immergat, nihil  
 præter vilissimam algam reperit: contrâ,  
 qui altum subit, penitusque rimatur, is de-  
 mum Corallia, Uniones, thesauros, eruit.

Atque utinam reperire paucos sit, qui  
 Christi Oceano suberis instar aut stipulæ  
 innatant, alijs interim, ceu gravissimis ex  
 auro globis, consiliorum Evangelicorum  
 profunda petentibus. Miserum enim ve-  
 rò te, quicquid ex illis es! quippe quem,  
 velut avullam è navi tabulam, quælibet  
 aura circumaget, nulla non tempestas ja-  
 ctabit: haud alio exitu, quàm ut, in lit-  
 tus ejecta, vel computrescat, vel ardeat.

Aut agite, quod agitis, & intimos virtu-

tis

176 NOXIÆ CUPIDITATES

tis recessus scrutamini, aut ad subeunda  
ea damna vos comparate, quæ nunquam  
is vitaverit, qui Sanctos inter non sanctè  
vivit. Tonantem Ephremum audite,  
gravissimum vitæ solitariæ Præceptorem:

*De Pœnit.* Ergo si quis non firmiter ad Pœnitentiam ac-  
cesserit, LIGNUM EXISTIT. Nempe

*Luc. 3. 17.* paleæ scæni que ritu supernatantem te im-  
placabilis Judex flammis addicet. *Paleas*  
*autem comburet igni inextinguibili.* Cujus  
supplicij eam esse causam, modò laudatus  
Anachoreta, confirmat, quòd ab homine,  
perturbationibus suis obnoxio, ingens in  
eos, qui ad Religiosæ Vitæ genus se con-  
ferunt, perniciēs derivetur. Eos enim  
dum recentes Hospites intuentur, facilè  
in eam persuasionem adducentur, vel in  
Calvario procul à Cruce degi posse, ac  
citra affectionum cupiditatũque carni-  
ficinam, & Voluntatis genique internec-  
tionem, quam Cœnobiarcharum rigi-  
dus sermo exaggerat, Apostolatũ pollic  
consiliterè. Sed totam aliquando Ephre-  
mi orationem reddamus, & tonitruis  
fulmina miscentem audiamus. *Si quis,*

inquit, non firmiter ad Pœnitentiam accesserit, LIGNUM existit. Non solum abjicitur talis, SED etiam COMBURITUR. Quid ita? QUIA ET MULTOS IMPEDIVIT, & Deum illudere cogitavit. Igitur nisi prorsus & ex animo mortuus sis tibi, ut deinceps Deo vivas, meditatam Tyronum mortem frustraris, tuoque frigore sancti Spiritûs flammâs restinguis, quâ succensû illi Parentes, spes relique omnes deseruerunt, cruenta Servatoris vestigia per opprobria, cruciatus, Crucem, mortem denique secuturi. MULTOS impedivit, & Deum illudere cogitavit. Jonam imitemur potius, qui, pretiosioris instar metalli, cum ad ima pelagi descendisset, imperitorum Magister, & futurorum Vates evaluit. In profundo maris (verba sunt Hieronymi) ea invenire tanta Bestia PHILOSOPHATUR. Donec infelix undis eminebat, & turpiter obdormijt, & turpius fugit. Vix aquam subijt, cum effectus est sanctus. VIGILAT IN CETO, qui stertebat in navî: ingeniosè dictum à Zenone. Postquam

Comm. in :  
2. Ion.  
To. 21. 108.

Ser. de Iona  
To. 13. 107.

Pars IV.

M

mor.

mortuo non absimilis Elementa Sole col-  
lustrata deseruit, oculos intuendis divini-  
tatis arcanis aperire cæpit, errores defle-  
vit suos, animûmque ad sumendam de-  
superstitione vindictam obarmavit; pro-  
diit ex undis, ut pice sulphurêque squalen-  
tem Ninivem civium suorû lacrymis elue-  
ret. Idque præstitit tam feliciter, ut ur-  
bem illam, omnis intemperantiæ lustrum,  
in Poenitentiaæ asylum exemplûmque,  
brevissimâ oratione, reformârit. *In pro-  
fundo maris philosophatur.* Exeat hinc, pro-  
cûlque abeat, si quis fortè undis ita super-  
stat, ut partim aspersus, partim siccus,  
gravitatis religiosæ, mæstitiæ, desidis vitæ  
otium, Favoniôsq; jungat, atque  
adeò nec Religiosus, nec profanus, sibi  
quidem Apostolicæ vitæ præmia, sed &  
Sodalibus eripiat. *Combuitur, quia*  
**MULTOS impediit.**

43. Neque sit inter eos, qui nuper huc  
accessere, qui sibi, ob exteriorè perfectæ vi-  
tæ speciem, placeat; quippe nisi aspectabilè  
illam religiosæ Disciplinæ formam, inte-  
rius



rius & in aspectum naufragium, quò cupiditates consiliâque omnia, quæ terram olent, submerguntur, anteverterit, nã vanus ille simulatæ Virtutis apparatus, larvatum Ascetam, Dæmonis fraudibus illudendum, exponet, tristissimòque metu mentes Rectorum suspendet, inevitabiles eorum ruinas prævidentium, qui, ut vivant, non prorsus atque ex animo, emoriuntur. Hæc certè fallacia, quam lugemus, nonnullis è Claravallensi celeberrimæ Sanctitatis Cœnobio Monachis imposuerat: eosque Bernardus longè ferebat impatientius, quàm quos palam in Disciplinam peccare animaver-tebat. Proh vesaniam, inquiebat Abbas sanctissimus, istorum audaciam, qui, contempto Apostoli monito, novum se hominem induere posse confidunt, veteri nondum exuto. Hoc genus monstri tum Præsidum curas exaggerat, tum contubernali-um animos fascinat. Quare vel audiant Paulum clamantem, seriòque hortantem: *Espoliantes vos veterem hominem cum actibus suis, & induentes novum eum,* colof. 3. 2

*qui renovatur.* Vel certè de capite cuculum Benedicti diripiant, resumptisque, quas huc attulerunt, vestibus, Babylonem postliminio revertantur, theatrales iterum ludos spectaturi. Tunicæ namq; Ciliciique asperitate pravas cupiditates, quas non damnârunt, degeneres animi tegunt, tantùmque abest, ut in ea, quam profitentur, vitæ novitate promoveant, ut veterem vanitatem, quam non abjecerunt, mordicus retineant. HUMILIS HABITUS, *qui gestatur à talibus,*

*Ser. 16. Sup.*

*Cant.*

*To. 111. 48.*

NON SANCTÆ NOVITATIS EST MERITUM, SED PRISCÆ VETUSTATIS OPERCULUM. *Veterem hominem non exuerunt,*

SED NOVO PALLIANT. Vereor equidem, ne idem accadat Ignatij domicilijs, ijs maximè, quæ recens è seculo digressos accipiunt, sitque interdum reperire aliquem, qui vilissimæ lacernæ profanarum cogitationum, & Ægyptum redolentium consiliorum, cœlestem Terræ sanctæ purpuram injicere molitur. Nempe hîc quoque exclamat Apostolus:

*2. Cor. 5.*

*No-*

*Nolumus exspoliari*, SED SUPER VESTIRI, *superindui cupientes*. Placet videlicet nobis meditatio cœlestium rerum, sed profanarum & curiosarum non displicet. Divinorum Vatum Oracula recognoscuntur, sed Fabularum memoria non obliteratur. Est, qui Crucis in amplexum receptæ clavos ore suaviatur; sed mens interrim in mundi prata recurrit. Obedire ac subesse amamus, verum non sine spe, futurum olim, ut præsimus atque impereamus. Corpus vexamus, animo indulgemus. Eorum pedibus, qui pariter Christo nobiscum deserviunt, advolvimur, osculumque imprimimus, & fieri tamen potest, ut natalium nostrorum recordatio, & præclara de nobis opinio, supra eorum vertices nos efferat. Doloris panes famas pascitur, & famæ gloriæque cupiditas non item expletur. Quid multa? *Nolumus exspoliari, sed supervestiri*. Sed heu! *Nisi granum frumenti cadens in terram mortuum fuerit, ipsum solum manet. Ipsum verum non videbis*, NISI IN PHILOSOPHIAM TOTUS INTRAVERIS.

44. Sed, quod hæc omnia mala excedit, illud est, quòd non rarò, qui Esau profanam vestem retinet, eam nè sentiat quidem, putètque, se Sacerdotali Byssò cum Samuele magnificè exornatum. Ego, inquit nonnemo, nullà me aut illecebrarum, aut honorum cupiditate percelli animadverto, & in hac, quam secutus sum, vitæ obfcuritate lubens acquiesco. Nempe non ideo nulla te honoris cura sollicitat, quòd nulla sit in te istiusmodi cupiditas; sed quia nihil modò præstò est, quod ambias. Non altos Spiritus geris, modestiàmque retines, scilicet dum procul abes ab Exedris & suggesto. Solitudo te capit, & umbra domûs: at litterarum etiamnum rudis, rerùmque gerendarum imperitus, non habes unde plausum captes ac celebritatem. Horres fastigia dignitatum, eminere supra cæteros detrectas? hìc enim quò quis obscurior infràque omnes esse cupit, eò & pluris æstimatur ab omnibus. Qui sis, tum enim vero videbimus, cum in lucem prodieris, habuerisque unde clarescas. Tum te dolendi

avi-

avidum, impatientemque solatiorum credam, cum inobservato, procul Præsidium tuorum oculis, & ab Extraneis invitato, licebit sine vulnere vivere, favosque degustare. Quemadmodum enim Holofericum, si æneâ oclulsum cistâ servetur, sit licet venenatis illitum succis, contagione non nocet, nec sulphur aërem graveolentiâ inficit, nisi ardeat: ita cupiditates humanæ dormiunt sæpe, non moriuntur; inducias faciunt, non pacem. Cujus Theologiæ splendor è voluminibus D. Augustini emanavit. *Aliud est enim, Lib. de cogn. Dei ac anima.* inquit, EXHAUSTA Pests, aliud CON-SOPITA. *Ut male olere omne cœnum, quod To. 76. 92.* NON SEMPER, sed CUM COMMOTES, SENTIAS. Obdormiscunt aspides quoque, donec hyems finit, nec vernus excitat tepor. Ità mirum videri non debet, si, dum in hac domo, quæ divini Fervoris perpetuâ quadam Pentecoste fruitur, moramini, nulla vos vel famæ cura, vel commodorum aviditas, vel denique dignitatis ullius ambitio tangat. Nemo aliam ob causam in hac Palæstra



luctatur, ac sudat, quàm ut ultimum locum, munusque laboriosissimum juxta & despectissimum sibi præcipiat. Sed enim temporum, locorum, rerumque aliarum varietate, ipsum quoque pugnae genus commutabitur, & tum denique intelligemus, ecquis cupiditates suas virtute peremerit, vel illicitorum absentia conso-  
*Non quero, quid negatum non deleat, SED*  
 QUID NON DELECTET OBLATUM. *Multum interest, UTRUM DESPERATIONE obrnatur cupiditas, AN*  
 SANITATE PELLATUR. Equidem plerique vestrum, quæ singularis in vos Dei clementia est, naturæ propensionibus estis mortui, & soli rerum æternarum crucisque amorì vivitis; ideoque confidore, ut quovis in munere ac loco collocati, cum semper vultum retineatis, qui Apostolos, & Sancti Parentis Filios, vos esse demonstret. Id quod, dubio procul, omnibus, qui hac in domo educantur, eveniret, nisi, tot inter perturbationum suarum dormitores, infelix aliquis delitesceret,  
 qui,

qui, retentâ licet minimâ, eâque semianimi cupiditate, quam primum laxiorem custodiam nactus fuerit, ad retractanda veteris hominis desideria, jam nunc se paratum ostendit; futurus inter Israelitas Ægyptius. Nulla de cupiditatibus suis reportata victoria satis est, nisi debellatum sit cum omnibus.

45. Quod ut adstruam, finge in hoc viridario nostro ingentem Quercum assurgere, vel ipsâ Mambre Ilice vastiorem. Age jam, & in sterilem arborem secures expedi, truncum ab ultimis usque radicibus extirpa, flammis exustum in cinerem redigito, nihilque excidio supersit, præter tenuissimam glandem, quæ fortè in Arboris ruina excussa ramis, flammâ vitaverit. Atque hinc scilicet triumphare vos video, quod stirps illa frugis expers, & aliarum arborum noxia fecunditati, aliquando perierit. Ego verò ingemisco, ut quem Gregorius dubitare non finit, fore, ut, è neglecta bacca, rediviva denuo Quercus existat primum, ac deinde, alijs atque alijs prolatis glandibus,

in plusquam Hercynium nemus excrescat.  
*Hom. 26. in* **Ecce IN UNO GRANO** *parvissimi se-*  
*Evang.* **minis LATET TOTA,** *que nascitura*  
*To. 32. 262.* **est, ARBORIS MOLES.** Quis crede-  
ret, è minutissimi seminis neglectu, subin-  
de totum Hortum inumbrandum, eoque  
paulatim sylvescente, Urbem totam, vi-  
ciniâque universam densissimo nemore  
involvendam esse? Proh cupiditates exi-  
tiabiles, quam demum stragem edituræ  
estis filiorum Dei, atque aternæ vitæ  
Hæredum, nisi maturo exitio pereatis!  
Frequentissimis maximisque urbibus in-  
fectæ vestis lacinia pestem intulit. Nul-  
lus tam exquisitè conditus missus est, quæ  
veneni gutta non corrumpat. Desideri-  
um quodlibet, à Constitutionib<sup>9</sup> alienum,  
Apostolos vertit in Apostatas. *In Grano*  
*latet tota arboris moles.* Sanè nisi te peni-  
tus Cruci, cum Christo, suffixeris, tam  
manifesta sonânsque ruina tua erit, ut, qui  
modò Dei Throno, velut alter Cherubi-  
nus, assistis, & mentem quidem divina-  
tum vel meditatione, vel lectione  
recreas, corpus verò voluntarijs cruciati-  
bus

bus affligis, paulò post alis omnibus te inde subripiens, ex Angelo in papilionem abire, fulgoréque gloriæ amburi, redigique in cineres dubitaturus non sis. His verborum involucris utor; horret enim animus eas, quas mente præcipio, infelicitium calamitates suis coloribus exprimere. Id solùm, ut tibi persuadeas, velim, fore, ut, nisi præsens consilium secutus, ijs omnibus, quæ tecum è paternis ædibus ad Dei domum attulisti, totus aliquando moriâre, vel, desertâ Cruce, in Jerichuntis campos remigres, vel certè, licèt ab ea fortè non te refixeris, clavis rosas subroges, in speciem quidem crucifixi nomen, re ipsâ verò corollas capite circumlaturus. *Ipsam verum non videbis, nisi in Philosophiam TOTUS intraveris.*

46. Neque verò inde tibi blandiaris, quòd tibi videaris ità pietatem illecebris sensuum, ac fomitem virtuti junxisse, ut penes hanc regnum ac summa in te potestas deinceps futura sit. Cui fallaciæ ut larvam detrahat Philo, phialam ostentat limpidissimâ plenam aquâ, gene-

roso Falerno temperatam. Quis autem est, qui neget, perfectissimam societatem, diversissimis licet liquoribus, intercedere? Et aquæ quidem nec color, nec vis sua superest, imò victus planè inferioris elementi languor, & vini robori cessisse videtur. Sed ridet hanc victoriam Hebræus Philosophus. Quippe si conjunctionem ejusmodi minime naturalem spongiâ, oleo delibutâ, tentaveris, videbis ab hac, utpote in mari nata, omnem aquam attrahi, relicto in fundo generosioris naturæ liquore. *Nam hæc duo, sumiantur, temperatam conficere, QUÆ NIHILO MINUS RÊDIRE POSSIT AD QUALITATES PRISTINAS. Si enim Spongiâ imbuas oleo, Aquam colligi, VINUM RELINQUI.* Huc scilicet recidunt victoriæ trophææque, quæ virtus ostendat, dum cupiditates sibi tributarias, & ob arctissimam necessitudinem in se transfusas esse gloriatur. Idipsum namque, quod ad virtutis amplificationem conspirare videbatur, ab ea secessionem faciet, & Natura, eodem nobiscum fœtu edita, sic redi-

*Li. de confus. Ling.  
To. 107. 198*



dabit ad genium suum, congenitasque si-  
bi cupiditates recuperabit, ut Gratia in-  
fluxus postremo in animo nostro loco,  
si tamen ullo, futurus sit. *Aquam colligi,  
vinum relinqui.* Quamprimum familias  
dignitatibus auctas viderimus, fumo am-  
bitionis opplebimur; & vicissim, ubi ja-  
cere prenuque consanguineos nostros in-  
audiemus, mœrore conficiemur. Id  
porro, quod de cupiditate ab irritamentis  
suis procul posita dico, multò magis de ijs  
propensionibus, quarum præsentia peni-  
tusque cognata illicia sunt, intelligi velim:  
videlicet excellentiæ ambitione, ac amo-  
re commodorum. Haud equidem hæc  
eò disputo, quòd credam fieri posse, ut,  
dum hoc in exilio vivimus, animus à cor-  
poris contagione penitus absolvatur, &  
appetitu ratio, cupiditate religio vacet.  
Sinam animi ac corporis, Virtutis sensu-  
umque fœdera: at non eo modo, quo Vi-  
num aquæ in Philonis cratere permistum  
fuit. Ad eum itaque modum Apostolicæ  
vitæ studio caro nostra consentiat, quo  
in Theriaca confunduntur, & nobilissima

## 190 NOXIÆ CUPIDITATES

ex Oriente aromata, & ignobiles herbæ, nardus silvestris, scordium, stilla, trifolium, ruderum ac fossarum alumni. Hæc enim ligneis æneisque pistillis trita, & in minutissimos atomos redacta, medicis Arabiæ succis, succinisque Indicis ita permiscentur, ut nullâ posthac vi, ne flammæ quidem, possint deperditam speciem pristinumque saporem recuperare. *At confusio cum sit*, prosequitur Philo, *penetrantibus se in vicem partibus*, QUALITATES EARUM PEREUNT, *ut corruptis rebus, quæ prius fuerant*, UNIUS NOVÆ, ET A PRIORIBUS DIVERSÆ, EXISTAT GENERATIO: *quod accidit in Medicorum compositione, quam vocant Tetrapharmacum.* Quod si ergo pars hominis inferior tam efficaci studio, & implacabilis in seipsum odij vehementia, superiori commisceatur, corpusque rationis, Gratiaque legibus contemperetur, semper illud Pietati subiectum erit, virtutisque per omnia famulabitur, nullâ deinceps neque fugâ, neque conspiratione, à fide, ad damnatæ semel licentiæ

castra, seducendum. Sed enim aquæ vini-  
 que mixtura nullâ pistilli operâ eguit,  
 sed solâ liquorum societate coaluit, qui  
 velut ex æquo in unum convenère, nec  
 obnoxie, nec in alienam naturam immi-  
 grantes. Quare si optamus sensus affectio-  
 nésque nostras, quas celsissimo huic vitæ  
 generi consecravimus, ita perseverare, ut  
 nunquam deinceps ad pristinam condi-  
 tionem revertantur, necessum est, eas  
 efficaci brachio severæ disciplinæ ita subi-  
 gi, ut penitus contritæ, & abolitâ prorsus  
 veteri substantiâ, insolubili nexu in  
 eam naturam inferantur, in quam nos, di-  
 vini vocatûs munere, militiæ nostræ ratio  
 transformavit.

47. Jamque ab Aromatum olerum-  
 que interitu, ad alterum caput propositæ  
 disputationis deducti sumus. Vin' vete-  
 rem Hominem emori, novum induere,  
 & à sæculi malis, quibus exagitatus nuper  
 fuisti, plenè convalescere? age, & Regenti-  
 um arbitrio totum te committe. At e-  
 nim fieri nequit, ut ægro sanitas redda-  
 tur, quam repellit: neque ut mortem

arceas, satis est vitæ desiderio te teneri, nisi severâ vivendi, vefcendique disciplinâ, ingratiſſimorum medicaminum amaritie, ignis ferrique violentiâ, vim morbi Medicus frangat, & corruptis humoribus alimenta, noxiûmq; virus ſubducatur. Vobis, niſi annitentibus, inducere ſanctitatem Societas haudquaquam poteſt. Hanc verò fruſtra ſperatis, niſi veſter ad Virtutem ductor, omnes vitiorum radices in vobis amputet, & originariæ Noxiæ tumultus, primorum parentum hæreditatem, diviniæ Gratiæ tranquillitate componat. Proſperum audiamus, non minùs inſignem religioſæ perfectionis magiſtrum, quàm Chriſtianæ Theologiæ Profeſſorem. Sic igitur ille: *Vt quicquid in melius reſcitur,* NEC SINE ILLO SIT, QUI SANATUR, NEC NISI AB ILLO SIT, QUI MEDETUR. Cùm igitur vos videam, à Præſidium veſtrorum nutu pendere, eos de vobis in virtute progreſſus mihi polliceor, ut non antè virtuti metas poſituri ſitis, quàm vos Societas ex hominibus in Angelos abiſſe conſpexerit, & ad

*Præſas. in  
lib. conſ.  
Collas.  
Fo. 94. 211.*

publica munia dimiserit, Evangelij Præcones, consecratorésque generis humani. Jam verò si quis, dum hos intra parietes, velut materno in utero foetus, adolescit, ad laborem segnis, impromptus ad voluntarios cruciatus, in precibus frigidus, Disciplina fugitans, verecundia indocilis, ad ludicra pronus, Legum impatiens aut negligens, moderatorum curas intendere, tranquillitatémque turbaret; huic vos infaustos exitus jam nunc ominamini, pronunciatéque futurum, ut vel in Ægyptum, unde nuper evaserat, lethali saltu præceps ruat, vel, fastidiosus sacrarum ædium incola, condiscipulos exemplo, ac societatem mali nominis famâ inficiat. Haud difficile divinationis genus est, gravidis matronis prædicere, maré nunc an foeminam sint edituræ. Nam si matri color constet, ac minimum partus incommodet, dubium non est, columen domûs, paternarumque ditionum Hæredë parituram. At verò si conceptus vultui pallorem inducat, viscera torqueat, exanimetque puerperam, tum enim verò tot



L. 7. c. 6.  
To, 57. 29.

arumnas ingrata puella subsequetur.  
MELIOR COLOR MAREM FER-  
RENTI, ET EACILIOR PARTUS.  
*Contraria omnia in altero sexu :* INGES-  
TABILE ONUS. Itâ sensit, pronun-  
ciavitque Plinius Senior, admirabilis Na-  
turæ interpres & Historicus. Atque adeo  
minimè vanum aut temerarium divination-  
is genus est, fastidioso molestoque Ty-  
roni degeneres funestoque exitus ominari.  
Quamobrem quoties (vix autem, nec  
nisi rarissimè, id accidit) itâ differentes  
audio: connivendum indulgendumque  
nonnemini esse, ne scilicet jugum prorsus  
excutiat, feraturque per avia: opperien-  
dum esse tempus, dum se glacies frangat,  
ignescat cinis, flectatur contumacia, tor-  
por evigilet, componantur oculi, lingua  
mundi linguam deducat, denique dum  
miser, inter tot aliorum feliciter arden-  
tium flammæ, igniculum aliquem picta-  
tis, fervorisque concipiat; Eum ego con-  
tinuò conclamatum, abortumque veri-  
tis, quàm prolem nostram, esse pronun-  
tio. INGESTABILE ONUS! Nempe  
Hæ-

Hereditatem Gratia non adibit, & inter coronatos Apostolicæ perfectionis Principes nec regnabit, nec locum habebit ullum. Inconstantiam morum illius exhorrescis? Ajo, primogenitum in multis fratribus non futurum. *Melior color* MA-REM FERENTI. Equidem cruentis lachrymis deflerem vel unum, qui in magno licet egregiorum Tyronum & Scholasticorum numero Regentibus acerbus, Docentibusque molestus existeret. Quare si serio sanctitatem, hoc est animo vestro Sanitatem optatis, eorum manibus vos fingendos committite, quorum industria vos aut emundat, aut informat. *Ut quicquid in melius rescitur, nec sine illo sit, qui sanctorum*, NEC NISI AB ILLO SIT, QUI MEDETUR.

48. Animadverti porro id ab omnibus velim, oppidò hallucinari eum, qui, quod privatim publicèque differentem Prælidem audiat, ad absolutissimæ virtutis consecutionem magnis passibus se proficisci arbitratur. Nulla Domus huius, ac cœlestis quodammodo sacrarij,

vacare pars debet, cujus magisterio præceptioneque non erudiaris. Quod ut planum faciam, exponenda ea sententia est, quam Plutarchus de formatione Embryonis aut refert, aut sequitur. Donec, inquit, filiulus materno in utero absolvitur, eget ille, proculdubio, quò alatur. Id verò inter Philosophos controvertitur, la-  
bellisne alimenta sugat, an hauriat umbilico: nisi fortè, spongiæ more, ab omni  
quali parte adducat: id quod sapientissimo cupiam Philosopho placuisse video.

*lib. 1. de  
Placit. Phi-  
losoph.  
To. 110. 137.*

PER TOTUM CORPUS ALI affirmabat ille, *exsugere eum SPONGIÆ IN MODUM alimenta.* Doceamini oportet in ambulacris ab incedentium silentio, in officinis à contentione laborum, in triclinio à pœnis ultrò susceptis, in cubiculis à precantium lacrymis, à studiosè intentèque libellos pios legentium sedulitate, à parendi alacritate, muniâque demandata exequendi studio: quid de aula domestica dicam, in qua colloquia seri auditis plena pieratis, modestiam spectaris Angelicæ supparem, concordiam, mu-

tuamque in omnes, nullo discrimine, charitatem animadvertitis? *Per totum corpus ali.* Templum, in quo preces funditis, hortus, in quem operis faciendi, aut auræ captandæ causâ seceditis, in Deum vos ac cælum abripit, atque eripit terræ. Domo progressos animi causâ, Martyrû tumbæ invitant ad pietatem; sævities, quâ vel ipsi corpus vestrum accipitis, vel sua membra Sodales vestri excruciant, Anachoretarum socios, & Martyriorum candidatos efficit. Xenodochia, quibus sub Novembrem operam locatis, moriendi artem vos edocent. Peregrinationes, quas pedites, viaticoque destituti, suscipitis, viam sternunt ad Indias. Exercitia denique spiritualia, menseturum, quaternis in dies singulos meditationi rerum celestium sepositis horis, ad contemplationem vos fingunt, ac medias inter Academicarum concertationes, & Apostolicorum munerum difficultates, placidam solitudinis tranquillitatem receptumque jam nunc vobis moliantur. EXSUGERE IN MODUM SPONGIÆ ALI-

MENTA. Sedenim fatendum est, ut transfusum à genitrice alimentum, si sanum sincerumque fuerit, proli robur vigoremque suppetat, ita corrupto pestiferoque Chilo corrumpi foetum, aut perimi necessum fore. Pariter si, quod Deus avertat, ex ijs aliqui, qui recens huc se contulerunt, aut in hoc secessu remotam à communi consuetudine vitam agitant, in provectioribus non exactissimam legum observantiam notarent, aut forte mores deprehenderent, non incompósitos illos quidem ac solutos, sed tamen non usquequaque castigatos, futurum, ut ea pravi exempli pestis teneras mentes inficiat, & ad solvendos mores vitæque licentiam detorqueat. Dicerent enim vero proprii profectus haud admodum anxij adolescentes: quod si hi, ad quorum formam corporis animique habitus componere jubemur, tam frigidè negligenterque hic annos conterunt, quis deinde vitio nobis vertet, si per eorum vestigia gradientes, religiosæ austeritatis jugum utcunque molliverimus: quin humeros, vano

sci-



scilicet labori, subducimus, pondusque  
 abijcimus, quod nec illi ferunt, nos ve-  
 rò ut feramus nullâ lege adigimur? Sanè  
 vox una foret ignavorum, atq; una omni-  
 um Eccho: *Neque enim melior sum*, QUAM *3. Reg. 19. 4.*  
 PATRES MEL. Quæ causâ est, ut ocu-  
 los abducamus à rerum minimè malarum  
 spectaculis, quando nati majores nostri  
 fratres, quidquid allubescit, intuentur?  
 Cui bono pedibus alas addimus, ut primò  
 statim aris campani pulsû avolemus, cum  
 interim vix pedem moveant illi alij, cum  
 festius jam extremûsque tónus allabitur?  
 Nempe nulla nobis abibit dies, quâ non  
 aliquid de parcissimo victu seponamus,  
 fraudandi genij ergò, si non nemo eorum,  
 quos religiose austeritatis exemplaria ju-  
 hemur intueri, ab abstinentia se abstinet,  
 fruiturque oblati? Itâne verò quotidia-  
 nis flagris nuda ossa cædemus, si Veterano-  
 rum aliqui duos, tres, quatuorve dies per  
 hebdomadam transigunt incruenti? Gran-  
 de scilicet piaculum reputabimus, rumul-  
 culi cuiuspiam commemorationem, dum,  
 qui nobis viam præit, religioni sibi non

ducit, aures linguamque commodare famæ populari. Ne multa, non gestus incompositus, non gressus solutior, non obrutus liberior, non actio minis sancta, in Veteranis ab ijs notaretur, quò non in alimentum verso, coeptum cursū abrumperent, rati extra culpam se fore, si vestigia, quamvis culpata, insistant. *Exsugere IN MODUM SPONGIÆ alimenta.* Quàm ego autem imprudenti Zelo abripi me sum passus, ut labeculas in domus hujus senioribus alumnis fingere mihi auderent, utique cum ad eos solos, qui religiosam vitam nuper auspicati sunt, verba me facturum receperim. His igitur orationem reddo, tum quòd Veterani omnes vivendi agendique exemplis clarissimis fulgeant, tum quòd ad juvenes laudata Servatoris sententia pertinere vel maxime videatur. *Nisi granum frumenti caderis in terram MORTUUM fueris, ipsum solum manet.* Vos igitur alloquor, fratres mei, meâ mihi vitâ chariores, vos exhortor moneoque, ut perturbationes vestras, profanosque motus sic edomare, comprimere-

réque studeatis , ut egregios animorum  
 vestrorum ardores cominendare , ac tri-  
 umphare gaudio Moderatores vestri pos-  
 sint. *Melior color* MAREM FERENTI.  
 Quòd eò leviori negotiò effectum dabi-  
 tis , quò copiotior id agentium est nume-  
 rus. Quot enim sunt inter vos , quibus  
 vel nutus satis est , ut vel in Thaborem e-  
 nitantur , cum Christo candidiorem nive  
 speciem induendi , vel Calvarix culmen  
 ascendant , tormentorum siti conficiendi.  
 Complures estis , minimè graves Societa-  
 ti , quæ morigeris videlicet , modestis , stre-  
 nuis , pijs formam aptat , nullis suis aut  
 fastidijs , aut cruciatibus. *Melior color Ma-  
 rem ferenti.* Erit tempus , nec me fallit  
 conjectura , quò ipsi quoque inter Virtu-  
 tis exemplaria , Societatis columnas , Pro-  
 vinciarum Magistros & Apostolos , post  
 innumeros populos , Patri Deoque vestro  
 generatos , censeamini. Illi verò paucis-  
 simi , qui vobiscum dissimiles vobis de-  
 gunt , & Domus hujus custodes tot mole-  
 stijs , velut injectâ mole , oppressos , excla-  
 mare cum gemitu cogunt : ONUS IN-

GESTABILE, damnato tandem tepore suo, ad illorum pedes se prosternant, ac cum lachrymis malo suo remedium exorent. Spondeant, quicquid jubeantur, exequituros, & licet strenuè ignaviam excutiant, séque ad frugem summâ virium contentione recipiant, omnem tamen recuperatæ sanitatis felicitatem paternæ medentium curæ referant acceptam. *Vt quicquid in melius reficitur, nec sine illo sit, qui sanatur, nec nisi ab illo sit,* QUI MEDETUR.

49. Erravi, rationémque emendationis perverti. Vos potiùs, vos inquam, sancto quodam furore, divinique Spiritûs impetu abrepti, Duces Magistrisque vobis esse debetis. Dormitet licet, atque obdormiat, qui profectui vestro excubat, perfectionémque vestram, quam modò urget, negligat; vos tamen ipsi vobis legem dicite, ipsi in nævos vestros animadvertite, animúmque tum cœlestibus flammis, tum vulneribus corpus implete. Huc facit, quòd Apostolus, frigidos quorundam somnóque torpentes animos  
ere-

erecturus, non eorum manus corripuit, non incussis verberibus excitavit, sed ut se ipsi erigerent in pedes, somnum ab oculis extegerent, diviniq; Solis ardori strenuè se offerrent, mandavit. SURGE, *Eph. 5. 14.* inquit, *qui dormis*, & EXURGE à mortuis, & illuminabit te Christus. Geminam corporum Anastasim vox ista Resurrectionis in memoriam mihi revocat, hujus, quâ de agimus, paradigma futuram. Equidem quatrinduo Lazaro vitam efficacissimus Servatoris sermo redonavit. At enim progressus ejusmodi è sepulchro, quanto prodigiosior extitit, tantò minùs aut felix fuit, aut diuturnus. Haud enim à se diversus evasit, puta perinde injurijs temporum, naturæ necessitatibus, somno cibòque obnoxius. Quare paucis pòst annis mortem obiit denuo, sepulchro putrediniquè postliminio restitutus. At longè secus eveniet in decretorio mundi Judicio, cùm Beatorum corpora, non modò alienâ externâque potentiâ, sed receptâ animâ, eâque gloriosâ, è tumbis profiliant, immortalia, subtilia, velocia,

cor-



corrumpi nescia, periculis, morbis, morte ipsâ calibîsque omnibus superiora. Tanti refert, tuâne vel alterius virtute resurgas, vitâque precario, alienæque vocis iussufragio, recipias, vel à propriæ mentis, Deo jam fruientis, felicitate resumas. Quantumcunque enim probus sanctusque sit ille, à quo ad virtutis cultum exstimularis, & à lethargo excitatus consecrare vigiliis juberis, nunquam is tamen Servatorem æquabit, à quo Marthæ frater è tumulo provocatus est, novis nihilominus exequijs deplorand<sup>9</sup>. Vin' reviviscere non iterum moriturus? vin' casus semel omnes effugere, morbis reditum intercludere, ferro inaccessus, invictus, inexpugnabilis, muros aheneos penetrare illæsus? fixo in Deum divinæque animo, penitusque demerso resurgas oportet. Hâc enim ratione, qui reviviscit, nunquam is deinceps interibit, ac verè de illo quoque dici poterit: *Resurgens ex mortuis* JAM NON MORITUR. *Mors illi ultra non daminabitur.* Secus si feceris, nullâ satis arte consequeris, ut virtutis exemplo præfulgeas,

vel

Rom. 6. 7.

vel ad magnâimas expeditiones pares animos afferas. Pro cuius rei confirmatione Arborum genus omne S. Ephrem producit. Nulla enim vel regia potestas, vel Coruncanorum Varronumque industria illis vel inferere florem, vel fructum inde re, vel inducere folium potest; ipsæ verò tempestatum aëris, cœlique ingratiis frondes explicant, odores diffundunt, poma progignunt. Sed nemorum sacrorum Cultorem maximum audiamus. *Fru. De Indig.*  
*giferas ARBORES proferam, QUÆ AB* <sup>extr To. 30.</sup>  
*INTRINSECO IPSARUM PRIN-* <sup>44.</sup>  
*CIPIO, tempore suo, POMA CUM*  
*FRONDIBUS EDUNT: NON EX-*  
*TRINSECUS ALICUNDE* <sup>sua venu-</sup>  
*state induuntur Arbores, ab inferiore princi-*  
*pio, Dei jussu, singula fructum pro sua quaq;*  
*natura producant. Quem à virtutis trami-*  
*te non exerraturum, & servitute sensu-*  
*um eximendum putas? ajo, qui suo Mar-*  
*te bonus esse noverit, & qui primùm qui-*  
*dem contemplando Numini assueverit,*  
*tum adversus cupiditatem illecebras in-*  
*victum se, inviolabilemque præstiterit.*

*Resurgens ex mortuis, JAM NON MORITUR.*

50. Hinc ad tertium dissertationis caput gradum facio, quâ me demonstraturum recepi, quàm necessarium sit, eam, quam cœpinus affectuum pravorum aut expugnationem, aut internecionem constanter urgere, ac ne momentum quidem omittere. Et verò, quæ Dei in nos clementia est, multos hîc esse conspicio, qui Naamano feliciores, adeò secularium morum lepram abjecerunt, ut obductâ non solum cicatrice, sed inducto penitus omni cicatricis vestigio, extra corpus vivere, atque adamante potius, quàm carne constare videantur. Non ideo tamen omnes parta tuentur, sed, novo quodam prodigio, perfectæ Anastaseos immortalitati & incorruptioni, mortem corruptionemque conjungunt. Copiam vobis facultatemque Societas præstat, quâ, Pharaonicæ servitutis compedibus abruptis, ad promissæ felicitatis regnû proficiscamini. Est tamen, qui subinde vinculis pedes denuo inserat, & ad Nilum regressus à

Jor-

Jordane, ad paleas lateresque relabatur, veteris concupiscentiæ Tyrannidi, liberis paulo antè cervicibus subiectis. Irrugit idcirco, summamque rei indignitatem execratus S. Ephrem, NON OMNES, inquit, *postquam viri evaserint*, SUAS MATRES REVERENTUR. *Idem-que Gratia, licet multos enutrierit*, A PAUCIS tamen honoratur. Equidem hic omnes ab uberibus Gratiæ pendetis, ut in Gigantum robur excrescatis: non tamen perinde omnes ab hujus Domûs lacte depulsi, inque aliam subinde traducti, eandem, quam didicistis, virtutem, & quam semel induistis, è Chaldææ Nepotibus in Sionis filios efficti, formâ retinebitis. A PAUCIS HONORATUR. Alius conceptos ardores intendet, alius vel restinguet, vel in glaciem commutabit. Eisdem Nutrici non eandem Alumni gratiam referunt. Agite, Oceanum intuemini, volucrum pariter, pisciumque primum genitorem. Atque hi quidem elemento, à quo vitam acceperunt, fidelissimi, semper in illo nantant, tantòque dolore separantur, ut si--  
mul.

De Divis.

Grat.

To. 30. 16.

Cap. 9. de  
nov. mund.  
To. 34. 204.

mul, ubi terram attigerint, animam agant  
intereantque. Illæ verò stationem, in qua  
vitam hauserunt, aut liquorem, quo  
lactatæ fuerunt, nunquam deinceps re-  
vitiunt. PISCES ET AVES, ut sci-  
tè notavit S. Bruno, UNAM ORI-  
GINEM HABENT, & utraque ex aquis  
creata sunt. ALTERI PROFUNDA  
PETUNT, altera ad caelestia elewantur.  
Sanè major meliôrque Domûs hujus alu-  
minorum pars, magis magisque semper in  
perceptæ doctrinæ pelagus se immittit:  
non humana, non sublimia appetit, non  
amara refugit: amant latere, procellas  
optant, atque illustrium Elementorum  
confortium studiosissimè vitant. ALTE-  
RI PROFUNDA PETUNT. At  
verò ab hac modestia diversissimi alij, non-  
nulli supervolant nubes, & ad sidera con-  
tendunt, magni nominis celebritatem se-  
cuti, & tantum non cum Lucifero pro se  
quique testati: *Ascendam super altitudinem  
nubium, & similis ero Altissimo. Altera ad  
caelestia elewantur.* Hi Simonem Magum  
æmulati, ambulant in mirabilibus super se.  
Nul-



Nullum est fastigium, quod non superbiae suae metam ponant; nullus tam ad Sidera subductus Olympus est, quem non pedibus subiectum gradum sibi faciant; Regum turres, quam inopum tabernas, subire malunt: optantque magis, vel otiosas cum principibus viris serere confabulationes, quam remiges inter rudæque vulgus, de divinis, & ad salutem necessarijs rebus disserere. Ardearum instar Planetas circumvolitant, & inani aurâ, Chamaeleontum in morem, pascuntur. Denique eò ipsò tempore, quò veri Ignatij Discipuli ad ægros solandos, animandos captivos, instruendos Agrorum cultores, Mauros ad fidem adducendos, errantesque reducendos in viam, se ultrò demittunt, ipsi, ejuratis per summam perfidiam Evangelicæ doctrinæ præceptionibus, gratiam Procerum præstant, in familiaritatem Principum se ininuunt, convivantium epulas sectantur, vestibula regnantium exerunt, atque utinam non eò cupiditate ferantur, unde viræ humilitas eos arcet quàm longissimè. *Alteri profunda*

*Eph. 4. 1.*

*petunt*, ALTERÆ AD COELESTIA  
ELEVANTUR. Heu! Volucres infe-  
lices, Cedrorum medullis intentæ, ac  
nunquam cum Apostolo dicturæ: EGO  
VINCTUS IN DOMINO. Sed im-  
mortales Deo laudes, quòd ejusmodi vul-  
tures rara prorsus apud nos avis est.

§1. Verùm ut hos quoque, paucos  
licèt, in terram detrahamus, meminisse  
illos jubeo ejus cladis, novissimique ex-  
cidij, quod degeneres animos, & à fer-  
vore in languorem resolutos, certissimè  
manet. Nam qui semel cœlesti lumine  
pastus, cujus quidem radijs vos omnes  
hic illustramini, ac subinde ad imaginariæ  
felicitatis vanissimas umbras, nedum ad  
opera tenebrarum, quæ à parietibus no-  
stris divina clementia procul habet, ocu-  
los refert, non is nutat in casum, sed ruit,  
& in altissimas voragines præceps agitur.  
En vobis, gemino teste comprobatas, hor-  
ribilis vaticinij minas. Saul inter Sacerdo-  
tes oracula edidit, factus ex Agasone  
Psaltes. Inde digressus, & scepro admo-  
tus, à divinitate Psalmorum, hostiarum-  
que

que sanctitate descivit. Quid porrò expectatis? Davidem Goliathi victorem, regniq̃ue assertorem, hostiliter infectatus, & Samuelem, à quo in thronum sublatus fuerat, averſatus est. Octoginta Ministros templi, ipsūq̃ue Pontificem, supremum Legis interpretem, ad ipsos solij sui gradus jugulari jussit. Nobem Sacerdotalem urbem, sacro Levitarum sanguine inundavit, diruitq̃ue funditus: Veneficas consuluit, Dæmonesq̃ue, ad præcipiendam de belli eventu divinationem, Magicis carminibus sollicitavit: denique violentas sibi manus attulit, interitq̃ue, sui ipsius Parricida. Neque Salomonei minor fortuna excepit. Is, postquam præsentis Dei alloquio dignatus, & sapientiâ opibꝫq̃ue cumulatus esset, cum in agnitæ pietatis Religionisq̃ue studio non perseverass̃et, ad fœdas voluptates, atque his absurdiores planēq; sacrilegos ritus deflexisse narratur, Moabitidum Ægyptiarūq̃ue amoribus implicatus, consecratisque divinitati Sidoniorum Amorrhæorūq̃ue simulacris. *Rex autem Salomon*

3. Reg. 11.

*adamarvit mulieres* ALIENIGENAS  
 MULTAS. TUNC ÆDIFICAVIT  
 PHANUM *Chamos, Idolo Moab, & Mo-  
 loch idolo filiorum Ammon.* Eousque deve-  
 nitur, ut vel faxis thura crementur, muta-  
 rúmque animantium effigies pro Numini-  
 bus habeantur, cum a summa vitæ perfe-  
 ctione abitur, & subjectis à Divina Gra-  
 tia igniculis parcè alimenta ministrantur.  
 Sic nullam in Apostolis somnolentiam le-  
 gimus, quæ in lethargum non abiêrit;  
 nullos nutâsseprehendimus, quin cor-  
 ruerint. Thomas à Cœnaculo digressus,  
 & à Collegarum Societate divisus, Serva-  
 toris redivivi triumphis obstitit. *Thomas  
 non erat cum eis.* Petrus, otiosè foco assi-  
 dens, Messiam inficiatur, & iterum ter-  
 tióque ejurat. Judas Magdalenæ pieta-  
 tem, sparsúmque unguentum incusans,  
 triginta non amplius nummis Dei filium  
 auctionatus est. Pleni sunt Sacrorum Or-  
 dinum Annales horribilium suppliciorum,  
 quibus Deus Cœnobarum inconstantiam  
 teporémque castigavit. Præstat igitur  
 Saracenorum securibus minutatim disse-

IOAN. 20. 24.

MARCA 4. 24

catos emori, quàm ingratos Gratiæ, vel  
latum unguem à Cruce se motos, vivere.

52. Neque verò quicquam litterari-  
as occupationes obtendat: nemo cause-  
tur, operosum nimis esse, litterarum vir-  
tutisq; studia, & Poëticæ mortificatio-  
nem, rerum cœlestium humanarumque  
contemplationem conjungendi: fallit  
enim falliturque, qui sic disserit, quando  
maximi quique immortalisq; memoriæ  
Scriptores, tum è Societate, tum ex alijs  
sanctissimis Religiosorum Ordinum Cœ-  
tibus, virtutis egregiæ odorem latè sparfe-  
runt, dum viverent, nec sinè fama san-  
ctitatis defuncti sunt. Tepor ille tuus,  
malorum tuorum causa est, neque un-  
quam Sapientia, quæ Numinis è solio,  
divinòque pectore manat, nutrix illorum  
exstitit aut parens. *Sapientia à Domino Deo  
est.* Idem proinde litterarum studijs, quod  
mari à Sirenibus obfesso, evenit. Infama-  
verant id fretum tum Historicorum cala-  
mi, tum carmina Poëtarum: verùm inju-  
rià innocens pelagus ab utrisq; vapula-  
vit. Liberos enim tutòque cursus præsti-



## 214 NOXIE CUPIDITATES

tit ijs, qui cantûs incurij, avidi portûs, remos adducebant, & lenocinanti Symphoniz obsurduerant. Illic, ait Ambrosius,

In P. 43.

To. 10. 284.

NON LITTUS IN VITIO ERAT, SED CANORA DULCEDO, *que faciebat asperitatem littoris non careri.* Magna pars vestrum, qui nuper Tyrocinii absolvistis, poemata scribit, ornat periodos, & veterum Oratorum vestigia magnis passibus premit: nihilo tamen minus inter ipsas Mutarum delicias, & Academicæ plausus, sacrorum vatum retinet gemitus, Martyrumque supplicijs invidet. Quot quantique sunt, qui ex angustis spatijs harum litterarum, ad ingens illud Collegij Romani amphitheatrum traducti, tam singulari luce virtutis, & exemplo religiose disciplinæ conuiscant, ut ab omnibus, velut integritatis ectypa, & ingenij ac Scientiæ miracula, suspiciantur. Nempe: NON LITTUS IN CULPA EST, *sed canora dulcedo.* Ambitionis vanitas, laudumque amor, non discendi ardor, Naves haurit, vectoresque discerpit. Enitamur sanè ad supremum scientiæ cul-

culmen, sed religioſæ demiffionis ultimū gradum nunquam non inſiſtamus. Exem- plo ſit Apocalypſeos Angelus, qui licet altero pede premeret procellas & tempe- ſtates Oceanū, alterum tamen ab immo- to terræ ſolo nunquam removebat. Im- buatur litteris animus, ſed in Deum me- ditatione deſigatur. Plauſus audiantur, ſed à contemnentiſ: in litteratio ſta- dio tangatur meta, palma referatur, ſed aſſigatur arx, nunquam reſumenda. In- ſpiciantur Theologorum Philoſophorū- que immenſa volumina, ſed nunquam ſacræ paginæ complicantur, ſemperque in oculis, manibus ac mente ſit ſacratilli- ma Conſtitutionum Epitome.

53. Quæ omnia facili negotio con- ſequemur, ſi, vitatis tepidorum colloqui- js, ſtrenuorum Sodalium familiaritate uti maluerimus. Hoc antidoto munitam Tyronum ſuorum virtutem Ephrem ſpe- ravit incolumem fore. Retinebitis, in- quiebat Religioſus Diaconus, conſtanti- tatem, omniumque in vos ad- mirationem vertetis, ſi, neglectis ſacerdoti-

rum risúsque artificibus, illorum lateri hæ-  
rebitis, qui ex oculis lachrymas, ex ore  
divini Spiritús flammās fundunt. Neque  
ullus sit inter vos tam projectè mendax,  
aut temerariè vanus, qui è familiaritate  
cum licentioribus contracta, nullam sibi,  
aut libertati filiorum Dei; illatam macu-  
lam fuissè gloriatur. Nam quò minùs  
damnum sentis, eò desperatiùs te demon-  
stras ægrotare. *Quod si dixeris* (verba sunt  
S. Ephrem) **CONVERSOR QUI-**  
**DEM, SED DETRIMENTUM IN-**  
**DE NON PATIOR. ET HOC MA-**  
**LE AFFECTI ANIMI INDICIUM**  
**EST.** *Quò enim pacto fieri potest, ut quis*  
*prunis deambulet, ac plantas pedum non com-*  
*burat? Ne dicas: illum Arcam quandam*  
*eruditionis, & Oraculorum Tripodem*  
*esse. Cedo enim, vel Xenophonte pruden-*  
*tior, vel Socrate gravior ille sit, si virtute*  
*destituatur, hunc tu, ceu naviganti sco-*  
*pulum, & currenti obicem, vita. Quis*  
*adeò excors foret, ut arbori, cæterà fœ-*  
*cundissimæ, propior fieret, Draconis spi-*  
*ris illigatæ, sibiloque personantis.* *Quid*  
*enim*

*De Contin.*

*To. 30. 22.*

*enim profuerit Arbor, SUB QU* <sup>*ibid.*</sup>

TITAT DRACO? Quò plura orna-  
menta, cò plures in illo laquei, si faculta-  
tis præstantiam Legum observantia defi-  
ciat. *Latitat Draco.* Nempe hìc quoque  
serpentem, illum veterem Paradisi inco-  
lam, æmulatus, nunquam non egregia,  
non summa Legirupis auguratur. APE-

RIENTUR *oculi vestri, &* ERITIS SI <sup>*Gen. 3. 5.*</sup>

CUTI DIJ. Devorantes omnia, omnia  
poteritis. Elidantur fauces pestifero Ser-  
penti, non objecta Daniëlis ossa, sed Chri-  
sti Jesu semine injecto: ac pro se quisque  
vestrum adversus illius præstigias recla-  
met: *Nisi Granum frumenti cadens in terrã*  
MORTUUM fuerit, ipsum solum manet.

Pestilens istud veneficorum genus, & im-  
placabiles perfectæ virtutis hostes ut de  
gradu vos deiciant, eâ ratione, quâ Pha-  
raonis Magi, commutatis in viperas arbo-  
rum ramis, Moylis prodigia æmulati olim  
sunt, miraculum à Dei filio, in Lazaro ad  
vitam revocato editum, ausu sacrilego imi-  
tari contendunt. Hi quoque ut beatam  
vobis mortem eripiant, quâ modò, ex-

stinētis cupiditatibus vestris, placidè acquiescitis, portentum suum auspicantur, submoto aliorum manibus operâq; sacrosanctissimi sepulchri lapide. TOLLITE LAPIDEM inelamant, quorsum enim in tam clementi vitæ genere, tanta Disciplinæ austeritas? Subinde, cœlesti gravitate seposita, quam Hieronymus rusticitatem sanctam appellavit, non clarâ quidem, sed submissâ voce, ut ab umbris emergas, hortantur: *Lazare VENI FORAS*. Neq; vobis illico sudarium de vultu removent, aut manus pedesque institis exsolvunt: ferunt quinimò nonnulla pristinae verecundiæ vestigia, ac morum compositionem aliquam extare. Ad extremum tamen, abjectâ personâ, procaciter imperiosèque proclamant: *SOLVE EUM*, & *sinite abire*. Neque hîc sistit excitati à morte ad vitam vigor & alacritas; quin idem ille, qui modò jacebat immotus, membris omnibus captus, tucis tam expers, quàm negligens, jam ultrò sese erigit, eoque cursum intendit, ubi spes honoris affulget, & doctarum præmia



mia frontium pendent. Aut igitur oculos claudas necesse est, aut vivere Mortuum, & Quatriduanum convivij indulgere mœstus videbis. *Lazarus verò unus erat* Joan. 12. 2.  
*ex discumbentibus.* Huc evadunt denique, qui religioſe modestæ gravitatem infringi sibi mitigarique sustinent ! Montes, Mundolque vel Chryſippi deglutient : &  
*Inundationem Maris* QUASI LAC SU- Deut. 33. 19.  
 GENT : si vel solum vetiti pomi gustum admiserint. Quis, quæſo te, futurum putasset, ut, deducto saxo, quo speluncæ os obstruebatur, Quatriduanus aliquis, à vermibus exelus putensque, trium vocularum imperio animatus, exsiliret in pedes, & inter epulas tripudiaret ? Ea omnia sic gesta sunt, ut fragilitatis nostræ commoveremur, oppido facilis ad excutiendam violentæ austeritatis mortem, nimumq; pronæ, ad vitæ, quam Virtuti consecravimus, pristinæ munia postliminio resumenda. At enim sanctissimi Dynastæ illius Anastasis vitio caruit, utpote à Christo imperata ; Nostra verò erit longè deterrima, Dei videlicet ingratijs procurata, mortem

non nisi morte finire iubentis. Eam obrem  
 primi blandientium assultus reprimendi,  
 tumulique nostri seris claustrisq; firman-  
 di sunt. Intus forisq; cupiditatum no-  
 strarum sepulchrum, obitæq; semel mor-  
 tis custodia adamante claudatur, digna,  
 quæ illud Joannis Elogium aureis chara-  
 cteribus exsculptum præferat: *Beati mor-  
 tui, qui in Domino moriuntur.* Id verò effe-  
 ctum dabimus, si serpentibus obsurducri-  
 mus, *Eritis sicut Dij*, ingeminantibus.  
 Quo de argumento, si mihi vobisq;  
 copiam tempusq; Numen indulerit,  
 prolixiorum sermonem seremus: eò confi-  
 liò, ut ne Adami calamitatem incurramus,  
 qui pro Divinitate, quam præstabat, ligo-  
 nem se comprehendisse reperit, ac Deum  
 amisisse, Viridario, quod Deus innocen-  
 tis solatio struxerat, ipsæq; scelere suo  
 violârat, pulsus & in exi-  
 lium relegatus.

E X-

# EXHORTATIO .

## XLI.

Pridie celebritatis SS. Angelorum & Dominicæ XVIII.  
post Pentecosten.

Gratias ago Deo meo semper pro vobis, quia in omnibus divites facti estis in illo, ita ut nihil vobis desit in ulla gratia EXPECTANTIBVS revelationem Domini nostri Iesu Christi. *1. Cor. 1.*

**D***Ei, eternorumque suppliciorum TIMORE tum Christi Confessores in Catacumbis, tum ejus Sectatores in vasta solitudine opus habuere. Quò simul Serpens Evam spoliavit, simul impulit ad defectionem Conditoris, oblitam sui. Nulla itaque austeritas ad religiose*  
vi-

*vita perfectionem consequendam satis est ijs, qui seculi rebus se abdicaverunt, se supremi iudicii, & cruciatuum eternorum metu destituantur. Explicatur, quo sensu Ecclesia filia amoris, Synagoga vero Timoris ancilla dicatur. Hunc neutiquam improbat Paulus, si modò cum Christianis eterna, non autem cum Judeis temporaria clauia nos moueant. Illorum memoria Christus Apostolos suos ad Martyrium animavit: & quisquis ad summum sanctitatis fastigium aspirat, in altissimas aeterni carceris voragines animum demittat oportet. Eadem ratione, quâ Israelitæ in Terram sanctam perueniunt, nos quoque ad Virtutis perfectionem, atque adeò beatitudinem deducendi sumus, hoc est Charitatis nube recreati, & Timoris flammâ conterriti.*

54. His

54.



Is verbis , quæ hodie Sa-  
cerdotes ad Aram, atq;  
ego modò recitavimus,  
Corynthis Ecclesiam, quæ  
tempestate illa Virtutis omnis Sacrarium,  
& Martyrum seminarium extitit, graphi-  
cè depinxit Apostolus. Ea in effigie pri-  
mum quidem germanam fidelémque de-  
scriptionem agnosco Cœli Empyrij, in quo  
viatores Angeli, sanctissimarum actionum  
promeritis, ad æternam felicitatem sibi vi-  
am munierunt. Eadem subinde certum  
vaticinium de hoc Tyrocinio nostro edi-  
disse mihi videtur, in quo, qui recens di-  
vino se manciparunt obsequio, præclatis  
virtutum studijs ad Apostolicos sese eru-  
diunt labores, eosque Veterani integerrimæ  
vitæ illustribus exemplis tum in scriptis  
exprimunt, tum intuentium oculis impri-  
munt. Et verò quis elogium illud in An-  
gelicorum Spirituum frequentissimum  
cœtum convenire negaverit, quò Paulus  
Corinthios exornavit: *In omnibus divites  
facti estis in illo, in omni verbo, & in o-  
mni scientia?* At neque futurum arbi-  
tror,



tror, quin idem, quod de Neophytis suis Paulus, de tenui hoc grege nostro pronunciet: *Vt nihil vobis desit in ulla gratia.* Quod si verò ex me quæras, eequæ illa divitiarum copia fuerit, quam in Discipulis suis tantis laudibus effert Gentium Doctor, non dubitem vehementiæ Charitatis eas opes tribuere, quæ, post consecratum gloriæ Conditoris orbem terrarum univertum, vitam insuper optat impendere. Id duntaxat quærendum restat, quibus artibus felices illi Christiani, tam brevi tempore, tantas sanctitatis opes adepti fuerint. Sed operosum non est, hanc quæstionem, ex ipsis recitatæ modò laudationis verbis, dissolvere: quos enim Paulus Charitatis ardore sublatos in sublime prædicat, eos pariter Timore dejectos ostendit, cum hinc divina Bonitas eos raperet, inde Justitiæ rigor Iræque terreret. Quocirca ut Amore illos ebrios esse dixit ex eo, quòd litare Deo sanguinem suum concupiscerent: sic eos æquissimi Judicis metu perculsos, supremæque diei expectatione suspensos repræsentat.

*Ita ut nihil vobis desit in ulla gratia*, EX-  
PECTANTIBVS *revelationem Domini*  
*nostri Iesu Christi*. Jam verò si primi Chri-  
stianæ Religionis alumni, in quorum ocu-  
lis, ac votis nunquam non equulei & se-  
cures erant, Divini Tribunalis, æterno-  
rumque suppliciorum memoriâ metûque  
eguerunt: nemo vestrum gravatè feret,  
opinor, si, quæ hominibus novissima acci-  
dunt, Auditores meos commonuero: uti-  
que cum ardorem Charitatis, Timoris fri-  
gora non modò non restinguant, verùm  
etiam inflamment, augeant, conservent-  
que: hic enim Horror si absit, nulla, quan-  
tûmvis ingentia bona, ætatem ferunt; sin  
præstò sit, virtutes universæ maturescunt,  
siquidem jam effloruere, aut nondum e-  
natæ, virebunt. Atque hæc dissertationis  
meæ geminæ partes erunt.

55. Utque à prima initium sumat  
oratio. Adeò conservacioni virtutum ne-  
cessarius est Timor divinus, ut Christi  
militibus, quos & insertæ collo, pro Evan-  
gelij defensione, catenæ nobilitaverant, &  
paternæ opes religionis causâ sub hasta di-

*Tab. 2. Ep. 2.  
fo 2. 57.*

venditæ illustrarant, haud alium S. Cyprianus custodem addiderit, quàm Timorem ab aspectu eorum fulminum, quæ Deus è Justitiæ Throno, in superbiæ montes, sôcordiæque voragines deiicit, cordi humano altissimè defixum. *Sit tanquam* TIMOR IN NOBIS INNOCENTIÆ CUSTOS, *ne accepta securitas* INDULGENTIAM PARIAT, & *vetus denuo hostis obrepat.* Equidem innocentia, quam è Baptismi lavacro recepistis, magnopere delector, inquit Cyprianus. Placent mihi Amoris flammæ, lachrymis sua commissâ deflentium enutritæ. Gaudeo, haud alium desiderijs vestris præfixum scopum esse, quàm furias Tyrannorum, tormentorum lanienas, mortemque in crucibus obitam. Non ideo tamen securos vos arbitror, nisi trepidos videro. Eadem quippe animi à noxijs exsoluti malacia, naufragij nobis causâ esse potest, non in eorundem solum vitiorum scopulos impingendis, sed defectionis quoque, & non provisæ perfidiæ barathro hauriendis, nisi secundam Gratiae afflan-

tis

tis auram, reflantis ab Inferis tempestatibus  
meditatio, & tartareorum ignium fumus,  
atrâ nube cœli serenum temperaverit.  
Audeo dicere, non duraturam diu in vo-  
bis integritatem, si eam vos à timoris So-  
cietate removeretis, & si expiata à scele-  
ribus menti, recuperataque virtutis con-  
scientiæ non accederent acres stimuli, à  
salutis amittendæ metu, & irreparabili  
jacturæ periculo mutuati. Submersi sunt  
Ægyptij, sed superest naufragio Ægy-  
ptus, fecunda hostium Hydra, & sæva  
catenarum artifex. Quam ob rem sit Ti-  
mor in nobis Innocentiæ custos, NE VETUS  
DENUO HOSTIS OBREPAT.

56. Quàm verò sapienter Cypria-  
nus, catenatis pro Christo fidelibus, id con-  
siliij suggesserit, intelligemus scilicet, si ad  
terrestrem Paradisum oculos referamus,  
eas profectò illic tragedias spectabimus,  
quas serpentis dolosæ insidiæ, Divini Ti-  
moris acie, virulento halitu hebetata, in  
Adami primum, tum nostrum omnium  
exitium excitârunt. Tam admirabili vitæ  
sanctitate, in prima illa virtutis Palæstra,

Protoplaiti Parentes nostri florebant, ut majorem de beatis cœlibus concipere animo vix queas. Tota illorum vita continuis divinarum rerum meditationibus occupabatur; coram se videndos exhibebant per sæpe Angeli, suæque Divinitatis spectacula Numen ultrò ingerebat: erat legum exactissima observatio, animi mundities summa, cogitationes omnes cœlo defixæ, voluntatis cum divina perfectissima contentio: & ut Gregorius Pontifex dixerit, PANIS *ejus fuit visionis divine* DELECTATIO, *Verbi Dei satietas, internæ quietis gaudium, lucis inaccessibilis splendor, sapientiæ refectio, Angelorum Societas, Amor Dei, jubilum Spiritus, contemplationis suavitas, collocaionis desiderium, securitas mentis*, PRÆSENTIA CREATORIS. Potestne autem in mentem creatam, quam vel Gratia divino rore perfuderit, vel cœlestis Gloria beârit, major istâ perfectio cadere? Et tamen de illa evertenda Dæmon non desperavit. Jam verò ut hanc vitæ sanctissimæ speciem, non deformaret solum imminueretve, verum etiam

*In Ps. 5. Pœ-  
nit.*

*To. 32. 335.*



etiam aboleret penitus, obliteraretque, nec cœlestia meditando studium, nec integritatem vitæ, nec voluntatis rectitudinem, nec denique amoris ardorem extinguere aggressus est. Non à summi Boni cultu primos parentes abduxit, aut legem, quæ ab arbore una eos abstinebat, criminatus est. Non secessionem ab eo Deo faciendam svasit, qui, post traditum totius Orbis terrarum imperium pomi unius usu interdiceret, nec prudenti, nec satis æquo consilio. Non eos ad temulentiam, non ad lasciviam sollicitavit: non otio indulgere, aut fingere auro statuas iussit, posteris adorandas, quos ipsi fecissent, Deos. Infirmare duntaxat vim pavoris, mortisque minas, quam pomi gustus allatus esset, elevare contendit: nec ultra moratus abscessit. *Dixit autem Serpens ad mulierem:*

NEQUAQUAM MORTEMORIE-

*Gen. 3. 4.*

MINI. Et verò simul animum feminæ metus reliquit, simul vetiti fructus cupiditas incecit, atque unâ odium adversus legem, contemptus pœnæ, oblivio denique, aut neglectus Conditoris, tacto agmine,

irruerunt. Ut adeò non dubitaret, immortalitatis jacturâ, pomum Deo anteferre, atque ad ipsas Arboris radices originariam gratiam abijcere, felicitatis promissæ præmia conculcare, & imperio, quod in animantes omnes, quæ terram habitarent, volitarent in aere, vel Oceano natarent, absolutissimum obtinebat, se protinus abdicare. Cujus rei funestissimò spectaculò, præcipitiq; adeò ruinâ commotus Tertullianus exclamat: TIMOR FUNDAMENTUM SALUTIS EST. Et mihi quidem id voluisse vir suus videtur: stare adversus temporû elementorûmq; injurias ædificium posse, licet ornamento coronidum, dispositarûmq; ex ordine columnarum majestate careat: tecto quoque destitutum, etsi non seculum totum, annos saltem complures durare: at verò nullam posse molem, quantumcunque perfectam, robustam, ornatamque, vel momento consistere, si fundamenta vel absorpta dehiscant, vel aquis solvantur, vel actis cuniculis moveantur. Ità videlicet Divinâ Gratiâ frui Mens potest, tam-

eti

*De cultu*

*Fam.*

*To. 58. 228.*

etſi Contemplationi non vacet: caſtitate poteſt florere, licet lachrymas non fundat: legis poteſt tabulas retinere, quamvis ſacrorum Vatum volumina claudat, firmandæ conſtantix perquam opportuna, & ærarium non recludat, utrunque exercendæ miſericordiæ neceſſarium: at niſi timeat, occidit. Hinc eſt, quòd Deus vetitæ arboris trunco, non aureis literis conſignatum edictum affixerit ejuſmodi: parcite in hos fructus manum mittere, ſi me amatis: ſed ſcalpro corticē exaratum hâc aliâ ſententiâ impreſſit: ſi comederitis, moriemini. Quare, cùm neque Pater æternus alium Cuſtodem nativæ Innocentiæ appoſuerit, quàm irreparabilis interitûs metum, hoſtiſque tartareus, diſſimularis alijs primorum Parentum virtutibus, ſolùm divinæ vindictæ Timorem Paradifò exclutum iverit, manifèſtè colligitur, abſolutiſſimam quâque vitæ perfectionem, funeſtis ruinis patere, niſi pavore fulciatur. FUNDAMENTUM SALUTIS EST TIMOR. Altiffimæ quæque moles ſidunt, cùm fun-

damenta labant; & Majores nostros præclarissimarum dotum immensa copia extemplo defecit, cum salutarem denuntiati supplicij timorem animò pepulerunt.

57. Fas verò calamitates, quæ pulsi Timoris exilium consequuntur, non minoribus commodis æquat ejusdem præsentia. Cedò mihi in Ecclesia Christi facinus aut generosius, aut fortius, aut sanctius, aut naturæ infirmitatibus majus, aut Gratia robori conformatius eò, quod, quotquot hic sedetis Assieclæ Crucis, primo statim vestri in hanc Dei Domum ingressus tempore edidistis omnes? An non istud prodigium est terræ cœlique, hominum Angelorumque admiratione dignissimum, esse tot adolescentes, qui ætatis ipsò in flore, vigoreque juventæ, cum cupiditate gliscente sanguis exultat, honorumque capessendorum maturitas appetit, uno eodemque momento commoditatibus vitæ, opibus, voluptatibus, magistratibus, patri, patriæ nuntium remittere, nudòsque, in tam arduum Calvariaë clivum, ascensum moliri, haud aliò

con-

contentionis præmiô, quàm ut in ejus fastigio Cruci configantur, quæ scilicet ideo vitam nobis non adimit, ut longâ morte conficiat? Et cujus, quæso, tanta vis carissimos filios, ex optimorum parentum sinu abstrahendi; quis tantâ indole, expectationeque juvenes ab honoribus, opibusque refigere, religiosæque Disciplinæ, quæ renatis modò in Christo fel pro lacte propinat, cineremque, vice panis, obtrudit, gravissimo jugo configere potuit? Cujus eam eloquentiâ, eam Suadam fuisset putandum est? Enimvero nuditatem ejusmodi, rerumque omniium abdicatorem, sola Timoris potentia præstare possunt. En vobis ejus rei vaticinium, Iobi Threnis insertum: *Semper enim quasi* TUMENTES SUPER ME FLUCTUS TIMUI DEUM. Dici haud potest, quò studio impositas navibus merces Gubernatores accurent. Sarcinæ, tantâ industriâ, in catina componuntur, ut in navim non illatæ, sed natæ videantur. Verumenimvero quamprimum turbines ventorum procellæque agitare Onerariam cœperunt,



runt, cum Navarchi, quin ipsi pretiosissimorum tum aromatum, tum vestium metallorumque Domini, mota loco dolia, & extractas fundo cistas ac sarcinas, in contratum navis promiscuè abijciunt potius, quam reponunt, in clamarisque, miserabili ejulatu, tum vectoribus, tum clastarijs, omnium manibus in vortices jactant eas ipsas opes, quas nuper tam anxie servabant. CUNCTÆ RES, inquit Gregorius, *in despectum mentis veniunt*, AMORE VIVENDI. *Cum enim fluctus eam, quam deferunt, MORTEM MINANTUR, NULLA TUNC NAVIGANTIBUS RERUM CURA; ea ipsa quoque ex navi proijciunt, pro quibus longas navigationes sumpserunt.* Age jam, si mortis, quæ corporis demum est, obeundæ metus hoc efficit, quid non præstabit cura, ne animus æternum intereat? Sic est protectò, unusquisque vestrum commodorum, opum, honorum, parentum, patriæ eam ob causam jactum fecit, veritus, ne in vitæ lautioris procellis salutis periculum adiret. An non illi estis vos, qui  
cum

Lib. 21. Moral. c. 19.  
To. 33. 370.

eum à me rogaremini, ecquid animum induxerit, fortunas amplissimas, ætate integrâ & florente, rebus secundis (pebúsq; maximis abjiciendi, nihil cunctati respondistis, operæ pretium vobis vitium esse, rerum omnium jacturâ salutem æternam in tuto locare? Quod si ergo cogitatio ejusmodi vos Crucis vexillo adscripsit, &, à Babylone transfugas, Solymis intulit, ut vitæ licentiam prenitentiâ, otia laboribus, theatra solitudine, venationes lachrymis, jejunijs epulas, choreas contemplatione, imperium servitute, copiam inopiâ, hyssum cilicio, funibus torques, plagis gemmas, Cruce denique thronum mutaretis, quis deinde negare ausit, altissimam perfectionem Christianis mentibus inferi vehementissimæ formidinis incitamento? Quis igitur eam, velut omnis Virtutis parentem, amplexus non exclamet: *Omnia bona venerunt mihi pariter cum illa?* Tacetis? at non tacet Gregorius, qui divini Timoris procellis adscribit tot illa prodigia vitæ Religiosæ, quæ caducorum bonorum naufragiò; rerumque humanarum nau-

Sap. 7. 11.

nauseâ nunquam non laborat, verentibus scilicet nobis, ne Cœlum amittamus, nisi mundi totius jactum fecerimus. *Nam velut tempestate deprehensi, pondus Navis abjicimus*, QUANDO AB OPPRESSA MENTE DESIDERIA TERRENA REMOVEMUS.

§8. Neque prima duntaxat fuga, quam, seculo paternæque domûs hæreditate longum valere jussis, arripuimus, sanctæ huic Extremorum nostrorum meditationi tribuenda est: sed ipsam quoque, in susceptis semel cum parentibus opibûsque inimicitijs constantiam referre acceptam debemus. Parùm hoc est; supremæ quippe lucis illius memoria, non solum maternis ab uberibus nos refigit, verùm tantâ ea amaritudine inficit, ut nobis venum potius, quàm lacte turgere videantur. Sic quoque non vilem modò nobis patriam ac despiciabile patrimonium reddit, cavetque, ne perperam amentur, sed eò artificiò depravatam utrumque, mentis palato repræsentat, ut illam fugiat, hæc verò etiam detestetur. Hinc veteribus

bus Monachis nulla potior cura, quàm ut Solitudinis Tyrones, in hac salutifera trepidatione, constabilirent, certi, qui eà quantiantur, securos à casu fore. *Principium* L. 4. c. 39.  
*nostræ salutis*, verba sunt Cassiani, EJUS- To. 48. 75.  
 DEMQUE CUSTODIA TIMOR DOMINI EST, *qui cùm penetraverit hominis mentem*, CONTEMPTUM EI RERUM OMNIUM PARIT, *oblivionem parentum, mundi que gignit horrorem*. Existimo itaque, grandævorum illorum Patrum, talem ad Alumnos suos, cùm ijs religiosas vestes injicerent, orationem fuisse: ne solitudinis præliðiò tutos se arbitrantur, nisi Divini Judicii timore Virtutem communirent: ne falsâ fiduciâ sibi blandirentur ob severissimam inediâ, productas in multam noctem vigilias, Psalmodiæ sanctitatem, vestis, aut sacci potius, asperitatem, angustias speluncæ, perpetui silentij, horridi nemoris, durissimi vitæ generis, exilij denique à patria, parentibus, urbibus, atque omni societate humanâ nunquam deinceps repetendâ suscepti. Haud enim omnia ista perfe-

ctio-

tionis planè coelestis instrumenta, in hoc Paradiso lachrymarum dolorumque, ad integritatem vitæ defendendam, nedum ad promovendam sanctitatem, satès viriū habere, nisi custos Angelus, flammeum æternæ Justitiæ gladium rotans, oculos ipsorum momento quovis everberet. Meminissent, Hieronymum, maximum solitæ Disciplinæ præceptorem, cū crudis herbis vitam toleraret, duro filici indormiret, saxo pectus tunderet, sacris literis mentem stylumque occuparet, ac solò ferarum belluarum consortiò frueretur, fastium tamen esse, se Tubæ, ad Dei Tribunal humanum genus vocantis, sonitu exterritum, vitæ flagitia: an Te Tirones, bellique rudes adolescentulos, intaminatos futuros, nisi vindicis tonitruī sonò excitentur? Quidni ergo rursus ingeminem? *Fundamentum nostræ salutis, ejusdemque custodia Timor Domini est.* Jam verò vos cum animis vestris reputate, vitæ perfectionem consecuturus sit religiosæ quidem, sed moderatæ tamen vitæ, recens alumnus, si, rupes inter & Tigres,  
 Hi-



Hilariones atque Macarij de salute periclitabantur, nisi Dei reverentiam apertus Inferorum carcer illis ingereret. *Custodia salutis Timor Domini est.* Nihil non potest, si qua Cœnobiarchis Thebaidûmq; fundatoribus fides, nunquam non fecundus est metus, quem divinorum voluminum meditatio in animos nostros derivat, semperque Thamaris instar geminos partus, hoc est PARENTUM OBLIVIONEM, MUNDIQUE GIGNIT HORROREM. Neque verò præclaræ hujus sententiæ Auctor id modò dicit, ab eo, qui cœli tonantis fulmina extimescat, nec vitæ suæ auctores, nec familiæ stirpem, contrà quàm virtus postulet, amatum iri, verùm etiam ipsam parentum cognatq; sanguinis memoriam obruendam esse, obstrepente Judicij tubâ. Eâdem ratione divini gladij acie à caducis spebus, rebûsque dividimur, ut projectarum semel fortunarum blanditias, haud aliter quàm præcipitem voragine, & fœdè dehiscens barathrum, intueamur. *Oblivionem parentum, mundi que gignit horrorem.*

59. Hæc omnia , multoque etiam majora præstat laudatus Timor , humanâ mente receptus. Quamprimum verò se quispiam vel puncto temporis illo exsolverit , continuò ab irruentibus undique tum stirpis , tum divitiarum , modò contemptarum , amoribus acerrimè petitur , & turpissimè vincitur. Et quando S. Gregorius æternarum pœnarum horrorem , cum jactis in altum mercibus , ad præsens naufragium evitandum , componit , nos quoque eandem Allegoriam ad imminutionem Timoris transferamus. Licet interdum videre naves , ubi primum mare detumuit , ventique posuere , plenis velis eò recurrere , unde paulò antè profugerant , eoque loco anchoras jacere , quò pretiosissimarum mercium jacturam fecerunt. Illic uncis , harpagonibus , contis sarcinas suas , tum institores , tum Nautæ vestigant , satique se agere arbitrantur , si pannos atque tapetia , salis licet fluctibus humida corrosaque , recuperârint. Movet me tam repentina monstrosaque mutatio , ut exclamem : quid hoc rei est , vi-

ri,

ri, an non vos estis, qui non ita pridem pretiosissimis quibusque mercibus navim exonerastis? Qui sit igitur, ut, qui argento auróque graves arcas in fluctus jactabatis, qui peregrina nobilissimæ aromata alacritate tantâ mergebatis. qui tum Indica, è testa veneria, vala, tum septentrionis electrum, tempestatum procellarumq; vorticibus haurienda objiciebatis, qui sit, inquam, ut jam laboris contentione tantâ miseris naufragij reliquias, jactarumque mercium quiquilias colligatis, retractis in puppim & tabulis, & centonibus, postquam pelago ebur, aurumque donastis? Id scilicet, respondebunt, malaciæ placidæque auræ beneficio tribuendum, quæ timorem pristinum effugaverint. An non hoc est, quod generosissimis quibusque thalamorum patrimoniorumque contemptoribus usui venire miramur? Heu quoties accidit, ut, qui in ipso sancti timoris æstu Matris oscula, patrisque gemitus abominabatur, subinde ingratos consobrinos patruelisque allecetur, à quibus non minore studio vitabatur,

tur, quàm olim ipse parentum fratrum-  
que conspectum averſabatur ! Aut fortè  
perexiguus illorum numerus est, qui, post  
abdicatas ditiones paternas, prædiorum-  
que venditorum pretium in egenos distri-  
butum, subinde, cùm eos Cœnobia in  
seculum revomuiſſent, probrosis litibus,  
fædisque pactionibus, domos pagosque,  
tanquam naufragij sui tabulas, retentâ-  
runt, ut privati cives vitam non inopem  
viverent, qui principalem, ac penè dixe-  
rim regiam, fuerant dedignati. Et verò de-  
decora eiufmodi non illum modò com-  
maculant, qui reapse paternas ædes revi-  
ſit, verùm eos quoque, qui fortiter reje-  
cta, ignavâ cupiditate, retractant. Quæ  
sanè omnia vel conſopiti, vel exulantis ab  
animo nostro Timoris, effecta sunt ac dâ-  
na. Idem ſcilicet Religioſam diſciplinam  
pertæſis, quod expeditionis Moſaicæ im-  
patientibus, evenit. Eſuriebant infelices  
Iſraëlitæ dactylos carneſque Aegyptias,  
divinorum ſpectaculorum, Panisque An-  
gelici ſaſtidio capti. *Quando ſedebamus,*  
exclamabant, *ſuper ollas carniũ, & come-*  
*de-*

*debamus panem in saturitate.* Prô mortali-  
um ingratisimos! Et non animadvertitis,  
vos ad reditum stimulari, quòd laborum,  
injuriarumque exantlatarum Terror sub-  
latus sit? Nempe carnum, quas voraba-  
tis, memoriam retinetis; & cur non item  
Exactorum Præfectorumque, à quibus  
lacerabamini, meministis? Panes, qui-  
bus famen explebatis, in mentem redeunt,  
& pælearum lutique obliti estis? Obver-  
santur animo pepones Memphitici atque  
cucumeres? obversentur & lateres, quos  
in Ramelle coquebatis: & ut memoriâ  
repetitis invisî regni palmæta, sic & vir-  
garum, quibus vapulastis, mementote.  
Denique si amissarum dapum ingluvies  
ad pistorum opera vos hortatur respicere,  
cur Tyrannus excidit animo, nec fornac-  
es, nec labores, nec ergastula, durissi-  
mam, quam servistis, servitutem vobis  
repræsentant? Totidem verbis, quibus  
fastidiosas sub Moyse copias objurgavi,  
quorundam in religiosæ vitæ proposito  
inconstantiam compello. Si villarum,  
quas contempnimus, amœnitas virorūque



menti recurat, cogitemus pariter, quàm  
 multiplex vitiorum anguis sub ijs nomibus,  
 pravaque societate celsitescens, venena-  
 to nos dente momoderit. Atenim ludo-  
 rum voluptate domum revocamur? avo-  
 camur quoque maledictis, quibus fortu-  
 nam inculavimus. Scenæ fortan, & spe-  
 ctaculorum ludicra, reditum in patriam  
 suadent? Dissuadeat vicissim Mimorum  
 obicœnitas, & Histrionica, omnis nequi-  
 tiæ Magistra. Libertas, vitæque prioris  
 licentia profectionem nobis indicit? Stent  
 contrà compedes, catenæque gravium  
 nozarum, in juvenilis petulantia officina  
 cudi solitæ, firmentque præclare cœ-  
 ptorum constantiam. Consuetudine no-  
 bilium amicorum, famulorum obsequijs,  
 domesticorum blanditijs, officijs propin-  
 quorum, ad reditum sollicitamur? Verum-  
 enimvero si veterum necessitudinum dul-  
 cedo invitat, absterreant vicissim offendi-  
 cula, lapsus, præcipitia, quorum illæ no-  
 bis causæ fuerunt: & si qualiacunque bo-  
 na expendimus, multò majora mala eà-  
 dem lance trutinemus. Neque dicas: non  
 ideo

ideo, quòd redeas, criminis ullius te re-  
um futurum. Nempe sceleris te purum  
fore credam cum redieris, quando ipse fa-  
teris te, cum illic esses, noxâ non caruif-  
se? Atqui, cum illic jaceres, divino fa-  
mulatui te addicere meditabare, Dei do-  
mum mente revolvebas, sacris vestibus  
religiosa que vitæ te aptabas, morésque  
prorsus Angelicos præscribebas tibi. Age  
jam, & si seculi contagio tam pestilens ti-  
bi visâ est, ut neque voluptatum nausea,  
nec desiderium Crucis, nec religioſæ A-  
postolicæque vitæ dignitas & excellentia,  
neque cura salutis, & animi malè sibi con-  
ſci, & ſenſuum imperio victi, diri lania-  
tus, ad eam evitandam tibi ſatis fuerunt;  
quænam isthæc modò temeritas, quæ  
confidentia tua est, ut speres, tamenſi di-  
vinorum myſteriorum tædiò, integritatis  
odiò, crucis hostis, libertatis avidus, ho-  
norum voluptatumque ſectator, & fidei  
Chriſto datæ aut prænitens, aut deſertor,  
illius denuo paludibus te merſeris, fore  
nihilominus intaminatum, & labis omnis  
expertem? Tam vanæ ſpes, ſolidæque fi-

ducia, insanientis è feбри, & vicinâ morte aberrantis, animi deliria potius sunt, quàm ad patriam iter agentis consilia. Quemadmodum igitur objectis duntaxat fustibus, Hebræorum in Ægyptum reditus intercludi potuit, sic inconstantes, nè ad voluptatum prata regrediantur, haud alia magis res, quàm oppositum suppremi Judicij Tribunal, remorari potest. **PRINCIPIUM SALUTIS NOSTRÆ, EJUSDEMQUE CUSTODIA, TIMOR DOMINI EST:** *qui cum pene raverit mentem Mundi, gignit horrorem.*

60. Atque utinam aliquantò diutius in Timoris vinculis, humilitatēque versari nobis liberet potius, quàm præperô volatu ad Charitatis fastigia emicare. Quò abít, exclamat Gregorius, quò rendit Alumnus ille Crucis, ætate professionēque Virtutis tam novus? Ait ille: ad Sancta Sanctorum se proficisci, ut suavissimæ cum Deo conjunctionis thymiamate perfruatur. Ain', tu ad sancta Sanctorum? subjungit Gregorius, & non venit in mentem,

tem, eam Angelici odoris fragrantiam, summo Sacerdoti gemmas pectore ferenti reservari: non verò à recens initiatis Levitis succendi, quorum corda, vel ulceribus indomitum cupiditatum hiant, vel scelerum nondum expurgatorum cicatricibus deformantur? Priusquam ad Amoris, in quo thura cremantur, Altare accedas, necesse est ad alterum, quod est Sacrificiorum, compluribus annis consistere, ad quod Timor victimas cædit, cruorem fundit, & Holocausta in cineres resolvit. ALTARE PRIMUM COM PUNCTIO TIMORIS EST, *altare* secundum compunctio Charitatis. Nè, quæ-  
so, tam citò ex oculis abire divinæ Iræ fulmina patiamini, vos maximè, qui è vitæ secularis lubrico vix nuper emeriti, primo statim in Religionis templum ingressu sacrum velum attollitis, & carbones Sera- phicos, quibus mentes in Deum diurnâ Virtutum maximarum exercitatione, at- que inveteratâ morum sanctitate, trans- fusa verbi Charitas succendit, profanâ pœne manû attentatis. Non autè ad Pon-

*Lib. 5. C. 4.  
in Reg. To.  
25. 107.*

tificiorum odorum suavitatem aditus patet, quàm Horroris gladio contrucidari sensus, & divinorum iudiciorum chalybe vitia, quibus occidimus, occisà fuerint.  
*Primum Altare* COMPUNCTIO TIMORIS EST : *secundum altare compunctio Charitatis.*

61. Nemo verò existimet, eâ ratione se à Timore ad Amorem gradum facere posse, quâ Princeps sacerdotum Pontifex Hebræus, ab Altari Horroris ad Aram deliciarum transire consuevit. Atq; ille quidem destinatam cædibus sedem relinquebat à tergo, cum in sacratione se adyta penetraret. Non ita se gerit, qui cœlestis severitatis horrore purgatus, divinorum solatorum amplexus petit. Quisquis enim pacis vocatur ad oîculum, debet is Apocalypticum Angelum imitari, qui cum alterum pedem florentibus terræ pratis inferret, alterum ab iratis pelagi vorticibus nusquam removet. Sic igitur floridas semitas divinæ Dilectionis Conjunctionisq; ingrediamur, ut ex impeditis horridisq; Labyrinthis, quibus nos Chri-



stiminæ circumsepsere, non evadamus. *Ita ut nihil vobis desit in ulla gratia.* En Amoris rosas, sed tamen EXPECTANTIBUS REVELATIONEM Domini nostri Iesu Christi: Et ecce spinas, immo hastas, Timoris. Atque ad hunc videlicet metus charitatisque congressum Tertullianus respexit, cum, veluti dudum audistis, extremorum nostrorum inestā memoriam, salutis nostræ basim appellavit: *Timor*, inquit, FUNDAMENTUM salutis est. Huc quoque pertinet vel maximè, quod S. Augustinus animadvertit, Joannis Evangelium exponens. Si quis, inquit, postquam quadrato solidoque lapide fundamenta locasset magnificæ domus, ab educendo ædificio cessaret, risum profectò moveret non minùs, quàm ille, qui cceptam Evangelicam Turrim ad fastigium non perduxit. *Hic homo* COEPIT ÆDIFICARE, & non potuit consummare. Verùm furere prorsus is crederetur, qui exornato ædificij vestibulo, primoque tabulato perfecto, subinde Xystorum amplificandorum, & in subli-

Luc. 14. 19.

Qs

me

*Tract. 98. in  
Ioan.  
To. 38. 234.*

me promovendorum, cupiditate fundamenta erueret, indignum ratus, tantam vim lapidum obscuram, & penitus sepultam jacere. Id certè struere ruinas foret, ac sumptus vulgi cachinnis cumulare. Equidem educenda semper, magisque polienda moles est, non ideo tamen subducenda tecto basis, quâ fulcitur. *Ut perficiatur, quod struitur*, ADDITUR ÆDIFICIUM, NON SUBTRAHITUR FUNDAMENTUM. Consilium mihi non est, Christi servos à Charitatis præstantia, quâ plenæ divino Amore mentes sublevantur, arcere. Aspirent sanè ad hæc grandia & sublimia, ita tamen Cœlo animos intèrant suos, ut pedes suo pondere ad Inferos depressos à terra non refigant. Amemus, sed timeamus. Prorsus ad eum modum, quo Viri principes, licèt non in fundamentorum cavernis, sed in amplissimis diætis commorentur, & Hypæohra inambulænt, curant tamen ut facta tectaque sint porticuum atque conclavium fulcra: sic Amatores quoque perfectionis Pietatis studio vacent, & quidquid

quid patiuntur aut agunt, ad solam Con-  
ditoris gloriam referant. Nihilominus ta-  
men Charitatis, sublimitati Timoris, quò  
sancti efficiuntur, soliditatem conjungant,  
humilem licet atque depressam. Secus si  
fiat, perinde, ac in Paradiso, unà cum  
formidine Innocentia periit, & in mari  
cum tempestate, mercium quoque jactus  
finitur; ità si cor nostrum Terrore quati  
desierit, unà delicias amoris amitemus:  
utique cum hìc ab illius compedibus pen-  
nas mutuetur, & volatum capessat è vin-  
culis. **FUNDAMENTUM SALU-  
TIS EST TIMOR.**

62. Pridem intelligo, quid mihi  
sectatores Amoris objicient. Hi, velut  
Artis Naturæque prodigium, suspiciunt  
ingeniosam Vitri formationem. Viden',  
inquiunt, ut Artifex cinerem sabulúmque;  
liquetactum tenuissimo halitu rotat in  
globum, ab omni sua parte pellucidum:  
idem vilissimam materiem, in illustre cym-  
bium producit, aut in phialam extendit:  
denique, cum libuerit, crassum illum  
lentumque liquorem, &, si fortè deci-  
de-

g. Reg. 19. 12

deret , terram , sordidissimi luti instar ,  
 commaculaturum , in pyramidem aut  
 obeliscum attollit ; eaque omnia præstat  
 hominis Spiritus , Amoris symbolum : *Si-*  
*bilus auræ et nūis.* Et quis neget , hæc di-  
 vinæ Charitatis prodigia , esse sacris Cœ-  
 nobijs usitatissima , in quibus satis est vel  
 nolæ sonus , vel Præsidis vox , ut Mona-  
 chorum quilibet , plures repentè variarum  
 maximarumque virtutum formas indu-  
 at , quam temeraria Poësis , Proteis suis ,  
 in omnem seu cœlestem , seu elementa-  
 rem speciem , artifice nequitiâ compolitis ,  
 attingere unquam potuerit . Sicilli . Ego  
 verò ut fateor , eandem vim amoris Spiri-  
 tui esse in Sanctorum corda , quam mira-  
 mur in ejus , qui vitrea conflat , anima re-  
 fidere : sic animadverti pariter velim ,  
 ejusmodi materiem , unde tanta operum  
 diversitas existit , nec ferro tractabilem ,  
 neque morigeram spiritui se præbere , nisi  
 malleis antè contusa , flammis que fuerit  
 temperata . Vin' ejus rei experimentum  
 capere ? Age , & , quotquot habent Ve-  
 netiæ artifices , Muranum convoca , jubé-  
 que

que fabulum, quod totâ passim insulâ jacet, plenis buccis insufflare: nâ illis spiritus antè vitâque deficiat, quàm vel plebeum inde calicem exsufflârint. Atqui ex ea materie vitra conflantur. Sed flammâ videlicet opus est, ut artis ingenio, & flatûs imperio, contumax cæteroquin arena obtemperet. Ego quoque, mirabile prorsus Charitatis artificium esse non inficior, sed æterni cogitationem incendij, assiduâque memoriam penitus animo infixam præmitti cupio ab eo, qui se amoris fingendum committit. Quemadmodum igitur Vitrum, licet oris flatu tenuetur in phialam, cò ipsò tamen tempore, quo instituitur, non nisi ferreâ forcipe tractatur, & è fornacis incendio, in Operarum denique manus venit, tepidæ afflatu auræ recreandum: ac subinde utcumque formatum, igni redditur, ut in recepta figura confirmetur. Ad hunc scilicet modum eorum, quæ postrema hominum sunt, ad suavissimam quietem, Deique amplexus datur pertingere. Scitis si flammis excoqui, tundique ac com-

mi-



minui malleis refugimus, non in crateres  
Aris destinatos, sed in evanidas futilisque  
bullas forinabimur. Id nempe otiosi pue-  
ri præstant, dum fistulas inflant, smigma-  
te aquâ diluto imbutas, & ampullis æ-  
rem complent. Et verò cum primum e-  
rumpunt pellucidi orbes, gratam sui spe-  
ciem intuentibus præbent: ac formæ qui-  
dem, utpote rotundæ, summa perfectio  
est: placet quoque folliculorum maxima  
subtilitas; colorum varietas, quibus exun-  
dans humor pingitur, cœlestes Irides tan-  
tùm non æquans. Sphæra tamen ejus-  
modi, tam elegans, splendida, pigmen-  
tata, si quando tenuissimæ frondis, vel  
mollissimi floris occursum sistitur, continuo  
perit, & in spumam multò quàm antè  
fœdiorem resolvitur: quid si mucronibus,  
aut porphyreticis marmoribus incidissent?  
Huc recidunt fœtus, abortus rectius di-  
xerim, earum imaginum, quas citra car-  
bonum ardorem, forcipumque ministe-  
rium, solus oris halitus effinxit: germana  
illorum simulachra, qui, neglecta igni-  
um æternorum meditatione, oblittera-  
tâ-

tāque Inferorum memoriā, mentis excessus, ac delicias Amoris prensant, quæ quidem speciem aliquam virtutis indere tantisper possunt, quamdiu quidem nullā re impetuntur, & in placido aëre, bullarum instar, subsultant: at enim duratorem Apostolicam formam non alijs imprimere pectoribus queunt, quàm quæ per Timoris fornaculas, ad refrigeria Charitatis iter habuere. Hoc genus mentium, quæ hîc velut ampullæ cœlesti colore replebantur, quæque nobis tum verecundiæ favor, tum nonnulli lachrymarum rores commendant, postquam hinc digressæ fuerint, ad omnem obicem, seu eruditionis famam obscuriorem, seu pietatem suis laudibus fraudatam, seu impositi laboris difficultatem, seu condiscipuli æmulationem, seu aversum Præsidis animum, seu munus ingratum, postulatum quoddam negatum, theatrum ademptum, cathedram dilatam, seu aditam hæreditatem, objurgationem aut inferiorem oblatam sedem, non hærent duntaxat, verum etiam, qui Globi videbantur cœlesti-

stibus coloribus picti, repentè sunt nulli, humique prolapsi, id, quod erant, spuma jacent omnium, qui personatam Hypocrisim execrantur, pedibus conculcanda. Videtis, quò evadant denique unibratiles illi mollis cujusdam & enervis Virtutis sectatores, quæ nullo Timoris subnixæ fundamentò, nihil habet cum Corinthiorum Religione commune, quæ ad palmas, ipso pœnarum metu, concitabatur. *Ita ut nihil vobis desit* IN ULLA GRATIA, EXPECTANTIBUS *revelationem Domini nostri Jesu Christi.*

63. Explosâ in hunc modum ephemeræ pietatis vanitate, alij sedant in conspectum ingentibus vecti Gaulis, quos, ut ipsi ajunt, præcipuis laudibus exornavit Ambrosius, longèque Triremibus prætulit, haud aliam ob causam, quam quòd illi velis, placidò ventò tumentibus, suâ propemodum sponte moveantur, hæ verò damnatorum ad transtra, & nunquam non sub verbere gementium, remigio impellantur, non sinè maximo Naucleri labore. Ut adeò dum veliferæ  
Na-

PERFECTIS NECESSARIUS. 257

Naves vectorum cantu cytharisque maria  
 mulcent, & velocissimo cursu concitæ  
 volant, in triremibus non aliud, quàm  
 catenarum stridor, flagrorum sonus, eju-  
 lantium gemitus, vapulantium plagæ,  
 remigantium sudor vel audiatũr, vel spe-  
 ctetur. Quis autem Zephyris, carbasâ in-  
 flantibus, placidos Amoris illapsus adum-  
 brari non intelligit? tantò feliciores illos  
 mœstâ Timoris anxitudine, quantò faci-  
 liũs velis, quàm remis, navigia prove-  
 huntur; felicioreſque sunt, qui corrente  
 liburnicâ, tum curâ, tum labore vacui,  
 choreas agitant, quàm qui transtris affixi,  
 attritis ferro brachijs, remos adducunt,  
 quadriremẽ violentèrque impellunt. *Quid*  
*ipſi gratius*, exclamat Ambrosius, QUÆ *Lib. 5. Hex.*  
 NON VERBERE AGUNTUR, *c. 11.*  
 SED SPIRAMINE? Quibus ego id pri-  
 mum respondeo: nullam hic à S. Docto-  
 re comparationem institui longas inter ro-  
 tundasque naves. Equis ille hoc loco ve-  
 liferas naves præſtare ait, & harum cele-  
 ritatem, utpote ſecundis auris ſeſtinatam,  
 illorum curſui, nempe quem ſtimuli fla-

gellâque incitent , anteposit. Quando  
tamen parùm adeò interest equos inter ac  
remiges , atque utrique flagris vulneribus-  
que urgentur ad velocitatem , libens con-  
cedam , feliciorem eum esse , qui velis ,  
quàm qui remis , navigat. Neque tamen  
grandibus Onerarijs Timoris symbola de-  
sunt , Anchoras puta , quibus fundantur ,  
tormenta quibus se tuentur , rudentes  
quibus illigantur , cancelli denique quibus  
muniuntur. Adde: quòd Chrysostomus ,  
in præsents vitæ navigatione , celerrimis  
quibusque celocibus pro gubernaculo Ti-  
morem apponat. Edicit proinde tam pa-  
rùm fieri posse , ut in Cupiditatum Syrtes ,  
scelerumque scopulos non impingas , nisi  
sanctus Timor gubernaculo præsit , quam  
ut brevia vitent , portumque contingant ,  
Naucleri abique adminiculo , ductuque  
clavi. Quid: quòd huic quoque Timorem  
præfert , quo videlicet non modò in por-  
tum navis dirigitur , verùm etiam tempe-  
states frenat , ventos compescit , procellas  
temperat , cœloque serenitatem præstat.  
Ad quas difficultates eluctandas , nullum  
quan-



quantumcunque vastum gubernaculum,  
 satis validum est, & licet procellarum fu-  
 rias utcunque frangat, nunquam tamen  
 aut convulsū sedibus suis mare in plani-  
 tiem coæquat, aut ventorum turbines  
 componit. Eam porrò vim, quæ tabulis,  
 quibus actuariæ naves reguntur, negata  
 est, tribuit Deus Timori, quò mortali-  
 um mentes agitantur. Sed ipsū audia-  
 mus Chrysostomum. TALIS, *In Ps. 6.*  
 CONTURBATIO, MATER EST *To. 31. 22.*  
 TRANQUILLITATIS. *Qui ita con-*  
*turbatus est, omnem tempestatem expellit.*  
*Qui horret, tremit & perturbatur, QUIE-*  
 TAM REDDIT COGITATIONEM  
 SUAM. *Qui verò tali non est animà præ-*  
 ditus, GRAVES FLUCTUS SUBIT:  
 & quemadmodum NAVIGIUM, GU-  
 BERNACULO defectum, violentorum  
 ventorum impetui relictum, celeriter submer-  
 gitur. Antennas quantum libuerit in cœ-  
 lum erigite, explicite vela ventis à puppi  
 venientibus, si gubernaculum delit, si-  
 mul omnis tangendi littoris spes deficit,  
 manifestumque naufragii periculum im-

minet. Idem vos porro, monet Os aureum, sæculi hujus mare sulcantibus cogitate contingere; in quo nec productæ inediæ rigor, nec sacrorum mysteriorum virtus, nec Charitatis serenitas, nec divinorum lumina spectaculorum, nec innoxie vitæ malacia, sacis præsidij affert ad salutem, nisi præsto sit beatus ille nostri funeris horror, & divini Tribunalis reverentia, utpote quâ sublatâ, tranquillitas abit in tempestatem.

64. Fac autem Naves Gubernatoris hujus operâ ductûque non egere, & ventis velisque deferri eos, qui Etelijs Amoris provehuntur, num ideo Timoris obliuisci hic noster Amator potest? Haud equidem arbitror. Non enim, prò dolor! prospera semper aspirat aura, neque secundis semper datur fluctibus navigare. Ponunt interdum auræ omnes, Gaulumque ingrata malaciâ figunt immobilem, nullâ spe vel optati portus, vel progressus. Nonnunquâ Euri resiant à prora, cursumque non morantur modò, sed invertunt. Austri persæpe incumbunt, qui licet secun-

cundi sint, nautis tamen necessitatem imponunt demittendi antennas, velâque contrahendi. Quô fit, ut remis destitutum navigium, vel piratas, cessante flatu, expectet, vel violentis turbinib<sup>9</sup> circumactum, quocunque procellæ impulerint, ruere vel in scopulos debeat. Equidem Timori Charitas præstat, sedenim non semper ardet; utque ardeat, necessariae sunt exhilaratae mentis deliciae, pax alta, solitudo, divinorum voluminum lectio, Gratiae coelestis illapsus, animi serenum amabile, nullo curarum strepitu, nullis larvarum vanarumque religionum larvis interpellata: induciæ cum hostibus, Cœlum fiduciæ patens, promptum desiderijs nostris Numen, ac tota denique aromatum, punicorum malorum, torquium, murænularum, amplexuumq; divinorum copia, quæ in Salomonis Epithalamio, per arcana mysteria descripto, Angelicis solatijs animum replet, cumque divinis amplexibus præparat. Quæ cum ita sint, quis non videt, quàm ægre, si quidem aliquâ ratione fieri possit, hominibus illis

contingat, quos vel studiorum distinet labor, vel negotiorum moles, vel salutis alienæ administrandæ cura premit (quæ nempe occupationes Societatis nostræ homines exercent) ut, inquam, fragrantiam Charitatis sinu foveant, tot causis, tam varijs, tam multis, minimèque obvijs obnoxiam, ut vel votis aspires, vel semel percepta perseveret. Ut autem Timorem retineas, Christianæ Religionis capita sufficit tenuisse: nulla enim est rerum earum, quæ hominis exitum consequuntur, cujus memoria terrorem non pariat, quantū quidem divinâ adjutis gratiâ satis est, ad irritamenta vitiorum, religiosæque vitæ tædium superandū. Quantò igitur quisque, Timore Magistro, ejusmodi animum Anchorâ figit, quæ adeò semper in promptu est, tenacissimèque nulli non arenæ adhæret, securior est illo, qui neglectis saluberrimi metûs agitationibus, amoris vapores, suavissimòsque halitus consecratur! Et hi quidem, quoniam & difficulter assurgunt, & nullò negotiò vaneſcunt, ideo etiam ratò per-

cui-

cipiuntur, ac sæpe sæpius eos, qui ab eorum Spiritu suum pendere spiritum volunt, tum lætitiâ, tum alacritate vacuos, luctuosâ rerum conversione destituunt. Quanto sariùs est ea præsidia occupare, quæ semper ad manum, & conservandæ vitæ sunt satis! *Fundamentum salutis EST TIMOR.*

65. Quî autem, inquires, salutis fundamentum esse Timorem dicemus, cum palàm sit, synagogam ideo collapsam in lapidum accervum subsedisse, quòd supplicij metu se fundâisset? An non id Gregorium testatum fuisse? Reddo ejus verba.

*Quid enim Iudaicus populus nisi servus fuit, Lib. 14. Mo-*  
qui non amore filij OBSEQUEBATUR *ra' c. 19.*  
DOMINO, SED TIMORE *servili? To. 39. 233.*

Quâ igitur ratione basim perfectionis Timorem appellamus, si Christus Ecclesiam suam, non arenæ tempestatum fluctibus agitandæ, sed immobili Charitatis petræ imposuit, ad quemlibet ictum in scintillas emicaturæ, largosque dulcissimarum lachrymarum torrentes emissuræ, si Moyses aliquis virgam admoverit? An non illa



Rom. 8. 15.

Doctores Gentium verba sunt : *Non accepistis Spiritum servitutis iterum IN TIMORE, sed accepistis spiritum adoptionis filiorum, in quo clamamus Abba Pater ?* Quòd si ergo Apostolus, cui arcana Religionis omnia patebant, Christianorum vulgus timere vetat ; quæ causa est, ut id nobis, qui non præcepta solum, verum etiam consilia sectamur, tantopere inculcetur ? Si Christus in Ecclesia sua Timorem non sustinet, eum tu Cœnobijs obtrudes ? Si denique Solymæ cecidère quia tremuerunt ; quâ ratione Nos constantiam mentemque nostram perpetuâ Timoris agitatione firmabimus ? Hanc argumentorum molem, omnem Timori aditum obstruentium, adèò non reformido, ut confidam, non eam disjungere solum, verum etiam haud paucioribus, quàm quibus aggesta fuit, rationibus complanare. Et certè, quod ad exemplum Synagogæ attinet, laborandum magnopere non est. Rude enim illud ventrique deditum vulgus, quemadmodum cucumeres ollasque Ægyptias perpetuò esuriebat, ità nunquam vel De-

cretoriæ diei Judicium, vel æterna supplicia, sed hostium duntaxat gladios, imminentemque annonæ caritatem expavit. Eamque ob causam Timor Israëlitarum, quippe qui nunquam ab humo se attolleret, intraque præliorum adverſa, clades, servilisque catenas omnis stetit, Christiano Timori, spiritualia duntaxat detrimenta exhorrenti, &, Babylonice ergastulis, caducorumque bonorum jacturam contemptam, supplicia æterna, prædictaque ab Evangelio calamitates caventi, facere convivium nequit. Atque utinam Iram divinam, tartarorumque carnificum inhumanitatem reverita fuisset tum Scribarum improbitas, tum arrogantia Phariseorum! nam illos à sacrilego peculatu, invidia, odioque Messiae hic talis horror abstraxisset. At enim, Augustino teste, Romam potius, quam Inferos, formidarunt, potiorque apud eos Tiberij, quam Christi Judicis, majestas & cura fuit. Jam verò à Synagoga gradum ad Ecclesiam faciamus. Qui autem vos illi à Christo interdictum fuisse Timorem affirmatis, cum idem Chri-

stus horribile Judicium ob oculos posuerit avaris intentatum; cum infernum barathrum reſeraverit heluonibus, latè dehiſcens? cum obſeratum vel Virginibus cœlum intueri juſſerit, quòd, Pudicitix lilij, Pacis oleam inferere neglexiſſent? cum eam molis prægrandibus, de collo nocentium ſuſpenſis; aut ſecuribus, ad ſterilium arborum radices appoſitis; aut rogis, petulantix ultoribus; aut catenis, injurias & contumelias plexuris; aut naufragijs, quæ noxia exempla manerent; aut paleis eventilatis, flammæque deſtinatis; aut lolio, ab igne depaſto; aut invidiâ, proprios artus laniante; aut oculis evulſis, truncatis manibus, reſectis pedibus, ad avertendas majores clades, nunquam non exterruerit. Hic ego jam quæro: an hâc funeſtiſſimarum vocum nomenclaturâ, hâc acerbiffimarum pœnarum, hâc inextincti rogi, hâc infelicitis æternitatis expreſſione, Catholicorum pectoribus timorem eximi, an inſigi putet? Quid? an auditoribus ſuis Chriſtus aliam fortè Philoſophiam prælegit, quàm

Pa-

Pavoris? cùm tam sæpe sectatoribus suis inculcaret, nè dubitarent Mundum universum salutis suæ curæ impendere: cùm nullâ non Evangelij sui paginâ, ferale illud, & perpetui luctûs nuncium, VÆ ingeminet, imminens vel ridentibus? Age porrò, quâ ratione divinum Timorem, Synagogæ proprium, & ab Ecclesia Christi alienum dicemus, quando nullus Hebræorum, citra Contritionem perfectam, hoc est summum Dei amorem, erigere se à lapsu potuit; contra verò nobis Confessionis Sacramentum ità tradidit Christus, ut attriti duntaxat, puta, objectis à fide terroribus icti, aut, ut severissimæ Theologiæ placuit, qualicunque scintillâ divini Amoris succensi, rediremus in gratiam? Nempe Israëlita, nili sincerè ament, jaceant semper; Christiani verò, si metuant, succollante Sacramento, resurgant; & erit deinceps, qui jactet, Ecclesiam inædificatam Charitati, Terroribusque substructam Synagogam? Quibus in hunc modum constitutis, cui de Pauli mente non liquet? cùm diceret: *Non accepistis*  
*spî-*

*Spiritum servitutis iterum in timore? Potuist-  
ne ille tot terrorum moles, quas à charis-  
simo Magistro suo, veluti novæ legis for-  
tissima propugnacula, passim in Evange-  
lijs omnibus erectas videbat, eversum ire,  
soloque æquare voluisse? Quod si alienū  
est ab Apostolo profectò non aliud impro-  
batum ab ipso in Timore fuisse putandum  
est, quàm Hebræorum illud abjectum sor-  
didumque cupiditatis genus, haud aliàs  
formidare doctorum, quàm cùm Ægy-  
ptiorum telis corpora ipsorum foderentur,  
& à locustis vastarentur segetes. Hoc ge-  
nus formidinis, Christianis pectoribus in-  
dignum, averfabatur Apostolus, nec pas-  
sus est, in ijs mentibus exercere Tyranni-  
dem, in quibus regnare Crux debebat,  
conculcatò Orbe terrarum, & Christi  
nascentis morientisque nuditati consecra-  
tò. Cæterum nulla est pagina Gentium  
Doctoris, quæ non immedicabiles plagas,  
& certa supplicia peccantibus intermine-  
tur. An enim non medio Corinthi foro  
supremi Judicij formidabile Tribunal ere-*

2. Cor. 5. 21.

xit? Omnes enim Nos manifestari oportet

AN-



ANTE TRIBUNAL CHRISTI, *ut referat unusquisque propria corporis, prout gessit, sive bonum, sive malum. Scientes ergo* TIMOREM DOMINI HOMINIBUS SVADEMUS. An ab alterius manu propinati sunt ijs ipsis Corinthijs amarissimi ingratislimique liquores illi, qui ad eos perpurgandos, eluendâsque pristinæ superstitionis maculas, Timoris torculari expressi sunt? *Mundemus nos ab omni<sup>2</sup>. Cor. 7.* inquinamento carnis & Spiritûs, perficientes SANCTIFICATIONEM IN TIMORE DEI. Quâ sententiâ manifestè demonstrat Apostolus, non vulnera solum à sancto Dei Timore obduci, planèque persanari, verum etiam elaborari cœlestes coronas, utique quem, velut ultimam manum, absolutæ penitusque consummatæ virtutis appellat. PERFICIENTES SANCTIFICATIONEM IN TIMORE DEI.

66. At enim, inquis, quotquot egregiâ sanctitatis laude floruerunt, per felices illas stratasque gemmis Amoris vias inceslere. Equidem his quoque (haud enim

enim unquam id improbatum mihi fuit) institerunt, ita tamen, ut altero pede angustas Timoris semitas, collésque Draconibus obsessos, peragrarent. Age enim, Dositheum tu integerrimâ vitâ fuisse negabis? Hic tamen quid aliud, præter infetnum carcerem, vel mente versavit, vel ore proloquutus est frequentius, præter solemne illud *Volo salvari*? An Hieronymo sanctitatem dices defuisse? haud equidem arbitror. An autem ille cibum sumpsit unquam, aut sitim restinxit frigidâ, quin Angeli Tubæ, redivivos ad Judicium, reólque ad pœnam citantis, sonitu, membris omnibus contremisceret? Quem mihi dabis charitatis igne ardentiorē Nazianzeno Gregorio? Hic tamen neque cubitum concedere, quin metu obrigesceret, nec strato consurgere, sacrilque indutus vestibus accedere ad aram solitus fuit, quin altissimas Æternitatis voragines, Timoreduce, intraret antè, quam ad exequendum Pontificum munus, & ad litandum assurgeret. Eidem non inveniret, qui hæc de Viro tam insignitæ sancti-

Ati-

citatis, tam illibata vitæ, mentis tam cel-  
 sæ, diviniſque rebus penitus innutritæ,  
 litteris mandaret, niſi manu ipſius confi-  
 gnata legerentur. HIC ME TIMOR,  
 ait ipſe Oratione decimâ, EXAGITAT, *Orat. 10. To.*  
 HIC DIES NOCTESQUE MECUM *115. 93.*  
 VERSATUR; *nec me liberum Spiritum*  
*ducere ſunt, hinc futura Gloria, HINC*  
 FUTURUM TRIBUNAL. *Illam ap-*  
*peto, HOC AUTEM HORREO.*  
 Quid vos ad hæc? Hi ſanè novæ Legis  
 Heroës, triumphalèsque Imperatores fuê-  
 re, non aliqui de Synagogæ fugitivis man-  
 cipijs. Quid igitur negabitis, an ſanctiſſi-  
 mos extitiſſe? at habentur ab Eccleſia,  
 adoranturque: an timore vacâſſe? ſed  
 dormientes metu contremiſcunt, veſcen-  
 tes exanimantur. Quis igitur noſtrum  
 Timoris adminicula poſthac aut negliget,  
 aut vili pendet: ſi Jobos, Doſitheos,  
 Hieronymos, Nazianzenos; hoc eſt: ſi  
 Patriarchas, qui laudum ſuarum præco-  
 nem Deum habuere; ſi Anachoretas, ſo-  
 litudinum lumina; ſi Populorum Recto-  
 res ac Magiſtros, quos Roma colit; ſi  
 An-

tistites, quos Religio consecravit; si prodigia fortitudinis, Exemplaria virtutis, Doctrinæ oracula, cœlestium præceptionum Angelos, Legis cûstodes, Evangelij Tutores, amplificatores fidei, sanctissimæque Trinitatis propugnatores, metus exercuit, horisque omnibus agitavit.

67. Neque Beatorum modò Cœlitum præcipui, dum apud nos agerent, Timoris ab ubere labra remove-re ausi sunt unquam: verùm inflammatissima quæque charitate sanctitas inardescere illius frigore consuevit. Cedò enim, habetne Christiana religio actionem ullam suapte naturà, seu, ut Theologi loquuntur, *ex objecto* magis arduam, difficilior-rem, digniorem Martyrio, cui scilicet cætera opera omnia, licet sanctissima, palmam cedunt, præmiisque primas partes ultro remittunt? An non supremus hic Amoris apex est? supra quem, nisi si fortè tam sublimem virtutem major vis animi, ardorisque inter homines inulitati vehementia, transcendant, plerumque non sunt quàm imaginaria spatia charitatis?

De illa utique Christus pronuntiârat :  
**MAJOREM HAC DILECTIONEM** Ioan. 15. 13.  
**NEMO HABET,** *quam ut animam suam*  
*ponat quis pro amicis suis.* Lubeat modò me-  
 titi tantæ altitudinis Turrim, & quæ Gi-  
 gantum conatibus superior, non ad cœ-  
 lum duntaxat attollitur, verùm inter ipsos  
 quoque cœlites dignitatem, honorêque  
 præcipuos promeretur (liquidem fortis-  
 simæ mentes desîderij magnitudine, actu-  
 umque interiorum præstantiâ, fastigium  
 ejusmodi non superârunt) lubeat, inquam,  
 inspicere, quibus artibus erigatur, quòve  
 scopulo innitatur. Longus apud Matthæ-  
 um cruciatuum, quibus in Doctrinæ suæ  
 sectatores sævitura impietas esset, à Ser-  
 vatore catalogus textitur : absoluto subin-  
 dè tormentorum syllabo, ut ad eorum  
 patientiam discipulos animaret, quò ma-  
 ximè usum fuisse argumento existimatis ?  
 Equidem putabitis, expositis singillatim  
 Divinæ Naturæ dotibus, pro quibus a lē-  
 rendis vitam plerumque ponunt, qui Li-  
 ctorum secures excipiunt, & Tyranno-  
 rum imperio rotis illigantur, ad patran-



dum fortissimæ Charitatis facinus excita-  
tos ab eo fuisse. Quis crederet? Aposto-  
lorum cogitationes demittit ad Inferos, &  
Tartarei stagni olidissimum sulphur purif-  
simis Amoris flammis subministrat, pa-  
ratque unâ præsidium. En denunciato-  
rum cruciatuum Epilogum! *Nolite timere*

*Math. 10. 28*

*eos, qui occidunt corpus, animam autem non  
possunt occidere: sed potius timete eum, QUI  
POTEST & animam & corpus perdere IN  
GEHENNAM. Viden'?: ut purissimum  
sacrarj Thymiana, media Inferorum in  
pice atque bitumine, ardeat, utque A-  
morem Timor servilis exstimulet, cujus  
quidem catenas charitas abrumpit, cum  
coronam sibi imponit, ac Deum, non sup-  
plicia respicit. Et erit nihilominus, qui  
futurorum successuum memoriam pro-  
bro sibi ducat, quando eam Auctores gra-  
vissimi, virtutis fundamentum appelli-  
tant atque principium? quando eam san-  
ctissimi quique virorum, veluti vitæ præ-  
sentis Cynosuram, diu noctûque suspexe-  
runt? quando ea nos omnes, qui hic se-  
demus, ad faciendam totius Orbis jactu-  
ram*

ram hortata est, impulitque? quando Corinthiis Neophytis, & Carthaginentibus Christianis, tum à Cypriano Episcopo, tum ab Apostolo Paulo, tanquam obles Martyrij data est? quando denique Christus ipse Discipulos suos inspicere Damnatorum carcerem iussit, congressuros cum Neronibus, & cum Claudijs luctaturos? Erit, inquam, posthac ullus, qui cum audiat sanctum Dei Timorem Fundamentum nuncupari salutis, & basim dici divini Amoris illius, qui, quòd pro Dei gloria vivere definit, incrementum capere jam nullum potest: audeat illum, ceu non magnopere necessarium parandæ virtutis instrumentum, non magno in pretio habere, aut forsitan etiam flocci facere; ratus, eas esse renatorum nuper in Christo infantium cunas potius, quàm aut vitæ perfectionem adepti thronum, aut penas volantis ad Deum? At nemo cordatus non intelligit, in hoc ad perfectionem itinere ità prorsus incedendu esse, ut Israelitarum quondam populus, per asperam vastamque solitudinem peregrinatus est,

*Lib. 2. 10.**Reg.**To. 23. 29.*

ignea per noctem columnâ conterritus,  
 & rosida nube recreatus per diem. IN  
 IGNE igitur, & IN NUBE *per deserta*  
*gradientibus Dominus apparet.* Amemus sa-  
 nè, monet Gregorius, sed pariter timea-  
 mus, neque ullum abire diem patiamur,  
 quò non flammæ horror animi metum in-  
 stauret. Nubis enim amenitas teporque,  
 si Columnæ ardoribus careat, non recre-  
 at Charitatem, sed Timorem consopit.  
 Illud subinde animadverti velim, con-  
 secratos Divinitati dies, in ejus fastis, non  
 ab Aurora deliciarum, sed à nocte Ter-  
 roris incipere. *Factumque est VESPERE,*  
*& manè Dies unus.*

*Gen. 1. 5.*

68. Quòd si verò Sancti Timoris  
 exercitationem, divini Amoris usu, tem-  
 perare aliquis nequit, is, si me audiat,  
 umbræ solatium refugiat, & flammæ sibi  
 ardorem intendat, quando utrumque te-  
 nere se posse diffidit. Ea quippe semper  
 mihi erit in ore sententia: quisquis ad con-  
 summata Virtutis fastigium aspirat, is eò  
 geminis alis, Charitatis videlicet atque  
 Formidinis evolet: aut si vires non patien-  
 tur

tur utramque explicare, nitatur alterâ,  
 seponatque tantisper Amorem, certò cer-  
 tius resumendum, si modò sitæ Timori  
 pennæ consent, quæ ubi semel excide-  
 rint, difficulter, atque admodum rarò,  
 reparantur. Inhæreat infixum semper me-  
 moriæ Axioma illud, quod per Africam  
 à Tertulliano primis statim Ecclesiæ tem-  
 poribus vulgatum, & à me non semel in  
 hac allocutione laudatum est: *Timor fun-  
 damentum Salutis est*. Citra colorum ille-  
 cebras, citra marmorum pompam, citra  
 Encarpiorum coronarumque ornamenta  
 consistere Domus potest, & à cæli inju-  
 ria hospites suos defendere: atqui sinè fun-  
 damento neque domus Neronis aurea,  
 nec Achabieburnea, stare, nè momen-  
 to quidem, potest, quin protinus colla-  
 bantur, & in lapidum cumulum subdant.  
 Idem ego omnibus, qui Religiosorum  
 Ordinum Golgotham incolunt, inculco:  
 Citra amabiles gemitus, & familiaris cum  
 Deo necessitudinis beata suspiria, hære-  
 re in Cruce, aliquanto saltem tempore,  
 possumus. At id scilicet haud obtinebi-

mus, nisi Mortificationis clavo, Timoris malleo, adigantur. Etiam, qui non amat, si modò timeat, revocare amorem, ejusq; odoratos carbones denuo inflammare potest. At verò si Terroris incendia in pectore religioso, seu oblivio, seu incuria, exstinxerit, nullus deinceps aut follis superest, aut materia, quâ vel revalecant, vel foveantur. Cujus Philosophiæ nobis Academiam pandere Hortus domesticus potest. Ineunte Majo Malum aureâ, quam maximè floruisse videris, refecato, & in hanc aulam, suaveolentissimam arborem, depangito. Atque illa quidem florum gratia primo die ridebit amœnissima, altero contractis in rugas folijs terribit magis, quàm oblectabit; subinde nuditate tuâ foliorumque jacturâ offendet, denique foribus pavementum opplebit. Quid? quod rigata quoque aquis, solisque caloribus fora, nec florem, nec frondem germinat. At verò truncus ille relictus in terra, ramis omnique ornamento destitutus quidem, sed fibris retentus, primo vere revirescet, pensatôq; inju-



injuriæ damno, in novos furculos erumpet, in alios ramusculos pullulabit, floribulque ac pomis onerabitur denuo. Equidem eorum, quæ diximus, fingi paradigma nequit vel accommodatius, vel fidelius. Sanè quotiescunque intelligo, commendari quempiam ab egregio in virtute profectu, qui nullis Judiciorum divinorum radicibus nixus, affectatam interim modestiam, emendicatamque alacritatē ostendet, totis artibus contremisco. Huic enim ego jam nunc denuncio, futurum brevī, ut adeò exarescat, ut nè speciem quidem virtutis ac Disciplinæ, quam vel simulabat, vel, quando ità vis, repræsentabat, sit retenturus. Contrà, qui altas solidasque in aeternorum suppliciorū meditatione radices jecit, indeque assurgit, licet aliquantò tardiùs in Amoris thymia-  
 ma, & lachrymarum rorem resolvatur, id tamen subinde consequetur, planè ut Arbores ritè plantatæ, à primis annis flores, ac subinde, suo quæque tempore, fructus edunt. Quàm multos reperire est, qui, cùm primis mensibus inutiles trunci

habentur, quòd non tam citò ad consecrandos Legum omnium apices, id quod proprium perfectorū est, assurgant; subinde tamen è meditatione rerum æternarum concepto vigore, alacres vividique æquales suos antevolârunt, majores æquârunt, & Virtutis voluntariæque asperitatis exemplaria sunt effecti! Id quod in unoquoque nostrum sperare licebit, si, Corinthiorum exemplo, divinæ Justitiæ reverentiæ allueverimus. Atque eam ob rem idem ego de illis, quos suspicio, dicam, quod Apostolus de suis, quos erudiêrat, pronunciavit: *Grattias ago Deo meo semper pro vobis*, QUIA IN OMNIBUS DIVITES FACTI ESTIS *in illo, ita ut nihil vobis desit in ulla gratia*, EXPECTANTIBUS REVELATIONEM Domini nostri Iesu Christi. Quisquis Timoris gladiū infixum pectori gettabit, is & vertice geret Charitatis diadema, & matibus Innocentiæ lilia præferet. Timeatur proinde Deus, qui, potentiam suam reformatantes, præsentis semper præsidio tuetur, & à ruina prolibet. *Ecce oculi Domini super*  
ME.

METUENTES EUM, *ut eruat à morte animas eorum.* Qui hanc mortem effugit, is Christo vivet, ac Deum videbit. *Psal. 33. 18.*

# EXHORTATIO XLII.


In Pervigilio Pentecostes.

Sapiens Mulier ædificat domum suam : insipiens, extructam quoque, manibus destruet.

*Prov. 14.*

**Q**ui novam in Christo vitam religiosas intrà ædes auspiciatur, oleum operamque perdit, nisi pravarum consuetudinum fibras omnes è corde revellat. Has autem ij duntaxat tollunt, qui suimet se veri Censores ultro sese abijciunt, & cupiditatibus suis nunquam non adversantur. Id autem eò mentis ardore ala-

critatēque praestandum est, ut Virtus  
 in naturam transeat, & Crux ani-  
 mi nostri animus evadat. Ac licet So-  
 cietas filijs suis unum alterūque an-  
 num in id opus, eāque mutationem  
 attribuat, nisi tamen quis primis sta-  
 tim mensibus se Vincere ceperit, nun-  
 quam is cupiditates suas debellabit,  
 neque Virtutis consummatae palmam  
 referet. Quare nē Jordanem imite-  
 mur, qui tamdiu aquas suas repressit,  
 dum in alveo suo Arca consisteret, ac  
 subinde ijs pristinum cursum redona-  
 vit; alabastro nos potiùs Crystallōq;  
 similes praestemus, quae cū è congela-  
 tis aquis in lapides pretiosos se semel  
 dura verint, eam naturae constantiam  
 perpetuò servant, neque posthac  
 in veterem molliem re-  
 solvuntur.

69.  Riusquam Spiritus sanctus in Fidelium corda ccenaculumque Hierosolymitanum descenderet, præcipua quæque Ecclesiæ Capita casas habitabant fragiles adeò, tenuelq; , ut omnis eas stilla dissolveret, quolibet aura prosterneret. Vox una Mulierculæ, Collegij Apostolici Principem maximum, commovit adeò, ut Messiam ejuraret, tum vel maximè laborantem, ut eum Dæmonis vinculis exsolveret, & summum sacrorum Pontificem coronaret. Thomas deinde de Resurrectione Divinitatèq; Christi ambigens, incertusq; clamabat: *Nisi videro, non credam.* Quid de Iscariota dicam? qui triginta nummis venditum Magistrum, Phariseorum furijs transcripsit. Cateri novem, ad primum Judaici satellitij conspectum, turpissimo metu in fugam acti, plebis injurijs, militumque catenis, Deum prodidère. Univerſi denique in ccenaculum abstrusi, propter metum Judæorum, nec ausi vel verbulo Præceptoris causam defendere, vel pro  
Evan-



Evangelio palàm stare. At simul ac divinus ignis in Sionis Sacrario fulsit, simul tuguriola illa, paleis ramalibúque intexta, in Adamantinas turres conversa fuère, nullis neque turbinibus, neque machinis cessuras. Quò factum est, ut qui nuper scribarum sibilos expaverant, jam, Prætorum tonitruis, majore tonitru obstreperent, & Cæsareorum juxtà Pontificiorumque edictorum ingratijs palàm in foro, regalibúque in ædibus testarentur, Patris ad dexteram residere, imperaréque Hominem illum prodigiosum, quem illi, divinis pariter humanisque legibus conculcatis, duobus medium latronibus, Cruci suffixerint. Quà constantia confirmati, flagra, exilia, catenas, secures, mortem denique ridebant, liberisque vocibus Christum, Regem Regum, Orbique Conditorem, proclamabant. Ad hanc longè nobilissimam mutationem, quæ malè sarta mapalia, rudelque casulas in triumphales, inexpugnabileque arces convertit, omnes provocamini, quotquot hìc Apostolorum successores adole-

sci-

scitis, singulorum frontibus angelicâ manu epigraphen illam inscribente: SAPIENS *Mulier* ÆDIFICAT DOMUM SUAM. Quo quidem in ædificij genere multò vobiscum, quàm cum Coenaculi inquilinis, felicius agitur. Quippe, cum illi primis statim diebus, quibus religiosos eos cætus celebrabant, luteas animorum suorum domos, ventorum quondam fluminumque ludibria, in propugnacula vivò saxo educta, tempestatibus pelagóque iniuperabilia, commutare debuerint, vobis satis est duorum annorum spatium, quibus Tyrocinium ponitis, ac totidem proximè subiequentium, qui vos à publico communique consuetudine abstinent, invictæ fortitudinis Turres crexissè, quæ cupiditatum noxiarum impetus reprimant, Dæmonémque, omnis vestri profectus virtutis que tum invidum, tum impatientem retundant, longèque submoveant. Et ille quidem victus fugatúsque dilcedet, vos autem triumphabitis, si spiritualem hanc molem, è divinæ Architectonicæ præscripto, quæ videlicet omnis

ad

ad geminum caput revocatur. Nempe diruenda vobis prius veteris fabricæ rudera, quàm novæ molitioni manus admoveatis, idque vestrô Marte, nullâ alienæ operæ fiducia præstandum esse. Utrumque in præsentia exponendum sumpsi, quando laudatâ sententiâ utrumque continetur: *Mulier sapiens* **ÆDIFICAT domum suam.**

70. Fieri nequit, ut solida fundamenta jaciantur *Ædis* magnificæ, nisi ab immoto usq; intactôq; solo terra refodiatur. Subinde quicquid erutum est, vel rudera, vel glebæ, id omne procul removendum, fluviôque demergendû erit: alioquin omnis, quæ relicta est terra, seu fecunda illa, seu sterilis sit, parietibus molique attollendæ officiet. Quare qui in animo suo vivum Deo templum, omnibus exornatum virtutibus, quæ verum Dei servum Evangeliiq; Præconem absolvunt, moliri decrevit, omnem vel minimam pravorum motuum materiam à se procul rejiciat. *Mulier sapiens* **ÆDIFICAT domum suam.** Id scilicet à Jeremia Pater æternus poposcit, cùm palàm, quid-

quid

quid esset ruinarum, inutilisque glebæ,  
funditus iussit prius eruere, quàm vene-  
rabili Religionis moli, nova è quadrato la-  
pide fundamenta subiceret. *Constitui*, *Jerem. 1. 10.*  
inquit, *te hodie*, UTE EVELLAS, ET DE-  
STRUAS, ET DISSIPES, & *edifices*, &  
*plantes*. Quò edictò comor<sup>9</sup> Origenes, pro-  
no in humum corpore supplex, multísq;  
cum lacrymis, à SS. Triade contendit, ve-  
lit, jubeat, pectus suum ab omni fœdita-  
te, seu veterum noxarum, seu congeni-  
tæ cupiditatis, emaculari, ut, eâ ratione  
purgato disjectoque Chaldæarum parie-  
tinarum bitumine, novam à gemmis Sio-  
nem, perpetuo Dei cultui, consecran-  
disque victimis destinatam, immigrare si-  
biliceat. *Utinam Dominus de mea anima eij-*  
*ciat PRIORA MALA ! Sic enim potero* *Hom. 15. in*  
*effici in Civitatibus filiorum Israel. Etiam* *Ios. 10. 41.*  
*uniuscujusque Animam Iesus DE-*  
STRUUIT, & *edificat*. Quòd si ergo in  
animis nostris, vel consanguineorū amor,  
vel ambitionis, vindictæ, voluptatumq;  
cupiditas, superfuert, nunquam com-  
mittentur lapides, dignum Christo sacra-  
rium

rium in cordibus nostris constructuri. Idem prorsus Apostolus Colloſſenſibus denunciavit, fieri ſcilicet nullâ ratione poſſe, ut Apoſtolica moles exſurgat, niſi altè refoſſâ terrâ, ſabulôque ſubmoto. Et quoniâ eum laborem plerumque nec Architectator, nec Dominus domûs ſibi ſumit, ſed fabris mercenariisſque Operis, egerendæ materiæ provinciam mandat, hinc Paulus, ut laboris ejuſmodi neceſſitatem demonſtraret, eorum primùm ad exuendos pravos animi habitus operam, tùm ſummam in ea re per ſe ipſos accuranda ſedulitatem requiri: itaque, permutatâ nonnihil allegoriâ, exclamat: *Exſpoliantes vos veterem hominem cum actibus ſuis, & induentes novum, qui renovatur in agnitionem.* Vos, qui Apoſtolicum vivendi genus ſecuti eſtis, vos, inquam, exuto veteri homine, novum vobis induere debetis, neque quiſquam ſperet, id per eos, qui præſunt, præſtari poſſe. Inepta proinde illorum oratio eſt, qui Præſidium manum ad caſtigandos motus ſuos advocant, & animi facultates, corporisſque ſen-



sensus, ad sanctitatem sibi fingere velint, inclamant. Argumento enim est, planè nesciri, quid à filiis suis religiosa professio requirat. Vestrum est efficere, quod desideratis: tum quia parùm diuturna sanctitas foret, quam vel monitorum efficacia commodasset, vel objurgationum vehementia vobis imposuisset: tum quòd minimè gnatum est Duci vestro, quinam potissimum affectus frenò cohibendi, & ubi naturæ contumacis caput conterendum sit. Procul à vobis abest Moderator, cum, in conclavi sedentibus & Sanctorum gesta recolentibus, vel Sodales in seculo relictì, vel feræ in retia actæ, vel admotæ à Matre illecebræ, vel Magistratus à Patre promissi, occurrunt: quarum rerum memoria cum animum obturbat, & in diversa distrahit, nisi vos ipsi, sublatâ in Deum cogitatione, pessundetis, nihil vos Regentium sollicitudo juvabit. Ità, si quando domo egressos, curiositas sollicitat, ea, quæ non oportet, vel cum offensione eorum, qui oculos in actiones vestras intentos habent, intuendi, nisi ve-

recundia vobis palpebras demittat , humique defigat , quâ ratione oculos vestros custodiat , qui suos dudum à vobis avertit ? Idem vos dicite , sive in mensa cibis apponatur palato ingratus , seu per viam maledicta jancantur , seu , ad portam evocatis , prava consilia suggerantur , seu denique à Dæmone , precum ardor , lachrymæque inter sacrificandum profusæ , foedis imaginibus interpellentur. Quatû tempestatum fluctus nisi vos ipsi comprimitis , palam est , necquicquam aliunde , nec nisi tardas omnes infructuosasque suppetias expectari. Apostolo igitur obtemperemus necesse est , omnium auribus ingeminanti : **EXSPOLIANTES VOS** *veterem hominem cum actibus suis , & induentes novum.* Id porro , quod hætenus de pravis animi motibus , qui identidem renascuntur , & privatâ vestrâ fortitudine vinci debent , disserui , idem de virtutum paratu , quò instrui sanctitatis cupidos par est , cogitare vos cupio. Quemadmodum enim vestrum est , sordidos infectosque centones veteris hominis deponere ; sic  
ad

ad vos quoque spectat, elegantes opulentâsque chlamydes, proprijs manibus texere, auro gemmâsque distinguere, quibus novum exornetis: ut scilicet nullo non loco vim vobis inferatis, motus omnes sanctitati consecretis, desideria omnia divino Amore coronetis, vósque ipsos in Cherubinos, Dei throni perpetuos stipatores, conformetis: ut adeò Virtutis Magistri vobis ipsis effecti; quicquid in moribus incompolitum, è veteri consuetudine fortè repullulat, severi Catones castigetis, & vestri ipsorum Duces, ad editissima æternorū montium fastigia contendatis.

71. Et quamvis videri possim alicui, prolatis modo Axiomatibus, altissimam quamque, tum Solitariæ tum Religiosæ vitæ, Theologiam complexus fuisse, vix tamen vel in prima Virtutis elementa digitum intendi, nisi abdita laudatæ sententiæ arcana paulò penitiùs rimati fuerimus. Redordiamur proinde, ac Apostolicum monitum, Colossensibus datum repetamus: *Exspoliantes vos veterem hominem cum actibus suis.* Nulla hùc syllaba

mysterio vacat. Et primùm quidem Me-  
 taphoram, quâ Paulus utitur, expendi  
 velim. Certè qui exspoliatos nudatósq;  
 Auditores requirit, arcet is proculdubio  
 à ludo suo Tyrones illos, qui in edoman-  
 dis pravis actionibus sudant, anhelant,  
 & propemodum exanimantur. Video  
 interdum ex hujus Domûs alumnis non-  
 neminem, qui sensuum quidem placita  
 repudiet, desiderijs suis adversetur, cor-  
 pusque tum laboriosâ paupertate, tum  
 varijs asperitatis religiosæ armis, discru-  
 ciet. At enim id interdum corrugatâ  
 pallidâque fronte, suspirijs, gemitibus,  
 summôque mentis fastidio aliquis præstat.  
 Id quidem non est exuere se, sed decor-  
 ticare. Sane nisi in beatissimæ hujus seve-  
 ritatis exercitatione parem facilitatem ex-  
 periamur, quâ quis, solis radijs ustus,  
 gravem, rusticanôque è panno bardocu-  
 cillum ex humeris solet rejicere, haud-  
 quaquam Doctori Gentium morem gere-  
 mus, promptitudinem alacritatémque in  
 abolendis seculi moribus, quibus insue-  
 vit, ab Auditoribus suis postulanti: Ex-

*spoliantes vos veterem hominem.* Absint lacrymae, letitia imperet, gaudia non luctus resonent, triumphus non servitus reputetur, quoties antiqui Serpentis insidias calcamus, & generis nobilitatem virtutis sub jugum mittimus. **EXSPOLIANTES vos veterem hominem CUM ACTIBUS SUIS.** Atque hoc edicto Ægyptus omnis mari rubro demergi juberetur, nullo, nè minimo quidem, ambitionis aut libidinis semine ulla in animi parte relicto. *Veterem hominem cum actibus suis.* Cui imperio nisi per omnia, qui coelesti Aratro manum admovit, iunitatur, miserabilis ruinæ, turpis transfugij, & à præclarè ceptis, per summam perfidiam, definiendi certo periculo se exponit. Neque verò ullam augurij meis fidem haberi cupio, nisi rebus in Thebaide gestis, quas intentavi, minas confirmem. Celeberrimus Abbas Moyses, veluti Cassianus refert, Anachoretas suos monuit, evenire non rarò, ut, qui dimidium seculum in speluncis exegerant, in impotentem iram, gravesque querimonias



*Eokat. 10.  
c. o To. 48.  
115.*

as prorumpant, si quando vel acum ami-  
serint, vel à Præfide stylo tabulisque pri-  
vati fuerint. PRÆDIORUM MA-  
GNIFICENTIAM CONTEMNEN-  
TES. VIDEMUS *pro scalpello*, PRO  
ACU, PRO CALAMO COM-  
MOVERI. *Nam plerumque nonnulli tan-  
to Zelo codicem servant, ut eum nè leviter qui-  
dem legi, vel contingi ab aliquo patiantur, &  
inde occasiones impatientiæ* AC MORTIS  
INCURRANT. Quæcumque in  
mente nostra vel abjectarum opum ima-  
go exstet, vel in visceribus gliscat scintilla  
cupiditatis, amorisque in exiguas illas re-  
liquas, quæ ad vitam tolerandam neces-  
sariæ sunt, conclamatum de profectu no-  
stro, & pax omnis sublata est. Equidem  
Oceanus in fluctibus nequiquam intumescit,  
neque tempestates ciet, nisi Aquilonum  
Austrorumque violentis flatibus impeta-  
tur. Sed animi tranquillitatem omnis au-  
ra pervertit, involvitque turbinibus: *Pro  
acu, pro calamo commoveri.* Atque utinam  
quædam non penitus edomitæ cupidita-  
tulæ nos jactarent duntaxat: nunc verò

ad

ad naufragium & desperationem nos adiungunt : *Vt inde occasiones impatientie AC MORTIS incurrant.*

72. Et quando Mortis omnibus, qui cupiditatum suarum qualemcunque fervorem non penitus exstinxerunt, imminentis memini : facere non possum, quin latæ à Paulo legi intercedam, ejusque doctrinæ, de spolijs traditæ, me opponam. *Exspoliantes veterem hominem.* Non enim ad consequendam sanctitatem satis est, pravarum affectionum venenatam vestem diffibulasse. Detractam nãq; corpori tunicam in cœnum abjicere, atq; insuper insultare abjectæ, nil vetat, quin subinde resumat, emaculet, sibi que denovo circumdet. Ac proinde quisquis, exclamo, semet exspoliat, sanctitatem non induit. Id eò fidentiùs denuncio, quòd idem Christianis Paulus edixerit. Ipsum quoque advertit, satis laud esse, spiritua-lem quampiam aversionem à pravis moribus, quos cum lacte sùximus, nisi aversio in odium aucta, immani eos carnificina rapiat lanietque. Aliam proinde se-

296 PERFEC. QUÆ RATIONE

Col. 3. 3.

veriorémque Colossensibus iisdem Philosophiam aperuit, & qui nihil ultra spoliationem desideraturus videbatur, exstingui subinde consuetudines pravas, atque internecione deleri jubet. Audite mortuorum ossa quatientem, atque è sandapila tonantem Paulum: **MORTUI ENIM ESTIS, & vita vestra est abscondita cum Christo in Deo.** Et profectò, qui nos cadaveribus similes cupit esse, is non modò à vitijs alienos postulat, sed, toto orbe divisus, impofterum omnem ad ea redeundi facultatem penit<sup>9</sup> adimit. Qui enim vitâ functus in sarcophago jacet, neque, clausis videlicet oculis, rem ullam aspicit, neque posthac unquam aspiciet, donec ad generalem corporum Anastasin Angelituba vocaverit. Sic nec verbum profert, nec proloquetur, nec audit nec audiet, nec passum promovet promovebitve, sed arrosus à vermibus corruptusque, nè manum quidem, pedem, linguamque retinet, ipsâ quoque facultate, nedum actione, spoliatus. Talis sit, oportet, quisquis se vitæ melioris desiderio religio-

sis tabernaculis sacrauit. Nec enim satis est, nihil ab eo vel honoris, vel voluptatis, aliarumque rerum, quas Deo devovit, repositi, nisi facultatem sibi adimat, eas unquam appetendi. Haud est satis, lapides, sagittas, injurias pacato animo excipere, nisi primos quoque iræ atque impatientiæ motus anteverterit, non modò non vitus, sed neque tentatus. Parùm foret, ultimam in convivio sedem æquo animo premere, nisi felici quapiam paralyfi contactum se profiteatur, ascendendi superius, non incuriosus modò, sed invalidus. Breviter: nisi Religiosus in consecratarum Deo familiarum Paradiso, cadaveris in modum, jaceat, non modò vetitorum fructuum non appetens, sed nè apprehensorum quidem potens aut capax, non est is secundi Adami germana proles, qui manibus Cruci affixis, oculisque in mortem clausis, modum præscripsit, quò vitam ageremus cupiditatibus vacuum, noxiarumque votorum prorsus expertem.

73. Quis verò sensus erit vobis, quæ mens, si demonstravero, majus quoddã

T s

sub.

## 298 PERFEC. QUA RATIONE

sublimiusque virtutis, ipsâ, quam sequimur, vivendi ratione, à nobis postulari? Enimverò vulgare nimis, vel priscis Academicis Stoicisque, haberetur nostrum hoc vitæ genus, si nos vitij liberos gloriamur, virtutemque, cruentis prælijs partam potius, quàm latâ pace retentam, jactaremus. Exigua, quin periculosa hæc morum sanctitas foret, quippe quam vel æternorum suppliciorum metus, vel præmij spes conservaret. Nam qui pugnat, vincit aliquando, interdum vincitur, & plerumque, qui singulari certamine cum hoste congreditur, licet adversariorum plerosque prostraverit, ad extremum & ipse gladiatori jugulum præbet. Contemno laudem illam, quâ interdum Tironum ardor à Magistris commendatur. Viden', inquit, hunc sui ipsius victorem? viden', ut, alter Samson, Philistæos prosterнат, nec ullam in se adversantem Arcæ cupiditatem vivere patiatur? Ridere soleo ejusmodi encomia, imò deslere tantam victoriæ amplificationem. Ain', tu verò, Novitium de se sibi trophæa



phæa statuere? Igitur vim sibi faciat, nec  
 sinè vehementia cupiditatibus suis oblu-  
 ctetur oportet. Igitur afflictiandi, seque  
 premendi studium, mundi contemptum,  
 Sacrarum litterarum, Evangelij, Crucis  
 amorem, nondum ità in naturam vertit,  
 ut sinè contentione armorum, sinè vigilia-  
 rum præsidio, securus lætusque, in Virtu-  
 tis exercitatione ac Crucis imitatione, tri-  
 umphet. Vereor sanè, nè, qui simili lu-  
 ctâ ad Virtutem sibi viam sternit, in ocu-  
 lis Dei vitio non careat, & à turpi defe-  
 ctione propè admodum absit. Confirmat  
 hos meos metus id, quod capite quinto in  
 Josue historia legimus evenisse. Circum-  
 cisus fuerat exercitus Hebræorum ad sa-  
 crorum rituum amissim: neque ideo ta-  
 men hæc Tribuum religio laudem à Deo  
 promeruit. At verò cum, obductâ vul-  
 neribus cicatrice, convaluerunt agmina,  
 & in ordines aciemque, viribus integris,  
 confirmatoq; robore ierunt, tum deniq;  
 consecratos, & ab Ethnicorum contagio-  
 ne secretos, prædicavit Numen. HODI-  
 ERNO DIE *abstuli opprobrium AEgypti* *Ios. 1. 9.*

à vobis. Donec Israëlitas vulnera in strato detinuerunt, donec dolorem cataplasmate balsamóque mitigârunt, patienter quidem ferentes acerbicatem plagæ, sed môesti, sed otiosi, sed nullam aut brachij hastam vibrantes, aut vertice galeâ protecto, Incircumcisis adnumerati fuère. Adeò verum est, à Sacrosancta Triade commendationem haud promereri Virtutem, quæ ingemiscat, nec priùs, quàm exporrigere frontem, animum serenare, triumpharéque gaudio cœperit, ab Angelis coronari. Hinc colligat unusquisque, quæ sua integritas sit, cùm non nisi laboriosissimis certaminibus, summæque animi contentione sibi constiterit, immuni quæ à labe servetur. Sed Origenem audiâmus, mirabilis, sed verissimè, Fati Auditorem gravissimum : *Circumcisi autem Filij Israël requieverunt in castris, usque dum sanarentur. Tunc dixit Dominus ad Iesum: Hodierne die abstuli opprobrium Aegypti à vobis. Non enim sufficit nobis, CIRCUMCIDI, sed & post circumcisionem, SANARI. Circumcidi per IESUM est, malas consue-*

*Nom. 6. in c.  
5. Ios.  
To. 41. 66.*

*rudines deponere. Sed hoc cum in initijs facimus, IPSA NOVITATIS DIFFICULTATE CONSTRINGIMUR. Tunc vere sanati dicimur, CUM VITIJS CARENTES, VIRTUTES NOVO USU VERTIMUS IN NATURAM. Miserum te, qui, vel ad divinarum rerum contemplationem injectâ manu trahendus, vel ad decurrendum religiosæ perfectionis stadium, palmamque Apostolicæ virtutis referendam, stimulis vel à teipso fodiendus tibi es! Brevi enim is eris, qui fuisti, nec eris, qui es.*

74. Cujus rei tam necessariæ ut documentum capiamus, age, atque ad Jordanis rîpas unâ mecum proficiscere. Is animadverso, Arcam Sacerdotelque attingille undas suas, dimissis continuo, quæ defluerant, aquis ad ostia, venientes sustinuit, & in altissimos montes erectus, siccum incedentibus populis alveum relinquens, novo sanè atque inaudito prodigij genere, procul intuentes suspendit, quod, scopulorum instar, durati fluctus, nè guttam quidem nativo curlui permit-

Is. 3. 16.

terent. *Steterunt Aqua descendentes in loco  
 ano, & ad instar montis intumescences appa-  
 rebant procul ab urbe, quæ vocatur Adom.*  
 Et aliquamdiu quidem miraculum illud  
 tenuit. Simul verò ac in adversam ripam  
 evalit exercitus, & Arca excessit alveô,  
 simul Aquæ in præceps ruere, pristinaq;  
 atque etiam majori, celeritate Sodomâ  
 versùs, atque in Mare mortuum decurre-  
 re. *Cùmque ascendissent portantes Arcam  
 fœderis Domini, & siccam humum calcare  
 cœpissent, reversa sunt Aqua in alveum su-  
 um, ET FLUEBANT, SICUT AN-  
 TE CONSUEVERANT.* Habetis ef-  
 figiem strenuorum illorum Tyronum, qui  
 in hoc S. Andreæ Domicilio, præscriptam  
 à Constitutionibus nostris rationem vi-  
 vendi, in naturam non vertère. Certè  
 si, quemadmodum Jordanis undæ, gemi-  
 nas Legis tabulas reveritæ, pròque Arcæ,  
 Levitarum humeris impositæ, observan-  
 tia retrò egère sese, & in scopulos, muta-  
 to tum cursu, tum figurâ, se sustulère;  
 sic naturam quoque mutassent, in Cry-  
 stallum adamantinque convertæ, nun-  
 quam

quam profectò posthac stagni execrabilis infame littus alluissent. At, quando in adventitia illa formæ locique mutatione, eadem illis natura constitit, factum est, ut simul cum divinorum apparatu Mysteriorum, ipsa quoque, non nativa obsequentium undarum diversitas, finiretur. *Fluebant, SICUT ANTE consueverant.* In hunc modum, qui religiosam vivendi consuetudinem non in propensiones naturales mutat, penitusque transformat, sic ut reapse amet agere, quod agit, ac, citra gemitum, disciplinæ religiosæ jugum ferat, eâ planè facilitate, quâ flamma sursum, pondera deorsum feruntur, is quamprimum è Sacrario, ubi Legum diligens custodia, Præsidum vigilantia, Sodalium exempla, humilitas functionum, perpetuus divini verbi sonus, nusquam interrupta sacrarum præceptionum lectio, vel glaciem inflamat, nedum emollit; quâprimum, inquam, inde pedem extulerit, profanas cupiditates resumet, genioque rursus indulgebit. Eriguntur, duranturque in montes aquæ, nempe dum à Sacerdoti-



tibus Psalmi decantantur, & Arca fulget in alveo. Postquam verò sacræ pompæ majestas ex oculis evanuerit, majore impetu defluunt undæ; ut discamus, quàm inconstans sit virtus, cùm species, non natura, mutatur. Quisquis igitur verum se pietati probare alumnum cupit, non Jordanis extemporales instabilisque Mōtes, sed Aquas illas imitetur, quæ super Alpes in Alabastritem concresecunt. Hæ quippe, quam semel induerunt, constantiam servant, utpote in saxa è liquore mutatæ. Hinc à rupibus, in quibus duratæ sunt, alias in terras traductæ, marmoris formam, duritiemque ubique retinent. Idem vobis quoque continget, si novum hominem veteri mutaveritis, & profana paternæ domûs sensa in Apostolicæ Palæstræ præcepta converteritis.

75. Quod deinde ad hanc mutationem spectat, licet ego ipsò dicendi exordio geminos Tyrocinij, totidemque alios proximè subsequentes, in id opus attribuerim; haud tamen ideo dixi, ceu id quatuor annorum spatium, sinè summa

morum diversitate, elabi impunè possit. Id duntaxat affirmavi, ad obtinendum vitæ planè divinæ decus, ampliùs spatium indulgeri juvenibus nostris, quàm conclusis Cœnaculo Apostolis concessum fuerit. Cæterum qui non primò statim in Dei Domum ingressu ex Ægyptio in Israëlitam immigrat, perexiguam spem præbet, ad gloriam sanctitatis olim perventuri. Ego certè per plurium annorum spatium, quo Societati in erudiendis Tyronibus operam locavi meam, animadverti, eum, qui, primo semestri, pravos affectus non eximit, Christumque non indoulet, vanitati desideritque inanibus planè mortuus, eatenus solum viveret, quòd inextincta siti divina contemplandi, & aspera quæque patiendi laboraret, reliquum biennij tempus sine fructu plerumque transegisse. Ad eam profectus celeritatem Bernardus nos provocavit, cum Christum infantem, vel in ipsis cunis, puerilibusque fascijs, Virtutis Magistrum nobis exhibuit. Spectate, inquit, coelestem puellum, & nullà non parte prodig-

*Ser. 3. in Na-  
 triv. Dom.  
 To. 42. 66.*

giosum, nullo in motu non divinum vide-  
 bitis. Membris, paleis, centonibus, spe-  
 hincâ denique factum damnat, paupertate  
 tēque commendat. *Necdum loquitur lin-  
 guâ, & QUÆCUNQUE DE EO*  
*SUNT, clamant, prædicant, evangelizant.*  
*Ipsa quoque infantilia membra non silent.* Ni-  
 si novus Christi miles gladium continuò  
 stringat, & in profanarum cupiditatum  
 strage cruentet; nisi in prima expeditione  
 consummatæ virtutis lauream decerpat,  
 frustra victoriam ac triumphos sibi promi-  
 serit, & ad turpem fugam ignominiosamq;  
 servitutem se paret necesse est. *Necdum*  
*loquitur lingua, & QUÆCUNQUE*  
*DE EO SUNT, EVANGELIZANT.*  
 Verba vestra omnia pietatem spirent, om-  
 nes oculorum motus ad cælum invi-  
 tent, vota omnia Martyrium, Crucem  
 spectent, nec aliam tibi metam præfigant,  
 quàm altissimum Sinai apicem, in quo  
 animorum studio Apostolos, charitate  
 Cherubinos æquetis. Hoc in fastigium  
 nisi sub religiosæ vitæ infantiam conscen-  
 das, frustra capularis senex enitēre. Con-  
 trā,

trâ, cujus initia optima fuerint, progressus erunt prorsus divini. Hinc aniam attri-  
puit Augustinus, dum Servatoris Præsepi  
novum sidus appinxit, ejus Cruci Solem  
apponendi, majori miraculo cæcatum.

*Ipse novam STELLAM declaravit natus,*  
*qui antiquum SOLEM obscuravit occisus.*

Ser. 31.  
de Temp.  
To. 42. 20.

Qui senium suū illustrare prodigiosæ vir-  
tutis luce cupit, quæ ad extinguendos  
omnes humanæ gloriæ splendores, & vi-  
tæ mortisquæ obscuræ clarissimis exem-  
plis premendos satis sit, is in ipso limine re-  
lictæ mundi novorum, infuertorumque lu-  
minum radios diffundat, quæ coronata  
capita post se trahant; & ad Bethlemij  
specus nuditatem adorandam inflectant.

*Solem obscuravit occisus:* sed ille videlicet,  
qui NOVAM STELLAM DECLARAVIT NATUS. Sic agit, qui suis si-  
bi manibus domum struit. *Sapiens mulier*  
ÆDIFICAT DOMUM SUAM.

Huic Sapientiæ opponit Ecclesiasticus ve-  
cordiam alterius, eductam jam domum  
dissolventis: *Insipiens exstructam quoque*  
*manibus destruet.* Vos nempe ferit hoc ful-

men, quos post duorum annorum impigrum laborem, in exercitatione virtutis consumptum, sanctioris vitae fastidium capit, pigetque Cherubinis suppare perdurare. Infelices profecto longaeque miserimi foretis, si tot sudorum, tot precum sanguinisque, exactissimae demum legum omnium, quas praescribit Ignatius, observantiae impendio, eductam in animo vestro Evangelicam Turrim, vestris ipsi manibus dirueretis, damnata, quam tanto animi ardore suscepistis, asperitate vivendi, & tantum non explosa, velut anxie mentis superstitione, tum modestia, quae sensibus vestris imperabat, tum iugo aureo, quo facultates animi premebatis, sensus expertes sensus, animumque cupiditatibus vacuum circumferentes. Ne, quaesito vos, ad tantam altitudinem, labore tanto eductam, Sanctitatis molem deijcite. Nec Cordis aram auro gemmisque suis nudate, qui illam tot virtutum ornamentis decorastis, tam copioso promeritorum thure vaporastis. Dei illius honori gloriaeque vivite, cui Sacramentum di-



dixistis. Nè ludibria provocate inconstan-  
tiam vestram ridendum, si fortè marga-  
ritam illà Evangelicam, quam toto Mun-  
do emendam duxistis, mutato repente  
consilio, vilem haberetis. Arciori sem-  
per tenacioreque amplexu Cruci adhæ-  
rescite, cui, repudiatis amplissimis digni-  
tatibus, fidem obligastis. Ea sit singulo-  
rum universorumque oratio: insanire il-  
lum, qui templum ex Jasiide atque Ame-  
thysto, humanū modū consilio supergres-  
si, attollunt, proximèq; cælo admovent,  
ut graviore subinde ruinā evertant, vitæq;  
vulgari ac gregariæ conqueant. *Insipiens, ex-  
structum quoque manibus destruet.* Quisquis  
proinde a profanis cogitationibus mentē  
abstraxit, deinceps ijs non affiget, nè per-  
duellionis ac majestatis det pœnas. Qui-  
cunque, in fumosis majorum Atrijs, au-  
reum mundum pedibus subjecit, caveat,  
nè in religiosis adytis mundum alium, aut  
fumo sordidum, aut è charta fictum, ab-  
jecto in humum corpore, veneretur. Nè  
susceptas semel cum Chaldæa similitates  
deponamus, sed omnem Terræ sanctæ

310 PERF. QUARAT. A TYR. PAR;  
cespitem de osculemur, in quam, Deo vi-  
ctinæ futuri, profecti sumus. Id scilicet  
effectum dabimus, si aures nostras nun-  
quam non ferient Sapientis tonitrua, eum  
prorsus ad modum, quo Hieronymum  
momentis omnibus Angeli tuba laceßere  
consuevit: *Mulier sapiens edificat sibi domum;  
insipiens exstructam quoque manibus destruet.*  
Faxit Deus, ut ex his alterum de nobis  
semper, alterum dici nun-  
quam possit.



# EXHORTATIO XLIH.

VIII. Idus Sept: ad Scholasticos  
Religiosos.

Nemo potest duobus Domi-  
nis servire. *Matth. 6.*

Ego Flos Campi. *Cant. 2.*

**V**Itæ licentiam, ut, è sanctis  
Doctōribus, nemo in Chri-  
stianis hominibus probat, sic  
reimissione aliquam concedunt omnes,  
ijs quoque religiosarum familiarum  
alumnis, quæ severiorem Discipli-  
nam profitentur. Frustra fruges ex  
agro speraveris, quem requietum no-  
lis: nec minùs animis, quàm corpo-  
ribus, nonnullâ studiorum contentio-  
nisque remissione est opus. *Cistercij*

quoque Gilbertus Abbas, arctas discipline semitas laxari nonnunquam in planitiem voluit; sed utique planities omnis verecundæ lætitiæ auro sternenda erit, nè profanæ licentiæ luto sordescat. Risus proinde hilaritas sit, absit à cachinno. Ruri nos Legum nostrarum reverentia comitetur, nec unquam à latere nostro Christus discedat, Integritatis lilio profanorum jocularum stolones compressurus. Nullæ sinè Deo feriæ placere, afferreque solatium possunt: & quisquis Religiosum se meminit, media inter hilaria effulget pietate, spiratque modestiam. Vel Arrianus Princeps Theodoricus exemplo sit, qui ludebat pariter, ac philosophabatur. Religio Relaxationem temperet. Sonantes cachinni, aculeata dicta, immodicus cibus, propriæ Pa-  
ra-

stas dis-  
 quam  
 que pla-  
 ie auro  
 tia lu-  
 ritas sit,  
 Legum  
 r, nec  
 disce-  
 n joco-  
 lle sine  
 solati-  
 o sum  
 efful-  
 Vel  
 exem-  
 ilofo-  
 tem-  
 leata  
 Pa-  
 ra-

rasitorum artes sunt, ab omnibus, qui  
 sacrâ veste teguntur, penitus aliena,  
 pestesque virtutum. Felices nos, si,  
 Tusculanis in villis, montibusque  
 Tiburtinis, Apostolicarum Expeditio-  
 num, quas in circumjecta castella vi-  
 cinosque agros, per autumnalis Æqui-  
 noctij vacationes, suscipimus, Inse-  
 ros debellabimus, peccantesque corri-  
 gemus. Et sic quidem Iuvenes nostri  
 otio vires instaurant, ut in eo recessu  
 Apostolicos per Indiam labores sibi re-  
 presentare videantur.

76.



Imminente jamjam Au-  
 tumnalium vacationum  
 tempore, haud pauci ex  
 adolescentibus nostris,  
 etsi fortè non depreciantur animo, commo-  
 ventur tamen, Christi dicto conterriti,  
 iterum iterumque in presentis temporis  
 Evangelio sectatoribus suis inculcantis:

Ne-



## 314 VACATIONES AUTUMNALES.

*Nemo potest duobus Dominis servire.* Exclamant proinde, &, quòd si, inquit, geminis heris operam dare mens una nequit, quàm nos ratione uno eodémque tempore corporis quieti consulamus, incrementoque virtutum? quì otij remissioni contentionique pietatis, camporum amenitati, Crucisque cultui, hinc Villæ delicijs, ludisque honestis licèt, inde serijs cogitationibus, inter sacrificandum meditandumque vacabimus? quàm consequemur arte, ut legibus reverentia constet, dum corpora curare sinimur, imò jubemur? Denique ut compendium faciamus, quo nexu, gravitatem religiosam cum litterarijs ferijs, colligabimus? Enimverò hanc diversissimorum imperiorum misturam plerique verentur, exclamantque perplexi: *Nemo potest duobus Dominis servire.* Et profectò virtutis studiosissimos quosque non ignavus timor Domini contineret, abstineretque rusticatione, si virium instaurandarum cura, rerum adeò dissidentium servituti ipsos subjiceret. Sed errat, quisquis credit, ab ijs, quas paramus, vacatio-

LES.

Excla-  
nt, ge-  
nequit,  
empore  
mentó-  
onten-  
enitati,  
ijs, lu-  
ogita-  
ditan-  
uemur  
dum  
emur?  
quo  
ttera-  
hanc  
uram  
rple-  
Et  
isque  
ab-  
tau-  
rium  
quif-  
aca-  
tio-

SANCTÆ SINT OPORTET. 315

tionibus, sibi necessitatē monstri longē  
absurdissimi imponi. Quale videlicet fo-  
rer, si destinata viribus confirmandis me-  
dicamenta, ac Crucis in amplexum rece-  
ptæ Sacramenta, pari cultu observanda  
forent. Avertat verò Deus tam execrabi-  
lem æqualitatem! Virtuti serviemus: con-  
suetæ remissionis otio non serviemus, sed  
utemur; eo nempe consilio, ut animi ar-  
dorem intendamus, præparemúsque la-  
boribus. In hunc modum si remissio ser-  
viat, non dominetur; Virtus contrà im-  
peret, modereturque; nullum Apostoli-  
ca perfectio periculum adibit, nec minus  
Christo in patentibus campis, quàm in  
Muscæo fruemur. Et non auditis, quantā  
verborum suavitate, ad camporum amœ-  
næ ille vos provocer, palàm professus, ist-  
hic se germinare, isthic se ad virtutis ve-  
stræ incrementum efflorescere? *Ego flos  
campi.* Regnet duntaxat in vobis æterni-  
tas, illique, breves illæ induciæ, quas à  
contentione studiorum Præles indicit, sub  
serviant, ac neutiquam dubitate, præstò  
me futurum, atque unà vobiscum virida-  
ria,

ria, per quæ inceditis, perambulaturum. Iisdem igitur verbis unumquemque vestrum alloquitur, quibus ipse à desponsata sibi mente compellatus olim fuit: *Veni dilecte mi, egrediamur in agrum, commoremur in villis.* Quando me, inquit, à colloquijs vestris, ab itineribus, à vestris, si libet ita dicere, oblectamentis abesse non sustinetis, eadem vobis vitæ sanctitas parabitur in nemorum umbra, quam in cubiculorum quieto silentio, interque litterarum spinas speraveratis. Atque hoc illud est, quod in præsentia demonstrandum sumpsi: exhortaturus filios meos, ut hanc, qualemcunque, laborum temperiem, & à studijs remissionem, æquis animis admittant, certi, nihil sibi de perfectione sanctitatis decessurum esse.

77. Et primò quidem nec vanus nec degener eorum metus fuit, qui ad instantis otij viriūque confirmandarum nomen expavere. Geminis quippe Gregorijs, Nyliceno ac Nazianzeno, gravissimis profectò Auctoribus, se tueretur, qui deliciarum & solationum expectatio-

ne suspensus intremiscit. Et prior quidem ita statuit, Mendici Lazari Epulonisque Historiam quotidie inter homines instaurari, varios utrique in futuro, eosque à presentibus diversissimos, successus, divinâ Providentiâ seponente. Et Apicius ille quidem, quod presentium temporum solatia consumpsisset, æternâ siti ardebit, tormentisque perpetuis lancinabitur. At, miserum illud plagisque deformatum mendicabulum, æternis inter Angelos epulis accumbet, eò quod, angusto peregrinationis suæ spatio, nè tot quidem panis micæ impetraverit, quot compescendæ fami saties essent. Hortatur proinde Nyssenius, ut delicias in futurum, & immensa æternitatis secula, servemus, ac brevissimi exilij huius tempore laboriosæ vitæ angustias malimus. Quò fit, ut prudenter ab omnino, quò recreari possit, unusquisque abtineat: *Beatificum fuerit existimandum, si quis* PORTIONEM LÆTITIÆ *in sempiternum seculum* RECONDAT: *tristitiæ vero munus in hac temporaria vita expleat.* Hæc Nyssenius. At, majori argumen-

*De Beatitudin  
To. 13. 7.*

mentorū robore, Nazianzenus formidinem illorum approbat, qui solo Recreationis audito nomine contremiscunt. An enim vobis parū negotij faceſſit lutum hoc adeò depravatum corruptūque, parūne candori videtur officere, niſi picem resināq; adjiciatis, alimenta igni fumoque tetriori materiam? Prò:nimium quantum Caro & ſanguis mentem infeſtat, tūm quoque, cūm vigilijs exhaustæ vires, confectæque inediā jacent. Paulus ipſe de ſe teſtatur; *video*, inquit, *aliam legem IN MEMBRIS MEIS REGNANTEM LEGI MENTIS MEÆ, & captivantem me in lege peccati. Infelix ego homo, quis me liberabit de corpore mortis hujus?* Satis proſectò nimiumque potens eſt congenitæ nobiſcum Naturæ ferocia: neque eget vel tantum incendium novā materie, vel tale Monſtrum ampliore cibo, ut ad nos diſcerpendos validius conſurgat. SUFFICIT CORPORI MALITIA SUA.

Gras. 44.  
To. 115. 372.

*Quid FLAMMÆ ampliori materiā opus eſt, aut BELLUÆ copioſiori alimento, ut effrenatior reddatur?*



78. Neque me tamen hæc à sententia deducunt, potiùsque apud me semper erit religiosa consuetudo, quæ Scholasticis nostris aliquam à studijs vacationem concedit: eamque in rem vel ipsùm Nazianzenum mihi advoco. Peto primum à Vno gravissimo, an ea sententia, quam adversum corpus tulit, omnem quoque laborum interpellationem, remissionemque habenarum proscribat? Quantum abest, inquit, ut id velim, ut jubeam, animum corpusque interquiescere, & moderatis recreationibus utriusque labores temperari. Non itaque remissionem, sed licentiam; non corpora cibo restaurari, sed obui; non rus proficisci, sed à Tabernaculo fugam inire; non modestæ lætitiæ amoenitatem, sed inconditam cachinnorum petulantiam insector ac damno. **NON ENIM ANIMI RELAXATIONEM INTERDICTAM VOLO:** *sed petulantiam coarctato* Hujus tum ad vivendum, tum ad bene vivendum, accommodatissima temperatissimaque Philosophiæ, per omnes toto terrarum orbe campos, celeberrima.

Orat. 6.  
To 115. 76

berrimam Academiam nobis Pater æternus aperuit. Nulla ferè fecunda est Arbor, quæ non, pluribus feriata mensibus, ab omni etiam frondium producendarum labore vacet, & omnes tum siderum illapsus beneficos, tum æris rores, tum terræ humores ad solius stipitis conservationem sustentationemque revocet. Sic Vitæ exsolvitur vinculis, à pedamento liberatur, & in solium resupinata quiescit, ab omni, tum botros tum pampinos proferendi, labore vacua. Ut dormire per hyemem universas arbores putes, truncosque accepta olim damna sarcire, cum in liquorum fructuumque præparatione sese consumerent. *Brumali tempore*, inquit Philo, *humis sternuntur, & in palmitibus* OCULI CONNIVENT. *Innata ad germinandum ora comprimuntur*, NATURA tunc intus conclusa QUIESCENTE. Age jam, si Deus id Arboribus, sensu carentibus, tempestate duratis, & securium patientibus indulgit, quanto potiore jure in corporibus corruptioni obnoxiijs, & animis in fragili testa conclusis, servandum erit? *Non enim*

*Lib. quod  
Deus sit immutabilis.  
To. 107. 176*

*enim Animi relaxationem interdictam volo.*  
 Adde: si omni hominum generi quies, cellatioque necessaria est, multò ea magis concedenda erit hominibus illis, qui bonarum artium, maximarumque Disciplinarum studio se ipsos carpunt, consumuntque. Rerum enim, sensus fugientium, perceptio, & eloquentiæ stylique exercitatio longa, Mensuræ, ceu Crucis nihilo molliori, affigunt, mentis ab amœnioribus imaginibus abstractæ vires resolvunt, tumultuantique ac salso pelago difficillimarum quæstionum demersam, perplexis ambiguarum, visumque fugientium rerum mæandris, periodorum ambagibus admodum laboriosis, cæterisque, quæ vel ad sermonis dignitatem, vel persuadendi vim pertinent, laboriosissimis difficultatibus implicant atque circumagunt. Quò fit, ut vitæ prius, quàm studijs, haud pauci finem imponant, & paucos reperire sit, qui in hac continua mentis corporisque contentione, veluti quodam lenti Martyrij genere, non ægerrimè vitam trahant, pallidi, exsangues, cadaveribus.

## 322 VACATIONES AUTUMNALES

que insepultis, quàm vivis, famâque illustribus similiores. Quis jam ibit inficiâs, laboribus, à naturæ instinctu tam alienis, aliquid oblectamenti fomentique jure optimo æquissimoque deberi? Et quando in agros, Phiiione duce, concessimus, ad recognoscendam eo loco hujus, qua de nobis sermo, vacationis refectionisque necessitatem, lubeat animadvertere, aliter agi cum iolo, quod fœno producendo destinatur, aliter cum agris, aratro inversis, & frumento reservatis. Et pratis quidem nulla quies indulgetur, ac quamquam nullus ijs cultus adhibeatur, quotannis tamen herba demetitur. At verò qui in sulcos porcâsque exaratus sementē accipit, is, postquam biennij tempora vomere rastrisq; proficillus est, subinde quieti sibi que relinquitur. Cujus diversitatis ea videlicet est causa: quod herbæ, non cultu, sed nativo soli genio, proveniant; contra verò frumentum agros exsugat, &, in spicas sublatum, soli prolem elidat, ei que necessitatem imponat, succū humorémq; suum, propriæ soboli ereptum, adventi-

tij

tij feminis incremento commodandi. *Ut post respirationem*, QUASI ATHLETA LASSUS certamine, *recolligat vires, atque ibidem. ita de integro ad labores redent.* Proposito ejusmodi sane ingenioso paradigmate, sic porro differere placet. Quò major nature vis infertur, quantòque ingenitæ minis, minusque familiares nobis sunt ingenij exercitationes, tantò majore requiete, tum facultates animi, tum interiorum sensuum virtutes, opus habent. Quare cum nativæ linguae vitia dediscimus, vulgaris tritilque vocibus nobiliores alias, quæ cum anterioribus ætatibus interiêrunt, insolentelque prorsus sunt auribus nostris, reponentes, vel dum rebus, sub aspectû politis, Theologia & Philosophia haud paulò diversas, quæque nonnisi mente conspici possunt, plerumque non novas solum, verum etiam sensui repugnantes, subrogat; quis non videt, quàm dura certamina suscipiantur, quantòque ea sudore, ac pæne sanguine, nobis contitent? Excipiat proinde labores tantos moderata quies, utque, cum res postulaverit, de-



324 VACATIONES AUTUMNALES

fidare queas vehementius, Autumnales  
feriæ iudorem abstergant. Stet illud effa-  
rum Gregorij: Indulgeatur vacatio bene-  
merentibus, & Lycæum Villa sequatur.  
*Non enim animi relaxationem interdictam  
volo: sed petulantiam coërceo.*

79. Ut verò licentiam à remissione,  
quarum altera virtutem enervat, altera  
confirmat excitâtque, idoneo divortio se-  
paremus, Christus oblectationum nostra-  
rum atque otij moderator esto: atque  
omnium deambulationum, per nemora  
vineâsque, perpetuus comes: sic ut de  
nobis dicere nobis possit: *Egrediamur in  
agrum, commoremur in villis.* Id conse-  
quemur utique, si Hebræorum exercitu-  
um Duces imitabimur, cum Jethro, Moy-  
sis socer, vero Numini, cujus cognitionem  
nuper acceperat, victimas & holocausta  
consecravit. In hac tanta, tanti Neophy-  
ti, celebritate, apparatus sunt epulæ, eâ  
magnificentia, quæ amplissimum cætum  
deceret. Omnes, quotquot erant He-  
bræi Imperij Satrapæ, convenère, accu-  
bueruntque convivio: non tam ut id ho-  
nori

tumnales  
illud effa-  
tio bene-  
sequatur.  
*terdictam*

nissione,  
t, altera  
vortio se-  
a nostra-  
atque  
nemora  
ic ut de  
*iamur in*  
l conse-  
exercitu-  
o, Moy-  
itionem  
ocausa  
eophy-  
læ, cā  
catum  
nt He-  
accu-  
id ho-  
nori

SANCTÆ SINT OPORTET. 325

nori Jethronis darent, quàm ut de Israë-  
lis Deo, ejusque tum Providentia, tum  
Potentia, qui tam clementer cum Hospi-  
te Religioni adjuncto, & cum Tribubus  
Ægyptiæ servituti exemptis, egisset tam  
benignè. *Obtulit ergo Iethro, cognatus Moy-*

*Exod. 18. 31*

*sis, holocausta & hostias Deo: veneruntque Aa-  
ron, & omnes Seniores Israël, ut comederent  
panem cum eo CORAM DEO. Hæc*  
enimverò mensa fuit, è qua triumphalis  
Populi Principes cibum sumpserunt, non  
ut corpora explerent, sed ut Deo laudes  
canerent: cui accubuerè, non ut supelle-  
ctilem apparatusque Hospitis spectarent,  
sed ut magnitudinem ipsi divitiarumque Di-  
vinitatis, quam recens colere caperat,  
commonstrarent. *Omnes Seniores Israël ut  
comederent PANEM cum eo: sed nempe  
CORAM DEO. Erat ejus convivij Præ-  
ses ac Modus imperator Deus, cujus maje-  
statem venerandi Senes illi demonstra-  
bant, Divinitatisque arcana, quæ mortali  
concessum est, exponebant. In hunc  
modum si regis mensis accumbant Sacro-  
rum Principes, multò illi magis animum*

## 326 VACATIONES AUTUMNALES

meritis scientiæque, quàm corpus confir-  
mant. Sed rari scilicet convivæ sunt, qui  
Symposiarcham Deum habeant, laudi-  
busque inter epulas exornent. Hinc Ori-  
genis hæ lachrymæ: NON OMNES  
PANEM *manducant in conspectu Dei, sed*  
*qui sunt Seniores, QUI PERFECTI*  
*SUNT, & meriti probati.* His nempe  
præstò semper est Christus, omnis eorum  
consilij auctor, omnis disputationis argu-  
mentum. Sic enim veri Israëlitar, hoc est  
optimi Sacrorum Ordinum Alumni, adeo  
tum fide tum amore Deo conjuncti sunt,  
ut tum quoque, cum eum nonnulla sua  
labeculâ offendunt, non fugiant tamen  
ejus conspectum, simul cultores ac rei.  
*Isti, prosequitur Origenes, etiamsi malum*  
*faciant, IN CONSPECTU EJUS*  
*FACIUNT.* Ex horum numero fuit,  
qui cum lachrymis dicebat, David: *Tibi*  
*soli peccavi, & malum CORAM TE feci.*  
Nunquam enim Servator è fidelium ser-  
vorum suorum oculis abit, tum quoque  
cum vacillant; & synderesis, quæ nun-  
quam dormiscit, eos fodit, lancinatque.

Qui-

*Herm. 17. in c.**18. Exod.**To. 39. 75.**Pf. 50.*

Quibus enim verò stimulis excitantur o-  
cyus, & ad resumendam cordis munditi-  
em, eluendamque maculam provocan-  
tur. Religiosi verò minimè religiosi, con-  
solitis conscientiae tumultibus, in graviora  
prolabuntur: atque adeò acquiescunt,  
itaque se in pulvere versant, ceu vel Aræ  
thura imponerent, vel violas inter Pœni-  
tentiae, Temperantiaeque lilia meridiaren-  
tur. *Quid ergo plus habet* (colligit ad ex-  
tremum Origenes) *qui malum coram Deo*  
*facit? Illud profecto, QUOD CONTI-*  
*NUO POENITET, & dicit, P E C-* 2. Reg. 2.  
*CAVI. Qui autem discedit a conspectu Dei,*  
*NESCIT CONVERTI.* En nunquam  
à Cruce, vel media inter oblectamenta,  
se refugientis privilegium! Deo scilicet frui-  
tur, deque Deo in omnibus, quæ juncun-  
da honorificaque ipsi contingunt, verba  
facit: & si forsàn in ijs pulvere aspergitur,  
myrrhæ fasciculis sese emundat, tergitq.  
CONTINUO POENITET. *Vene-*  
*runtque ut comederent panem cum eo CO-*  
*RAM DEO.*

328 VACATIONES AUTUMNALES.

80. Quæ , se se recreandi forma , non modò vitio vertinequit Ignatij filijs , qui procul à solitudine mediisq; in turbis versantur , sive ut juventutem erudiant in Gymnasijs , sive ut intrà templorum adyta sanctè vivendi rationem summos juxtà infimósq; edoceant : verùm etiam in Cisterciensium prædijs à Gilberto Abbate retenta & commendata est. Edidicerat is è Sponsa , Monachósque suos edocuit modum , vestigandi Christum , non in angustis solùm austeræ vitæ semitis , sed in campis quoque arvisq; , moderatæ recreationi destinatis. *Per VICOS & PLATEAS quæram , quem diligit anima mea.* Malè profectò nobiscum agetur , inquit sapientissimus Archimandrita , si cernerem semper super mensam mandemus , si perpetuis lachrymis colliqueſcemus in odeo , si continuis sudoribus in horticultura madebimus , si oculi , nunquam à terra sublati , severam nobis cæcitatem præscribent , si adstrictum renibus cilicium omnem quietem submoverit , si humeros tum Regularum jugum attriverit , tum

sta-



forma,  
ij filijs,  
in tur-  
rudiant  
olorum  
immos  
etiam  
to Ab-  
Edidi-  
os edo-  
n, non  
tis, sed  
ntæ re-  
OS &  
anima  
ur, in-  
, si ci-  
emus,  
us in  
ti cul-  
à ter-  
præ-  
cium  
neros  
tum  
fla-

flagrorum asperitas nullo non tempore  
cruentârit, si clausos semper æterno car-  
cere, & veluti præmaturo sepulchro, hi  
parietes attinuerint; enimverò vitam in  
cruciatibus abrumpemus, nimis angustū  
fortitis spatium, triumphos nostros forti-  
bus factis extendendi. At verò si conten-  
tionem laborum remissione aliquâ tem-  
perabimus, severissimarumque legum  
tempestates, concessæ corporibus Pacis  
Irides, interfulserint, diutius in Crucis  
amplexu hærebimus, alioquin citò extipi-  
raturi, nisi respiraverimus. *In vicis exspi-*  
*ravi ferè, SED IN PLATEIS RESPI-*  
*RAVI STATIM. Latitudo quadam &*  
*libertas INOCCUPATÆ MENTIS*  
*in plateis tibi commendatur.* Atque hæc  
spatia sunt laxandis aliquantulum habenis,  
hæc mensa reficiendæ menti destinata.  
Fatendum verò est, hanc austeritatis mo-  
derationem, præsentæ Dei memoriâ, à  
prudentissimo Antistite temperari. *Ut*  
*manducarent panem cum eo* CORAM  
DEO. Quietis vacate, non licentiæ: de  
obvio quovis argumento differite, dum-

Ser. 5. in

Cant.

To. 109. 207

X 1

modo

modo illud neque profanum, nec vanum sit: virentium pratorum amcenitate oculos pascite, ut inde discatis florere virtutibus. Nunquam permittite, ut in plateas vestras vel Ægypti paludes, vel Chaldææ bitumina, curiositas deriveret. *Consi-dera, ne libertatem istam des in occasionem carnis,* NE COACERVES LUTUM IN PLATEA TUA. *Alioquin sicut lutum platearum delebit te Dominus.* Abscedant procul à colloquijs religiosi profanæ fabulæ, animadversiones politicæ, aularû implexa consilia. Quippe si quisquilijs ejusmodi concessæ spatia libertatis oppleremus, non modò vires ad Calvariæ ascensionem, tantò alacriùs subinde rependum, non instauraremus, verùm etiam accideremus magnopere, ac rueremus in præceptis. *Lubricaverunt,* ait Propheta, *in plateis vestigia nostra: lutosas volens intelligi eas, in quibus sit lubricus incessus.* Concludit Gilbertus, & suavissimam doctrinam, se digno epiphonemate, obliquans: NON LUTO, inquit, SED AURO STERNANTUR VIÆ TUÆ. Equidem

Thren. 4.

dem, laxati silentij tempora, jucundè colloquendi copiam faciunt: sed indulgentia ejusmodi, neque rumusculis, neque argutijs, neque sermonibus, quæ vel animi pacem turbent, vel charitatem lædant, vel pietatem restinguant, inquinetur. *Non luto*, SED ALIO *sternantur Placæ tuæ*. Grata miscete colloquia, sic tamen, ut remissionis Zephyri non provocent Aquilonis injurias: *Montes* conscendite, lacus & castella procùl aspecturi, sed cavete, nè virtus in Philisthæas valles, per luxûs admirationem, nè dicam invidiam, præceps devolvatur. Lata sane agite otia, inter Latinorum Poëtarum lepores, & Romanorum Imperatorum triumphos; Græcorum Persarumque facta dictaque commemorate, eo tamen pacto, ut eru sitioni profanæ, quâ datur ingenium, Anachoretarum gesta, Martyrum Victoriæ, Prophetarum oracula, sacrorum Interpretum effata interferantur, quibus pietas augeatur, virtus incitetur, mœnisque, humanis refixa rebus, in Deo conquiescat. Hunc agendi modum te-

nuit

nuit Honoratus, Lerinentis Cœnobij Fundator sanctissimus, eo videlicet tempore, quo ad sacri claustrî horrorem, liberiore autâ temperandum, vicinum Maris litus cum suis petebat, emaciata jejunijs corpora legumine, piscéque aliquantò curiosius elixo, reparaturus. Id quod S. Hilarius prodidit, ejus virtutum admirator pariter atque Historicus. *Quis ita*

*Ser. des. Honoratus. T. 6. 34. 137.*

*blandimentum cum severitate conjunxit? quis ita* MIXTAM LÆTITIÆ DISCIPLINAM *propinavit?* Cœnabant sanè beati Cœnobitæ illi aliquantò lautius, quàm austeræ professionis usus ferebat, &, relegato in Monasterij Cellas silentio, colloquia virginali quadam lætitiâ inibant. Sed enim emicabat ubique sermonis gravitas, sanctitas morum, ac totius corporis habitus compositio singularis: ut prorsus existimem, cœlestes Genios, Christi olim in nemore discumbentis Ministros, illis Monachiorum vacantium refectioibus intervenisse. Non enim legum reverentiæ officiebat hilaritas, & quamvis absent à Cœnobio, nemo tamen à religio-

sa consuetudine discesserat. *Quis ita MIXTAM LÆTITIÆ DISCIPLINAM propinavit?*

81. Hæc porrò Disciplinæ, nusquam omiſſæ, Hilaritatisque tantisper ulitæ temperies, perplexum me facit, an aquæ cum vino, aut olei cum liquoribus alijs mixtura ſimilior eſſe debeat? Equidẽ inter epulas ſic frigida vino permilcetur, ut nullo dignitatis ordine crateris oram, fundumque juxta tangat, nec ulla cujuſquam perſpicacia diſtingui poſſit, ſic in unum coaleſcentibus geminis hiſce corporibus, ut pariter vincant vincanturq;. Secus accidit, cum oleum in liquidam materiem inſunditur. Equidem ſe aceto, vino, liquoribuſque factitijs adjungit, ſed ſupernatat, nec unquam ſe amittit, aut cum illis confunditur. Talis eſſe debet in remiſſione otioque religioſa Majestas. Hilaritas Sanctorum, imperium in res omnes, quas iſtis vel neceſſitas admovent, vel prudentia indulget, conſtanter retinet. Peccat promde, acriterque à S. Ambrolio caſtigatur, quiſquis, feriarum tempore,

Diſ-



*Lib. 1. de  
Spir. sancto.  
c. 8.  
Th. 2. 51.*

Disciplinam pariter animûmque remittit,  
& Leges Otio confundit perturbâtque.  
OLEUM LÆTITIÆ SPIRITUS  
SANCTUS EST. Cogitate, quam di-  
vinæ esse debeant oblectationes nostræ,  
cûm divini Spiritûs nomine appellentur.  
OLEUM LÆTITIÆ SPIRITUS  
SANCTUS EST. *Quomodo putant, de-*  
*terrîmi Caupones, oleum lætitia, cum cæteris*  
*creaturis, suâ posse fraude confundi? Cûm uti-*  
*que non queant incorporeis corporea, increatis*  
*creata misceri. Nisi ergo in otio nostro ri-*  
*sui Modestia, sermoni gravitas, motibus*  
*actionibûsque omnibus Disciplina religio-*  
*sa præsideat, non id Apostolicæ relaxatio-*  
*nis genus est, sed indigna nomine nostro*  
*licentia. Putant, DETERRIMI CAU-*  
*PONES, Oleum lætitia suâ posse fraude*  
*CONFUNDI. Sinite, ut confusionis*  
*ejusmodi turpîtudo palâm sit, id narrare*  
*me, quod in Collegio Romano, ejus*  
*Moderator, in allocutione domestica*  
*quondam nobis exposuit. Gemina Scho-*  
*lasticorum nostrorum patria, sub feriæ*  
*quintæ vesperam, è villa ad Collegium, se-*  
*cun-*

cundum cœnam , revertebantur. Eo  
 in itinere , clariore quàm par erat , voce,  
 cachinnis , procaciâque inulitatâ mori-  
 bus nostris, ciborum condimenta fugilla-  
 bant ; memorabant , quibus pœnis , ne-  
 scio qui errores , castigati essent ; Magna-  
 tum luxum extollebant ; consultabant ,  
 quâ ratione vestiaria Principum inspicien-  
 di facultatem à Præsidibus impetrarent ,  
 & argutijs , ingeniolis magis quàm pijs ,  
 se oppidò familiariter incessentes , Eque-  
 stris Ordinis Viro , in paucis prudenti , è  
 sepe prospectandi , hîsque in eos verbis de-  
 clamandi , occasionem præbuere : non  
 hæc , Patres , inquebat , eorum oratio  
 fuit , qui paulò ante hac , magno nume-  
 ro , transiire Sodales , æqualésque vestri.  
 De Deo , de Cœlitibus illi disseruere , id-  
 que voce tam submissâ , ut vix à me audi-  
 rentur. At verò vos clamore tam sonan-  
 ti , cachinnis , quales in orchestra tollun-  
 tur , sermonibus de trivio arreptis , omnes  
 ælium vestrarum quisquilias profertis in  
 publicum , nullâ famæ vestræ , nullâ  
 Religiosi Ordinis curâ. Me quidem ,  
 ut-

utpote Societatis JESU amantissimum, interiorisque ejus sanctitatis probè gnarum, vestra ista garrulitas non offendit, quippe qui sciam fore, ut unusquisque vestrum, qui fortè cilicio, corpori appresso, hic incedit, vel hoc ipso vesperare, aut primo quoque tempore, severus sui Judex, omnem istam inconsulta confabulationis noxam, incussis flagris, vindicet, inustamque modestiæ suæ maculam aboleat. Expedit nihilominus, ut aliorum, qui fortè non perinde, atque ego, de Apostolico isto vivendi genere sentiunt, offensionem caveatis. Nam qui tam profana colloquia seri, tam licentes tollerisus, tam imprudentes querelas, adversus religiosæ vitæ consuetudinem jactantes, audièrit, graviter profectò exemplis hîscè vestris offendetur, atq; adeò molæ supplicio vos addicet, cui JESUS, Dux vester ac Caput, eos fecit obnoxios, qui pusillis exemplò suò periculum creassent. Sic ille. Vos autem cum animis vestris reputate, quis infeliciū illorū sensus fuerit; certè, statim à reditu, Præsidis pedi-

bus advoluti, publicam in se vindictam flagitarunt. Rata eorum vota fuere, & publicâ super mensam objurgatione castigati, profusis lachrymis, in omnium conspectu, & subinde sanguine quoque in oculis Dei, inustam vultui nostro maculam, eluerunt. Loquamur, quæso vos, non clamemus cum Stentore: rideamus, non ilia risu dissolvamus cum mimis. Histriionum cuilibet dicere cum Satyrico per nos quidem liceat: *Findor, ut Arcadia pecuaria rudere credas.* *Perf. Sat. 3.*

82. Non est is Ecclesiasticorum risus, qui sonat. His enim limitibus, S. Ephrem, religiosam lætitiâ definivit ac circumscripsit. *Risum illi, ULTRA VULTUS SERENITATEM, erumpere nequaquam sinebant.* Neque verò Anachoretarum, ad speluncas relegatorum, oraduntaxat, tam duro freno, compesci à rigido scriptore causeris. Quippe Alexandrinus Clemens, illo quoque austerior, Christianos omnes, còsque nullis sacris initiatos, infrenavit, omni ab eorum ore risu proscripto, qui serius severusque

*De vita Relig. To. 30. 91.*

# 338 VACATIONES • AUTUMNALES

L. 2. Padagog. c. 5.  
To. 11. 103.

Luc. 6. 25.  
Matth. 5. 4.

non foret. *Illum magis admitto subridere, tem*  
QUI SEVERA FACIE VIDETUR  
SUBRIDERE. MINUS enim fuerit RI-  
SUS ILLE IRRIDENDUS. Quò,  
severissimo licet, edicto non contentus,  
imperat insuper, ut huic quoque modico  
risui apponantur Evangelici Terroris mu-  
nimenta, constansque memoria tum  
exemplorum, tum dictorum Christi, il-  
lud nullo non tempore Auditoribus suis  
inculcantis: *Vae vobis, qui ridetis! Beati*  
*qui lugent!* Quam ob rem quicquid ultra  
vultus amoenitatem exundaret, irrevoca-  
bili multavit exilio. *Oportet autem* SUB-  
RISUM QUOQUE ERUDIRI. Hinc  
exigat unusquisque secum, quam vehe-  
menter afficiat, si quando in hoc ipso vi-  
ridario Clementis pacta rescindi exaudio.  
Verba non invenio, Patres, quibus expo-  
nam, quanto mihi solatio sit, cum diebus,  
quibus Magistri Discipuli que à Scholis va-  
cant, video nostros, contemptâ curiosi-  
tate Urbem perlustrandi, oculosque inu-  
tilibus spectaculis pascendi, Quirinalem  
ascendere, hæc tecta subire, & in Reli-

gio-



gioſo viridario, ſub umbra Laurûs Illiciſq;  
ſuaviter acquieſcere. Immortalitati con-  
ſignent Angeli paſſus omnes, quos ad re-  
ligioſiſſimam domum promovetis. Coro-  
net Chriſtus veſtram, è foro templiſque,  
tumultuantis populi frequentia obliſſis,  
fugam. Sacroſancta demum Trinitas uni-  
verſa, veſtram illam vos recreandi mode-  
ſtiam, ſecceſſumque in locum tam ſolita-  
rium piûmque, æternis præmijs remune-  
retur. Sed hæc mea gaudia magnam par-  
tem corrumpunt, qui altiùs vocem tol-  
lunt, nec ſubrident, ſed rident. Memi-  
niſſe velim univerſos, imminere viridario  
noſtro Cœnobia, vel Virginum auſteriſſi-  
mam vitam profitentium, vel Religioſo-  
rum hominum, quos perpetua à caribus  
abſtinentia, pedum nuditas, vultûs ma-  
cies ſqualôrque nobilitat. Alterum por-  
rò viridarij noſtri latus univerſum, Ponti-  
ficiarum ædium inquilinis, objectum eſt.  
Hinc expendaris licet, quid de virtute no-  
ſtra ſentura ſit tam religioſarum perſpica-  
ciumque mentium vicinia, ſi clamores, ſi  
cachinnos, plauſuſque, in argumento

fortè non fácto, curioso, argutijs, aut fácto dictoque non castigatissimo, versantium exaudiant. NON LUTO, quæso te, SED AURO STERNANTUR PLATEÆ TUÆ. Igitur tum hic, tum alibi, remissionem otiumque nostrum, ad eam sanctitatem conformemus, ut, quisquis actionibus nostris arbitrer intervenierit, modestiam nostram suspiciat, mireturque, gravitatem tum quoque regnare, cum religiosæ vitæ professio laxamentum aliquod vacationemque indulserit. Quò fiet, ut, qui intentos in nos oculos & aures habent, manifestè deprehendant, Deum esse omnium sermonum nostrorum argumentum, nec unquam ab exigua illa quiete, quam afflictæ corporis vires à nobis repossunt, vel abesse, vel exulare Constitutionum nostrarum memoriam reverentiamque. *Per VICOS ET PLATEAS quæram, quem diligit Anima mea.* Equidem haud reor, in hac sententia, particulâ illâ ET rem aliquam novam notari, sed idem quod expositum erat, *novovocabulo signari.* Ut intelligamus, omnia

omnia quidem humanæ relaxationis spatia religiosa, esse quidem illa jucunditatis alicujus Plateam, sed perfectæ Disciplinæ vicum juxtâ callémque angustissimum. Ut adeò ipsa quoque laborum remissio, quiesque nostra, imago quæpiam sit Christi, vel in Ægyptum fugientis, vel in nemore se afflictañtis, vel in Prætorio pre-ti, vel in Crucem acti in Calvario. *Per VICOS ET PLATEAS quæram, quem diligit Animus mea.* Prò! quoties Ignatij filij, cùm vel inter Hortorum mentæque oblectamenta, nunc sapidiore cibo, nunc salientium aquarum, aliàs pictarum tabularum, florùmque ridentium aspectu, se fraudant, concessæ remissionis tempora, cum Solitudinum austeritate, commutant? **PER VICOS ET PLATEAS.** Quid? quòd è geminis hisce notionibus, principem locum, ut dignitate, sic ordine, teneat austerior, mitiorémque præcedat. Ac proinde Vicus primò, tum Platea nominatur: eò consiliò, ut unusquisque intelligat, non modò nunquam à consecratis Deo mentibus sejungi à Disci-

342 VACATIONES AUTUMNALES  
plina relaxationem, sed huic illam ante-  
ferri.

83. Quòd si porrò ex me quæras,  
cur in omni loco ac tempore hæc morum  
virtutisque constantia, tam religiosè ser-  
vanda sit? ajo: idipsum à nobis vitæ no-  
stræ genus jure suo exigere. Servaveris  
enim Discipuli, Succelloræque Apostolo-  
rum sumus, atque adeò Apostolicæ vitæ  
dignitas, ex omni actione motuque no-  
stro, emicare debet. Quemadmodum  
namque votis, quæ nuncupavimus, nos  
exsolvimus nunquam, iisdemque semper  
Evangelicis vinculis adstricti, Cruci-  
que Præcones esse perseveramus: sic inepa-  
rabili nexu, tum sacræ Doctrinæ gravitas,  
tum castigatæ vitæ severitas, nobiscum  
colligantur. Fas est, ad auram liberio-  
rem captandam, in rus secedere, sed nè  
Terræ sanctæ terminos transiliamus: affli-  
ctique corporis instaurationem Transfi-  
gurationemque non alibi, quam in Tha-  
bore, monte videlicet mysticis divinita-  
tisque consecrato, perfici oportet. In hanc  
planè sententiam Ambrosius dixerit,  
cùm

cū Evangelicos Bellatores Olympionici comparavit Non semper pugnat Athleta, stadiumque decurrit; aliquando quiescit, sudoremque abstergit sibi. OPORTET FERIARI ATHLETAM. Neque tamen is, quo tempore cessat à pugna, vel corollas circumdat capiti, vel obdormiscit in pluma. Non otiosum ejus otium est, neque, quia vacat à certamine, vel mores solvit, vel ponit rigorem, aut omnino vitiorum ac voluptatum se demergit. Nullo non die corpus exercet, procluditque certamini. Coliphys, hoc est, ijs solis utitur cibus, qui robur addant corpori, non ab omen; Voluptates, quibus frangitur, odit, effeminatamque mollietatem detestatur. *Namquid Athleta otio vacat, cū semel dederit certamini nomen? Exercetur quotidie, quotidie ungitur.* IPSE EI CIBUS AGONISTICUS DATUR: DISCIPLINA EXIGITUR: CASTIMONIA CUSTODITUR. *Et tu dedisti nomen tuum ad Agonem Christi.* Non iam integrum nobis est, Reverendi Patres Fratresque charissimi, à gravitate

Cap. 11. de  
Elio.

To. 2. 21.



## 344 VACATIONES AUTUMNALES

relaxationem , ab hilaritate modestiam  
separare. Nè tùm quoque , cùm verba de  
suggestu ad populum non facimus , nec  
Christianæ religionis elementa , ignaris  
Dei gentibus , tradimus ; nec ad prolixam  
rerum cœlestium contemplationem , octi-  
duano secessu , exercitatur ; nec Xeno-  
dochijs publicisque custodijs operam lo-  
camus ; nec rudem ætatem litteris Chri-  
stianæque doctrinâ informamus ; nec in  
nos ipsos piâ crudelitate sævimus , fas no-  
bis est seculari licentiâ mores solvere , aut  
oblectamenta , tametsi honesta , sumere  
non pudenter , aut denique , nisi Cruce  
impositâ humeris , interquiescere. Audi-  
te , ad quod remissionis & recreationis  
genus hinc vos Rex Psalter , hinc Ephrem  
Cœnobiarcha invitet. *Venite , exultemus  
Domino , jubilemus Deo salutari nostro , & in  
Psalmis jubilemus ei.* Tonare potius E-  
phrem videtur , quàm loqui , cùm lachry-  
mabundi Principis Edictum exponit. *In  
Psalmis jubilemus ei.* IN PSALMIS , in-  
quit , ET NON IN REBUS RIDICU-  
LIS. Efflorescat sanè lætitia , sed thu-  
rcos

*Pf. 94. 1.*

*De morbo  
lingua.  
Tō. 30. 21.*

reos inter vapores; recreet Otium, sed à vulgari licentia odio implacabili dissideat. *In Psalmis, & non in rebus ridiculis.* Micent ingenij lumina, sed inter æternitatis, nusquam interceptæ, nubes.

84. Erit forsân hîc aliquis, qui tacitus ità secum ratiocinetur: hâc tantâ, tamque continuâ Christi memoriâ, & custodiâ Legum, omnem corporis animique relaxationem à religiosis ædibus arceri proseribique. At ego hanc ipsâm ob causâm, ut plena perfectâque relaxatio sit, Christum ab ea, nè latum quidem unguë, removeri debere contendo. O! miserû te atque infelicem, qui sinè Christo lætaris, & dum oculos ad pergulas pratorûmque amœnitatem convertis, eos à Tabernaculi aspectu avertis. *Et in OMNIBUS VI- Amos. 9.*  
NEIS erit planctus (verba sunt vaticinantis Amos) quia pertransibo in medio tui, dicit Dominus. Tantum abest, ut Deus præsentia suâ hilaritatem nostram inminuat, ut nullâ prorsus durare oblectatio possit, quam rerum divinarum recordatio non stabiliverit. *In OMNIBUS VINEIS*

## 346 VACATIONES AUTUMNALES

*erit planctus* : non quòd in eis aquarum copia lususque desint , non quòd artis magnificentia , colonorum industria , vitium palmitumque cultu destituantur : sed inde videlicet erumpent lachrymæ , luctusque resonabunt , quòd custodiri virtus , pietasque coli desierit. Audi Hieronymum. ET HÆC UNIVERSA PATIENTUR , QUIA PERTRANSIBIT *per medium eorum* DOMINUS , UT NON HABITET INTER EOS. Et vos existimaveratis , siccandos latitiæ fontes , nisi Religio tantisper secederet. Viden' , ut aruerint , postquam Servator suas mittere aquas desinit. *Hæc universa patientur , quia pertransibit per medium eorum Dominus* , UT NON HABITET INTER EOS. Et verò non in Nitriæ tantum scopulis , ubi Hieronymus aliquis laxo pectus tundat , sed in ipsa quoque superstitiosæ antiquitatis mollitiæ hæc doctrina resonuit : in eandem sententiam asserente Senecâ , qui in aurea Neronis domo amplissimis prælijs , omniumque rerum copia circumfluebat. Is igitur charis-

*Lib. 2. Com.  
in Amos.  
To. 21. 82.*

rissimum amicorum Lucilium hortaba-  
 tur, ut penitus in veri Gaudij cognitionem  
 incumberet, à vulgi sordidis voluptatibus,  
 & opinione Senatorum sanè multum ab-  
 horrentis, qui Gladiatorum furias, thea-  
 trorum insanias, venationes, piscatus,  
 chorearum tripudia, conviviorum lautia,  
 libidinum lustra, atque hoc genus alia hu-  
 manorum affectuum irritamenta, ferinàs-  
 que voluptates, gaudij nomine, appella-  
 bant falsi fallentesque. *Mi Lucili*, DISCE *Ep. 23.*  
 GAUDERE. Liber quispiam in solita- *To. 9. 30.*  
 rio loco perlectus, Disputatio inter erudi-  
 tos celebrata, Victima Dīs immortalibus  
 cæsa, vitium compressum, facinus cum  
 virtute patratum, periculum pro Repu-  
 blica susceptum, innocentia in Senatu pro-  
 pugnata, corruptela è civitate sublata,  
 fucata voluptatis certa cognitio, ea de-  
 num sunt, quæ veri Gaudij beatam Re-  
 giam, Templumque religiosissimum pe-  
 ctoni tua manant. DISCE GAU-  
 DERE: *ne gaudéas vanis*. Neque me ve-  
 lut austerum hominem, & qui omnis so-  
 latij latitiæque te velim expertem esse,

aver-

## 348 VACATIONES AUTUMNALES

averferis. Quin vel ex hoc ipſo amicitia  
 tuâ dignus ſum, quòd felicitatem tibi mi-  
 nimè fluxam caducamque architector.  
*Exiſtimas, me nunc detrahere tibi multas  
 voluptates. Imò contrà, NOLO TIBI  
 UNQUAM DEESSE LÆTITIAM.*  
*Volo illam tibi Domi naſci: naſcitur, ſi modo  
 intrâ teipſum ſit. CÆTERÆ HILARI-  
 TATES NON IMPLENT PECTUS,  
 SED FRONTEM REMITTUNT.*  
*Leves ſunt, niſi fortè tu judicas illum gande-  
 re, QUI RIDET.* Prô! quantò ſeveri-  
 or eſt hominis Ethnici, ambitioni pariter  
 & Idololatriæ addicti, oratio, præ illa  
 Hieronymi, Sacrorum voluminum in-  
 terpretis, & ſpeluncarum inquilini. Non  
 eſt, mihi credite, non eſt Chriſtianæ  
 mentis lætitia, Apoſtoli loricam diſſibu-  
 lare, Chriſti baltheum ſolvere, Moyſis  
 Tabulas abijcere, octo Beatitudinum  
 dignitatem elevare, fatuarum quinque  
 Virginum infelicem sortem flocci facere,  
 ad ſolas denique Jobi liberorum comella-  
 tiones aspirare, improvisâ eorum ruinâ  
 interitûque neglecto. Ea demum vera vo-  
 lu-



luptas ac lætitia est ; quam cordis mundities parit , & Christi apud se hospitantis conscientia. Hæc Apostolorum vultus , medias inter licitorum furias , irasque Pontificum , in serenitatem explicuit ; hæc tempora coronis incinxit ; hæc ora in Hymnos solvit & Cantica. IBANT GAUDENTES *Act. 5. 41.* à conspectu Concilij , quoniam digni habiti sunt pro nomine Iesu contumeliam pati. Falsusne Seneca , an Vates fuit , cùm diceret : *Mihi crede*, RES SEVERA EST VERUM GAUDIUM , si confecti vulneribus exultant , triumphantq; Servatoris Discipuli ? Nemo deinde sibi persvadeat , paucos illos degeneres , qui præscriptos , à religiosa modestia , remissionibus nostris limites , non nihil excedunt , ideo lætari quòd cachinnantur. Titillatio quoq; laterum immodicos risus elicit. Torquetur tamen qui ridet ; & , nisi crudelis ille lusùs finiatur , mallet ire in præceps , acerbæ voluptatis impatiens : Hæc nempe oblectationum , Legibus adversantium , & alienarum , à Sanctorum consuetudine , relaxationis natura est. En vobis

350 VACATIONES AUTUMNALES

testem Plutarchum , cui , medias inter  
erroris tenebras , Apostolicæ hujus do-  
ctrinæ radius affulit. *Quemadmodum*  
*enim* AXILLARUM TITILLATIO-  
NES *haud proprium, neque amabilem* RI-  
SUM *præbent animo* , SED MOLE-  
STUM *spasmoque similem: ita quascunque*  
*voluptates corpus exstimulatum ab animo tur-*  
*baturque capit. Haec nimirum & superius sunt,*  
*& turbulenta, & à natura aliena.*

85. Fremunt hoc loco , qui tempe-  
ratam jucunditatem ; rosasque verecun-  
diæ oderunt , lætitiæ coronis intertextas.  
Id nempe agitur , inquiunt , ut vel in lusu  
Anachoretas repræsentemus ac Levitas.  
Ego verò vos in moderatis illis lufibus , qui  
à sacratissimis Cœtibus neque damnati ,  
neque alieni sunt , tam hilares exultabun-  
dòque velim esse , qualem Antiquitas  
Principem Arrianum , Religionis hostem ,  
& Christianorum carnificem , in omniū  
deterremo ludi genere admirata est. Vi-  
dete Theodoricum , manu talos versan-  
tem , eà verborum gravitate , compo-  
sitione affectuum , iræ victorem , dicen-  
dique

dique avidum, ut majus aliquid, ab Auditoribus suis, nec Academia, nec, si fas est ita dicere, ab ijs, qui ad Aram faciunt, expectare posse Pietas videatur. Cum Venerem feliciter jecisset, fitebatur; ridebat, cum damnosi sterillissent canes; eundemque animum, utcumque Sois variasset, retinebat: atque ex ipsa fortunæ instantia discibat, imperij ritè administrandi rationem. Quare fiebat, ut firtillum, quo se oblectabat, in arenam scholamque verteret, in qua, vel de se sibi trophæa strueret, vel animum regijs artibus erudiret. Sic de illo testatur, scribens ad Agricola, S. Sidonius Apollinaris. *In bonis jactibus tacet, IN MALIS RIDET, in neutris trahitur, IN UTRISQUE PHILOSOPHIATUR.* Nè verò quisquam hanc Aleatoris Philosophiam hiece rideat, putetque perfunditorie duntaxat, & nullà victoriæ curâ studioque luisse. Avidissimus quippe vincendi, diu multumque tesseras agitabat, artèque mirabili, è pyrgi angustijs, in abacum evolvebat: adeo sollicitus nè vinceretur,

*Lib. 1. Ep. 2.*

## 352 VACATIONES AUTUMNALES

ut spectantibus arcem potius obsidere, quam ludere videretur. *Tesseras colligit RAPIDE, inspicit SOLICITE, voluit ARGUTE, mittit INSTANTER. Putes illum & in calculis ARMA TRACTARE. Sola est illi cura vincendi.* Nihilominus in tanta sedulitate ludendi, & cupiditate victoriæ, Rex Hæreticus, precantes Monachos, & lusum pœne dixerim, Choro psallentium, æquat. *In bonis jactibus tacet, in malis ridet, in neutris irascitur,* IN UTRISQUE PHILOSOPHATUR.

86. Tam memorabili exemplo philosophantis in alveolo Recreationis, quâ, vel Dæmone infessâ mens, venerabilem reddit, ut puto, persuasi; petetis porro, quâ ratione hæc motuum interiorum compositio, sanè Heroica, in ipso illecebræ gustu possit obtineri? Equidem vestis, quam gerimus; Virtus, quam didicimus; Æternitas, cui laboramus; satis sunt ad Remissionis ac Modestiz, Disciplinæ ac relaxationis, concordiam conciliandam. In hunc eundem finem Nazian-

zianzenus, æterni Patris Filium, carne  
vestitum, nos intueri jubet. Conjunctis  
is, Divinitatis suæ Purpuræ, humanæ cō-  
ditionis Centones: ita tamen, ut Divina  
Natura Humanæ antestaret semper, neq;  
huius luri contagione ulla ex parte infice-  
retur. *Sic & cum hominem in tuere digna-*  
*tus est,* NON LABEM ÆTERNITA-  
TI INTULIT, UT SPIRITUS SE  
MUTARET IN CARNEM. Jam ve-  
rò, quemadmodum duæ Naturæ sic in  
Servatore coaluerunt, ut neutra alteram  
opprimeret, multoq; minus ut cœlestis  
in terrenam verteretur; sic omnes Socie-  
tatis huius Alumni, religionæ disciplinæ  
maiestatem tuentur, cum corpori laxa-  
mentum aliquod indulgent. *Æquiva-*  
*tem,* monet S. Leo, *inviolabilem, quam ha-*  
*bet Deitas,* NON CORRUMPIT  
HUMANITAS. Hæc corporis erga  
Servatoris Divinitatem reverentia, nec in  
Canæ nuptijs, nec in Ægyptum fugâ, un-  
quam imminuta, non modo Religionis  
mysteria, sed Disciplinæ cœlestis forma  
nobis esse debent: ut neque modestiam

*Orat. 49.*

*To. 113. 383.*

*Ser. 5. in Nat.*

*Dom.*

*To. 41. 144.*



remissione corrumpi, neque villâ everti  
 Claustrum ullo tempore patiamur. Pro-  
 sequitur Leo. *Hec Domini nostri opera, Di-*  
*lectissimi, non solum Sacramento nobis utilia*  
*sunt, sed etiam imitationis exemplo.* SI IN  
 DISCIPLINAM IPSA REMEDIA  
 TRANSFERANTUR, *quodque impen-*  
*sum est mysterijs,* PROSIT ET MORI-  
 BUS. Omnes Judææ colles peragrate,  
 colligite flores, quotquot pensiles habent  
 Babylonis Horti: Engaddianas vineas po-  
 pulamini: Hesebonis piscinæ, & quicquid  
 ibi piscium natat, oblectandis vobis deser-  
 viant: uter alteri palmam eripiat eruditâ lu-  
 dendi dexteritate, commune omnium  
 certamen esto: ridete, si quando simpli-  
 ciores erumpentium fontium insidijs pa-  
 tuère: Cupressorum ad radices umbram-  
 que confidentes, Horatium ac Tibullum  
 percurrite: quid multis? à studiorum la-  
 bore, afflictationumque rigore vacate,  
 tempusque, quod omnes Religiosi Ordines  
 alumni suis largiuntur, reparandis vi-  
 ribus, animoque relaxando destinatum  
 sumite, itâ duntaxat, ut pietatem lati-  
 tia

tia non opprimat, nec religiosa gravitas à voluptate laxatur. *Æqualitatem, quam habet Deitas*, NON CORRUMPIT HUMANITAS.

87. Igitur, inquires, quotiescunque foras prodibimus, amissim unà deferamus oportebit, ut verba, passus, ad perpendiculum exigentes, sciamus, quatenus liceat esse latis. Id verò tam difficile molestumque negotium est, ut præstet austeritatis jugo, dulcendisque laboribus assuetas jam cervices, reddere, quàm operosè adeò vacare. Nam si otium nobis, quod planè otium sit, contingere nequit, valeat sanè vacetque rus, aut, si necesse est rusticari, Anachoretas silentio vinemus vel in villa. Avertat Pater noster Ignatius hanc tam depravatam à filiis suis cupiditatem: quæ sub ejulinodi genere remissionis Mortem regit. Audétne aliquis à corporis animiq; relaxatione Decorum excludere? Stabit contrà Lactantius, vetabitque verbum proferri non sacrum, sententiam audiri, quæ divinorum voluminum saporem non referat, & ad Chri-

Lib. 6. de  
Ver. cult. c. 21  
10. 55. 118.

stianæ virtutis non proficiat incrementū.  
*Nihil* ASPECTU GRATUM sit,  
 NISI QUOD PIE, *iuste fieri videas: ni-*  
*hil auditu suave,* NISI QUOD ALIT  
 ANIMAM, MELIOREMQUE TE  
 REDDIT. *Hac est voluptas vera, qua so-*  
*cia virtutis est. Cujus terminos si quis exce-*  
*serit, nihilque aliud ex voluptate petierit, NI-*  
 SI IPSAM VOLUPTATEM, HIC  
 MORTEM MEDITATUR. Haud  
 equidem maculam pulveremque, Scri-  
 ptor facundissimus, minatur, sed mortem  
 intentat, & sepulchrum pandit. HIC  
 MORTEM MEDITATUR. Ite jam,  
 &, qui nihil præter otium in otio petiëra-  
 tis, vota veltra iterate, si lubet. Vos com-  
 pellat Lactantius, vobis falces exsolvit,  
 paratque supplicium, si quando verecun-  
 diam a risu, gravitatem a colloquijs, ab  
 ambulatione Modestiam, Moderationem  
 Sanctitatemque ab epulis, exitiabili divor-  
 tio sejunxeritis. *Si quis nihil aliud ex vo-*  
*luptate petierit,* NISI IPSAM VOLU-  
 PTATEM, *hic mortem meditat.* Qui  
 verò ego possim segregatis in Evangelium,  
 & pro

& Provinciarum salutis destinatis mentibus, id indulgere, quod Apostolus Paulus Neophytis suis, licet paterna in domo, & cum amicis simulachrorum cultoribus, impietatisque mancipijs versarentur? *Omnis immunditia nec nominetur in vobis, sicut decet sanctos*, AUT STULTILOQUIUM, aut Scurrilitas: SED IMPLE-  
Ephes. 5. 4. 19.  
 MINI SPIRITU SANCTO, loquentes vobismet ipsis in psalmis, & hymnis, & canticis spiritualibus. Quando liberalius ego vobiscum egi, cum animorum contentionem, ut argumentis indifferentibus remitteretis, concessi, quam Paulus exstiterit, cum militibus, cum Institutoribus, cum Dynastis, cum Senatoribus, cum Consulibus nuper admodum Baptismo lustratis? Quod ille nē in Catechumenis quidem sustinet, qui arietum, Jovi Dianæque factorum, cruore madebant etiamnum; nos in Primogenitis Crucis, qui jam nunc Deo Deum super aram litant, vel ad Sacerdotalē munus vitæ sanctitate, austeritateque præparantur, approbavimus scilicet? Enimvero sententiam Apostoli,

linguam nostram Psalms Davidicis, Vatumque canticis addicentis, S. Joannes Chrysostomus, tantâ moderatione, sed eâ pariter energiâ, exponit, ut defensionem omnem præcipiat, religiosâ gravitatem ab hilaritate separare conanti. Omnes vos, inquit, tempèrque plenos Spiritu sancto vult Paulus, idque consequi optat, institutis super æternitate, Deique Majestate colloquijs. Ego tamen his ora vestra, sanè beatissimis Divi Pauli argumentis, circumscribere non audeo. Sed vix illi, qui moderationis hujus Evangelicæ terminos, à Christo suorum sermonibus præfixos, egressus, vel amaris jocis Sodales ludificat, vel temerè Præsidum gesta protendit, vel denique, venerabile sibi quondam Institutum vivendi, impiè vecors ingratûsque lacellit. Ista profectò facetiarum, querelarum, criminationumque proluvia, non è Jordane Cedroneque, sed è Chal læis torrentibus exundat. MAGNA MALA MENTEM ILLAM, *que facetus istis urbanis dedita est*, INHABITANT. *Linguam habes, non ut alios* lib-

in Hom. 17.  
Ep. ad Eph.  
To. 47. 131



*libus mordeas, sed ut Deo gratias agas. Ex-*  
*terminate, obsecro, ex animis vestris IN-*  
 GRATAM ISTAM GRATIAM.  
 Secundum hæc, omni Leone ferocius son-  
 nantiûsq; rugiens, Gnathonibus, inquit,  
 Histrionibus, Heluonibus, licentes ejus-  
 modi oblectationes, cachiônôsq; relin-  
 quite. PARASITORUM RES EST  
 ILLA, *mimorum Saltatorum.* Quæ se-  
 quuntur, acerbiora sunt, quàm ut pro-  
 ferri à me, audiri à vobis, queant.

88. Quam autem ego non ex meri-  
 to cum ijs egi, qui tam religiosè sancteq;  
 animos relaxant: sermonem vel aculea-  
 tos, vel improvidos, vel licentiores, ego  
 veritus sum proferendos ab ijs, qui in Villa  
 Indias meditantur? Quid: an non fre-  
 mentes Inferos, Vacationesque nostras  
 execrantes Cacodæmones, exaudio, qui  
 Assyrios imitati, non minori ejulatu cla-  
 dem suam, & juventutis nostræ sacras ex-  
 peditiones execrantur, quas illa in Tu-  
 sculanos Tiburtinôsq; pagos, tanto cum  
 fructu, suscipit obitque. Proclamat Lu-  
 cifer, ut Vagao quondam ululabat: *Vna*

Iudith. 14.

16.

*Mulier Hebræa fecit confusionem in domo Regis Nabuchodonosor: Ecce Holofernes jacet in terra, & caput ejus non est in illo.* Equidem, inquit ille, quod isti, post enavigatum Oceanum, sub Zonæ ardentis æstu, Polique frigoribus, in Provincijs illis, in quibus fame litique conficiuntur, vinculis onerantur, fustibus cæduntur, immerguntur fossis, lentis ignibus palo defixi torrentur, prædani mihi eripiant, graviter fero. Sed id tamen à nascentis Ecclesiæ ortu, per trecentos annos, passus sum. Quod deinde in octo dierum exercitatione, ad quam pessima hæc natio quotannis fecedit, purgetur à maculis, ornetur virtutibus, ad cælum usque sese sustollat, Mundo eripiat, vulneribus conficiat, primævam innocentiam reparet, ex merito dolco. Sed enim Anachoretas multò antè passus sum, qui prolixius divina contemplari, immitiusque in sua corpora sævire, coniverunt. Quod in Gymnasijs, Theologiâ suâ, Hæreses meas Doctores everrant, vitia profligent dissidentes in Templis, in Cœtibus privatis, Sacramen-

torum frequentia, ex hominum animis  
 me depellant, bonarum artium professione,  
 morum integerrimorum exemplis,  
 monitisque saluberrimis aditum mihi ad  
 juvenum mentes obstruant, me plusquam  
 tartareis ignibus urit. Quod denique quo-  
 cunque in lecto moribundus aliquis jacet,  
 quacunque in triremi mancipium sedet in  
 transtris, quancunque ad Crucem reus  
 raptatur, quacunque in arena gladiatores  
 congregiuntur, istos presentes hortato-  
 resque reperiam; ut inimicitias oculis abo-  
 leant; infamem trabem, in gloriæ thro-  
 nos; remigantium furias, in contritæ  
 mentis sacrificium; ejulatus desperatio-  
 nemque morientium, in suspiria pietatis,  
 in Hymnos, proximæ beatitatis pignora,  
 demutent, terre forsân aliquâ ratione  
 possent. At verò, quod Autumnales va-  
 cationes, Apostolicis expeditionibus con-  
 secrant, cum ad rusticanos homines, de  
 superiore loco verba faciunt, peccantes à  
 noxis emundant, Christi corpore sangui-  
 néque pascunt Numinis hostes, nunc de-  
 nique peccatorum confessione in gratiam

receptos: id, inquam, intolerandum mihi prorsus, atque omnem Inferorum patientiam consumit. Itane autem isti, nominis mei hostes acerbissimi, tum quoque cum magnam partem silentij legibus eximuntur, stataeque precationis tempora nonnihil contrahunt, cum tardius somnū abrumpunt, lautiusque reficiuntur, regnum meum vastabunt, subiectos mihi populos abducent, prædam eripient, meque, è veteri imperio, quod superstitio, flagitia, iniquitas, impietas, perfidia, in tot mihi provincijs alluerat, dejectum in exilium agent, religione, pietate, concordia, virtute ubique stabilitâ, & in regnum intrusâ? Et hanc ego cladem ab illis tum maxime accipiam, cum rustican-  
tur, & agunt otia? An non est id Assyrij Regis cladem, duce foeminâ, renovare?  
**UNA MULIER HEBRÆA** *fecit confusionem in Domo Regis Nabuchodonosor.*  
 Urunt illi me magis, cum corpora curant, quàm cum flagris conscindunt. Viliam illorum implacabilius odi, quàm Collegia: enervat me magis illorum refectio, quàm

quàm inedia : risus illorum, quàm ritus, vehementius expavesco. Viden', ut, in media Vindemiarum licentia, lachrymentur agricola: Viden', ut totum, quà pertinet, Latinorum montium jugum, Niniven quandam referat dolore pietatèq; , subrogatà ubique intemperantiæ Castitate: *Ecce HOLOFERNES JACET IN TERRA, & caput ejus non est in illo.* Quid autem ab his non metuamus? cùm preces fundent, cùm a<sup>m</sup> Nationibus voluntarijs, laboribus, ul. susceptis, Martyrio proludent; si, cùm ferias agunt, tantà nos clade prosternunt? Hanc verò infelicissimam rerum nostrarum conversionem jam tùm præcipere animo debueramus, cùm illi, nescio quo sit ertitionis ingenio, sub ipsas Septembris Calendas, superioribus scholis justitium, studijsque litterarum vacationem indicunt. Continuo enim, infelices isti, hujus, universis terrarum populis, & Academijs omnibus, invise Societatis Scholastici, litterarum exercitationem ignavæ servitutis, impertunæque austeritatis ministerijs permu-



tant. Hic enim Janitori vicariam operam locat, & pro stylo, claves tractat: ille mediaſtini more præcinctus, valetudinarij moleſtis laboribus deſungitur: alius ſacrarij cuſtodibus additus, aut aras exornat, aut *Æs* campanum pulſat. Plures publicas cuſtodias adeunt, & à peccatis extolvunt à Quaſtore datos in compedē. Univerſi denique ſtatim, ubi in urbem è villa rediēre, Solitudinem, ceu ementitam quandam Carthuſiam, ſibi formant, octonóſque dies continuos ipſi ſe in conclavia compingunt, rerúmque cœleſtiũ meditationi quaternas, pro ſcelus! per diem horas impendunt. Hanc deinde precum prolixitatem, aſperitatem vitæ, publice privatimque ſe ſe afflictautes, cumulant: ſeu appoſitos cibos ſtudioſè corrumpant, ſeu linguâ pavimento Crucem inſcribant; ſeu poſitis genibus, paſiſique brachijs, tanquam in Crucem acti, procumbant; ſeu, brutarum animantium inſtar, ſtratis humi corporibus, alienæ dapis reliquias vorent; ſeu flagris ſe, in cœnantium oculis, excipiant ſervorum reorúm-

rúmque supplicio : seu denique in solitudine illa sua suspirijs, lachrymísque sanguinem & vulnera misceant , inhumani sui ipsorum carnifices. Jam verò quam cladem, quas tempestates, è gravidis hísce nubibus, non erupturas verebimur in copiosam flagitiorum messem, tanto labore nostro in hominum animis profeminatorum ? Has aliátque hujusmodi exercitationes, Ignatij filij, studiorum serias, per summam Hypocrisin, appellant, sed eas nos, calamitatum nostrarum artifices, nostræque quieti exitiabiles conjurationes experimur, istique dolis juvenus omnis, execrabilis hujus Coetûs, armatur, proditque in campum, necessariæ quietis obtentu, revera inferos mortalibus omnibus ocluditura. Neque id Sacerdotibus & Theologis duntaxat, aut iis, qui proximè ad aras admovebuntur, in more positum est : Rhetores quoque adolescentuli imberbes, scientia & auctoritate destituti, eo vultu, qui aut non ita pridem ab ubere avulsos demonstraret, aut profanæ literaturæ pulvere lordeat, e Tiburtinis me  
ico.

scopulis exigunt, & è Montis sui pergulis oleisque, relata ex me trophæa, suspendunt, victoriisque inscribunt. Ipsi quoque Tuiculanis Millionarijs diris vocibus respondent, tantoque turpius horum sermonibus & exemplis profligamur, quanto est eorum ætas Apostolicis expeditionibus immaturior, & viribus, sapientiâ, sacris Ordinibus destituta. Auditis, ut Cœlites vobis insultent? ut, spreto omni nostro armorum apparatu, occinant lætandi: **SAGITTÆ PARVULORUM** *factæ sunt plagæ eorum.* Illic, ut nullum nobis deesset opprobrij genus, nè ipse quoque Diæcesæos Moderator, tam claro inter Romanos genere, ingenio, sapientiâ, virtute nobilior, licet Infulis redimitus, & purpurâ Regibus par, inferius dignitate suâ non putat, operam suam juvenibus sociare, laceris, egentibus, & in ruinam nostram incumbere: imò non contentus illorum industriam commendare, ipse quoque incruentam Hostiam, lachrymantibus populis, dividit, & oratione suâ novas pietatis aggerit flammæ.

Quò

Quò fit, ut, dum tantus Vaticani Senatús Princeps, infelicibus istis Missionarijs, se Collegam addit, eorum verbis robur, vim machinis, consilijs auctoritatem conciliet, omnémq; nobis omnibus, quotquot Orcus Dæmones habet, spem eripiat expeditionem ejusmodi frustrandi. Et tamen ab hoc ego nihil unquam, præter vulnera, clademque mihi metuebam, cum ipsa gentilitia ejus insignia, præter aliorum morem, qui familiæ tesseras feris, fasciisque militaribus distinguunt, Christi Crucem multiplici figurâ præferant: eam videlicet Crucem, quæ vires nostras infregit, potentiam stravit, & Cælum, à quo pridem omnes Evæ filij exulaverant, reclusit. Quæ vero in nos arma non intorquet inter sacros calices, divinique Panis Azyma, Hostis ille noster acerbissimus, cum in ipsa Superbiæ pompa Crucem explicet, nosque sub jugum mittat? Hæc aliæque plura fremant sanè Inferi, quando eo amplius Cælum triumphat, quò illi desperatiùs dolent, habetque lætitiæ materiam, non unum tantum operâ vestrà

re-

368 VACAT: AUT: SINT SANCTÆ.

reductum ad frugem, sed innumerabiles, quos egregia vestra studia Crucifixi pedibus subjecerunt. O! vos felices, qui tam religiosè me hic auditis, & per colles illos, qualia descripsimus, Apostolica edetis opera Victores scelerum, hominùmque reparatores! in hac sanctissimarum Actionum luce omnis penitus suspitionis umbra vaneſcat, quali Edictum Christi: *Nemo potest duobus Dominis servire*, per Autumnales Vacationes adire periculum deberet. Quin persuasum plane habere vos velim, fore, ut per imminentis Vacationis otium, & in tanta ad frugem reductorum multitudine, Christo, tanquam flore integritatis, in pectoribus vestris confirmatæ, ex-cultæ in alienis, si unquam aliàs plenissimè perfruamini. Nemo enim negaverit, in vos cadere Messiaë oraculum, longè felicissimum Sodalem se vobis pollicentis, atque illud Archangelorum vocibus ingeminantis: *Ego flos campi.*

EX-



# EXHORTATIO

## XLIV.

Die S. Bonaventuræ Sacro.

Vos estis Sal terræ. *Matth. 5.*


**N**emo in Societate nostra Sal  
Mundi efficitur, nisi qui mun-  
do penitus emoritur. Quem-  
admodum Aqua, ut in Salem verta-  
tur, è mari separetur, mutetque Na-  
turam necesse est; sic qui in Apostolum  
fingitur, odisse mundum, & ab omni  
ejus consuetudine abhorrere debet. Hæc  
porrò Metamorphosis, Mortis nomine  
appellatur à Christo: ut sciamus, re-  
rum terrenarum neque sensum, neque  
cupiditatem, neque cognitionem, in  
Nobis superesse oportere. Quare qui  
mo-vetur incommodis, aut honoribus  
delectatur, is beatam ejusmodi mortem

Pars IV.

Aa

non-

370 CONVERS: MORUM VERA  
nondum obijt. Unusquisque proinde  
nostrum, extra omnem Naturæ sensum  
positus, nullâ ejus affectione movea-  
tur, ut sanctè mortuus, vitam Gra-  
tiæ inspiret mortalibus semper duratu-  
ram.

89.  Erhonorifica ejusmodi ap-  
pellatio, quâ Christus Di-  
scipulos suos intignivit,  
cùm eos *Salem Mundi*, hoc  
est Populorum reformatores dixit, ab Ec-  
clesia Doctoribus suis impertitur, ac sub-  
inde transfertur ad eos, de quibus cum  
Daniele dicere possumus: *Ad doctrinam  
erudiunt multos.* His ità constitutis, quan-  
do Divinæ Clementiæ visum est, minimâ  
hanc suam Societatem sacræ doctrinæ, so-  
lidæque sapientiæ fluminibus, cùm ad re-  
ctè sentiendum, tum ad bene vivendum  
summè necessarijs, inundare, de nobis  
quoque non abs re dicere quis possit: *Vos  
estis Sal terra.* Quod decus prorsus insigne,  
planèque Apostolicum, ut ingens unicui-  
que

que afferre solatium potest, sic nostri nos muneris admonet necessitatique, quâ premimur, siquidem ejusmodi nomenclatio, quam S. Doctor, cui festam hanc diem agimus, nobis commodavit, delectat, in Mundi Salem nos convertendi: alioquin ijs obruendi calamitatibus, quas Christus, Apostolicæ vitæ speciem potius, quàm rem sectantibus, minatur. Considerabimus proinde, qualem nobis necessitatem virtutis tanti nominis Majestas imponat, sed antè, quæ sit muneris, quod gerimus, dignitas & excellentia, videbimus.

90. *Vos estis Sal terræ.* Si id duntaxat in hominum animis efficeremus, quod Sal corporibus præstat, ea proculdubio Professionis nostræ dignitas, id in humanum genus meritum foret, ut, citra Hyperbolem, Servatores suos appellare nos posset Orbis terrarum. Quantò autem plura majoraque beneficia mentibus Sapientia præstat & Zelus, quàm Sal corporibus commodet! Equidem ut ille carnem & sanguinem à putredine servet, non tamen

in vitam revocat semel corrupta. At vero Evangelicæ Doctrinæ Sale, non modò depravatas mentes ab ultima omnimodâque corruptione arcet, verùm corruptas quoque per eum, quem ingerit, saluberrimi doloris sensum, ad recipiendam Gratiæ vitam præparat, ac velut altera supremæ dici Tuba, jam olim defunctis, quos curandos perungendosque suscepit, illud ingeminat Angeli, *Surgite mortui*. Hinc non habet Ecclesia munus ullum, aut vitæ professionem, quæ, cum hac animos consecrandi provincia, in contentionem veniat, aut de palma decertet. Et verò S. Hieronymus, cum visus sibi esset in Carmeli fastigium evasisse, & inter beatissimi nemoris illius delicias, auræque, quam Eliæ suspiria & Elisæi preces cōsecraverant, afflatus, cum Sodalibus vitam agitare, sacra volumina interpretando, variumque oracula contemplando: Subinde tam beati secessus, præceptæque animo felicitatis, imagine plenus, lachrymisque, quas jucundissimæ sanctissimæque vitæ conditio uberrimas exprimebat,

in-

infusus, an non est hoc, exclamat, Beatorum Coelorum gloriam, tum promeritorum tum gaudiorum copiâ occupare, in eo vitæ genere, quod se Deo, per ejus naturæ contemplationem, ac quietis imitationem, proximè admovit? Quæ omnia ille totidem pæne verbis ad Paulinum scripsit. *Oro te, frater charissime, INTER HÆC VIVERE, ista meditari, nihil aliud nasse, nihil querere: nonne tibi videtur* JAM HIC in TERRIS REGNI COELESTIS HABITACULUM:

*Epist. 103.  
To: 17-313.*

91. Verum enim vero his Vitæ, plusquam Angelicæ, rationibus non modò non subscribit Bernardus, Dux licèt Contemplatorum ac Præceptor, sed palàm repugnat testaturque, huic Anachoretarum ambrosiæ, longè præstare Apostolicorum Operariorum absinthium, qui è peccantium vulneribus virus, sanienque flagitiorum exsugant. Ego certè, inquit Bernardus, si Christum in Thabore transformatum viderem, libens omnem ejus gloriam in aspectam relinquerem, si spectarem futurum, ut Bethaniæ putrem, ar-



# 374 CONVERSIO MORUM VERA

rosúmque vermibus Peccatorem, excita-  
*Joan. 11. 43.* re dicto ejusmodi possem: *Veni foras.* Pa-  
 tiar exclamare Petrum, divinæ pulchritu-  
*Matth. 23. 4.* dinis luce attonitum: *Bonum est nos hic esse:*  
 cum mihi liccat, Angeli ductu, Probaticâ  
 piscinam accedere, ut, dum ille, aquæ  
 motu, ægro cuipiam salutem restituit,  
 ego jacentium singulos, universos lachry-  
 marum mari obrutos, compellare sic pos-  
*Joan. 3. 4.* sim: *Num noli peccare.* Præbeat, qui vo-  
 let, aures Christo in montis apice, octo  
 felicitatis capita recensenti; nam ego, ad  
 radicem subsistens, Elephantiacum, cujus  
 mentem magis quàm corpus scelera infe-  
 cère, linguâ extergam. *Meliora ubera tua*  
*Cant. 1. 2.* *vino:* quando vicinior multò similiórque  
 Deo efficitur, qui hominum, pro quo-  
 rum salute vitam Christus in Cruce posuit,  
 exesas vitiorum carie mentes in vitam re-  
 vocat, quàm qui divinæ formæ imaginem,  
 in illius vultu expressam, in Monte con-  
 templatur.

92. Ità sentit Bernardus in sermone  
 octavo, quem Claravalle vel dictavit, vel  
 recitavit. Et tamen, cum Salem Evange-  
 li-

licum, Beatorum Cœlitum gaudijs prælatum, extulerit tam magnificè, veras ejus laudes nè attigit quidem. Munus namque expurgandi animos, Provinciâfque Sanctitati consecrandi, non solum Dei, in monte visi, spectaculo antefertur, sed parum abest quin dicam, eidem præponi, visio possitioque vel apud Superos. Dicant tanè, quantumcunque volent, Isaias & Paulus: *Oculus non vidit, auris non* 1. Cor. 2. *audivit, in cor hominis non ascendit, quæ præparavit Deus diligentibus se.* Non enim ideo inenarrabilis hujus felicitatis immensitate fruuntibus invidere debemus, si modo Salis Apostolici prærogativam teneamus, Mundumque à vitiorum corruptione præstemus incolumem, revocatis præterea Gentibus è criminum sepulchris ad vitam Virtutis. Audite atque obstupefcite Apostolum exclamantem: *Coarctor ex duobus, & quid eligam ignoro.* Ego, inquit Paulus, inter sacrum & saxum, cum Susanna deprehensum me sentio, nec quò me convertam scio. Equidem arbitrabar Apostolum, cum hæc Philippensibus

376 CONVERSIO MORUM VERA  
 scriberet; dubium hæsisse, utrum è ma-  
 jore Dei gloria foret, in Macedonia subsiste-  
 re, aut in Asiam reverti, ac Romam por-  
 rò proficisci. Et verò minimè mirum  
 mihi videbatur, cùm inter Provinci-  
 as, nobilitate, frequentia & rerum ge-  
 starum gloria pares, controversia esset,  
 dubium hærere Paulum, quam potissi-  
 mum peteret, in qua prius Crucis vexil-  
 lum erigeret, jaceretque Evangelij semen-  
 tem. Tum enim verò attonitum me admi-  
 ratio reliquit, cùm intellexi, in eo Paulum  
 hærere perplexum, præstarene corpo-  
 ris custodia eductum, Christi cælo re-  
 gnantis, & radijs coronati, aspectum po-  
 scere potius, quàm terras peragrarè, vi-  
 verèque vel compedes inter & verbera,  
 quò Gentes ad Dei cognitionem addu-  
 ctas porro excoheret. COARCTOR  
 EX HIS DUOBUS, *desiderium habens*  
*dissolvi, & esse cum Christo, manere autem*  
*in carne magis necessarium propter vos.* Sa-  
 tisne autem sani hominis est, inter diver-  
 sas adeò res positum exclamare: QUID  
 ELIGAM IGNORO? Ergo Romam  
 inter

ad Philip. 1.  
 2. 3.

inter ac Cœlum, inter Pelagi tempestates,  
 & alluentis Civitatem Dei Torrentis vo-  
 luptates, inter Neronis demum immitissi-  
 mi Tyrannorum, & Numinis amplexus,  
 institui comparatio potest? Potest profe-  
 ctò, inquit Chrysostomus, neque solum  
 potest, verum carnificum tormentis, sa-  
 xorum imbribus, aspidum moribus, nau-  
 fragijs Oceani, Proconsulum, Prætorum,  
 Cæsarum violentiæ, avaritiæ, crudelitati  
 postponi possunt Angelorum cantica, co-  
 ronæque felicitatis æternæ, cum in imma-  
 nissimis tormentis spes effulget peccantē  
 emendandi. *Manere autem in carne* MA-  
 GIS NECESSARIUM. Et quæ illa  
 caro erat, in qua remanere Paulus susti-  
 nebat? Nempe quam non modò carni-  
 fices flagris laniabant, sed Cacodæmon  
 quoque igneis sagittis fodicabat, irritabāt-  
 que ad scelus. Inter has tamen Inferorū  
 flammæ, & furias Cæsarum politus ex-  
 clamabat: *Quid eligam ignoro.* Sed illo  
 quoque fortius exclamat laudatus Scri-  
 ptor: *Papa! qualis Vir iste est! futura me-* Hom. 4. ad  
Philip.  
*tuis, malis innumeris obnoxius es,* & APUD To. 49, 17.

Aa 5

CHRI.

CHRISTUM ESSE NON VIS? *Non;*  
*ut quos Christo lucrifeci servos*, MELIO-  
 RES CONSTITUAM. Hoc salutis  
 alienæ studio planè incomparabili, chari-  
 tatilque inter homines inauditæ magnitu-  
 dine attonitus, colligit in hunc modum:  
*Hinc viro nec par unquā fuit*, NEC ERIT.  
 Quo in Epiphonemate, ut historiæ suæ  
 fides constet, vaticinationem tamen, bo-  
 nâ quidem Chrysostomi veniâ, probare  
 non possum. Non extitisse ante Paulum,  
 qui pari humanæ salutis studio teneretur,  
 penes anteaactorum temporum Annales  
 iudicium esto, cui ego haud gravatè acce-  
 dam, paratus quin etiam dicere cum  
 Chrysostomo: *Hinc viro nec par unquam*  
*fuit*: at non habuisse deinceps Ecclesiam,  
 qui simili mentis ardore succensus Cœlum  
 differret, nova Religioni regna subji-  
 cendi studio, id profectò dici sinè gravi sicu-  
 li prioris injuria nequit, quò Deus hæc  
 amoris prodigia instaurare inter Orthodo-  
 xos voluit. Ejus Parentis filij sumus, qui  
 non modò cœlestes sibi triumphos com-  
 perendinari æquo esset animo passurus, si  
 mo-



modò , in terra relictus , unam amoliri Dei offensam posset , sed qui salutis suæ incertus , æternæque periculo damnationis obnoxius , versari sustineret inter homines , ità duntaxat , ut in ejusmodi ambiguitate , quæ homini , res æternas suis momentis libranti , non nisi molestissima esse posset , constitutus , exploratum haberet , reducidos ad Numinis obsequium operâ suâ seu multos , seu unum aliquem , qui ab eo defecisset , aut divinas ejus leges contempnisset. *Malle se Beatitudinis incertum vivere, & interim Deo inservire & proximorum saluti, quàm certum ejusdem gloriæ statim mori* Hæc de Ignatio in matutinis precibus Ecclesia recitat. Quòd si ergo tanti est , Mundi Salem esse , ut Apostolus cœlestes voluptates differat , Ignatius vel periculo exponat , quis deinde non ultro fatebitur , non esse inter mortales Ministerium ullum , quod cum nostro venire in comparisonem possit , utique cui Deus ipse , vel in Palæstinis collibus visus , vel inter Cœlites à beata mente possessus , postpositus sit. Quam ob rem cum his

ver-

## 380 CONVERSIO MORUM VERA

verbis compellamur: *Vos estis Sal terræ;* ijs titulis insignimur, quibus majores in Orbe terrarum contingere possunt nemini, qui nomen Apostoli ac provinciam sortitus est.

93. Sed in eo scilicet omnis istius negotij cardo vertitur, ut tanti nominis mensuram impleamus, omnibus affectionibus nostris in eos sensus, quos Servator inelle Heroibus hisce suis cupit, penitus transmutatis. Sal, cujus in Judæa, & in aliqua regione Italiæ usus est, non nascitur, sed in pelago conficitur: quod cum ventis intumuit, paratisque in eam rem arcis superfluum est, subinde, aggerum obstructu retentum, paulatim in Salem duratur. Et certè majorem hanc mutationem vix reperiatis: quippe cum antehac marinæ undæ omni aurâ crisparentur, turbine quolibet concitarentur, irrequietæ semper ac plerumque procellosæ in voragines dehiscere, assurgere in montes, haurire cum vectoribus naves, & vel ipsos Dei immortalis Vates, & Ninivitarum expiatores Jonas, balænis devorandos obijcere con-

sive.

al terra;  
majores in  
nt nemi-  
vinciam

stius ne-  
nis men-  
tionibus  
or inesse  
s trans-  
e in ali-  
nascitur,  
im ven-  
em arcis  
n obje-  
duratur.  
nem vix  
marinæ  
turbine  
semper  
nes de-  
re cum  
mmor-  
res Jo-  
e con-  
sye-

suevissent; subinde Solis radijs extersæ, & in candidissimum lapidem duratæ, nullo flatu moventur, nullo turbine agitantur, nullis navibus noxiæ; sed tranquillâ semper æquabilique constantiâ, indolis probitatem candore testantur, nativamque acrimoniam eatenus solum exserunt, ut corruptionem à corporibus, ab epulis fatuitatem tollant, ut scires non aliud naturæ balsamum, cœlestisque Gratiae Hieroglyphicum esse. Idipsum Ecclesiæ humanisque animis præstat, qui affectuum suorum inconstantiam ac procellas in firmitatem, candoremque Virtutis Apostolicæ convertit: quod Christus discipulis suis significavit, cum diceret: *Vos estis Sal terra.*

94. Id verò mutationis genus ab Operariis Apostolicis jure requiritur. Cum enim, qui mutat, ab eo quod mutatur, diversus esse debeat, conspectaneum est, ut, nisi Nos seculi vanitati vivere penitus desissemus, nullâ ratione possemus profanis hominibus, ambitionis avaritiæq; quibus videlicet rebus ij vitam sustinent, hor-

## 382 CONVERSIO MORUM VERA

horrorem, Christianámque animi magnitudinem ingenerate. Eam verò de pravis cupiditatibus victoriam Messias declaravit expressius, cum hanc Aquæ in Salem mutationem sectatoribus suis declarâsse non contentus, mortem ijs potius naturalium propensionum, quàm mortificationem, proposuit. Frumento proinde Ministros suos in sulcos abjecto, & à pluviis corrupto, comparavit. NISI GRANUM FRUMENTI *cadens in terram* MORTUUM FUERIT, *ipsum solum manet.* Quod tantundem erat, ac dicere: Si Regiones expiare, si Lazaros excitare ad vitam, revocaréque è tumulis operatis, perdomandas perturbationes, inò extinguendas vobis esse scitote: quare, si antehac, in Salem ut vos verteretis, edixi, hominum mentes à corruptelis vitiorum servaturi; nunc jubeo frumenti instar dissolvi atque emori, ut Ecclesiæ agrum, lachrymis sua commissa damnantis, irrigetis, & Cœli horrea animarum messe repleteis. Hæc Dei filius requirit ab ijs, qui Apostolicæ vitæ decus consecretantur. At quis

Jo. 12. 24.

quis nostrum, qui Orbis Apostoli, & utriusque Mundi Servatores, dicimur, id se præstare nobis confirmat? Quis penitus, atque, ut Evangelium monet, emoritur, jacetque immobilis, Apostolicâ morte defunctus? En in Christo mortuorum descriptionem. *Mortuus est*, inquit Augustinus, **QUI, QUANTUMLIBET PULSES, NON EXPERGISCITUR.** Si pulsati non movemur, si palpati non lætamur, si contusi discerptique non ingemiscimus, tùm profecto verè divinèque mortui sumus. Prò quantum Augustini doctrina me terret! Ergòne mortuus dici non possum, nisi pugionibus confossus, concisusque securibus, non modò non indignè aut expallescā, sed si modò exciter atque evigilem? **MORTUUS EST, qui QUANTUMLIBET LANIES, non expergiscitur.** Et deinceps me sensu carere gloriabor, mèque velut sacrum Calvariæ cadaver jactabo, si dicto quolibet tactuque exardesco, & quâcunque scintillâ, vel imminutâ vel periclitantis famæ, ictus exilio; si Apologias armo, & vindictam in-

*Ser. 44. de  
Verb. Domi-  
ni. To. 26. 70.*



inclamo? Dic autem amabo, quod genus hoc mortis est, quæ omnem motum longè persentiscit, & ad omnem injuriæ umbram commovetur? Atqui is, quem dicebam, mortuus nec intelligit, nec meminit, nec amat, nec odit, & interiorum facultatum defuetudine, exteriorem quoque usum amittit: nam nec audit, aut loquitur, aut sentit, aut ridet, aut dolet. Quocunque loco depositus fuerit, jacet inornatus aut comptus, prout alteri visum, nihil vel cupit vel averfatur: nec ullam, nisi in propria damna, vim habet; ex se namque hostes sibi parat, id est vermes generat, à quibus deformetur consumaturque. Quâ igitur ratione, cum communi omnibus moriendi necessitate prostratus sic jaceat, sanctiore quodam, peculiarique mortis genere defunctum se gloriabitur is, qui dudum depositas seculi pompas mente retractat; qui consanguineos, è quorum sinu aufugit, amare prosequitur; qui de patria, quam Christo postposuit, magnificè dislerit; qui non modò ea, quæ patitur, videt, sed quæ in  
fu-

futurum se passurum somniat, multò antè prospicit? Quid si plura quoque, quàm dicat, persentiscat; plura quàm audierit, reponat? qui, nè contactus quidem, exclamet? qui mollia inter & aspera discrimen statuatur? imò mel amarum, vel dulce, reputet, Evangelicæ quietis pertæsus, cupidusque veteri Mundi labyrintho implicari, & vertigine circumagi? Quò pacto Solymis, inter sacri thuris vapores, obuius, si vivaciores modò sumus, quàm cum olim, paleas inter Ægypti lateresq; fu laremus anhelis? Illóne autem in mortuorum numero reponemus, quorum orexim, vel sòlus veterum ollarum fumus, tam fœc lūm in morem stimulat, ut Contemplationem, veras Cœli delicias, & Pœnitentis animi sensus (vavissimos, divini Manna Sacrarij, Angelis remittant? Sumus profectò sepulti, quando in Domo Dei, hoc est in sacro Christi sepulchro, sumus, quod juratæ Perseverantiæ grande saxum premit, solà denique communi omnibus Anastasi removendum. Sed enim mortui proculdubio non sumus, si, omni

loco ac tempore, augendis commodis nostris invigilamus tam attentè, totque oculos, ad aliena emolumenta pervidenda, nobis invidia recludit. Magnopere vereor, nè in aliquem nostrum, si quidem in tanto numero egregiorum Dei servorum est vel unus ab his diversus, cadat id ipsum, quod Seneca ignavis quibusdam Romanis objicit, qui Cæsarum ferendæ Tyrannidi jam impares, pugionem pectori admovebant, aliquando tandem servitutem, ut videbantur, exituri; nunquam tamen eum demittebant in viscera, vel summam cutem perfringebant: adeo scilicet mortem horrebant, & cruorem averfabantur.

*Plerique inter mortis metum, & vitæ tormenta, miseri fluctuant:* ET VIVERE NO-

LUNT, ET MORI NESCIUNT.

Videbitis interdum, adolescentes illustres ortu, & ad omnia summa natos, è paternis ædibus se protipere: ac rebus juxta spebusque omnibus conculcatis, ad hunc nostrum Calvariz Montem properare, non alio consilio, quam ut Christi Cruci affixi mortem simili exitu repræsentent.

Sub-

*Lib. 1. Ep. 4.  
ad Lucil.  
To. 9. 13.*

Subinde tamen, objecto qualicunque clavo, gradum referunt, spinâ qualibet puncti aguntur in fugam, solâ denique Crucis umbrâ exanimantur. Quibus quidem verbis caveo potius, nè quid ejusmodi eveniat, quàm, quòd eveniat, reprehendo. Et cur obsecro huc convolaſtis, si cruci affigi propositum non erat? An non ij vos eltis, quos ridet Philosophus, atque eadem probra ingerit. *Et vivere nolunt, & mori nesciunt?*

95. Sed eò major istorum calamitas est, quòd in Calvario pejus moriuntur, qui vel Crucem fugiunt, vel utcunque amplexi, centumque confixi clavis, nunquã tamen emoriuntur, in trabe distendi, conficique vulneribus vitam putantes. Nam qui in hac Domo positus, in qua cum totius Urbis admiratione felicem plerique mortem appetunt, non generosè semel vitam projicit, desideriaque sua omnia immolat, is momentis omnibus animam agit, æqualibus invisus, à Præsidibus, ejusque calamitatem miserantibus, ad mortem nullo non tempore adactus. Potest-

ne autem placere alicui pœna tam atrox, assidua, probrosaque, cum liceat voto consequi, quod optamus; & excusso pravarum cupiditatum iugo, in beatæ mortis libertatem se asserere, idoneosque redere ad quatrduanos omnes, quos deplorat Ecclesiâ, revocandos in vitam? Temperare mihi hoc loco nequeo, quin pares, cum Ethicorum Principe, affectus induâ, admirationis indignationisque, quibus ille homines quosdam est persecutus, qui, cum videri in publico sinè ignominia notis, & maximarum calamitatum appendice, non possint, exiguas tamen vitæ reliquias, vel ab ergastulis crucibusque emendicant, utque unum alterumve mensem Spiritum protrahant, millies quotidie mori non gravantur. QUID TAM FOEDA VITÆ MENDICATIO?

*Fp. 101. ad  
Lucil. To. 29  
263.*

*Invenitur, qui malit inter supplicia tabescere,  
& perire membratim, ET TOTIES PER  
STILLICIDIA AMITTERE ANI-  
MAM, QUAM SEMEL EXHALA-  
RE? Invenitur, qui velit adactus ad illud in-  
felix lignum, jam debilis, jam prævus, &*

*in*



*in fœdum scapularum ac pectoris tuber elisus, cui multa moriendi causa, etiam extra crucem, fuerant,* TRAHERE ANIMAM TOT TORMENTA TRACTURAM?

Continere nos à fatalis montis ascensu debueramus, si mori, & in Cruce Spiritum profundere, propositum animo non erat. Non alia res tantum hominibus pavorem injiceret, armatòque exercitus ageret in fugam, quàm si politum in sandapila cadaver, manum attolleret, oculumque aperiret simul clauderetque. At nec ille fato functus esse dicendus est, cujus, licèt multa membra torpeant, jaceantque sine motu caloreque vitali, unum tamen sensu non careat. Spiritus licèt arètè means interruptusque. arteriæ quanquam formicantis ictus, cordis etiam tenuissima palpitatio, vivos esse demonstrat, &, ut mortui proximos, ob tantam virium imbecillitatem, fateamur, mortuos negamus: atq; adeò vitæ compotes, & beatitudinis expertes, pronunciamus. Ærumnas, egestatem, labores non sentis; sed injuriâ qualibet commoveris. Strictos in te gla-

## 390 CONVERSIO MORUM VERA

dio vides, nec vitam æstimas: at quanta  
 tibi cura est, nè primò inter Collegas lo-  
 cò deturberis. Innumerabilium rerum sen-  
 sum periclitile non est satis, ut nomen no-  
 strum in eorum Catalogum referatur, de  
 quibus dicitur: BEATI MORTUI, *qui*  
*in Domino moriuntur*, si modò unicuiquam  
 rei vivamus. Qui verè vitâ excellerunt,  
 perinde ad pœnas & voluptates, hoc est,  
 nulla ratione afficiuntur. Neque cadave-  
 ribus sensus inest, neque Cruci affixis mo-  
 tus, neque procella Sali. Postquam nos  
 cum Christo confixos Cruci esse professi  
 fuimus, in qua, sub prima vitæ melioris  
 exordia, in Patris æterni manus Spiritum  
 exhalavimus; si deinde vel pedem refiga-  
 mus, vel manum exsolvamus, vel è capite  
 spinam excutiamus, vel ore verbum unû  
 VOLO, aut NOLO, proferamus, vel de-  
 nique latus ab imminente ictu subtraxeri-  
 mus, Calvarium dehonestemus necesse  
 est, eo loco nos vivere demonstrantes, ubi  
 nos obiisse gloriabamur. Caveamus, nè  
 intermortui magis, quàm mortui videamur.  
 Id quod statim patebit, si, odora-

to liquore asperſis, ſenſus atque animus redeat, plauſuque excitemur: ſi vel leviter iſti exiliſimus in pedes, adverſariūque totā virium contentione repellimus. At neque in noſtro jam arbitrio poſitum eſt, velimūsne, necne, in candidiſſimum Salem obdureſcere, poſtquam tanto impetu ejeſti è pelago fuimus. Dum aqua Marina in Oceano fluctuat, uniones gignere, coralia efformare, ſuccina conglutinare, mergerèque navigia poteſt: at verò in foſſas ſemel derivata, niſi in Salem, agitationis omnis expertem, & pariendis margaritis ineptum, concreſcat; quid niſi palus erit, mephitim totā latè viciniā ſparſura, peſtēmque aſſatura? Nihil vetabat, quin paternis in ædibus Majorum noſtrorum hæreditate fruermur; avorūque noſtrorum gloriam non æquaremus modò, ſed vinceremus: licebat, primos in Cœnis accubitus, nobiliſſimarum Cathedralium laureas, Magiſtratus Forique principatum, Præfecturas adminiſtrationesque Provinciæ, immortalitatem nominis, quam tot alij vel ſanguine bene

comparari existimârunt, confectari. Olim ista licebant. Sed enim intrâ religiosos parietes omnis gloriæ, commoditatis, excellentiæ, vel levissimâ moderatissimâque cupidine, usque ad infamiam, dehonestamur. In Salinis positos alteruter exitus manet; aut enim foetore accedentes examinemus, aut corruptionem ab ijs, qui nobiscum versantur, arceamus necesse est. Aut Salem mundi, aut pestem nos esse oportet, quando, à Mundo secreti sumus. Si autem Sal videri volumus & esse, id doctrinæ soliditate, candore morum, efficacitate virtutis, & cuiuscunque formæ figuræque receptione monstrandum est. Nam seu Sali coronam, seu catenam imprimas, utriusque imaginem eâdem fide accipit, eâdem retinet. At dum Maris unda natarer, nullam, licet ferro impressam, figuram servabat. Postquam induruit, & comminutus in pulverem est, quamcunque libuerit formam dare, acquiescit, datamque fideliter reddit. Hæc illa æquanimitas est, quam à nobis Christus postulavit, cum Apostolos, & in ijs nos allo-

cu-

cutus dixit: *Vos estis Sal terra.* Hanc imperavit, cum nos non tam voluit mortificatos, quam mortuos. Hanc destituti, non modo hominum mentes incorruptas non præstabimus, sed corrumpemus, & pravis exemplis in exitium trahemus. Non jam fas nobis est esse, quales nos vel natales vel fortuna finxerunt. Ac proinde, quod fabuloso Icaro Synesius Episcopus Cyrænenlis occinuit, ingeminandum unicuique vestrum existimo: cujus quidem adolescentis, fortunæ non minùs celebris, apud superstitosam antiquitatem memoria est, quam recondita disciplina. Cave, inquit gravissimus Antistes, infelicè terræ transfugam allocutus, nè in eo, quæ cœpisti volatu, pedibus utâre: postquam aërem, quam terram, maluisti percurrere. Nam si volare desieris, nec illud, quod maluisti, Elementum tenebis, nec, quod dedignatus es, unquam recuperabis. *Postquam Icarus pedum usum dedignatus est, repente* AERETERRAQUE EXCIDIT,  
QUORUM ALTERUM RESPE-



394 CONVERSIO MORUM VERA  
XERAT, ALTERUM NON EST  
ASSECUTUS.

96. Video Tyrones, qui me audiunt, præstituti sibi muneris sublimitate partim exultare, partim imminentibus periculis, nisi ad Apostolicæ virtutis, in cuius stadio currunt, metam perveniant, magnopere commoveri. Audire mihi videor firmes nos compellantium voces:

Act. 2. 37.

*Quid faciemus Viri fratres?* Quibus proculdubio responderet Petrus: Hoc agite, & quando in Salinis estis, in Salem concresecite, ut vobis juxta & de vobis dici queat: *Vos estis Sal terra*: In quem abir vel aqua, si solaribus radijs siccare se purgarique sustineat. Verum nunquam ea vel stiparetur, vel candesceret, si cœlesti luci, nativum sibi humorem exsugenti, repugnaret: multoque minus naturam mutaret, si riparum, quibus coercetur, impatiens, & canalium angustias exosa, pristinam cum mari societatem iniret, aut in apertos campos effusa, dispergi mallet atque vanescere. Faxint Superi, nè idem alicui in his Christi Salinis eveniat, quod in Balenæ ventre

accidit Jonæ. Talis planè è baratro Mon-  
stri egressus is fuit, qualis intravit: & quo  
loco lapides ac metalla liquabantur, Va-  
ti, nè pilus quidem, est immutatus. Si-  
mili habitu corporis, colore vultûs, robo-  
re membrorum, totus denique, quantus  
erat cùm absorptus esset, terræ redditus  
*Jonas*, inquit Tertullianus, *devoratus à* *De Resur.*  
*Belua Maris, in cujus alvo naufragia digere-* *Car. To. 58.*  
*bantur, triduo post* INCOLUMIS EX-  
SPUITUR. Id porro, quod Divinæ  
Prudentiæ Clementiæque prodigium at-  
que opus fuit, in nobis obstinatissimæ con-  
tumaciæ portentum, & detestabilis igna-  
viæ monstrum foret, si non quidem post  
tridui moram, sed post duorum annorum  
spatium, ex hoc Sacrario, nihil à nobis di-  
versè egrederemur. Neque verò spes ulla  
superest cauſandi, ad Metamorphosin  
ejusmodi efficiendam, non satis valuisse  
loci Naturam: cùm palàm sit, hinc pro-  
diſſe tot Orientis Apostolos, Occidentis  
Doctores, Ecclesiæ Martyres, supremos  
Ordinis Moderatores, tot Duces non no-  
bis duntaxat, sed toti terrarum Orbi, ve-

nerabiles. Perit omnis defensio, cum in hac Salina, primo statim in eam ingressu, vestrum tam multi, tam feliciter, sint mutati, ut fidem faciant fore, ut quantocyus in viam sint errantes reducturi. Accedit, quod nunc quoque integerrimæ vitæ exemplis, gravitate sermonis, consiliorum magnitudine, cupiditatum pravarum excidio, delictorum sanctitate omnes, à quibus spectantur audiunturque, & in Apostolicis facinoribus juvantur, ad virtutem accendant ipsi quoque, ut Magdalena quondam, Apostolorum Apostoli, & prodigiosus Sal salis terræ appellandi. Quam ob rem quisquis hic non transformatur, negligentiam propriam inquiet, seque ipsum peragat reum. Nam si virtutis ardorisque defectus è loci frigore proveniret, nemo hic arderet, algerent omnes. Nunc verò cum tam multi proficiant, ac pæne omnes immutentur, quisquis divinâ quadam flammâ non consumitur, is turpissimam frigoris pertinaciam mentis algori adscribat, nihil ultra vulgarem modum cupientis.

97. Huc facit, quod Plinius narrat, in Hispaniensi agro geminos fontes, totidemque stagna reperiri, tam conjuncta loco, ut vix alterum ab altero dignoscatur: sed naturâ tam diversâ, ut, cum in illud quidquam injeceris, continuò mergatur, voracique fundo hauriatur, nunquam posthac dimittendum ejiciendumque in littus: hoc contrâ, nè gravia quidem onera sinu recipiat, sed aliquamdiu sustentatum, quidquid illud est, in ripam revomat. *In Carrinensi Hispania agro duo* Lib 2. Nat. Hist. *fontes juxta fluunt*, ALTER OMNIA RESPUENS, ALTER ABSORBENS. Tam avidos monitorum aliquos reperies, & imperiorum omnium reverentes, ut, quicquid moneantur, quod vel generi vitæ conveniat, vel ad incrementum virtutis facturum videatur, arripiant continuò, tantâque mentis aviditate amplexentur, ut moderatoribus suis necessitatem imponant, frenum adducendi, nè, si spatia isti laxaverint, ultrâ, quàm par sit, illi procurrant; hinc non rarò prætereunda silentio existimant, cæteroqui necessaria, nè plus

## 398 CONVERSIO MORUM VERA

plus etiam, quàm fuerit imperatum, auditores exequantur, moderationis ac prudentiæ terminos prætergressi. Eadem causa est, quòd studiosos adeò Discipulos, eorum librorum lectione prohibeant, qui Crucis Disciplinam, hoc est, exquisitis sese supplicijs excrucianti rationes explicant, sibi què plus quàm Pythagoræum silentium imponant, si quando ab alumnis tam alacribus promptisquè rogantur, quantâ poenarum siti par sit Christi sectatores inardescere. E contrario quantumcunque aliorum torporem stimulent, officij commoneant, necessitatè què inculcent immoriendi Crucis, clavorumquè asperitatem constanter sufferendi, nihil promovent, & nè spinarum quidem iis patientiam, aut rudia quæpiam invaumenta mortis persvadent. *Alter omnia respuens, alter absorbens.* Est, qui omnia complectatur; est, qui nihil non excutiat. Alius principio statim candidissimum Salem refert; alius, nè post mentes quidem & lustra, naturam exuit, & gravibus duntaxat sceleribus abstinuille contin-



rentus, eandem planè licentiam sensuum,  
aut etiam majorem mollitiem, volubilita-  
témque animi retinet, quàm secum è se-  
culi pelago, in Religiosi Ordinis Areas tra-  
ductus, attulerat.

98. Neque híc ego vel Tyrones, vel  
Veteranos audiam, si jaçent, parùm ipsis  
ad eam Perfectionem deesse, quam hujus  
vitæ genus postulet. Parùm quippe aut  
nihil interest, ad plenam animorum no-  
strorum transformationem propè propiùs  
accessisse, si non omnino perveneris.  
Quæro enim : cadente de cælo grandinis  
imbre, an non perinde contundetur, qui,  
tecto proximus, sublicio duntaxat ponte  
arcetur, ac, qui aperto in campo deprehen-  
sus, procul adhuc ab urbe plurimum inter-  
vallo stadiorum abest ? *Nihilò secius enim  
extra viam sub dio versatur is, qui juxta os-  
tium foris stat exclusus, quàm qui eminus ad-  
huc labore itineris conficitur.* In hanc senten-  
tiam scripsit eruditus ille, sed sceleratissi-  
mus Ludio, Christianæque Religionis de-  
sertor, indignus proinde qui in Domo  
Christi nominetur.

*Lucian. de  
Sæctis. To. 68.*

11

400 CONVERSIO MORUM VERA

At, inquires, si hæc ita se habent, nimis profectò difficilis hæc Servatoris imitatio, Calvariique montis habitatio futura est. Estò sit sanè illa difficilis, sed eò est quoque palmarum fecundior, digniorque coronis. Id duntaxat cavendum, nè de semita te, obice ullo, qui fortè se offerret, seduci patiaris. Mugitus, magnitudine doloris expressus, alacritatis decus, præmiùmque luctus neutiquàm imminuit. Num verò nò præstabimus, quod Philisthæis animantibus contigit, Dei arcem vehentibus Bethsamen? Porro Vacca IBANT in directum, PERGENTES & MUGIENTES. Patiar te mugire, si modò curras: mutationis sensum non adimo; fiat tamen: feram recalcitrare carnem, dum Spiritus vincat. MUGIENTES, sed PERGENTES. In cujus Historiæ serie perseverantia boum in gradiendo, cursusque constantia priùs describitur, ac subinde dolor mugitusque memoratur. Haud equidem veto quenquam, sub Crucis jugo ingemiscere, sed ferre nihilominus cupio: non nego Salinarum areas angustas esse, sed mo-

1. Reg. 6.

habent, ni-  
vatoris imi-  
itatio futu-  
s, sed eò est  
digniorq;  
um, nè de  
se offerret,  
tudine do-  
s, præmi-  
Num verò  
is animan-  
ibus Beth-  
*directum*,  
ENTES.  
as: muta-  
amen: fe-  
n Spiritus  
ERGEN-  
erseveran-  
que con-  
nde dolor  
equidem  
ago inge-  
upio: non  
esse, sed  
mo-

monco neminem, qui in ijs non duraverit,  
indurandum, & in Salem solidandum es-  
se. PERGENTES & *mugientes*.

100. Verùm ego plus, quàm par  
erat, imbecillitati nostræ indulgi; quippe  
cùm Paulus testetur, Hilarem datorem à  
Deo diligi, metus mihi aliquis oboritur,  
nè Deo ingrati sint gemitus dolorésque,  
inter quos ipsi nos victimas mactamus.  
Aqua certè in Salem mutatur placido ca-  
lore Solis exteriora citra strepitum, strido-  
rémve. Frumentum in terra emoritur  
finè gemitu. At singultus illi, illa mem-  
brorum jactatio, supremique illi animæ  
agentium, Deoque resignantium anhel-  
tus, circumstantes exterrent, & pertur-  
bant morientem. Qui autem placidè  
Spiritus Cœlo transmittit, invidiam vi-  
ventibus facit, & mortis desiderium, vel  
in valentibus, accendit. Ipsi quoque Bala-  
ami venefici atque Idololatæ, spectaculo  
ejusmodi commoti, exclamant: *Moriatur*  
*Anima mea morse Iustorum.* Optarem ita-  
que Conversionem nostram Morti simili-  
mam esse, sed morti ejusmodi, quam Ste-  
phas

Numb. 23. 10.

phanus inter saxorum imbres obijt , sopitus magis quàm extinctus. **OBDORMIVIT in Domino.** Cuperem sic unumquemque nostrum animo mori , ut Paula, Hieronymi scriptis consecrata, corporis vitam finivit. Animam simul agebat venerabilis Matrona , simul cantabat , & vicinæ mortis horrore in Epithalamium mutato , psallebat pariter , pariterque moriebatur. *Illos versiculos susurrabat : Domine dilexi decorem domus tuæ. Animâ que erumpere gestiens IPSUM STRIDOREM, quo mortalium vita finitur , IN LAUDES DOMINI CONVERTEBAT.* Prò quàm felix foret excessus noster , si , dum in Apostolos fingimur , pro gemitu risum daremus : si afflicti exultaremus , si contempti, calumnijs injurijsque petiti, & perpetuo religiosæ Disciplinæ jugo gravati, probra gloriam, tormenta triumphos appellaremus , mortem denique , pro Sanctitatis consecutione ultrò susceptam, immortalis vitæ principium arbitraremur. Tum enim verò Sal Terræ, hominumque Servatores foremus , citra doloris poin-

pam,

Ep. 27. ad  
Eustoch.

Virg. To 17.  
154.

pam, citra inconditorum motuum ostentationem, Imitatores Christi effecti, qui morte suâ Mundi salutē reparavit, vitamque in ipso Mundi exordio defunctis restituit. *Vos estis Sal Terra.* Illud subinde notate, Salem Ecclesiæ, si naturam non servet, non modò Apostolici nominis gloria excidere, sed in infamiâ, vel pessimis invisiâ, degeneri conversione prolabi. Infatuato proinde Sali Christus præmia denegat, minaturque supplicia. Nam si ad arcendam corruptionem, immortalitatemque conferendam vigore destituatur, illorum quoque pedibus conculcabitur, quorum non temperavit affectus. *Ad nihilum valet ultra, NISI UT MITTATUR FORAS, & conculcetur ab hominibus.* Quam ob rem si tanta degeneres animos opprobria manent, si tanta his, qui se Terræ Salem efformant, præmia servantur, reliquum est, ut seipsum immutet, qui inchoat; qui inchoavit, nè mutetur, provideat: omnes autem curent, ut de se dici possit: *Vos estis Sal terræ.*



EXHORTATIO  
XLV.

## In Octava Epiphaniæ.

Procidentes adoraverunt eū,  
& apertis thesauris suis obtulerunt  
ei munera, Aurum, Thus & Myr-  
ram. *Matth. 2.*

**S**anctorum Regum liberalis in Chri-  
stum animus, & Herodis contem-  
ptor, vim suam inde traxit, quod  
Divinum Puellum prius, quàm mu-  
neribus colerent, adorârint. Nunquã  
Cœnobium vel deſererentur, vel fastidio  
forent, ſi ad ea cognitione magis tra-  
heremur, quàm affectu. Ideo ſum-  
mum Sacerdotium Petro, non Joanni,  
collatum eſt, eò quod hic amore, ille in-  
telligentiã, præſtiterit. Eloquentior  
ceteris a-vibus Pica, quod non edifcat

modo, quas percipit voces, sed apud  
 se digerendo suas quodammodo faciat.  
 Mutat figuras speculum, quia non pro-  
 ducit, sed accipit. Non sic arbores: ali-  
 mentum enim in poma convertunt.  
 Quàm facile Moysen Hebræi sunt se-  
 cuti, tam nullo negotio deseruere. At  
 Samaritanis constans in Messiam cul-  
 tus duravit, quando ipsi ejus Divi-  
 nitatem sibi approbârunt. Is Tyro vir-  
 tutis tenorem servabit, qui non solo  
 Sodalium exemplo, nec loci duntaxat  
 sanctitate motus, sed attentâ omnium  
 actionum suarû consideratione aver-  
 satur delicias, & erumnas confectatur.

IOI.



Uis non admirerur trium  
 istorû Regû munificentîâ,  
 qui exoneratis, in recens  
 nati Servatoris cunas, unis  
 suis, mortalitati præfidiû; cultumq; divini-  
 tati parârunt, hinc Indicis metallis, inde

nobilissimis Arabum aromatibus ingestis?  
 Igo vero tantarum opum profusionem  
 Bethlemi seu stabulo, seu tugurio impen-  
 sum, ut non contemno, qui enim id aulim?  
 ita longè magis ea existimo, quæ stabulo  
 digressi, & ab Infantis præsentia remoti  
 patrarunt. Tum enimverò sanctissimo-  
 rum Regum fortitudo, constantiæque in-  
 victa prorsus emicuit, cùm periclitantis  
 Messia securitati consulturi, Herodem, à  
 quo Hierosolymis expectabantur, regial-  
 que ejus ades neglexerunt; cùm vitam  
 fortunâsque suas Tyranni, delusum se fre-  
 mentis, ferociæ objecerunt; cùm Synago-  
 gæ furjs Angeli monita præhabuerunt;  
 cùm denique, in sua quisque regna reversi,  
 per subiectas sibi Provincias, egentissimi  
 Infantuli Divinitatem vulgârunt, & pro  
 ejus rei fide vel vitam posuerunt, vel, si ni-  
 hil amplius, exegerunt constantissimè,  
 Dei-Hominis primi Evangelistæ. Hæc il-  
 la facinora sunt, ob quæ tres Orientis Re-  
 ges seu per mihi memorabuntur; semper  
 colentur. Res profectò difficillimas eo-  
 dem tempore susceperunt Heroës fortissi-  
 mi

mi, quales erant, Theſaurus profundere, Angelos audire, Tyrannos negligere, pericula contemnere, impiorum conjurationibus, & vicinorum infidijs regna ob-  
 jicere: eaque omnia magnis animis, religio-  
 ſa pietate, Apoſtolica fortitudine ſunt exe-  
 quuti, quia, priuſquam Chriſti præſepe  
 odorum, aurique muneribus, obſervantiæ  
 ſuæ tributo, venerarentur, Divini Numi-  
 nis dignitatem, cui avitarum opum déci-  
 mas, nullo privati incoĩnodi reſpectu, con-  
 ſecrabant, infinitam dignitatem aliè in  
 animum demiferant. *Prociðentes adorave-  
 runt eum.* Hinc pronum ijs fuit, gratiam  
 iraque Ierodis, obſequia omniaque Judæo-  
 rum, longinquorum itinerum incommo-  
 da, ſubditorum factiones ſecellionelque,  
 ſpretos iè, & ob inauditam Hominis ali-  
 cuius divinitatem relictos querentium,  
 poſtponere illius Pueri cultui, quem Deũ  
 credebant, & Dominum agnoverant.  
 Et hæc quidem prodigia pietatis in nobis  
 quoque inſtaurarentur, ſi nos non minùs  
 atque illi, antequam Nato Servatori no-  
 ſtra, noſque ipſos dedicaverimus, omne in

## 408. RELIGIOSÆ VOCATIONIS

co studium collocaremus, ut penitus intelligeremus, quàm ille dignus obsequio, quamque beatum sit, ad ejus pedes deponere tum illecebras sensuum, tum patri-  
monij amplitudinem, tum denique amo-  
res omnes, cupiditatésque universas. Et  
quis non videt Regum donis nostra fuillè  
potiora? non enim paucula thuris grana,  
neque myrrhæ aurique particulam aliquâ  
in Servatoris Prætepe coniecimus, sed pa-  
ternas opes, quæ nos manebant, univer-  
sas, Civilis vitæ commoda, charissimo-  
rum parentum blanditias, honorum, ma-  
gistratuûmque spes omnes, libertatem,  
voluptates, & quicquid promittebat Mun-  
dus, iniecimus. At non perinde certum  
nobis est, fore, ut præsentem animi ala-  
critatem novis subinde ardoribus exagge-  
remus, id quod illis, de quibus sermo est,  
Magis evenit. Fieri enim potest, ut no-  
strum aliquis veræ illius, vivæque cogni-  
tionis fundamento destitutus in ijs, quæ  
agit, etsi Orientis Principes vincat, si rem  
ac munus per se spectes, multum tamen  
ijs concedat modo formæque donandi,  
quip-



quippe qui careant penitiori cognitione, stabiliq; amore tum in Christum, cui famulantur, tum in Societatem, quæ Servatoris quasi vicaria, eorum obsequia muneraque admittit. Ego proinde ut Donationibus nostris, utcunque liberalibus atq; magnificis, pretium ac nobilitatem addam, tum meipsum, tum vos omnes ad eorum, quæ quotidie in Domo Dei perficimus, intimam cognitionem, singularemque venerationem excitare studebo: consecuturus videlicet, ut quemadmodum dici de nobis potest: *Apertis thesauris suis obtulerunt ei munera, aurum thus & Myrrham*; sic muneri pretium & animam addidisse videamur. Et id quidem effectum dabimus, si laudes promerehimur, quibus celebrati sunt Magi. PROCIDENTES ADORAVÉRUNT EUM. Illi profectò, Sanctissimorum Regum exemplo, & magna gerunt, gerentque majora, qui, priusquam urnas ac munera resignent, hoc est, antequam Deo placendi studio sibi vim inferant, aut seipsos illi consecrent, religiosarum observantiâ Legum, Crucif-

## 410 RELIGIOSÆ VOCATIONIS

que in humeros receptæ patientiâ, id agent, ut in rei, quam suscipiunt, excellentiam, & Domini, cui se addicunt, maiestatem animum intendant, penitusque defigant: utique cum Perfectionem Apostolicâ æstimatio potius ac cognitio, quam difficultas Actionis, absolvat. *Adoraverunt eum.* En tibi fontem auriferorum fluminum, Servatoris cunas alluentium. *Et apertis thesauris suis, obtulerunt ei munera, Aurum, thûs, & myrrham.* En opes, quas sibi detractas, involuti fascijs pueruli egestati, præsidium esse voluerunt. Et quoniam hæc duo sic inter se colligantur, ut si alterum præcesserit, alterum subsequatur, hinc in hac vespertina allocutione mutuò nos excitabimus, ut quidquid agimus, summâ cognitionis amorisque perfectione peragamus.

102. Ut intelligas, quanti referat, ad Virtutis stadium ritè decurrendum, nôsse, quid agas, & cuius gratiâ id agas, satis est certamen honoris ac dignitatis, à Christo Competitoribus Principatûs oblatum, intueri. Decreverat is Succenore

DIGNITAS ÆSTIMANDA. 411

renunciare aliquem, qui ab excessu suo Ecclesiæ summa cum potestate præfesset, Orbisq; Christiani imperium, Pontificis maximi nomine, proximo post Deum immortalem loco, administraret. Quam verò ille Virtutem vobis exegisse videtur, cui Dignitatem Divinæ suppærem conferret? num Paupertatem, quam ille præcipuam nascenti, ac subinde inter promissæ felicitatis principem obtinere locum voluit? Non sanè. An, quando ipse ignobilis obscurusque tricenos vitæ annos, trësque postremos neglectus vulgò, spretus, irrisus exegit, vitamque inhonestissimo mortis genere, geminos inter latrones, absolvit, illi Claves cœli habendas dedit, qui quàm modestissimè de se sentiret? Nè id quidè. Quid ergo? potuitne Virginis filius Virginique Dux, non illum gregi suo præficere, qui cæteris integritate vitæ munditiæque præstabat? Poruit. At enim si hæc præclarissimarum Virtutum decora throno arcentur, ejus utique fortitudini constantiæque Regnum deferetur, quem acerbioribus tormentis excarnificandum,

## 412 RELIGIOSÆ VOCATIONIS

aut diutorem sibi carnificem exstiturum noverat, eo vitæ genere delecto, quod omnium cruciabilissimum ad Magistri pœnas proximè accedat, isque adeò Christi Cruci affixi Vicarius erit, qui seipsum duriori Cruci suffixerit. Hic quoque Divinatio nos fecellit. Non enim Tiara Pontificia, vel candentium laminarum, vel spinæ Coronæ, præmium est. Quis crederet? Deus ille, qui eam ob causam Cælo Terram præhabuit, ut mortales patri-monia, seque ipsos abjicere doceret, ut catenas injiceret, Cruces imponeret, ut Sectatores suos ad perpetuam quandam tum corporis, tum animi laniam in-formaret, eum imperij hæredem scribit, Ora-culorum suorum interpretem, Legis suæ custodem, Arbitrum Judicemque, exercituum suorum Imperatorē Principem-que renunciat, qui Divinitatis suæ arca-na intropexisset accuratiùs, cuique ple-niorem de ijs cognitionem Pater cœlestis communicasset. Interrogatis igitur Apo-stolis quid de ipso sentirent? cum Petrus filium Dei fassus esset, cæteris popularis

fa-

famæ ambiguitate in diversa tendentibus, illum Ecclesiæ Principem dixit, & Scepri regalis in vicem, geminas tum gloriæ, tum supplicij Claves in manus tradidit. *Tu es Christus filius Dei vivi* magnis vocibus testanti Petro, continuò in eadem Cesareæ planitie repositum ab illo fuit: *Tu es Petrus, & super hanc Petram ædificabo Ecclesiam meam, & tibi dabo claves regni cælorum.* Perinde, ac si diceret: Equidem opto à familiaribus meis, regnæque optimatibus contemni divitias, honores negligi, ferri supplicia, cupio eosdem voluptatû omnium hostes, blanditijs juxta minis que insuperabiles, Mortique invictos esse. Sed hæc omnia summa cum laude consequetur, cui Dignitas mea planè perspecta fuerit. Petrus proinde, qui penitus in perfectiones meas aciem intendit, semper quoque mei erit amantissimus. Hinc idem aptissimus erit, ad cujus pedes patrimonia sua deponant Neophyti, certi nihil ab eo in proprios usus avertendum. Idem Pharisæis concidendum tergum offerat, citiusque Tortores verberando, quàm ipse

*Math. 16. 18*



nomen meum prædicando lassabitur. Consequetur in hortum me, solusque adversus Pontificum agmen defendet. Enavi defiliet, perque calcatas undas viæ compendium quæret, quò promptius ad pedes meos accidat: veneficos ex aëre detrahet, nihil populi terrarum Domini furias, aut Romæ falces moratus: Evangelium disseminabit, vel Neronis ingratis, nec dubitabit, capite deorsum verso, Crucis suffigi, mortemque meâ causâ oppetere. Tantum in animos hominum potest Divinæ Majestatis cognitio, ut, si modò scilicet placituros arbitrentur, flagris consiliâ triumphent, crucibusque suffixi divinas inter laudes expirent.

103. Hinc est, quòd Dæmon nostro in Virtutem amore non magnopere moveatur, si modò quid partium nostrarum sit, quid Vocationis nostræ sublimitas postulet, meminisse non patiatur. Novit ille, simul omni virtutum ornatu nos spoliandos, cum hebetatam mentis aciem a rerum divinarum cognitione, cœlestiumq; præmiorum consideratione abstra-

xerit. Quamobrem Christus, neglectis quodammodo Discipulorum virtutibus, solam in ijs perfectionum suarū cognitionem præcipuè commendavit, non ignarus, si ea mentem illullret, consiliorum suorum executionem in expedito futurā. Pariter Cacodæmon præstantissimam hominis partem, Intelligentiam videlicet, aggredditur, certus, quamprimū hanc arcem occupaverit, arma continuò à nobis deponenda, cæptosq; labores abrumpendos esse. Idiptum Servator Alumnis suis prænunciavit, cū omnes Sathanæ insidias in mentis oppugnatione consumi docuit, quippe qui nōrit, cū Divinæ lucis radios interceperit, reliquorum se, nullo repugnante, potiturum. *Cū fortis armatus custodit ATRIUM suum, in pace sunt ea, quæ possidet. Si autem fortior eo superveniens vicerit eum, universa arma ejus auferet, & spolia ejus distribuet.* Quam Parabolam Gregorius Nazianzenus breviter juxtā graviterque exponens, Fortem Armatum Humanam Mentem, æternis munitam rationibus, interpretatur. Quam  
ful-

*Luc. II. 26.*

fulgorem cū Tartareus Hostis offusā caligine infregerit, nullo negotio illam sui juris efficit, mittitque in compedes. Subinde ceu vacuum defensoribus arcem ingressus, improvidis captivis omnem Interioris Virtutis ornatum diripit, cineremque, cilicia, flagra, ferreas catenas, setolas zonas, ipsam denique sanctissimi cuiusque Anachoretæ speluncam, Hastæ subijcit, acerbissimæque voci Præconis. *Regnum prius dividi oportet*, inquit Gregorius, *atque* *ut à FORTEM, scilicet RATIONEM, quæ in nobis est, tentari AC LIGARI, AC TUM VASA DIRIPI.* Quæ si vera sunt, næ illi miseri sunt atque infelices, qui in solam virtutis speciem, & exterioris demissionis asperitatisque lucrū intenti, sibi perivadent, cū attrito corpore, oculis modestè dejectis, ore taciturno, manibus vel in cœlum vel ad laborē protensis, ex hac domo digressi fuerint, se virtutis constantiâ perfectioneque prima Virtutis religiosæ Exemplaria æquatuos. Nempe non vident miseri, & internis luminibus defecti, futurum, ut quamprimum

Phi-

Orat. 14.

To. 115. 121.

Philosophorum scripta in manus sumpserint, Evangelij Codicem abjiciant, & vanitati Crucem, clavosque Servatoris Scriptorum stylo consecrent. Quid interest, in Virtutum religiosarum exercitatione profecisse, nisi eas non tam dulcedo quædam sensusque pietatis, quam scilicet seculi fuga, domiciliique sanctitas solet ingerere, nobis aptaverit, quam cognitio Religionis impresserit.

104. Quæ damna ut prohiberet Ambrosius, obrestatus Clericos suos est, ut pietatis quidem speciem exteriorem, quâ scilicet Ecclesiasticæ vitæ jugum plurimum sublevetur, studiosè percolerent, verùm simul satagerent, Apostolicis monitis animum confirmare, ut sacrorum rituum reverentia, immobili saxo divinarum præceptionum inædificata, nullis neque Inferorum tentamentis, neque assiduis fomitis incentivis, neque quotidianis pravorum exemplorum fluctibus, neque pluvij pellimorum contiliis, minus quidem violentis, sed non minus perniciosius, anetata nutet, atque dissolvatur. Repu-

## 418 RELIGIOSÆ VOCATIONIS

Lib. I. Offic.  
c. 47.  
To. 54. 65.

tate primum cum animis vestris, an vitæ genus, quod meditamini, è re vestra futurum sit? neque præjudicio voluntatis causæ cognitionem antevertite. *Boni Speculatoris est*, ITA PRÆTENDERE ANIMO, ut appetitus neque præcurrat RATIONEM, neque deferat. Monet, nisi fallor, Ambrosius, in tuto esse Virtutis perfectionem, & omnis perturbationis periculum procul abesse, si Rationem sequamur Ducem, eâque Intelligentiâ totum interiorum, tum exteriorum sensuum sphaera circumagatur. Quemadmodum enim globorum cœlestium motus æquabiles semper atque iidem sunt, neque unquam præscriptos à natura limites excedunt, moventis videlicet Angeli ductu atque auspicijs: sic ubi alacritatem nostram non suavis Virtutis, sed Cognitio impulserit, constantem semper pietatis cursum fore, nullo errore interpellandum. Id quidem adeò verum est, ut fateri non dubitem, Tyronum profectum, ab ipsorum potius animadversionibus, quàm à præceptionibus nostris pendere. Si enim falsus



sus opinione sum, quid est, quòd sub eadem, quam tradimus, Disciplina vivendi, alij frigent, ardent alij? An non palàm est, eorum, qui ad hoc vitæ genus admissi fuerunt, quosdã primis statim mensibus in Apostolos, & religiosi moris Prototypa verti; alios contrà, sub ipsùm bienij finem, eosdem propemodum esse, qui paternis ex ædibus egressi accesserant? Quòd si ergo præceptorum, locique sanctitas efficeret, planè ut iisdem omnes parietibus concludimur, eosdẽmque sermones excipimus, sic pari passu ad integritatem morum, consiliorumque præstantiã graderemur. Quoniam verò paritatem ejusmodi in sacris Cœnobijs spectare non licet, necessariò proinde incrementa virtutum, non ab Instituti rationibus, quæ prorsus eadem sunt omnibus, sed ex earũ consideratione, quam singuli diversam habent, desumenda erit. Haud satis exponam quid sentiam, nisi in Horti nostri arbores, hinc Plittacos Indicos, inde Picæ Europæas producam. Atque illos quidem, ut peregrinos, & varietate pluma-

rum linguæ barbariem redimentes, laudant omnes, miranturque: cum tamen, teste Plinio, eloquentiores multò sint Picæ, utpote quæ monstratas loquendi formas improbo labore sibi mandent, propriasque efficiant. Hinc solitariæ quoque, nullòque audiente, sententias easdem recitant, & ceu ipsæ se ad eloquentiam erudirent, ultrò, quæ didicere, declamant, erroresque castigant pariter, plausuque, bene prolata, prosequuntur: Et verò delectatione ejusmodi adeò proficiunt, ut earum voces ab humanis interdum non dignoscas. *Minor nobilitas, QUIA*  
*Lib. 10. c. 42.* **NON EX LONGINQUO VENIT,**  
*To. 57. 75.* **SED EXPRESSIOR LOQUACITAS** certo generi *Picarum est.* **ADAMANT** *verba, quæ loquuntur:* **NEC DISCUNT TANTUM, SED DILIGUNT: *meditantesque intra semet, curâ atque cogitatione intentionem non occulant.* Fac enim, has illis sententias præstitit *Mors instat: Prætereunt omnia: Imperat Deus: continuò in nidos suos, notosque receptus delata, maluit audita repetere,*  
 quàm**

quàm pasci, aut nativo stridore garrire: diutinoque usu sic ea vocabula tenent, ut invenisse potiùs videantur, quàm didicisse. Nè, per Deum immortalem, à brutis animantibus, Religionis Alumni, se vincipatiantur! Ipsi quoque Virtutis præcepta magis ament, quàm audiant, & in exempla Probitatis animum magis, quàm oculos, intendant. *Non discant tantum, sed diligant.* Hinc non antè ad religiosæ servitutis abjecta ministeria se demittant, non priùs usitatis relaxationibus abstineant; non inedia, non fundendi sanguinis, non observantiæ erga leges, non odij in propinquos, non aversionis ab honoribus, non objurgationum, ob admissos errores, grave jugum subeant obscuri, neglecti, alienæ voluntati obnoxij, impotes suæ, quàm sibi sæpe sapius occinuerint, & pro se quisque secum ità ratiocinetur: Ego verò emori mihi, dum vivam, studebo, quando eà demum vità sub Christo vivitur, quæ momentis omnibus sentiat se mori. Postremo jacere loco, vel in pulvere, volupè mihi erit, is enim imperat, qui

servit. Animi juxtà cupiditates corporisq;  
sensus Cruci litabo, quoniam, nisi qui se-  
minat, non metit. Hoc enimvero, hoc  
est Disciplina Religiosæ non auscultare,  
sed nubere. *Non discunt tantum, sed dili-  
gunt.* Idem quippe Professoribus Evan-  
gelij, quod cœli volucris accidit: sicut  
enim eæ maximè in exculpandis vocibus  
proficiunt, quæ non eas proferunt solum,  
verùm etià deosculantur: *Adamant verba,  
quæ loquuntur*: Sic illi maximos in virtute  
progressus faciunt, qui Apostolicæ vitæ  
præcepta percepisse non contenti, secum  
ipsis expendunt, sanctitatisque præstan-  
tiam trutinantes, huc animos flectunt,  
non tam Auditores non inviti, quàm rei  
longè pretiosissimæ. Et stimatores ac Tra-  
pezitæ. *Non discunt tantum, sed diligunt.*  
Illi, mihi crede, illi demum Domus hu-  
jus veri Alumni futuri sunt, qui exempla  
præceptaque perfectionis omnia, quæ vel  
Sodalium moribus expressa vident, vel  
Magistrorum ore doceri audiunt, ad ani-  
mum referunt, vel, ut dicam meliùs, al-  
tâ mente reponunt. Imò ut, quod stre-  
nuis

nus Crucis Sectatoribus accidit, apertius edisseram, omnia ijs suas in partes ratione distribuunt, & voluntate complectuntur, nec jam ea velut suppositum sibi foetum, sed ut ex se natam prolem, agnoscunt. Quemadmodum enim ex abjectissimarum avicularum faucibus humanæ voces prodeunt, sonum ijs modulúmque suppeditante amore, quo formantur: sic ex unoquoque nostrúm prodibunt tum Apostolicæ sententiæ, tum actiones planè divinæ, si nos ipsi docuerimus, quanti referat divinis in Tabernaculis Angelos potius, quàm Homines esse, sibi que c̄ religiosa demissione scalam conficere, ut ad summam, quæ quidem in hoc exilio degentibus obtingere possit, cum Deo conjunctionem enitantur. At si sola monitorum, Legum, exemplorumque vi adasti, religiosæ disciplinæ amore inardescamus, profectò cum hinc discesserimus, aut Prætidum vigilantia, legúmque vigor aliquantulum remiserit, simul omnis Virtutis ardor exstinguetur.



105. Cujus longè utilissimæ Philosophiæ Scholam nobis Deus in Cœlo aperuit: in quo Planetam Terræ propiorem jam abundare luce, aliàs egere, interdū verò neque affluere copâ, nec egestate preari, videmus. Hujus porrò mutationis menstrum è mendicitate sideris provenit. Cū enim aut nihil, aut quàm minimum lucis ex se trahat, à Sole scilicet mutuatur, ac proinde, ut situs utriusque tulerit, vel splendet, vel cægat. *Splendet Luna sine* fervore, inquit Bernardus, **MODO PLENA, modo exigua, MODO NULLA.** Ne verò hanc Sideris inconstantiam, variumque lumen rideatis, moneo: Cœlum enim unam duntaxat Lunam habet, mensuris incrementis defectionibusque notabilem; at enim Cœnobita, haud pauciores Lunas, aspectu viribusque divertissimas, ostentant, quàm sint ij, qui non proprio veròq; Religiosæ Disciplinæ amore relucet. Eatenus isti fulgent, dum è sanctitatē loci, præclarisq; Sodalium exemplis aliquid luminis trahunt. *Stultus* **UT LVNA MUTATUR.** At forte pau-

*Gen. in Nat.*  
*Joan.*  
*Fig. 227.*

*Eccl. 37.*

ci sunt, quorum vita nunquam sibi similis est, qui modò in deferrissimis Indiæ arenis vitam agitare, populòsque feros ac nudos erudire concupiscunt: ac mox omnia per Italiam domicilia muniâq; fastidiunt, si quando spes fefellit, in omnium exoptatissimo plausum vulgi, Procerumque admirationem captandi. Idem iterum ex-  
 eruciandi sese desiderio succenduntur, solitudinem ac silentium amant, divina volumina diu noctûque versant, & nisi quotidie voluntario martyrio, susceptisque spontè supplicijs, emori sibi videantur, vitam agunt omni morte acerbiorẽ. Subinde tanto cuiuscunque incommodi horrore capiuntur, ut nisi rosis incumbant, carbonibus se perustos putent: ac nisi divinarum deliciarum ambrosiâ, honorumque melle lactèque fluentibus rivis inundentur, in Maurothalassa, aut mortuo Palæstinorum Mari se naufragari vociferentur. *Modo plena, modo exigua, MODO NULLA.* Quæ omnia inde nascuntur, quòd fervore non ardentis suo, pro varietate seu exemplorum, quæ intuentur, seu

vigilantiæ Præsidum, à quibus infrenantur, ipsi quoque usitatam vitæ asperitatem vel intendant, vel remittant, inopes mortificationis, semper emendatæ, nunquam possessæ.

106. Hoc genus Tragœdiæ cum in Sacris Cœnobijs nimis quàm sæpe, cum maximo quidem omnium bonorū luctu, spectetur, facit, ut inconsultum illud cōsiliū improbem, quod novis Christi militibus passim obtruditur. Eos plerumq; hortantur tum Magistri, tum alij, quorū curæ commendati fuere, ut Veteranorū vitam, strenuorūque Sodalium mores observent, ijs proculdubio exemplis ad religiosissimum vivendi genus informandi. Ego verò recentibus hūc Servatoris Discipulis auctor sum, ut animadversionem ejusmodi posthabere velint, edicōque: cā contentos, religiosæ Pietatis phænomena, nudasque imagines futuros. Nempe ideo precandi, temet afflictiandi, abijciendiq; studium concipies, ideo charitatem coles, salutis alienæ curam geres, cœli amore, Mundi horrore capiere, quia id antiqui-

si-

simis Domûs incolis, aut strenuissimis quibusque Tyronibus in more positum vides? Dic autem, amabo, quamdiu is fulgor, violentaque adeò Virtutis pompa tenebit? Quàm vereor, nè idem illis accadat, quod speculo. Huic enim si Melchisedecum opposueris, continuò oculis in cœlum erectis, manu sacrum Panem Calicemque gerentem, promptis ad hymnos labijs, Cydari, totòque corporis habitu venerabilem, Regem denique Pontificemque sanctissimum tibi repræsentabit. Hic vos crystallo gratulabimini tam graphicè Virum maximum sacratissimumque exprimentem. Parcite tantisper laudibus, monco, admirationemque suspendite: mox enim plausus in maledicta, laudes in opprobria vertetis. Digressio namque Sacerdori Maximo Balaamus succedat, habitumque venefici, laudatis modò specularibus sese obijciat. Aliam continuò effigiem subijscite mirabimini, & qui nuper Principis sanctissimi sacrificia colebatis in speculo, nunc Harioli abominanda sortilegia horrebitis. Eodem quippe loco, ubi antè nobile illud  
simu-

simulachrum steterat, Monticolam Moabitam, incultis crinibus, trucibus oculis, cruentâ veste, crinali & in coronam flexo serpente, armatum sulphure, murmure sibilisque terribilem, atque uno aspectu omnia Inferorum monstra referentem, videbiris. Agite jam, & si potestis, speculum laudate, quod paulò antè religiosissimi toto Oriente Principis imagine tantopere vobis arridebat. Quòd si autem tam finestæ mutationis causam requiratis, Senecam licebit audire, inde specularibus tam monstrosas Metamorphoses accidere; quòd nihil opis operæq; conferant ad animandos figurarum colores. Nec enim simulachrum, quod ostentant, exsculpunt, sed, receptâ duntaxat ejus specie, ut nullo negotio ejus imaginem reddunt, sic eâdem facilitate deperdunt. *Nihil autem tam citò redditur, quàm* A SPECULO IMAGO. Non enim FACIT *quicquam,* SED OSTENDIT. ÆQUE CITO OMNIS IMAGO IN ILLO ABOLE-  
TUR, QUAM COMPOSITUR.  
Quid? an ideo Virtutem coles, quia iti-  
dem

Lib. 1. Quæst.  
Nat.  
To. 29. 397.



itidem colunt contubernales? An cum  
 alios nactus fueris, nec moribus probatos,  
 nec linguæ imperantes, non ipse quoque  
 in agendo remissus, in loquendo impro-  
 vidus existes? Nempe ut modò ex alieno  
 ardore scintillam aliquam Ignis divini con-  
 cipis, sic, si quando in Sodales ab Instituti  
 nostri rationibus avertos incideris, Leges  
 juxtà præfidiâque virtutum abijeies. An  
 ergo, inquis, boni exempli fragrantiam à  
 Christi sacrario arcebimus? Neutiquam  
 sanè; non enim pietatis luce coruscantes,  
 religiosâque familiam illustrantes re-  
 prehendo: sed ijs tamen funestas clades  
 denuncio, qui eatenus solum Crucem di-  
 ligunt, quod eos, quibuscum vivunt, Chri-  
 sti confixos Cruci aspiciunt. Abominor,  
 non imitamenta Sacerdotalium Melchi-  
 sedechi ornamentorum, sed fallacem e-  
 mentientis CrySTALLI simulationem dete-  
 ctor. Cuperem, in religiosis Cœtibz  
 Arbores potius, quàm specularia spectari:  
 atque illas malo, quando David, primo  
 carminum suorum, non Vitreis, sed arbu-  
 ribz viros probos composuit. Videte,  
 quâ

quâ ratione in Viridario nostro Punica  
 Malus succrescat. Radices suas terræ com-  
 municat, ab eâque, ut sic dicam, lac in  
 alimentum trahit: cœli rorem, fontium-  
 que humorem admittit: stercoreari non  
 dedignatur: Solisque radijs non minùs,  
 quàm Cœli Zephyrorumque illapsibus si-  
 num pandit. Neque ideo tamen ( tanta  
 inest trunco sagacitas) vel terræ ruditatē,  
 aquarum mollietiem, fimi sordes, vento-  
 rum inconstantiam, aut Planetarum for-  
 mam, vel in se retinet, vel refert in pomis.  
 Ex hac elementorum rerumque, quibus  
 cingitur, congerie, mirandum ipsa cor-  
 pus educit, propriumque partum effor-  
 mat, ab omnibus ijs, quorum operâ in fru-  
 ctuum suorum productione usa est, planè  
 diversum. Idem per omnia præstandum  
 est illi, quem, ex Ægypti paludibus, in Ter-  
 ræ sanctæ seminaria Numen depauxit. Re-  
 cipiat ille cuiuscunque virtutis influxum,  
 egregiorumque proficientium mores obler-  
 vet quidem, sed in propriam naturam sub-  
 stantiâque convertat, Arboremque malit  
 esse, quàm speculum; nec vanâ specie tu-  
 cum

cum intuentibus facturus, sed fructus producturus in Salutem populorum. Quò fiat, ut, sicut arbores, absente quoque Sole, cessantibus pluvijs, ponentibus Etesijs, vivunt nihilominus, florent, fructusq; maurant; sic nos nostro viventes succo, eâ ratione majorum monitis, & æqualium exemplis utamur, ut, procul ab utrisque positi, Religiosâ Disciplinæ amorem, què inter illos concepimus, retineamus. Id verò consequemur, si visa in alijs bona nobis asseramus, propriâque reddamus: certi, nullam Perseverantiæ fiduciam fore, nisi captam virtutem ipsi urserimus, ejusq; auctores nobis fuerimus ac Magistri.

107. Cujus rei luctuosum profectò experimentum cepere Israëlita, quorum quam gloriolus ex Ægypto discessus, tam turpis in Solitudine commoratio fuit. Vix enim relictum à tergo Nilum, seque cucumerum ceparumque esu destitutos adverterant, cum recuperatam libertatem, latam Legem, pluvium Manna, prodigia, quibus omnis eorum peregrinatio inclauerat, Victorias, quas reportaverant, Di-

Divinitatem pro Tabernaculis suis excubantem, atque aliàs, obtentâ nube, Solis ardores infringentem, aliàs nocturnas tenebras igneis columnis illustrantem, odille cæperunt. Neque hic stetit perfidæ gentis vecordia, sed posthabito veri Numinis cultu, quod omnes eorum necessitates, tam vigili curâ, præsentique ope sublevabat, mutum brutumque vitulum, pronis in terram corporibus, adorârunt. Cujus quidem perfidiæ, sacrilegique non aliam causam reperio, quàm quod fax illa populi, solo Moyſis hortatu Ægypto exceſſerit: & cùm, quæ ille narrabat, admiratione venerationeque proſequerentur, nihil ultra quaſièrunt, ſatisne idoneæ forent rationes, ob quas id iter ſuſciperent, promptèque adeò, poſthabitis omnibus, Hominem unum ſequerentur. AUDIERUNTQUE, *quod viſitaſſet Dominus ſi-*  
*lios Iſrael,* ET PRONI ADORAV-  
 RUNT. Enimverò qui vitæ mutationi  
 tam inſigni, quippe quæ Memplum, om-  
 nium rerum copiâ affluentem, cum va-  
 ſtæ ſolitudinis ſterilitate permutet, tam  
 fa-

facile dat manus: is haud segniùs tradita  
 Sacra deferit, interruptos labores, pristi-  
 nàmque vivendi consuetudinem retentat.  
*Audieruntque & proni adoraverunt.* Ain',  
 tantillo impendio tanta eos permutâsse?  
 Næ illi quantocyus concupiscent relicta!  
 Debuerant videlicet exactè calculum po-  
 nere, cûsèrne nativi soli amissio, præcep-  
 torum, quibus se dedicare parabant, san-  
 ctitate redimenda. Quod si enim planè  
 animum induxissent ut crederent, multò  
 satius esse servire Deo, vel sterilibus in  
 arenis, quàm Pharaoni opulentis in Ur-  
 bibus famulari, nunquam profectò men-  
 tem eò, unde corpus abstulerant, retu-  
 lissent.

108. Prò quàm dispar ab ingratis  
 Hebræis Gregorius Magnus! quàm alio  
 in amore ac pretio angustam illam, sibi-  
 que longè charissimam S. Andreæ solitu-  
 dinem habuit. Eductus enim è placidif-  
 simo portu beati ejus Cœnobij, mode-  
 randæque Ecclesiæ impositus, in tanto  
 subiecti Cleri erga se cultu ac reverentia,  
 Regum, regnorumque obsequijs, Prima-  
 tibus,



tibus, Patriarchis, Orbe demum universo ab ejus ore pendentibus, oraculâque poscentibus, insolabili luctu, quietis, cellæ, pristinæque asperitatis, deliciarum suarum jacturam deplorabat. Sublimitatem throni, renovatum Jonæ naufragium existimabat: querebatur, quòd vitam agere sub Professionis Monasticæ jugo prohiberetur, quod omni, sacro licet sanctissimoque imperio, dulcius jucundiusque reputabat. Inde verò tam nobiles cogitationes nascebantur, quòd de religioso secessu sentire quàm magnificentissimè solitus esset: cujus decora, cum diu multumque cum animo suo expendisset, tam altè infixâ pectori hærebant, ut bipalium, quo domesticam vineam repurgaverat, Pontificio Pedito potius haberet. Audiamus quibus verbis dolorem suum, quo in Laterano conficiebatur, Cælaris forori testetur. *Sub colore Episcopatus*, inquit, AD  
 SECULUM SUM REDUCTUS.  
*Alta enim* QUIETIS MEÆ GAUDIA  
 PERDIDI: ET INTUS CORRU-  
 ENS, ASCENDISSE EXTERIUS  
 VI.

*Lib. 1. Ep. 1.*

*Theodysia.*

*To. 32. 2.*

VIDEOR. Nil autem in hoc Mundo appetens, nil pertimescens, videbar mihi in quodam rerum vertice stare, ità ut in me pæne impletum crederem, quod, pollicente Domino, ex Propheta didicissem: *Extollam te super altitudines terra.* Qui tam profundè rimatur opes, quas DEI servitus in se recondit, non modò non eripit Christo, quod vitæ melioris principio illi dicavit, sed ejus ærumnas laboresque majore semper constantiâ urget, pluribusque incrementis exaggerat: miserumque se credit ac infelicem, non cùm religiosæ austeritatis gemit sub pondere, sed cùm à Deo exoneratus, & ex obscuræ latiorisq; vitæ tenebris evolutus, in præcipua subsellia Vaticani Senatûs attollitur, ut, inter Christiani orbis Principes, radijs circumfusius regnet; forsàn ipsis quoque Regibus olim jura daturus, Religionis arbiter, Dux, Imperator. Non alià, præter Cognitionem sui, Anchorà, inter violentas sæculi carnisque procellas, retineri possumus, quin, quò illæ rapiunt, sequamur. Rideo proinde, imò deploro, illorum hominum fidu-

Ecce

ciam

ciam, qui Apostolicam Vocationem indulgentiâ blanditiisq; confirmaturos se sperant, vacillantemq; retenturos in gradu. Fallimur si putamus, inambulatione per hortum, familiari alloquio, lenitate Præsidis, reculæ cujuspîam remissione, expletione desiderij alicujus, suave onus Crucis, severissimarumque Legum pondus reddi jucundum posse. Reviviscit enim Mundi amor, pectorisq; nostri regno vi potitur, si cui Rationis armis ire obviam, adversumque pectus offerre debueramus, palpum obtrudamus, lenique manu indulgentérque blandiamur. Sic Seneca Matrem Helviam, conceptum è filij exilio mœrorem, sanare jubet: sic ego quoque omnes illos moneo, qui libertatis commodorumque desiderium sopire potius, quàm exstinguere decrevêre. *Ferox,*  
**ET ADVERSUS OMNE REMEDIUM CONTUMAX EST.** *Ideo*  
**MELIUS EST ILLUM VINCERE,**  
**QUAM FALLERE.** *Nam qui aut delusis voluptatibus, aut occupacionibus abductus est,* **RÉSURGIT, et IPSA QUIETE IMPE-**

*Ad Helv: de  
 Consol.*

*To: 29. 394.*

IMPETUM AD SÆVIENDUM  
COLLIGIT. AT QUI RATIONI  
CESSIT, IN PERPETUUM COM-  
PONITUR.

109. Videri alicui posset, Magni vi-  
ri sententiam, à sceminarum maxima, de  
qua Salomon longum sermonem in Pro-  
verbis suis textit, multò antè prævisam  
fuisse. Cupido illam incesserat agri lon-  
gè amœnissimi. Eum tamen non prius  
cinit, quàm ab omni parte metiretur, ac-  
curatissimóque studio situm, aspectum,  
pomorum indolem, arborum feracitatem  
contemplaretur. Subinde quàm pleni  
culmi assurgerent, quæ spes messis, quàm  
apta sulcorum distinctio, quæ vis herba-  
rum, quales intactæ aratro semitæ forent,  
sedulò exploravit. Et quoniam emptio-  
ni tam diligens examen præmilit, haud-  
quaquam eam sumptuum factorum deinde  
pœnituit. Imò novo impendio, exqui-  
sitæque diligentia, suis ipsa manibus Vine-  
am panxit, præsentis aris fructu fraudari  
sustinuit, donec insitij palmites in bo-  
tros, uberemque vindemiam proficerent.

Ec;

CON.

PROV. XI. 10.

CONSIDERAVIT AGRUM , ET  
 EMIT EUM : *de fructu manuum suarum  
 plantavit vineam* Equidem timeo , si  
 quando vitæ genus arripuerimus potius ,  
 quàm diu antè seriòq; meditati simus , nè  
 deserti Mundi voluptas , Crucisque , tan-  
 tis sumptibus emptæ , veneratio subinde  
 haud leviter nobis minuatur . Id quod  
 nullâ ratione contingeret , si cum Bernar-  
 do , quas adepti sumus , opes cognoscere-  
 mus . Nam petentibus vobis Sacræ fami-  
 liæ descriptionem , respondebit : eam æ-  
 ternitatis negotiationem esse perpetuam ,  
 in qua non diademata sibi comparant , so-  
 læ preces , psalmi , lachrymæ , tolerantia ,  
 obedientiæque : verùm etiam somnum ,  
 quietem , refectionem , animique relaxa-  
 tionem præmio non carere . Quapropter  
 quisquis sub Christi signis militat , is in  
 ejus amplexu , aut spe mercedis æternæ  
 confirmatum , aut promeritorum copiâ  
 ditatum se deprehendit . Gaudio igitur  
 inundatus , & ad Monachos suos conver-  
 sus , fieri ne potest , exclamat , ut liquidissi-  
 mæ voluptatis sensu non exanimemini ,  
 quan-



quando Deum in ære vestro, Mundique  
universi, ejus causâ reliâti, Crucisque, du-  
ræ licet asperæque, in humeros receptæ,  
delatæque nomine habetis obstrictum?

*Gaudete, quia jam percepistis dona sinistræ;  
gaudete, quia expectatis præmia dexteræ.*

*Cont. 2.*

*Leva, inquit, ejus sub capite meo, & dextera il-  
lius amplexabitur me.*

*Ser. 4. in*

*Fig. Nativ.*

**LEVAT, DEXTERA SUSCIPIT.**

*Tb. 41. 108.*

*Lava medetur & justificat, dextera ample-  
ditur & beatificat. In lava ejus merita, in  
dextera verò præmia continentur. In hanc  
sententiam divinisissimus Abbas alloque-  
batur Alumnos suos, veterum Anachore-  
tarum germanas effigies, vivasque Imagi-  
nes hominum in corpore extra corpus,  
cujus non minùs incuriosi, quam jurati  
hostes erant, habitantium. In hunc mo-  
dum ego quoque Auditores meos exhor-  
tarer, si non Israëlitas modò acriter casti-  
gâssem, quòd Ægyptum solo Moysis ad  
fugam invitantis respectu reliquissent. Au-  
dieruntque, & prom adoraverunt. Rectius  
igitur fecero, si Samaritanos potiùs, quàm  
Judæos, imitari vos jussero, nè Religionis*

**Ec 4**

**trans-**

transfugas secuti, funestas per solitudinem  
 Tragœdias instaurâsse videamini. Illi  
 priusquam novæ Legi cervices subderent,  
 posthabitis Panegyricis, quibus Mulier  
 Christi vaticinationem, à quo ad frugem  
 reducta fuerat, extollebat, ipsi per se se  
 laudatæ scientiæ, cæterarúmque ejus vir-  
 tutum adhibito familiari colloquio, expo-  
 rimentum capere decrevêre. Et verò, è  
 tam accurata causæ cognitione, tam altas  
 radices eorum in Messiam fides, observan-  
 tiâque fixit, ut quem Samaritana Vatem,  
 à Patriarchis exoptatum, haud fatis certò,  
 affirmatèque dicere ausa fuerat, eum ipsi  
 haud dubium humani generis Servato-  
 rem agnoscerent, faterentúrque. *Mansit*  
*ibi duos dies. Et multò plures crediderunt in*  
*eum propter sermonem ejus. Et Mulieri dice-*  
*bant: quia jam* NON PROPTER TU-  
 AM LOQUELAM CREDIMUS:  
 IPSI ENIM AUDIVIMUS ET SCL-  
 MUS, *quia hic est verè Salvator Mundi.*  
 Atque hæ Cognitionis, quam allocutio-  
 nis meæ scopum præfixi, gloriæ, hi trium-  
 phi sunt. Eam qui excolere impensè stu-  
 due-

*Joan. 4. 40.*

duerit, datam Christo fidem constanter retinebit, atque ut eum Reges Bethlemi adorârunt, & Sichare Samaritani Orbis Reparatorem fassî sunt, ipse quoque omni loco ac tempore perinde in illum afficitur. Cur enim tanto ejus amore Cœlites ardere putas, nisi quia Divinitatem, quam diu nocturneque laudibus celebrant, intuentur atq; cognoscunt? Quemadmodum igitur receptarum Cœlo mentium felicitas in Divinæ Naturæ visione, vel tanquam in radice, id quod nemo Theologorum negat, vel tanquam in forma, quod præstantissimi quique volunt, consistit: sic vitæ perfectio apud mortales ex eo pendet, quod hi nuncupatorum à se votorum præstantiam, felicitatem, sanctitatemque planè intelligant. Hæc scientia, ut Petro Cœli Claves consignavit, sic Collegam ejus Paulum accinxit gladio, quô Romanum Imperium Religioni subjecit. Et alter quidem, *Tu es*, inquit, *Christus filius Dei vivi*; ideôq; illud etiam addere potuit: *Tu scis Domine, quia amo te*. Exclamabat alter: *Scio cui credidi, & certus sum,*

*sum, quia potens est depositum meum servare in illum diem: hinc in gravissimis cruciatibus exultabat, triumphabátque in vinculis: Superabundo gaudio in omni tribulatione mea.* Quare si nos quoque solidâ Dei, cujus signa sequimur, cognitione mentem firmaverimus, nullas unquam castrorum angustias, non pondus armorum, nec ærumnas queremur, quibus, alienam salutem procurantes, Dæmon exercet. Dicam brevius: qui trium Magorum exemplo, divino lumine collustratus, vitæ genus, quod profitetur, adorat, eidem honorum Thus, Myrrham ærumnarum, Aurum denique commodorum ritè consecrabit. ADORAVÉRUNT EUM, & *offerens thesauris suis obtulerunt ei munera.* Contrà, qui non prompto animo sua omnia ad Christi cunas deponit, quis ille sit, non intelligit; quam ignorantiam bonus DEUS ab universis avertat.

EX-

# EXHORTATIO

## XLVI.

In Pervigilo S. IGNATII.

Infiliet in te Spiritus Domini, & mutaberis in virum alium. 1. Reg:

Cap. 10.

**Q**ui Religiosæ Familia nomen dat, totum se penitusque mutet necesse est. Exteriores sensus facultatesque interiores universæ, in Evangelicæ Disciplinæ ac Crucifixi effigiem transformandæ sunt. Hæc imperfectorum secularium, in consummatæ Virtutis Apostolos, Metamorphosis Tironibus Societatis, Operariisque longè magis necessaria est, quàm recentibus, Veteranisque solitariae vitæ cultoribus: hos enim solitudo procul à præliis submo- vit, nos

con-



*contra Salutis humana studium , in media bellorum discrimina immittit. Nemo deinde , quocunque virtutis lucro , contentus sit , sed sibi quisque auctor esto ad nova , sub ductu Regentium , incrementa virtutum. Quisquis in consecratis Deo Domibus non statim inardescit , is per omnem deinceps aetatem languebit , ignavamque oppetet mortem. Quisquis denique ad Indicos labores aspirat , atque illic paria Martyribus tormenta sperare audet , nulla hic incommoda ferre recuset , quæ Christi Servis fors , Natura , Claustrum , Deus , exercenda virtuti , præmiisque promerendis materiam , offerunt : atque adeò qui vulnerari cupit , pungi non reformidet.*

110.



Anc longè nobilissimam metamorphosim, quam Sauli vaticinatum Samuelem audivimus, primus ille Israël's Rex adumbravit, & subinde à maximis quibusque sanctissimisque viris, qui ex otiosa licentique vita ad Perfectionis Evangelicæ studium se contulerunt, numeris omnibus absolutam, expressamque spectavit Ecclesia. Inter hos, nescio quis, post Apostolum Gentium Paulum, & Augustinum Sapientium Doctorem, melius Ignatio, è licentia profanæ militiæ ad obscuræ, asperæque vitæ professionem transgresso, immutatum in alium virum Hebræum Juvenem expresserit. Quoniam verò Saulis transformationem tria potissimum illustrarunt, videlicet mutationis insolentia & magnitudo, tum causa eaque perlevis, è qua nata, ac denique celeritas, quâ perfecta est, primum in consecrato Rege, tum in Ignatio percurremus, eo consilio, ut in Nobis, qui Legislatoris nostri lachrymis geniti ejus vestigia insitimus, simili eos ectypo referamus.

III.

## III. MUTABERIS IN VIRUM

ALIUM. Quodnam verò mutationis genus Galgala viderunt, cùm de Agasone repentè vates, & pari cum Tabernaculi ministris religione psalmos decantavit, ediditque oracula? *INSILIIT* *super eum Spiritus Domini*, & *PROPHETAVIT in mediò eorum*. Quà rei novitate atroniti, divinarumque sententiarum reverentià commoti accolæ clamabant: *QUÆ-NAM RES ACCIDIT filio Cis? Num & Saul inter Prophetas?* Quòd si autem tantam in Israëlitis admirationem sacra Saulis dicta excitârunt: quo stupore ab Apostolicis, hominèque majoribus Ignatij facinoribus, defigi illos oportuit, qui cum arces cum speluncis, loricam sacco, flagro Hastam, militarem Baltheum catenâ commutâsse: atque asperitate vivendi, copiâ lachrymarum, cruoris profusione, contemplationis sublimitate, nuditate pedum capitisque, in novæ Militiæ, quam instaurandis ubique moribus, pravisque opinionibus eliminandis DEUS providerat, Ducem ac Imperatorem esse

con-

5. Reg. 10.  
10.

5. Reg. 10.  
13.

conversum, videre? Age verò, quis unquam seu gemitus audiret Ignatij, seu vulnera inspiceret, in ediam ac totam vivendi rationem consideraret, persuadere sibi potuisset, hunc illum primariæ nobilitatis virum esse, qui paulò antè, aureâ sericâque ornatus veste, Principum ædes frequentabat, armorumque luce, cristatòque vertice conspicuus, omni munimento fortior, commissas sibi arces tutabatur? Quis dubitare potest, in ea ipsâ Hispaniæ parte, in qua Ignatius clarissimos natales habuerat, aut magnâ famulorum catervâ stipatus, amplissimæ fortunæ specimen dederat, aut, fortiter pugnans, Imperatorias laudes haud dubie promeriturus videbatur; quis, inquam, dubitet, non passim per omnium ora volitasse, omnium sermonibus celebratam fuisse tam insignem metamorphosim, quæ, humanæ gloriæ mancipium, in divini nominis propagatorem improvisò converterat? Ego certè in Mantefanæ specûs vestibulo Angelicis exaratum manibus oraculum videre mihi videor: *Insiliet IN TE SPIRITUS*

448 **QUIS VERUS SOCIETATIS**  
**TUS DOMINI,** & *mutaberis in virum*  
*aliu.*

112. Atque hanc Morum Conver-  
sionem ab unoquoque nostrum Mundus  
expectat, vel eo ex capite, quod nos, à  
paternæ domûs commodis, ad religiosæ  
familiæ austeritatem videt confugisse: ne-  
que enim ulli vitæ mutationi, nisi plenæ  
omniquæ ex parte perfectæ, acquiesceret.  
Huc respexit Gregorius Nazianzenus,  
cùm Oratione quadagesimâ corporis pa-  
riter animiquæ, interiorum juxtâ extero-  
rumque facultatum, ac totius denique  
hominis, naturæq; renovationem à Neo-  
phytis exigeret. **OMNIBUS** *Membris*  
*purificemur*, **OMNES** *Sensus purgemus*,  
**NIHIL QUOD PRIMAM NATIVI-**  
**TATEM OLEAT,** *nihil denique luminis*  
*expers relinquamus.* *Omnia membra, quæ*  
*sunt super terram, Deo demus*, **OMNIA**  
**CONSECREMUS.** Et verò postre-  
ma vox, quæ gravissimus Scriptor senten-  
tiam absolvit, luculenter exponit, qualem  
esse oporteat morum affectionumque no-  
strarum mutationem. Nempe ut Animus,  
si for-

*Orat. 40.*  
*To. 115.*



si fortè juveniliū errorū vitiorūque Pantheon quoddam extitit, subinde in dicatum Martyribus Templum, & Martyriorum amorisq; divini Palæstram conformetur. Equidem Agrippæ temporibus, in magnifico illo profanorum Numinum Delubro, Hecatombæ cædebantur, sacrilegia regnabant, superstitio triumphabat, Dæmones colebantur, Deus appetebatur injurijs. Quamprimum verò à Pontifice Romano expiatum, & consecratum Religioni fuit, continuo profanis victimis sacræ Hostiæ successerunt, resonantibus ea ipsa in sede divinis laudibus, in qua nuper blasphemix audiebantur: prostantibus ad venerationem Sanctorū Cœlitū oscibus, quorum antè nomen odio fuerat & execrationi, Divinæ Clementiæ supplicantibus populis, & Baptismo hæreditariam lābem, aut lachrymis commissa sua eluentibus, quo loco Inferorum responsa, sortes, auguria, sacrilegi profanique mutorum simulachrorum Adoratores sollicitabant. Jam verò quod prodigioso, Romanæque potentix non

impari fano, statim à Dedicatione sua  
 contigit, id repræsentare nostrum quem-  
 libet oportet, si Gregorij mandatis mo-  
 rem gessisse videri volumus: *Omnia mem-  
 bra consecremus.* Qui quondam incom-  
 politè licentèrque vagabantur oculi, jam  
 dejecti frenatìque, non modò nulla in-  
 temperantiæ alimenta ministrant, advo-  
 catis ultrò intestino incendio flammis,  
 sed, defixi Cælo, lachrymarum imbres  
 profundant, veterem licentiam abolutu-  
 ros, novæque vitæ integritatem irrigatu-  
 ros. Lingua, facetiarum quondam arro-  
 gantiæque theatrum, in Pœnitentiæ, do-  
 lorum, gemituumque tubam exedrâm-  
 que conversum, vel proprios accuset erro-  
 res, vel alienas virtutes commendet. Pa-  
 latum subinde, quod dapum exquisitissi-  
 marum gurgès, altissimæque vorago vide-  
 batur, illas quoque, quas Natura requirit,  
 nec Gratia vetat, tanquam scopulo durior  
 repellat. Pedes illi, qui ad rosaria festina-  
 bant, quemlibet florem calcaturi, pratis  
 omnibus vestigium impressuri, ad Calva-  
 riam, ad clavos, ad dolores ultrò contem-  
 dant.

dant. Manus denique, agendis ex omni voluptate prædis assuetæ, amarissimæ Myrrhæ fascibus onerandæ, & ad totius corporis cruciatum exserendæ. *Quid multis?* *Omnia membra, quæ sunt super terram,* CONSECREMUS. Quod si verò exteriores quoque glebæ hujus, quæ circumdamur, partes dedicari, inque aras verti, oportet, ad quas vera morum instauratio, diebus momentisque omnibus immolet Deo, jam spectaculorum hilaritatem, aliàs jucunditatem symphoniarum, ciborum suavitatem, odorum fragrantiam, fontium pratorumque amenitatem, quid, quæso vos, de intimis animi facultatibus longè nobilioribus, & ad faciendos in virtute progressus multò magis necessarijs, propriisque instrumentis, statuendum existimatis? Licebitne memoriam maternas blanditiarum, aut contemptorum à nobis commodorum recordatione remollire, quando rerum novarum rumusculis, carminumque profanorum recitatione aures fricari nefas habetur? An plausum, honoresque concupiscere

integrum erit, si, nè verbulo quidem, laudes proprias, majorumque præclare gesta, dignitatēque perstringere concessum est? Quid? cognatōne sanguine voluntas impunè mergetur, opumque cupiditate sordere, cum grande piaculum admisisse pedes censerentur, si floridis in semitis, & sub Platanorum umbra constiterint? utinam verò rima quæpiam patuisset Manresani antri primis illis admiratoribus Ignatii, ut mentis illius, in Cœlum usque suo ardore subvectæ, corporisque ferro dilaniati nativam effigiem licuisset expingere! At Deo laudes, quando, quod incuria hospitis, à quo Ignatius horrido in illo specu pastus est, nobis perijt, ejus vitæ diligentissimi Scriptores repræsentarunt. Equidem illi talem nobis Ignatium reddidère, sic inediâ confectum, continuatis vigilijs ità exhaustum, eo precum ardore, austeritate cruciatuum, vestis neglectu, injuriarum patientiâ, compositione morum, magnitudine consiliorum, Apostolicâ demum ac prorsus cœlesti vivendi formâ conspicuum, adeoque mirabilem,

bilem, ut fidem superare videatur, potuisse hominem, primis statim vitæ melioris exordijs, in consummatissimæ sanctitatis exemplar conformari. Atque ad hanc virtutis formam ut sese Ignatij filij exigèrent, Sanctus Spiritus voluit, siquidem in alios, quàm qui huc venère, abire homines optat; hodièque unumquemque nostrum, quos ad Crucem invitavit, iisdem, quibus quondam Saulem, alloquitur verbis: *Insilet in te Spiritus Domini, & mutaberis in Virum alium.* Non exteriorum modò sensuum immutanda species, aut in vultûs habitûsque conformatione quapiam acquiescendum nobis est, quæ, ut nullo labore comparatur, ita facillimè deperditur. Sed quidquid sumus, aut videmur, corpus animûmque vertere nos oportet, ut vultu pariter verecundiæ purpurâ, pectorèque flammis charitatis accenso, editam oraculo sortem impleamus, simulque, cum profana veste, veteris Adami mores abjecisse simul, cum religiosa toga, virum alium videamur induisse.



113. Terrebit opinor aliquos tam insignis Conversionis necessitas: quæréntque, quid causæ sit, quod Alumnis Ignatij, sub ipsum Tirocinij tempus, Metamorphosis ejusmodi longè difficillima provincia imponatur, utique cùm ab Anachoretis quoque virtutis quædam mediocritas probaretur, tolerareturque in ijs, qui recens id vitæ genus suscepissent. Pachomium certè ratas habuisse adolescentum querelas, quòd, verni jejunii tempore, cœnulam coquere, imprudens ministri severitas, renuisset. Fuerit sanè hæc, ut dicitis, in solitudinis inquilinis mediocritas, non ideo tamen inducor, ut nemonum Alumnis Domus hujus incolas patiar exæquari. Utque discrimen, quod utrosque separat, ostendam, epularum diversitas exponenda mihi est, quibus otiosi cives, durisque laboribus exerciti gladiatores nutriuntur. Atque illis quidem pauca legumina, panisque sat est protrahendæ ignaviæ; sed hi validis dapibus, vinoque generosiore durari ad prælia debent. Illorum vita quolibet alimento se sustentat,  
*his*

his verò, ut adversarium prosternant, multo robustoque cibo confirmandæ vires sunt. Animadversum id Philoni, primò Allegoriarum librò. ALITER, inquit, EGO, ET ALITER ATHLETA NUTRIMUR: *Ego tantum* UT VIVAM, ATHLETA UT CRASSE-SCAT, & *robur acquirat.* Anachoreta certè procul à turbis vivit sibi, Pudoris custodem sylvam, solitudinè que Contemplationis sacrarium habet. Hinc vel tenui virtutis apparatu potest esse contentus, ut feras inter belluas, procul ab ambitione, & in vastis arenis, securus à lapsu vitam exigit. At verò nos, quibus actuosum vitæ genus obtigit, quibus in Gymnasijs adolescentes erudiendi, expiandi homines facinorosi in Templis, Principum Optimatūque suis in Regijs animi moderandi, cum omni genere hominum in itineribus Missionibusque versandum, insigni modestiâ opus est, nè fastu tumeamus in Aula; invicto prorsus pudore, nè periclitemur inter feminas; egregio virtutis ardore opus est, nè consuetudine

*Lib. 1. Alleg.  
To: 107. 118.*

illorum, quos ad frugem reducimus, inter-  
 peſcat& reſtinguatur. Athletæ proinde  
 ut frigida panisque ſecundarius ſatis non  
 eſt, ut æmulum ſupplanter, totóque cor-  
 pore incumbens in arena extendat: quo  
 tamen victu tolerare vitam utique poteſt,  
 qui pro foribus domû ſuæ ſedens, illac  
 tranſeuntes otioſè ſpectat: ſic cùm Ana-  
 choretis haud magnopere laborandum  
 cum hoſtibus ſit, quippe quos ipſa loci na-  
 tura procul ab ijs ſepoluit, præſtatque in-  
 acceſſos; paucis poſſunt eſſe contenti: at  
 nos, qui in acie quodammodo, mediisque  
 in periculis verſamur, ad repellendos ad-  
 verſariorum impetus, vitiorumque irrita-  
 menta ſuperanda, longè major neceſſitas  
 premit, cœnis Apoſtolicis, Angelicóque  
 Pane, hoc eſt rerum divinarum medita-  
 tione, & invictæ conſtantie robore ani-  
 mum firmandi. *Aliter ego, & aliter Athle-  
 ta nutrimur.*

II4. Ex hac Sapientiſſimi Hebræo-  
 rum allegoria, pronum mihi eſt anſam at-  
 ripere, illorum ignaviam exſtimulandi,  
 qui, cùm in hac Domo, ad dura certami-  
 na

na cum amatoribus Mundi decertanda, parentur, amaram quidem, sed robustam illam escam, quam Ignatij filijs, vitiorum quondam domitoribus futuris, Mortificatio ministrat, tam citò fastidiunt. Video, pro dedecus! unum alterumve, qui religiosam Disciplinam, supremis duntaxat degustatam labris, continuo rejicit, & lethali fastidio præcepta Perfectionis, quæ hic traduntur, nondum bene audita, exosus, aut è mensa ceu probè pastus saturusque consurgit, aut epulas à sanctitate paratas relinquit intactas, nè unà quidem guttà fellis degustatà. Hos juxtà mecum compellat Apostolus: *Iam saturati estis, 1. Cor. 4. 8. jam divites facti estis? Quam sententiam Chrysostomus simili doloris indignationisque sensu persecutus, saturos hosce Tirones minaci tonitru percellit: Tam citò ad finem pervenistis? Fratres charissimi (lubet enim Sancti Doctoris orationem ad vos convertere) si vos, inquam, post plurium annorum exacta spatia, debellatosque non uno prælio hostes, postquam vel cum Antonio in precandi studio con-*  

F f 5

seniui-

Hom. 10. in  
1. Cor. To.  
40. 101.

senuistis, vel cum Hilarione in humanæ gloriæ contemptu adolevistis, vel in fundendis lachrymis ætatem omnem posuistis cum Arsenio, vel denique, cum Ignatio & Francisco, multo usu exercitati abdicandis honoribus, repudiandisque Magistratibus assuevistis, partâ virtute frui, nec ultrâ desiderijs tendere propositum haberetis, haud magnopere commoverer. Verùm quòd labris etiamnum Ægyptio melle humentibus, paucisque admodum myrthæ guttis obiter aspersi, receptui canatis, & ceu perventum esset ad metam, ultiores in virtute progressus seu lassitudine, seu fastidio negligatis, id enim verò est, quod stomachum Veteranis, & Moderatoribus horrorem movet. Sanè tam supina vecòrsque negligentia ineptam virtutem manifestis indicijs prodit. *Paucis saturari, est animi imbecillis. Paucis existimare, se ditari, est nauseantis ac miseri.* **INSATIABILIS ENIM RES EST PIETAS.** Nempe qui ex animo Pietatem colit, non is antè quiescit, quàm in eorum, quos Apostolus mortuos appellat, descri-

*ibidem.*



descriptum se catalogo viderit. Et de illis quidem exstat Elogium ejusmodi : MORTUI ENIM ESTIS, *Et vita vestra abscondita est cum Christo in Deo.* At- *Colos: 3. 3.* que ego quidem, ut cupiditates vestras comprimeretis, vos adhortatus, non vidi, satis id haudquaquam futurum, nisi penitus eas exstingueretis. Oprat enim sectatores suos Paulus, optat & Alumnos suos Ignatius, non tam mortificatos, quàm mortuos. An negare quis potest, à S. Patre pro vitæ forma frigidum Cadaver fuisse nobis propositum? Idem exemplum non uno in loco producit, intuerique nos jubet, illam mentis ad quælibet munia gradusque perinde affectæ habitudinem, illam ærumnarum patientiam, invictam illam adversus voluptates, ac sinè sensu constantiam, illud cupiditatum omnium lethale frigus, illam denique positus, vultus, motuum omnium invariabilem rationem, quam in destitutis Animâ corporibus universi animadvertimus. Quod si autem prævisum Societatis hujus Conditori fuisset, fore, ut aliqui verbo perstricti dolo-

dolorem præ se ferrent, incussum ruborem non ferrent, alienum à munere quopiam animum gererent, aliudve mallerent, aut Domicilium votis occuparent, adeoque, quales Apostolus optabat, Mortui non essent, enimvero è vitæ libro, quem meditabatur, eorum nomina erasurum fuisse arbitror. Plus tamen, nisi fallor, Paulus postulavit, cum Discipulorum suorum virtutem ad Cadaverum formam exegit. Non solum enim voluptatis nulla cupido jacentem in feretro laceffit, aut injuria movet, sed ipse saniem ex se stillat, quæ exedatur, redigaturque in pulverem. Ut adeò cum nullus eos sensus rerum humanarum tangat, ad sui tamen carnificinam vivere videantur, prolato ex se, quo deformentur, & horrorem sui spectatoribus ingerant. Ad has meras uti pervenit Ignatius, tam negligens famæ, quàm avidus injuriarum, sic pertingat oportet, quisquis se filium profitetur Parentis illius, qui Mortuo, quàm Mortificato similior, dum viveret, existit.

115. Neque verò, ut tam insignem nostri mutationem consequamur, vel Sinæ fulgura, vel illapsas Apostolis in Sione flammæ, vel Pauli in dicendo efficaciam, vel Petri denique in objurgando vehementiam expectare debemus : id quod secundo loco me demonstraturum receperam. Omnis enim Divini Spiritûs impulsus, quilibet Præsidum nutus, quodcunque Sodalium exemplum necessitatem nobis imponit, hanc, quam dicimus, Conversionem perficiendi. Sanè Saulem nec leonum occursum, nec armati Cherubini minæ subegerant : solo Anachoretarum in Galgalis aspectu alienatus, à sensibus psalmos decantare cum Levitarum Choro, edere oracula, rerumque futurarum arcana pandere populis cœpit. Ignatius quoque nullis Sacerdotum monitis, aut Præsulum minis debet, quòd à militari licentia sic ad religiosum asperriumque vitæ genus traduxerit. Quamprimum enim oblatas fortuito Sanctorum Historias inspexit, tanto Sanctitatis studio exarsit, ut eo ipso in lecto, in quo decum-

bens,

bens, volumen aperuerat, sic commoveretur animo, ut domum omnem succuteret, cœlestibusque visis interesse jam posset. Avertat à vobis Deus fucatam illam, supposititiâque Pietatis speciem, quam vobis seu loci Religio, seu vigiles moderatorum oculi, seu privatæ publicæque ad Apostolicam virtutem vos excitantium voces, seu pœnæ metus, in Legum violatores decretæ, seu denique publicum in reos odium extorquere forsitan possent. Non esset profectò Perfectionis ejusmodi larva fervor ille virtutis, quem etsi per se magnum, nasci tamen interdum è re minima diximus. Quælibet virtutis species, quæ in oculos incurrit, sermo de illa omnis ad aures vestras allapsus, aut illata fortè Sanctorum Acta legentibus mentio, Præsidium voluntas, & Moderatorum in commoda vestra propensio, in viva quædam absolutissimæ probitatis simulachra vos effingat necesse est. Neque mirationem alicui faciat, id à vobis requirere me, quod Gregorius Nazianzenus in Catechumenis suis expertum se fuisse testatur.

Fate-

Fatetur is, ad induendam Neophytis sanctitatem satis fuisse, si vel Martyris objiceretur effigies, vel Anachoretæ cujuspiam Cilicium monstraretur. Ad primas Magistri voces in lachrymas abibant: primâ quâq; Senioris cujuspiam actione inflammabantur. Eam ob rem flumina illos è stillis enata, *Ætnas* è scintilla succensas, & *Cedros* è minutissimo semine ad Cœlum usque sublaras Nazianzenus appellabat. A GUTTA FLUVIUS *integer, à scintilla flamma sublimis*, A GRANO ARBOR avium requies. Hinc si ex petas, quis verus Domûs hujus Alumnus, germanâque proles habendus sit? cum ego cum Gregorio dicerem, qui, Jordanis instar, Terram sanctam irriget, sed exiguo tamen Libani rore concretus; *Agutta fluvius*. Id quod aliâ tempestate palam adeo fuit, ut ipse quoque meminerim, eos, qui verba faciebant in publico, studiosè dissimulasse ingeniosa quædam discrucianti sui argumenta, veritos, nè primo quoque tempore plus etiam, quàm voluisset Orator, & prudentia sineret, deducta in opus

Orat. 32. To:  
215. 308.

coge-



cogerentur aspicere. Ità pariter excutiebantur è Tironum manibus sublimes illæ Collationes Cassiani , austerissimæque Sanctorum vitæ, nè scilicet teneras mentes recentium Alumnorum, præcox ardor abriperet, velléntque continuò Anachoretam Paulum contemplationis assiduitate, Mariam Ægyptiam inedia prolixitate, Abrami Neptem pari, nec minùs atroci luctu , Gulielmum Aquitanix quondam Ducem injectâ nudis carnibus lorica, lorica tum Dominicum flagrorum immanitate , Bernardi denique amurcanti ceu lactis florem, haurientis, diémque totum obequitantis stagnum, nec à se visum, nec odæi fenestras, neque conclavis sui tabulatum noscentis, extases simili à sensibus abalienatione imitari. Quidquid audirent de primis nostris Patribus memorari, eo ipso temporis puncto voluntate complectebantur, atque opere complebant. Nulla erat virtutis exercitatio in menstrua Sanctorum Tutelarium sortitione à Lectore indicta, quam Tirones illi non statim arriperent, non continuò

exequerentur. Verbo: *A gutta fluvius, à scintilla flamma, à grano arbor.*

116. At neque id satis est, nisi conversa ad Deum mens suis manibus sanctitatem paret, ingentesque myrrhæ fascēs ipsa sibi messuerit. An autem, inquires, frenum excuti, & quò tulerit impetus, ruere patiemur eos, qui nuper admodum in Apostolicam palæstram immissi fuere? Haud equidem, ut frenos abrumpatis, vobis auctor sum: at neque virgæ sibilum, succussionem habenarum, aut calcarium stimulos opperiri vos perpetuò velim. Quiescat Tiro, cùm justitium Moderatores indixerint, nunquam tamen non impelli stimularique optet ad cursum. Sic igitur Christi catulos comparatos animo velim, ut Leonem Juda Christum, orbis Servatorem, fuisse in Apocalypsi legimus: *Vicit Apoc. 5, Leo de tribu Juda, radix David.* Perplexum elogium! Quippe cùm Servator Judæ proles dicatur, subinde, non tradux Davidis, appellatur, sed origo. Neque enim, quod ordinatius futurum erat, inquit Evangelista, *Vicit Leo de tribu Juda, & de RADICE*

*Pars IV. G g DA.*

## 466. QUIS VERUS SOCIETATIS

DAVID; *sed: Vicit Leo de tribu Iuda*, RADIX DAVID. Eum nodum ingenij suae acie dissolvit Abbas Rupertus, aitque: Messiam, quatenus Hominem, ritè dici è stirpe Judæ descendere; ut verò idem Deus cum sit, Davidis Conditorem, majorumque suorum parentem appellari. *Magnum quippe & mirabile est*, EJUS ESSE RADICEM, DE CUJUS STIRPE DESCENDIT. Idem ego præstari ab illis cupio, qui Militiæ Christi nomen dederunt. Vivant sanè sub obedientiæ signis, & à Ducum suorum præscripto nò latum quidem unguem discedant. Impugnè tamen, imò etiam cum laude, primos sibi ordines, primum in assultu locum difficillimâsque expeditiones ultrò depolcent. In hunc modum non modò sequentur, quò suus eos ardor impulerit, sed ipsi sibi viam facient exhortando Rectores suos, ut novis identidem laboribus vires suas exerceant, atque alijs super alios cruciatus ipsos expoliant; ità tamen, ut irrogata supplicia voluntarijs posthabentes, radix simul evadant, surculusque virtutum religiosarum.

117. Fal-

Lib: 4. in  
Apoc: To: 70.  
92.

117. Falluntur autem magnopere, qui putant, hanc virtutis perfectionem, in ultimos biennij aut vitæ menses, rejiciendam esse, id quod tertium Dissertationis hujus caput erat. Enimvero dilationes ejusmodi nec Hieronymus cupit, nec ego intelligo commune illud diverbium, dandum aliquid esse tempori, comuni malorum omnium Medico: quâ quidem sententiâ nihil est ad fovendam ignaviam, judiciâque corrumpenda potentius. Audiuntur in sanctissimis quoque domibus voces illæ: *Modicum ibi, modicum ibi, expectare expecta. Mihi non placent*, exclamat Hieronymus, *dilationes ista imperfecta servitutis Dei. Centurionem Cornelium ut lego justum, statim audio baptizatum*. Nempe, Gigantem in cunis, & Palæstræ Tironem jam rude donatum, Magnorumque exercituum Ducem requirimus? Haud equidem mutationes ejusmodi sic festinari posse, unquam somniavi: nec enim ignoro, quàm amplius senectuti campus relinquatur, ad parandos promeritorum thesauros. Fateor Ignatij virtutem longè perfectio-

Es: 28 13.  
Ep. 3. ad He-  
liod. To: 17.  
16.

468 **QUIS VERUS SOCIETATIS**

fectiorem extitisse sub religiosæ vitæ finem, quàm sub initium. Ajo tamen, illum ipso melioris vitæ principio, è milite profano, vanitatisque mancipio, in Cœlestem Heroëm, asperrimæque vitæ Professoremm immigrasse. Atque hæc illa Renovatio est, quâ in ipso Domus hujus aditu vos oportet esse conspicuos: etsi enim metam momento contingere non vos jubeam, cupio tamen alios ab ijs, qui studium ingressi fuistis, vos esse, & in veros Dei servos penitus converti. Catulus, tamen si cæcus, latrat tamen ac mordet, quémque olim, cùm in Molossum excreverit, gemitum feris infiget, eo, quo potest, modo, etiamnum ab ubere Matris pendens, inermi gingivâ minatur. **CATULUS,**  
*nondum obortis dentibus*, **JAM ORE**  
**QUIDDAM MINATUR.** Nemo recentium hospitem in sacrarum litterarum adyta penetrare se se contemplando potest. Jam nunc tamen sui specimen præbet, qui divinorum voluminum ambrosiam sucturus, præsentemque ubique Deum intuiturus est. Non sum ignarus, quàm

*Hom. 9. in  
 Hexæ. To  
 53. 12.*



quàm arctis limitibus circumscribantur Religiosorum adolescentium vota, quibus ad se discrucianos inardescunt : quàm severâ Charitatis lege prohibeantur nudo semper pavimento indormire, perpetuum nudis carnibus Cilicium apprimere, cinerem crebrò lapibus inspergere, brumali frigori nivibusque corpus objicere, Solis æstivi vehementissimis caloribus caput offerre, omnem denique immodicum usum eorum armorum, quod in Armamentarium redintegrata lachrymis Innocentiæ, irata sensibus virtus, antea actæque vitæ detestatio, congestit. Intrà ipsos tamen moderationis ac prudentiæ cancellos non obscura dant documenta, qui Crucis amatores, corporisque sint hostes futuri : jamque in multis vestram inextinctam ærumnarum sitim, rerumque asperarum rabidam famem, quas vel precibus extorquetis laudabiliter importuni, vel arte non unâ è Regentium manibus eripitis callidi sanctique Veteratores. Quis est vestrum, quem ante nuncupata vota mittere ad Antipodas, & ad Evangelium

barbaras inter Gentes disseminandum liceat ablegare? Divinare tamen in promptu est, qui potissimum ignotarum Regionum Apostoli futuri sint, quippe peregrinationum, Expeditionumque sacrarum studia, gravitas, quâ Religionis Christianæ rudimenta vel pueris in Paroecijs, vel rudibus in foro traditis, indicio sunt, quâ curâ industriâque Guineæ Mauros expiaturi, & Evangelij lucem cæcis per Americam populis illaturi olim sitis. *Catulus, nondum obortis dentibus,* JAM ORE *quiddam* MINATUR. Certè nec Ignatius primis statim annis aut Societatem condere, aut pro concione in templis, necessariâ videlicet eruditione destitutus, dicere potuit. At enim privatis sermonibus Auditores suos ad pietatem urgebat, & passim in turbam sese inferens, morum emendationem proponebat, Præceptor antè, quàm Discipulus, sanctitatis. Quid autem vos vetat, Sancti Parentis exemplo, humanæ laudis gloriæque illecebras averfari, deliciarum memoriam abolere, Mundi fraudes perfidiâque detestari, cognationis ipsum  
 quo-

mandum li-  
n in prom-  
um Regio-  
pe peregrin-  
e sacrarum  
s Christia-  
roecijs, vel  
sunt, quâ  
ros expia-  
er Ameri-  
culus, non-  
E quiddam  
ius primis  
dere, aut  
iâ videli-  
potuit.  
itores su-  
n in tur-  
ationem  
iâ Di-  
vos ve-  
anâ lau-  
delicia-  
fraudes  
is ipsum  
quo-

quoque nomen oblivisci, Obedientiæ du-  
ctum per omnia sequi, nullâ unquam ha-  
bitâ ratione, quò natura feratur, geniûsve  
impellat? Equidem austeritate damnosâ  
excarnificare corpus vetamini: at quæ  
lex prohibet, calcare fastum, voluptates  
horre, odissè quondam amata?

118. Quæ quidem, ut videtis, non  
eò pertinent, ut viri prius esse, quàm ado-  
lescentes, cogamini, neque perinde cum  
religiøsæ Militiæ Tironibus, ac cum Vete-  
ranis, multarumque palmarum ducibus  
loquimur. Vos imò, vos ipsi futura certa-  
mina votis occupatis. Non ego vobis O-  
ceanum enavigandum, non adcundos  
Æthiopas, non revincendam Japonum  
Philosophiam, evertenda Deorum simu-  
lachra, retegendas Bonziorum fraudes,  
excipiendas Tyrannorum furias, subeun-  
dam fortiter pro Christo necem propono:  
vestra hæc desideria, vestra hæc oratio est.  
Prudens, imò rerum ejusmodi commemo-  
ratione abstineo, vereor enim, nè Pro-  
bationis anni in his consilijs abeant, negle-  
ctis præsentibus, dum longinqua petuntur.

472 **QUIS VERUS SOCIETATIS**

Cupio imò in Domûs hujus exercitationes, minùs quidem gloriosas illas, sed non fructuosas minùs, omni studio, animique contentione vos incumbere. Quòd si enim præstò est animus, ignota tentandi maria, barbarorum terram peragrandi, compedes, vincula, in damnatorum custodijs perferendi, herbarum succo, ac sylvestribus baccis vitam tolerandi; quid est, quòd objurgantem Præsidentem, conclavis angustias, ingratum ferculi unius saporem horretis? Referendum hoc loco est, quod Augustinus in Servatoris nostri Baptismo annotavit. Abjecerat ille se ad Baptistæ pedes, precatus, ut cum vulgo ablueretur: cum Joannes, tantæ demissionis prodigio

*March. 3. 14* attonitus, *Ego*, exclamavit, *à te debeo baptizari, & tu venis ad me?* Adhæc Christus, metum Præcursoris elevaturus, egône, inquit, tingi à Propheta recusè, à liëtoribus propediem dilaniandus? Ego paucis aquæ guttis respergi dubitem, è cujus corpore totos sanguinis rivos flagra mox elicient ac spinæ? Certè quæ in monte passurus sum, cum hac, qualicumq; demissio-

ne, venire in comparationem haud possunt. Quam ob rem qui Calvariam meditatur ascendere, vitam Latrones inter in Cruce positurus, grave illi videri non debet, in Jordanem se se demittere, pios inter populos abluendum. PATI VENI, ET BAPTIZARI NON VENIO? Miretur sanè Christum à Joanne baptizatum, qui eum ab Herode spretum, à Pilato damnatum, proditum à Juda, ejuratum à Petro, à Scribis Cruci adjudicatum non vidit. *Quid ergo?* NON ERAT SUSCEPTURUS BAPTISMUM A BONO SERVO, QUI PASSIONEM SUSCEPIT A MALIS SERVIS? In hunc modum secum ipse ratiocinetur, oportet, qui molestas navigationes, inhumanas gentes, crudum coelum, ærumnosam vitam, mortem cruentam animo concipit. Siccine verò spinarum aculeos fugiam, qui gladiatorum aciem, hastarumque mucrones provocho? Itane sedere, cubaréque cum aliquo incommodo nequeam, si superos audeo rogare, ut è pedibus suspensio liceat immori fossæ, vivumque

Gg5 tumu-

*Tract. 5. in**Ioan. To. 37.*

38.

*Tract. 4. in**Ioan. To.*

38. 36.



tumulari? Quâ ratione non illudi sibi à me Deus queratur, qui copiam mihi fieri efflagitem, ardentes fornaces, & infesta serpentibus antra subeundi, si quietem culicis aculeus, Sextilis mensis æstus, religiosam patientiam, ac tum linguæ, tum mentis constantiam mihi extorquet? Exclamet igitur pro se quisque, qui Apostolicorum hominum ærumnas, laboresque votis suis metam præfigit: *Pati veni, ET BAPTIZARI NON VENIO?* Sic unusquisque molliem ignaviâque suam castiget: si quando, neglectis moderatæ virtutis exercitationibus, quibus religiosa disciplina suorum Alumnorum alacritatem experitur, grandium potius facinorum umbras ut consecetur, hortator Dæmon suggererit. Sic & alios in viros mutabimur, idque Marte proprio, sinè mora, & pœnarum metu præstabimus, Samuelis oraculum comprobaturi: *Insiliet in te Spiritus Domini, & mutaberis in virum alium.*

119. Id autem proculdubio satis non est: quando Saul, qui hæc omnia præstitit, si modò divinâ clementiâ servatus ab

inte.

interitu fuit, sui certè factus parricida, in  
 horrendum facinus, privatæ ferociæ im-  
 petu, actus est. Insistendum proinde ve-  
 stigijs Ignatij, qui conceptam, in paternis  
 ædibus sui mutationem, ac Manresano  
 subinde in antro perfectam, in omni vita  
 retinuit, ac Romæ, cum insigni sanctitatis  
 fama, pari fine conclusit. Quam verò cau-  
 sam fuisse putamus, quòd infelix ille Prin-  
 ceptus, ex Agasone vates effectus, ad extre-  
 mum gradu exciderit, divinatione in per-  
 fidiam, Deiq; amicitia in conjuratam In-  
 feris seditionem, Religione denique in Sa-  
 cerdotum cædem, ac veneficia commu-  
 tata. Enimvero si Nazianzeno credi-  
 mus, omnes ejus ruinæ inde ortum ha-  
 buere, quòd virtuti se non eâ, quâ par erat,  
 alacritate ardorèque permiserit. Quo-  
 niam autem SE TOTUM SPIRITUI  
 UTENDUM NON PRÆBUIT, nec  
 purè ATQUE INTEGRÈ, ut oraculum  
 ferebat, in alium virum mutatus est, sed pri-  
 stini fomitis, pravique seminis NONNI-  
 HIL supererat, atque in eo cum spiritu caro  
 confligebat, quid omnes illius calamitates tra-  
 gica

Orat. 7. To:  
 115. 77.

*gicâ oratione prosequi necesse est?* Haëtenus  
 Gregorius. Ego verò existimo, Regem  
 miserimū, à grandibus illis spebus actum  
 in præceps, quas à dapibus, osculo, lau-  
 dibusque conceperat, quibus celebratus  
 ad reliquarum Tribuum invidiam fuerat,  
 utique cū occini sibi audiret à Samuele:  
 CUIUS ERUNT OPTIMA QUÆ-  
 QUE ISRAEL? *Nonne tibi, & omni do-*  
*mu Patri tui?* Hæc laudis amplissimæque  
 dignitatis imagine occupatus infelix, cū  
 inter vates federet in nemore, regnare se  
 cum Imperij optimatibus existimabat, &  
 quo tempore canticis Muneratoris sui  
 gloriam extollebat, jam tunc edicta pro-  
 ponebat & leges, asserendæ potestati, ju-  
 rique Regio. Nempe ut linguâ psallebat,  
 sic animo imperitabat, simul se Sodalem  
 Sacerdotum, & Exercituum Ducem arbi-  
 tratus; canentium choro intererat, legē-  
 batque Senatum, adorabat Tabernacu-  
 lum, vastabātque civitates. Sic ambitio-  
 nis ac regni fumus oraculorum lucem in-  
 tercepit, animusque in regis potestatis  
 ostentatione defixus, sacrorum carminum  
 divi-

1. Reg. 9.  
 20.

divinitatem aut neglexit, aut contempsit.  
 Utinam præsentis conditionis tenuitati  
 non officiat Spes administrationum futu-  
 rarum! utinam, cum nullus nobis Samuel  
 oracula fundat, non ipsi nobis ea finga-  
 mus, & qualicunque splendore munerum  
 graduumque sublimiorum, quibus homi-  
 num suorum virtutem Societas aut remu-  
 neratur aut exercet, illecti, ultrò nobis  
 accinamus: *Cujus erunt optima quæque Isra-  
 el?* NONNE TIBI? Quid si autem Ado-  
 lescentibus, in Crucis & ignobilium mu-  
 nerum locorumque amore nondum satis  
 confirmatis, improvidi amici vaticinaren-  
 tur? fore illos in Ecclesiæ Cælo veluti  
 totidem omnigenæ scientiæ Soles, & in  
 religiosæ vitæ obscuritate clarissima lumi-  
 na, à quibus Elementa corporaque omnia  
 vim, virtutemque suam, ac cœlestis insu-  
 per Gratiæ influxus sint perceptura. Prò  
 impias voces, execrandumque dicendi ge-  
 nus, quo seculi transfugæ, tantum abest  
 ut in Sacrarj Custodes mutantur, ut illi  
 quoque, qui Evangelio se se erudiendos  
 commiserant, in vanitatis discipulos recu-  
 dan-

## 478. QUIS VERUS SOCIETATIS

dantur. Hæ divinandi perniciosissimæ rationes, Christianorum ardorem, Augustini temporibus restinxerunt oppresseruntq;. Eâ enim tempestate, tum Oratores, tum Antistites, æquitatis amatoribus, Magistratum honores, prosperitatem imperij, rerumque omnium affluentiam promittebant. Quibus augurijs fiebat, ut Credentium seducta voluntas, virtutem in quantum verterent, ac Christiani Christo deservirent, suorum potius spe commodorum, quàm Legum reverentiâ inducti. Imò si quando piorum prædia grando vastabat, aut pecora pestis absumebat, aut domus opésque latrocinij patuissent, Providentiam Divinam impijs auderent vobus inculcare. *Si doctus fuit sperare prospera,*  
 LIB. de pass. To. 49. 141. SUPERVENIENTIBUS ADVERSITATIBUS SAUCIATUR, *aut fortassis extinguatur. Non ergo eum adificat supra petram, qui sic adificat, SED SUPER ARENAM. Leva de arena. & pone supra petram.* IN CHRISTO SIT, QUEM VIS ESSE CHRISTIANUM. *Pertinet autem ad Christianam firmitatem, non solum opera-*



*operari, quæ bona sunt, sed & tolerare, quæ mala sunt.* Nemo, in Cruce renatis, victoriam ominatus dicat: *In hoc signo vinces;* sed non semel per diem ingeminet: *In hoc signo vincêris.* Non sit, qui filios Ignatiij meminisse jubeat, eum, qui legibus ad amissim paruerit, Præsidum manibus deportatum iri: prænunciet potiùs, strenuissimum quemque in agendo, & in omni vita sanctissimum, ideo pedibus omnium substernendum, & aut neglectum iri à supermis Ducibus aut premendum, quòd nec loqui audeat nec queri. Non primæ cathedræ commonstrentur, ceu certa virtutis ac sanctitatis præmia: imò eos, qui pietatē colunt ardentius, obscuriora munia, egentioraq; domicilia manere intelligant. His auspicijs assurgent ex hac domo solidi lapides, durissimaque marmora ad Dei domum aptabuntur. Cæterùm si Tironibus, in Christi censum recenter adscriptis, primos accubitus, melle lactēque manantia flumina, primariamque hæreditatis religiosæ portionem, totumque assensum augurabimur, non jam filices Societatis parie-

parietes, Ecclesiæque propugnacula fundaturos, sed beryllos crystallinæque elaborabimus, quorum ut amena est species, sic nullus in ædificando usus, ad fastum videlicet pompamque luxuriæ aptiorum. Quem lapillorum ejusmodi vanissimum luxum, gratum illum quidem oculis, sed gravem ærario, sed ineptum operi, sed Reipublicæ noxium pedibus proterens Tertullianus, *sed & lapillos istos*, inquit, *quid aliud interpreter, quam lapillos & calculos ejusdem terræ minutalia?* NEC TAMEN AUT FUNDAMENTIS DEMANDANDIS, AUT PARIETIBUS MOLIENDIS, *aut fastigijs sustinendis, aut tectis densandis* NECESSARIA? Solum hunc mulierum stuporem edificare noverunt: quia tardè seruntur, ut nitescant; & subdolè substruuntur, ut florent; & anxie forantur, ut pendeant; ET AURO LENOCINIUM MUTUUM PRÆSTANT. Sic est profectò, sic est: in Amethystos & Carbunculos denique Tirones illi evadunt, qui Magistratum, & Curulium gustu intiantur. Adamas  
certè

*De hab. mul.  
To. 18. 225.*

cerrè digitis ornamento est, si aurcâ palâ claudatur: nitet ille quidem, sed immenso labore lævigatus: ad alios usus ipsô quoque topho ineptior. Hic illorum exitus est, qui ad magnas spes labore maximo educantur. Formentur, quæso, Ignatij hæredes, non alijs, quàm Ignatij præceptis. Et is quidem in arrepta mutatione vitæ, contrâ quàm Saul, immotus perstitit: quòd, ab illo diversus, fixum apud se ratumq; semper habuerit, calumniam, supplicia, ærumnas, injurias, famem, inopiam, nuditatem, contemptum, in parte laudis, præmij, quietis, lætitiæ, patrimonij, felicitatis denique ac regni reponere. Honoribus etiam sacris, præfecturis, licèt domesticis, aditum voti religione occlusit, advocatis ultrò in ipsâ penetralia famæ, libertatis, vitæque dispendijs, id unum votis omnibus dum viveret consecratus, ut vulgi ludibrium, Academiarum odium, mundi peripsëma haberetur. Confirmato ejusmodi consilijs animo, eundem in vinculis, eundem in plagis vultum servavit,

482 QVIS VERUS SOC: TIRO.

vir, lætus opprobrijs odióque, quòd in se,  
suámque doctrinam ac Societatem, con-  
juratum terrarum orbem viderat conce-  
pisse. Atque hæc illa sunt Axiomata, qui-  
bus unusquisque nostrum *in Virum alium*  
se mutabit, & mutatum semel in verum  
Christi servum, eundem se perpetuò ser-  
vabit, nullo unquam tempore calvariam  
crucémque inhonesto transfugio deser-  
turus. Id quod evenire omni-  
bus velim.



EX.

# EXHORTATIO

## XLVII.

Pridie Purificatæ Virginis.

Postquam impleti sunt dies purificationis MARIÆ, tulerunt JESUM in Jerusalem, ut sisterent eum Domino. . . Luc. 2.

**N**ullo unquam tempore se ad vitæ perfectionem per-ven-  
tum speret, qui non ipso statim  
sui è seculo ad religiosum ordinē trans-  
itu sanctitatem induit. Id Moyse  
Pauloque usitatum, cum alter à sorore  
ad virtutem, ipsa inter parentis ubera,  
erudiretur, alter, vix dum baptismo  
initiatus, Christi Encomia se Ju-  
deis approbaret. Verum thus à fitti-  
tio secernitur, si carbonibus injectum  
sumat statim & ardet. Qui Tiro lau-

H h 2

guer,



guet, *Veteranus jacebit. Huic promptitudini jungatur letitia, suâ sponte ad metam virtutis e volans, rapiens-que sanctitatis decus. Resumit nativum frigus, & obscuritatem suam, quod flamma vi fornacisque incendio canduit ferrum. Mosaicam proinde rupem potius, quàm Jordanem imitemur oportet: illa enim Prophetis, vel absentibus, effundere torrentem non destitit; hic verò, arcâ remotâ, pristino se cursui reddidit. Plena denique & integra esto Metamorphosis nostra, ut Athesis quondam, videlicet ad natura usque mutationem, & rerum caducarum, non amoris duntaxat, verùm etiam memoria in nobis interitum.*

120.



Aud procul à Solymis  
absumus, & ad Templi,  
toto terrarum orbe reli-  
gio-

giosissimi, fores cum Virgine Matre, divinum Puerulum Patri repræsentatura, consistimus : Ejus videlicet diei pervigilium agentes, quam Ecclesia supplicationibus, facibus, alijsque spiritualis lætitiæ argumentis celebrare consuevit, id quod non solet ; seu in stabulo nati, seu versantis in nemore, aut Galilæam peragrantis, aut in cruce morientis Christi memoriam recolat. Equidem ut triumphalis lætitiæ morem pietatēque commendo, & veneror, sic ejus causas finēmq; hauri assessor. Tantine est, à Matre Filium aris admove-ri, mox duorum turturum permutatione recipiendum ? Quàm multos Scribarum ac Phariseorum, qui Pontificum in cœtu sacrilego Servatorem orbis morti adjudicârunt, delatos itidem ad templum, Sacerdotibus oblatos, consecratosque Deo fuisse putandum est, quòd primi parentibus suis nati essent ? Quantò major illorum numerus exstitit, qui postquam in pueritia, eodem natalium jure, Divinitati sacrati fuissent, subinde Dicasterij vestibulum vocibus illis impleverunt : Tolle,

*tolle, crucifige eum* : haud veriti, Barrabam civilis sanguinis hirudinem Christo præponere, suscitatori mortuorum. Quid? vel isle Caiphas, cui, utpote Leviticæ stirpis Principi, Pontificiæ dignitatis Insulæ obtigerant, iisdem cum Christo ritibus initiatus, sacris Templi parietibus à Parentibus illatus, divinorum sacrificiorum ministerijs ab ipsa infantia dedicatus est. Quòd si ergo hæc Puerorum oblatio apud Hebræos Primogenitis omnibus, licet essent perversissimæ indolis, vitamq; per omne scelus acturi, communis exstitit, quid attinebat eam in Christo infantulo tot laudibus efferre, tantâ pompæ celebritate recolere, utique cum non deessent tot ejus alia facinora, digna profectò, quæ ab Ecclesia proponerentur imitationi Fidelium, & exquisitissimæ celebritatis apparatu festisque gaudijs agerentur. Atq; hæ scilicet nebulae sunt, quæ præsentis dei splendorem animo meo interceperunt, haud satis affecunt, quam ob causam tanta veneratio, festaque hilaritas impenderetur actioni ejusmodi, quæ in primos par-  
tus

tus universum ac promiscuè cadebat, sive illis vita laudabiliter acta immortalem gloriam, sive flagitia æternam infamiam allatura essent. Sed Deo laudes, luminum Patri, cujus beneficio consecutus sum, ut viderem, quid inter vulgares Primogenitorum ac Christi oblationem inrerlit. Nam, præter Jeremiam & Joannem, ope gratiæ materno in utero emendatos, ceu brutæ animantes universi ad aram sistebantur: nullo, nec rationis usu, nec religionis sensu, nec rei, quæ agebatur, conscientia: stolidi, & quid Præsentationis mysterium sibi vellet, ignari. At verò divinus infantulus, majore etiam, quàm quæ offerebatur à Matre, æterno Patri religionem se dedicabat. Non alienâ solum dedicatus voluntate, sed suâ fuit, atque, ipso in limine Templi, justissimæ Patris iræ reconciliationis Hostiam obtulit se se, ad cruentum in horto sudorem, flagra in Prætorio, crucem in monte, pro humani generis lytro, divinæque gloriæ amplificatione, ferendam paratissimus. O si crastina luce fas esset, è Christi Jesu pectore,

velut ex interiori arcæ sacrario, velum reducere, prò quantam qualémque Thimi-  
 amatis, hoc est generosissimorum spiri-  
 tuum flagrantiam deprehenderemus, vi-  
 deremúsque desideriorum ardorem, ho-  
 minum Angelorumque studijs omnibus  
 majorem, ad cœlum usq; ascendere! Quæ  
 res haud modicam mihi curam injicit, nè  
 fortè non omnium oblationes, qui se in  
 domûs hujus sacrario divino famulatu de-  
 vovent, ejusdem pretij sint ac dignitatis,  
 licèt eâdem voluntate similique religio-  
 ne perfectæ videantur. Etsi autem ab  
 hac dedicatione nostri omnis, quam de-  
 inceps in virtutis studio ponemus, vita de-  
 pendeat, exiguam nihilominus illa vim  
 habet, nisi Christi Præsentationi ex omni  
 parte respondeat. Quæ quoniam citò,  
 sponte, integrèque ab eo patrata fuit,  
 haud abs re fuerit ostendere, quantum ad  
 secururæ ætatis sanctimoniam interfit, ut  
 is, qui se Deo committit, ac tradit, primo  
 quoque tempore, & plenà voluntate id  
 faciat, totumque se immolet: quando pa-  
 rum admodû, aut nihil præsidij est, in nu-  
 da



da illa nostri ipsorum oblatione, si fortè illam celeritas liberalis, plenàque inductio animi destituerit.

121. Singularis prorsus festæque lætitiæ plenissimus noster in Societatem ingressus est, & à primis studijs, quibus Christo nos, omnemque vitam nostram addicimus, omnis subinde virtutis amor derivatur. Id quod manifestè videre licet in celeberrimo illo certamine, quod Moysen inter & Ægyptum, armis consilijsq; longè diversissimis, commissum fuit. Et hæc quidem Provincia omnem lapidem movit, ut amorem sibi vatis præstantissimi conciliaret. Incolumitatem inter undas præstitit, cunas paravit in regia, servituti, quâ Gens Hebræa premebatur, exemptum voluit, regali stirpi innexuit, ut princepe fortunâ dignum erat, educavit, summis quibusque non Optimatibus solùm, sed Regis Agnatis antetulit, filiùmque Reginæ adoptatum, regni Hæredem dixit. His officijs Ægyptus cum Moysæ certabat; at ille blandientem averfatus, regionem gentemque abominaba-

tur : Alumnum se negavit, hæreditatem contempsit, regnum abiecit, regiam reliquit, mancipijs se aggregavit, popularium suorum compedes, quàm Imperium maluit, vastissimùmque Regnum tenebris, cruore, funeribus replevit. Ad hæc Magnates opibus, ærarium vectigalibus, Regem Subditis spoliavit, maximósque Exercitus, quibus regnatix Provincia imperium propugnabat pariter amplificabátque, mari Erythræo submersit. Unde autem tantus in Moyse in religionem amor, tantum adversùs superstitionem odium ? Dicetis, nisi fallor, hos illum animos divinis è colloquijs sumplisse, cùm Sinæ flammis circumdatus, quadraginta dies totidemque noctes cœlestium rerum contemplationi vacaret. At enim hæc post ea, quæ memoravimus, egregia facinora evenere. Ardor ille Legislatoris Hebræi, non inter sacri montis ignes, nec in otio illo contemplationis, sed inter regiæ blanditias, primósque Infantix vagitus exarsit, in qua, è Sororis Matrisque monitis, quarum alteram Magistram, alteram Nutricem habuit,

*Exod. 2. 9.*

buit, tantæ religionis semina, eamque in  
patrijs sacris constantiam hausit, ut nullæ  
unquam vel Reginae blanditiæ, vel prava  
æqualium exempla, vel Satraparum con-  
silia, vel Gentis impietas, vel denique re-  
gnandi spes, eam labefactare potuerint.  
Audite operis imperfecti Auctorem, sum-  
mo ingenio atque eloquentiâ præstantis-  
simorum facinorum gloriam, festinatæ de-  
dicationi, quâ Moyses, penè dixerim, in-  
ter Parentis ubera se Abrahami Deo de-  
vovit, adscribentem. *Perdidit beneficium* Hom: 25. in  
*suum Aegyptus. Non potuit bene nutriendo* 10. Mach.  
*facere suum, QUI, MELIUS NASCEN-* Tom: 28. 110.  
*DO, FUERAT ALIENUS.* Quare  
si quis miratur repudiatam à tanto Viro  
Regiam, habitum odio Regnum, con-  
temptum Regem, profigatos Exercitus,  
transmissum pedibus mare, initam cum  
Deo in monte familiaritatem, descriptam  
legem, vitulum, paulò antè adoratum, pe-  
dibus proculcatum, deletas Idololatra-  
rum copias, patefactum in Palæstinam  
iter, honores vitatos, toleratas injurias,  
protractam tam diu inediam, cognatum  
san-

sanguinem neglectum, adita fortiter pericula, fusas ad Deum, inter armatos, mediòq; in pugna ardore, preces, sumptum de impijs supplicium, opem dubitantibus aditam, inimicos in gratiam receptos, sustentatos in gradu nutantes, pertinaces edomitos, tabernaculum religioni consecratum, sacra instituta, ordinata sacrificia, jura populis data, conjunctionem cum Deo: hæc, inquam, qui miratur, noverit, ideo Moysem adultum, juvenem, virum, senem semper sibi similem, hoc est sanctissimum, fortissimum, majorem homine, proximum Deo fuisse, quòd, sub primum illucescentis rationis exortum, Avorum se Religioni tam festinata virtute devoverit, ut, quamprimum, à quo conditus esset, agnovit, ab ijs, à quibus educabatur, mentem averterit. *Non enim potuit, bene nutriendo, facere suum, qui* MELIUS NASCENDO *fuerat alienus.* Ad similem cum mundo luctam se paret oportet, qui hos intrà parietes adolescit. Postquam enim ab Academicis ad eruditionem informati, literisque instructi fuerint,

tis, in solem educemini, ut urbes doctrinâ,  
 & egregijs virtutum exemplis populos il-  
 lustretis. Et verò geminâ hâc luce con-  
 spicuos, laudibus, acclamationibus, vene-  
 ratione mundus excipiet, ceu Servatores  
 suos tantum non adorabit, suisque in ædi-  
 bus, atque ipso in pectore recipiet, ut,  
 quam à vobis lucem hausit, quàmque à ser-  
 monibus vestris salutem sibi promittit, ijs,  
 quibus potest, grati animi officijs testetur.  
 Hoc honorum, undiq; se ingerentium, im-  
 petu in casum nutabit, qui infirmis radi-  
 cibus hæret, vanâque rerum specie captus,  
 fiet ex Israëlita Chaldæus. At verò do-  
 mûs hujus germani Filij, modestiam inter  
 acclamationes, paupertatem in magna-  
 rum ædium copia, tranquillitatem in ne-  
 gotiorum æstu, simplicitatem in subtilis-  
 simarum Quæstionum explanatione, pro-  
 cul à Præsidium oculis, & in amplissimis  
 muneribus positi, religiosæ disciplinæ a-  
 morem, legumque omnium curam retine-  
 bunt. Id scilicet Moyse evenit, qui Gen-  
 tes inter, veri Numinis ignaras, circumci-  
 sus, Hebræus inter Ægyptios, solitudi-  
 nem



nem in Regia, in convivijis abstinentiam, integritatem inter petulantes, servitutis denique amorem in ipso regnandi confinio servavit. Talem verò tantumque se præstitit, quòd celeritate incredibili se Deo statim, ac ejus nomen audivit, dedicaverit, Pharaonis Aulâ in Divinitatis Sacrarium, ac Sancta quædam Sanctorum sibi commutatâ.

122. Porro, quod Legis Veteris Conditori accidit, idem subinde, Amplificatori Novæ, Doctori Gentium, evenit. Enimvero Apostolus Paulus Orientem atque Occidentem nominis sui & omnigenæ virtutis famâ implevit. Innumerabilia illum decora illustrârunt, seu Gentes ad Christi cultum ab eo deductas, seu pro-seminatum, tum voce tum scripto, ubique terrarum Evangelium, seu præreptam à vivente Cœlitum felicitatem, suscepta cum Veneficis, cum Consulibus, cum Pontificibus, cum Cæsaribus denique certamina spectes. Hic ille Vir exstitit, qui orbem penè univèrsium, quâ tùm patebat, peragraret, qui Cœlum, non nisi fato fun-

ctis

Etis pervium, vivus intraret, qui Angelo-  
rum cantus exaudijt, & Divinitatis arca-  
na; qui per Arabiam, Syriam, Illyricum,  
Macedoniam, utramque Asiam, Urbem-  
que Romam, vexillum Crucis erigeret,  
câmq; vel ipsis Neronum gladijs vene-  
rabilior, cariorem Athletarum Imper-  
atorumque Laureis; sacrationem deniq;  
Religionibus omnibus, apud omnes Gen-  
tes efficeret. Lubetne autem investigare  
originem, è qua ingentia hæc decora, &  
incredibilis gloria profluxit? In promptu  
causa est: in eum enim, quem miramur,  
Apostolum excrevit, eò quòd grandia  
principia Catechumenus fortitus, absolu-  
tissimæ virtutis jam tum fundamenta Ne-  
ophytus jecerit, cum Deo se penitus, pri-  
mo conversionis suæ triduo, addixisset.  
*Cum placuit ei, qui me segregavit, & voca-  
vit per gratiam suam, ut evangelizarem il-* Gal. 1. 16.  
*lum in Gentibus;* CONTINUO non ac-  
quievi carni & sanguini. En vobis festina-  
tam à Paulo dedicationem sui, cum eo-  
dem temporis puncto Evangelij lucem re-  
cepisset, seque à Circumcisione segregas-  
set:

set : adeò, ut quo momento Baptismo tinctus est, eodem Numinis in Crucem acti, & omnium odijs etiam tunc flagrantis, Encomiastes evaserit. *Et CONTINUO in Synagogis predicabat Iesum, quoniam hic est Filius Dei.* Tam prompta generosaque festinatio, quæ Christi, pro salute nostra imitationeque in Templo statim, ubi à Matre oblatus Simeoni fuit, se se Patri dedicantis, donationem graphicè representat, immortalem tum Moyli in veteri Lege, tum Paulo in nova gloriam peperit, omnesque eorum actiones atque consilia mirificè extulit. De ijs proinde solis videor mihi spem facere posse, fore, ut & suæ virtutis, & alienæ felicitatis ingentem quæstum faciant, quorum videlicet, primo statim suæ consecrationis exordio, ingentia studia, contentionemque minime segnem conspexero.

123. Huc facit, quod Plinius advertit, posterósque monuit, quo discrimine verum fictitiumque thus intemescatur. Enimvero tantam ejus mercis caritatem temporibus Cæsarum fecerat prodiga

diga Sacrificulorum superstitio, ut nullæ jam Arabiæ indicerent vanorum Numinum templis. Supplevit inopiam institutorum avaricia, resinâ candidâ purgatâque Idolorum Cultoribus obtrusa, eo doli successu, ut, pro thure legitimo ac digno aris, & emeretur & cremaretur. At non illum naturæ Scrutatorem fefellerunt, quatuor videlicet dotes in vero thure requirentem, quæ in adulterinum neutiquam conveniebant. *Probat*ur, inquit, CANDORE, AMPLITUDINE, FRAGILITATE, *nè dentem recipiat potius, quàm in micis frictur.* Subinde cum non ignoreret, hæc etiam indicia fraudi patere, quantum apposuit, quod omnino in resinam cadere nequeat; videlicet carbonibus impositum thus concipere continuò flammam, aëremque suaveolenti caligine inumbrare. Equidem *probat*ur candore, *amplitudine, fragilitate, sed potissimum* CARBONE, UT STATIM ARDEAT. En tibi certum indicium, quo veri Christi servi à fictis internoscuntur. Quisquis, simul in sacro hoc Altari adoleri cœ-

Lib: 12. c. 14.  
Tom. 57. 98.

pit, simul ardet, & virtutis fragrantiam latè diffundit, is denique in adyta recipiatur sacrariumque templi, habeaturque pro sincero thure felicitis illius Arabiæ, quam Christus in novo suo mysticóque mundo suâ ipse manu consecvit. Prohibendi contra, ceu spuræ fictitiæque merces, qui post plures, à suo in Religiosum Ordinem ingressu, menses, nec ardent nec fumant. Frustrà enim ab ijs, qui in Domo Dei cœlestes inter carbones segniter inflammantur, virtutis amorem, studium religiosæ disciplinæ, exempli fragrantiam, morum integritatem, dicendi fervorem, fructum è privatis publicisque sermonibus, auctoritatem denique ac famam speraveris. *Probat*ur quippe futurus olim Apostolus carbone, ut STATIM ardeat. Qui se facturum pollicetur, nunquam faciet, infectaque & irrita reddet, quæ fiunt ab alijs. Festinare debet munus suum verus Operarius, & cor suum, primo statim tempore, quo in hoc templum intravit, consecrare.



si tam spontè, quàm celeriter munus tuum obtuleris. Suspectus mihi is calor est, quem loci sanctitas afflat domesticis. Veritus proinde semper fui, plausum commodare candentibus laminis, quas Richardus de S. Victore, mentium in Deo absorptarum, & in charitatis ignem conversarum, imagines esse voluit. *Paulatim incalescit* ( de ferro loquitur doctissimus Theologus )  *paulatim nigredinem deponit, sensimque in se ignis similitudinem trahit, donec tandem à se ipso* PLENE DEFICIAT, & IN ALIAM PENITUS QUALITATEM TRANSEAT. Sic itaque, SIC ANIMA, *divini ardoris rogo, intimiq; amoris incendio* ABSORPTA. Equidem vehementer miror, qui factum sit, ut vir tantus, in re longè gravissima, nihil amplius requireret, ac tantillo sibi acquiescendum putaret. Itane verò animi, divino amore inflammati, Symbolum dicemus ferrum candens ? Eripe modò flammis, videbísque exiguo temporis intervallo ad pristinam duritiem, frigus, ac squalorem rediisse : *cujus rei causam in promptu habemus :*

*Tract. de g7.  
Char. p. 1.  
To: 77. 176.*

bemus: tantum enim abest, ut suopte ingenio ac marte tam illustrem speciem induerit, ut totis nativarum qualitatum viribus splendori ardoriq̃ue flammæ relictum, cū jam non posset obistere, inimicæ sibi mutationi succubuerit. Idem sæpenumero in his divini spiritûs incendijs usuvenit, in quibus, socordes cæteroque ac frigida mentes, calorem concipiunt, atque in aliam à priore speciem immutantur, subactæ videlicet Familiæ moribus, Sodalium exemplis, ac Præfidum vigilanti severaque custodiâ. Sanè quem adicititius ejusmodi splendor capit, necit ille aliter consecrari pueros rationis expertes, aliter viros, suâ ipsorum sponte se Numini dedicantes. Et his quidem cum vita durabit virtutis amor, illos pariter, atque hinc, decurso Tiocinij curriculo, migraverint, religiosæ disciplinæ studium deleteret. Ardēt sanè, scintillant, fulgurant, ac ferri more, quod flammæ cedit. Submotis subinde carbonibus, cū liberiorē auram respirare cœperint, perturbationum suarum calorem, contumaci-

am

am indolis receptabunt, intractabiles, & nullam in Crucis formam fingendi. At enim procul absunt, ab ejusmodi, turpissimæ quidem, conversionis periculo, qui & sedulò in accuranda vitæ perfectione laborant, & alijs eandem promoventibus collaborant, operamque suam ac studia conjungunt. Cum namque religiosæ vitæ leges non patimur modò, sed amamus, vel ipse progressus ætatis, negotiorumque varietas, pro languore alacritatem ingenerat. Luber hæc exemplo firmare, haud parùm diverso à priore, suffecto videlicet contumaciæ ferri, amaritiæ seminis mali aurei: quâ quid ingratius palato, quid insuavius dici potest? Sanè, nè succo permista, cibos suo sapore inficiant, curiosè ab Oblonatoribus ea semina fœcernuntur. Si quod tamen eorum, terræ mandatum, sepulchrum suum nec dedignetur nec horreat, aperiet illud se se paulatim, ac soli virtutem sibi, illi fibras suas insinuabit, tum mutuis, ut ità dicam, cum tumultu suo amplexibus junctum, in furculum primò, tum & in ramos excreset, ac subin-

de, durato ampliatioque trunco, latè foliorum suorum pompam explicabit, fragrantia, flore aërem implebit, mensasque aureis pomis ditabit. Quis jam est, qui non videat, quàm tenues igni, elementorum licet omnium principi, vires sint in ferri massam, quòd hoc contumaci & aversà indole, non tantum flammæ beneficium ac sortem suam non amat, verùm etiam, dum vires suppetunt, oppugnat, ac subinde victum, manifestis indicijs docet, splendoris ac fervoris ornamenta ingratis sibi aptata fuisse. Contrà verò terra, elementum cæteris ignobilius, tanta prodigia parat in semine, nullius penè molis ac formæ, ingratisimique saporis, eam duntaxat ob causam, quòd altrici obnoxium transmissum succum, tenui licet angustoque sinu exceperit. Quid multis? illi demum incrementum sumunt, flores fructusque parturiunt, qui, quantumcunque obscuri, nullius, nec religiosæ Vocationis famâ, nec virtutis laude inclyti, ubi primum ad communem Domui huic disciplinam admitti fuerint, eam acutissimè

com-

complectuntur, nullorumque, quibus ad virtutem urgeantur, stimulorum indigi, penè antè ad metam evolant, quàm inducantur in arenam.

125. Hinc est, quòd Apostolus in ea, quam ad Corinthios scripsit, Epistolà, non Jordani celeberrimo flumini, sed scopulo solitudinis Messiam comparavit. *Bibebant autem de consequente eos petra, petra 1. Cor. 10. 4. autem erat Christus.* Equidem Paulus videri mihi potuit, tot tantorumque decorum, quæ Profluentem, non tam aquarum quàm mysteriorum ubertate nobilissimum, exornarunt, oblitus fuisse. Nam si ad paradigma suum illustrandum prodigia requirebat, quis est, qui nesciat, Jordanem Arcæ siccum alveum præbuisse, retentis, qui supernè devoivebantur, fluctibus, & in montes, ut procul aspicientibus videri poterant, crystallinos duratis? Perstat nihilominus Paulus, testaturque, non placere Christo Jordanis vocabulum, placere petrae nomen, quæ Israëlì torrentes submiterit, in sitis ac viæ solatium. Cujus, nisi fallor, ænigmati solutio, ex ijs, quæ



dicemus, petenda est. Inaudito certè prodigio aquas suas flumen illud represierat, sed non diutius tenuit illata cursui vis, quàm Arca Dei vel in alveo stetit, vel ripæ adstetit, ut tutum Populo transitum præstaret. Simil autem eâ regione Arca excedit, flumini Jordanes ad ingenium reuertit, cuiusque situm, non minùs ac antè, rapidus tumidusque. At rupes longè divertitissimam rationem tenuit, laxavit ea se se in torrentem Moyse Aaronè-que præsentibus, virgàmque intentantibus : sed & demceps, cùm illi terga vertissent, jánque procul semoti per solitudinem Populum ducerent, in prodigiosæ mutationis constantia perstitit, immixtis per Vatum Populique recedentis vestigia copiosissimis ac gelidissimis undis. Id quod Davidem, attonito similem, exclamare coëgit : *Quoniam percussit PETRAM, & fluxerunt aqua, & torrentes inundaverunt.* Hoc videlicet est, tamen ex informi lapide, vivum spiransque simulachrum mentium illarum, quæ se penitus Christo consecrârunt, ejusque in Templo

plō Præsentationem proximè imitantur. Primò statim, paternæ admonitionis ictû, tam pronâ voluntate excipiunt, ut procul semotis & Præsidum virgis, & Prophetarum imperijs, cœptas sui ipsorum victorias prosequantur, semperque oculos gerant lachrymis humidos, expriment tam teneros sensus pietate, quibuscunque vel duræ indolis, vel educationis infæcundæ ingratij. Atque hi demum in veras se fingunt Servatoris effigies, dedignati Jordanis nomen, Rupis appellationem adoptantes, quòd ille, quem Arcâ præfente, aquarum naturæque suæ impetum prodigioso genere obsequij domuisset, absente resolverit; hæc verò vim suam, ac Legislatoris imperium, producto constanter profluente, tenuerit ac perpetuaverit. Nempe parùm id Christo est, si te in Arcâ conspectu vincas, ac dum efficacis virgæ ictus personant. Eos ille demum amat suosque censet, qui vel soli, nullòq; custode appposito, Divinæ gratiæ voces nihilominus exaudiunt, cœptamque cum

Ii §

pra-

pravis desiderijs, congenitisque vitijs pugnam, nullo temporis puncto remittunt.

126. At enim, inquires, naturam quis exuat? Is, inquam, qui gratiam induerit. Putasne tu, obsecundasse naturæ vel rupem vel fluvium, quo tempore illa torrentes edidit, hic retinuit? Nolim tamen Dei Domum hanc invidiâ cumulare, tanquam vitæ sanctitatem in ea, aut non nisi labore maximo consequi possimus, aut nullo. Non igitur exuendam indolem extirpandamque naturam, sed emendandam esse dico. Tantum abest, ut in Dei servis opprimi naturam velim, ut etiam eorum, qui ad nos accedunt, acri vividæque indole plurimum me delectari profitear. Hæc nimirum vis atque ardor animi muneribus nostris apprimè congruit, sive orandi dicendique labores, sive Millions, ac totam denique vitæ Apostolicæ rationem spectes : ij enim muneribus ejusmodi felicius defunguntur, quorum venas natura puriore sanguine replevit, pectusque flammâ generosiore succendit. At virtuti, ac salutis alienæ studio  
mili-

militet oportet hic ardor, non otio, non curiositati, atque licentiæ. Acres, impigri, strenuique ut sitis, opto; sed modestiam quoque, sed pietatem pariter requiro: utque perturbationum vestrarum victores, & Crucis cupidores, quàm vestri, sitis, magnopere postulo. Quì autem, inquis, in Alumnis crucis res tam diversas, ignem & aquam, alas ac compedes, laborem ac quietem conjungemus? Fateor, me non satis scire, quid optem: illud verò persuasum habeo, eos, qui Deo se se in templo dedicant, tales prorsus esse oportere, qualis Veronæ Athesis existit, cùm alveo suo egressus, ad D. Zenonis ædem accessit. Mirum dictu! Dies agebatur urbi sacratissimus, frequentissimaq; concio templum repleverat, cùm flumen, ad patentes templi fores fenestrâsque, adeò inexpectatum adfuit, ut omnem fugæ locum præcluderet, mox, ut videbatur, omnia oppressurum. At enim de tanta inundatione, nè stilla quidem, ædis sacræ pavimentum asperfit. Quid? quòd majore adhuc sibi vi illatâ, sanctorum Martyrum

vene-

venerationem testata eluvies est. Quippe, cum periculi magnitudo inediaque, conclusi eo loco populi sitim accendisset, ac pro se quisque calices phyalasque ad templi valvas, aquam hausturi, attulissent. iidem illi fluctus, qui, nè Christi cultores obruerent, in vestibulo constiterant, ultro se in admota vascula transfudère. Tam prodigiøsæ Historiæ fidem adstruit Sanctus Gregorius, qui tertio Dialogorum libro scribit in hunc modum: HAURIRI, *ut aqua, poterat*, SED DIFFLUERE, *ut aqua, non poterat. Stans ante januam, &* AQUA ERAT AD ADJUTORIUM, ET *quasi* AQUA NON ERAT AD INVADENDUM. Potestne vitæ nostræ forma magis apposita, quàm quæ ab Atheli vel furente, descripta est, excogitari? Perseveret sanè in nobis nativæ indolis vis, sed quæ sanctitati non obstat, imò verò commodet. Exulter sanè mentis vigor igneus, non qui leges convellat, sed impleat. Sit sua luminibus acies, sed quæ cælo defigatur; sit os eloquens, sed de cœlestibus rebus, sed concessis tempor-

*Lib. 3. Dial.*

*c. 9.*

*To: 32. 420.*

pori-



poribus: corpus ipsum ad cursum emiceret, nempe ut ad Indos properet, non ut otiose vegetetur. Dicant denique posteri, de consecratorum Deo adolescentium temperie: *Aqua erat ad adjutorium, & quasi aqua non erat ad invadendum.*

127. Fieri ne autem potest, ut in Divinae Gratiae sinu collocatus, immoderatas naturae cupiditates non obliviscatur? Atque hæc erat legitimæ donationis conditio tertia, cui videlicet satis haud est, citò, promptèque fieri, nisi plenè itidem, cum integra propriæ voluntatis abdicatione, religiosarumque exercitationum exquisito studio, conficiatur. Nec enim, mihi credite, Tabernaculum Dei dignè subit, qui alterius rei, præter Deum, memoriam secum infert. *Introibo in potentias Domini: Domine memorabor justitiæ tuæ* Ps: 70. 16. SOLIUS. Quisquis sincere, atque ex animi sui sententiâ, se Deo dicavit, tantum abest, ut solatia humana honorisque caducos amet, concupiscat, emendicet, ut etiam ignoret, an uspiam ejusmodi res existant, ac peregrinæ prorsus seu barba-

ræ illi sint voces, utpote infra destinationem suam tanto sitæ intervallo. Eapropter Christus, Ecclesiam suam informaturus, non Patriam, Parentesque deferere, non Magistratibus nuncium remittere, à spectaculis & triumphis oculos, ab opibus & honoribus animum avertere, sed rerum istarum omnium imagines, ipsamq; adeò memoriam jussit obliterare. OBLI-

*Psal. 44.*

VISCERE *populum tuum, & domum patris tui.* Idem planè S. Hieronymus in Pacatulæ Virginis educatione requisivit, ut in caram Deo Sponsam adolesceret. NE-

*Epist. 12. ad Gaudens.*

*To: 17 91.*

SCIA T, inquit, *præterita*, FUGIAT *præsentia*, *futura* DESIDERET. Hoc licet est, valec' xilè sæculo, si nec mentem referas, unde fugisti, atque insuper omnem ejus spem evaseris, ignarus an mundus in mundo sit, durèntque etiamnum, quibus ille componitur, elementa; concupiscentia videlicet oculorum, impotentia linguæ, licentia morum, cupiditatesque naturæ.

128. Divinè prorsus David, cùm, religiofas ejusmodi consécrationes, ebrieta-  
tem

# SEQUENDA VIRTUS. 511

tem mentis appellavit. INEBRIABUNTUR *ab ubertate domus tua, & torrente voluptatis tua potabis eos.* *Psalm: 35.* Miratus metaphoræ vim Augustinus, ad sacra canobia, eorumque, qui se cruci configant, ardore, Vatem respexisse ait, cumque exprimendæ beatæ illi Apotheosi, quâ, primis statim temporibus, consecrandæ religionis mentes essent, propriæ voces non suppetere, felicitis infanitiæ, divinæque; cuiusdam remulentia, & quâ futurum esset, ut nescirent illi, quò aut unde venissent, vocibus uti coactum fuisse. Id videlicet patiuntur, quos vini copia oppressit. Nullum apud hos, vel opes, vel dignitas pretium, nullus cognati sanguinis amor, aut Regiæ dignitatis admiratio: non genus jactant, injurias laudesque juxta habent, nullo amicorum, familiarium, ignotorumque discrimine, totos se dulci violentiæ, quâ vini calor eorum mentes expugnavit, permittunt. Age verò, nonne illud ingens Ordinis nostri dedecus foret, si celestium sensorum torrentibus inundati, non perinde efficeremur, nec eadem effi-

cere-

ceremus, quæ vino non copiosissimo poti homines consueverunt. Itane mero victi, nec præteritorum meminerint, nec futura concupiscant, nec præsentia pensi habeant; atque is, qui divinum calicem libat, imò quem cœlestium solatiorum flumina intrant, Genus jactabit & Proavos, retractabit voluptates, commoda, honores, otia consecrabitur? Fallit me profectò hæc divinatio: quippe, INEBRIABUNTUR AB UBERTATE DOMUS TUÆ.

*In Psal. 35.*

*Quæsitit verbum*, inquit

*To: 12. 100.*

Augustinus, unde loqueretur, & quia vidit, homines in ebrietate ACCIPERE VINUM, ET PERDERE MENTEM, vidit quid diceret, quia cum accepta fuerit ineffabilis lætitia, PERIT HUMANA MENS, ET FIT DIVINA. Quod si autem fidem non impetrat Davidis oratio, facta Martyrum impetrabunt, quos libato mero tam efficaci, nec Filiorum amor, nec carnificum terror inflexit. Non vitæ commoda, quorum jacturam faciebant, non imminentium tormentorum dira vis movit, ignaros, quid inter amicum,

rum, conjugum, charissimorumque pi-  
gnorum amplexus, & Tyrannorum tu-  
rias, liſſorumque immanitatem interef-  
ſet. *Hoc jam calice inebriati erant Martyres,*  
*quando ad paſſionem euntes,* SUOS NON  
AGNOSCEBANT. QUID TAM  
EBRIUM, *quàm non agnoſcere Vxorem*  
*ſlentem, non Filios, non Parentes?* His vide-  
licet prodigijs inclareſcunt, qui proſus &  
ex animo ſe Deo tradidèrè. Quid igitur  
eſt, quòd non omnes tam beata ebrietas  
occupat? En tibi obicem!

*Ibid.*

129. Non omnes in hanc domum  
divinis irrigatam delicijs, ſimul corpus, ſi-  
mul animum inferunt. Fieri quin etiam  
poſſeſt, ut Hebræorum perfidiam nonne-  
mo imitetur, qui corpore quidem in ſoli-  
tudine, mente verò in Ægypto habita-  
bant, cùmque hinc manna paſcerentur,  
illinc cucumeres capàsque eturiebant.  
Age maſſam auream trabemq; abiegnam  
in mare proſpicio, videbis continuo mergi  
metallum, nec priùs conſiſtere, quàm in  
imo uniones inter & corallia acquieſcat.  
Supernatabit interim trùcus ille ſilveſtris,

Kk

viliſ-



vilissimâ algâ, semesorumque cadaverum reliquijs oneratus, quovis aut auræ, aut undæ motu agitante. Non dispar Dei domum inhabitantium fors est. Quemadmodum enim altum religiosæ virtutis ingressus, summâ tranquillitate maximoque meritorum quæstu perfruitur, sic, qui non nisi superficiem tenet, inquietus, jactationique obnoxius vivat, necesse est. Et visus est Psaltes, ignavorum strenuorumque diversissimam fortunam mente præcepisse; dedignatus enim suminis tantum undis insiltere, altissimos omnis perfectionis vortices pronus intravit. *Veni.*

*Psal. 68. 3.* exclamat, *in altitudinem maris, & tempestas demersit me.* Atque hæc beata illa dilectarum Deo mentium naufragia sunt, cum ejus amore actæ, & Christi Infanti exemplum secutæ, Sacerdotibus se se ac Templo dedicant obedientiæ victimas. Quemadmodum enim illius etiamnum falsi involuti, admirabilis prorsus dedicatio existit, sic aliæ innumerabilium aliorum Hebræorum fructu pariter ac laude caruerunt: non enim tam ipsi se se ob-

rule-

tulerunt, quàm à parentibus, in speciem duntaxat, oblatis fuère. Nemo igitur solà loci, quo degimus, sanctitate, nec solà sacrificij, quo Deo immolamur, specie sibi placeat, nisi consecrationem nostram ultrò amemus, pronàque voluntate arripiamus, quicquid ingratum, laboriosum & ab humanis affectionibus alienum, accepto semel vitæ generi accommodatum suscipere nos oportet. Perinde videlicet in hoc sanctitatis seminario usàvenire solet, quod nullo non anno sementi terræ in spem frugis concreditæ accidit. Triticum juxta paleæque in agris proveniunt, tametii sulcis iisdem, tum illud, tum istæ creverint, earundem pluviarum humorem suxerint, eodem sarculo repurgatæ, ab eodem colono cultæ, eadem falce demessæ, in eandem aream illatæ, eadem triturâ iunctæ, nec nisi unâ eademque vannò eventilentur. Huic tantæ soli, cœli culturæ, ac rustici instrumenti similitudini una duntaxat diversitas se miscet, quàm omnis illa tritici paleæque affinitas, utcunque conjunctissima videri poterit,

tuerit, penitus dissolvitur. Nempe usus differentia facit, ut triticum recondatur in horreo, paleæ verò vel flammæ in pabulum, vel jumentis in stratum abjiciantur. Andiri citra horrorem nequit, quod in hoc argumento differit Augustinus.

**PROPINQUAT PALEA GRANO:**

*in Psal. 54.*

*Tom: 12.293*

*de uno semine exit, in uno agro radicator, una pluvia nutritur, eundem messorem patitur, eandem triturationem sustinet, eandem ventilationem expectat:* **NON IN UNUM HORREUM INTRAT:** Quicunque religiosæ vitæ rudimenta ponunt, eadem conclavia incolunt, eodem Dei verbo nutriuntur, ab iisdem pendent uberibus, doctrinæque ejusdem lac hauriunt: in unius Patris sinu mentis suæ arcana deponunt, earundem legum ductum sequuntur, iisdem temporibus simul omnes aut legunt, aut precantur. Eodem loco ac tempore, iisdem religiosæ asperitatis pœnis in se animadvertunt, simul ad divina mysteria accedunt, ab eadem manu peccatorum vinculis absolventur, & in religiosæ perfectionis semitam deducuntur.

At

At enim non idem est omnium progressus, alij quippe, eaque pars major, vel ex ipsis carceribus ad metam procurunt vitæ non modò inculpatæ, sed quam Præsides probent, æquales mirentur, veterani venerentur. Est contrà, qui eodem in gradu hæreat semper, nec ultrà tendat, Ductoribus suis gravis, paribus juxtà majoribusque invisus, fortèq; etiam S. Fundatori exosus, ac Deo parùm acceptus. Idem porrò, quod recens initiatis proposui, ijs quoque, qui Divino servitio jam olim se dedicârunt, dictum volo, tantòq; id etiam magis, quò pluribus nominibus religiosæ vitæ perfectioni obstringuntur, ac tum divinæ muneribus domus, tum cœlestium cognitionum favis diutiùs copiosiusque recreati fuere. Nam si religiosorum Ordinum, ut sic dicam, infantes meritò reprehendimus, nisi festinatè, nisi suapte sponte, nisi plenè sui ipsorum dedicationem perficiant, quantò digniores supplicijs, vitæque hujus beneficio indigniores futuri sumus, si post tot annos in templo exactos, nec loci sanctitas in se

converterit, & ex ara in forum, ab holocaustis ad vanas seculi pompas, caducæq; felicitatis rosaria, cogitationes animosque retulerimus. Cur autem ego hos metus ingero, cum videam Tirones, juxta & Veteranos in procinctu stare, ut, quam sui fecerunt dedicationem, crastinâ luce cum Christo instaurent, parati tam corpora mortificationis cultro submittere, quam animos in proprium huic vitæ generi fastigium asserere: eo consilio, ut & poenitentiae stimulis icti, & contemplationis alis instructi, tam procul à seculo, quam propè à cælo absumus, Divini Tabernaculi non tam hospites, quam inquilini. Quem se devovendi ritum si Domus nostra servaverit, eâdem celebritate in cælo Angeli munera nostra prosequuntur, quâ nos Christi Præsentationem, Virginis Matris ministerio, Filij voluntate perfectam, Patri suo cœlesti super Hierosolymitanam Aram sese offerentis recolimus.



# EXHORTATIO XLVIII

In Pervigilio B. Stanislai, sole-  
mniore ritu Beatis accensi.

Similem illum fecit in gloria  
Sanctorum. *Eccl. 45.*

Elegi abjectus esse in Domo  
DEI mei magis, quàm habitare  
in tabernaculis peccatorum. *Psal-*  
*mo 33.*

**R**eligiosorum virorum, quos  
tanto in honore habuit Salvi-  
anus, maximum decus ac glo-  
ria inde promanat, quod germanam  
Christi effigiem referant, non eam qui-  
dem, quam ille in Thabore gloriosus,  
sed quam in Calvario plenam igno-  
miniae cruciatusque exhibuit. *Eapro-*

*Kk 4* *per*

pter trium Magorum exemplò, facultatum ornamentorúmque nostrorum thesauros, vel abjectissimi in stabuli seu locis, seu ministerijs Servatoris obsequio impendamus, oportet. Imitari lubeat Stanislaum, tam demissè de se ipso, in tanta generis claritate, sentientem, ut prius quoque, quàm Societati nomen daret, non dubitárit pro famulo Dilingæ, pro mendicabulo in itineribus, atque in Urbe demum jam noster, se pro Sodalium omnium novissimo gerere. At enim tantus sui depressendi ardor, non nisi in magnas mentes cadit, quæ videlicet infra fastigium suum ducunt, quidquid non divinum, non æternum est. Proba, Virgo nobilissima stirpis, nè memineras quidem, se in purpura natam esse. Paulus nondum ad edenda prodigia DEI

munere pro-uctus, concionatur ta-  
men, & arumnas sustinet. Nos quo-  
que par est, amorem Societati operam-  
que nostram approbare, tametsi nullis  
ab ea honoribus culti. Miseros illos cœ-  
tus, si quando splendorum mune-  
rum ambitioni, abjectorūque odio pa-  
terent; continuò enim fœdis intempe-  
rantia maculis, Deo sic permittente,  
dehonestarentur. Hactenus quidem  
apud nos, quò quisque doctior, eò etiam  
Modestia Demissionisq; amantior ex-  
stitit.

130.



Beatum Stanislaum, ma-  
gnū illum Dei servum,  
tū sua virtus, tū Nu-  
minis indulgentia singu-  
laris, prodigia atque promerita, in tam  
sublimi omnis sanctitatis fastigio collocā-  
runt, ut nē cogitatione quidem assequi  
possim. Quis enim satis intelligat, in te-

Kk 5

necro

nero adhuc, & necdum ad justam magnitudinem provecto corpore, animum habitare tam capacem ac plusquam Giganteum, qui paucorum, quos vixit, annorum, ac pauciorum, quos in Tyrocinio exegit mensium spatio, maximos quosque Sanctos & emeritæ virtutis exempla æquaverit, multosque etiam cœlestium donorum ac prodigiorum multitudine ac gloriâ superavit. Vivum tum Deipara, tum Cœlites sui conspectu recreârunt, quin ipse quoque Dei Filius, in primæ infantie speciem conformatus, amplexu ægrotantem dignatus, sui amore ac Spiritûs Sancti divinis donis cumulavit. Semel atque iterum sacrâ Synaxi refectus ab Angelis, novum ac penè inauditum miraculum Ecclesiæ Annalibus addidit. Coràm familiariterque cum cœli Regina sermones miscuit. Jam in Deum tam levavi tamque frequenti à sensibus abalienatione ferebatur, ut parùm abfuerit, quin, cœlestibus delicijs impar mortalis animus, succumberet. Humanis deinde rebus ereptus, mortem atque elementa sub jugum

gum misit, impressis in aqua, in aëre, terra atque igni, triumphalibus victoriæ suæ vestigijs, sive cùm submerlis cadaveribus vitam, arefactis stirpibus vigorem restituit, sive cùm imminetia incendio procul ab Urbibus arcuit, maximósque Exercitus, in Religionis ac Patriæ excidium ruentes, stitit, suæque gloriæ radijs eminus, cominus inter primos Catholicorum ordines dimicans profligavit. Nulla humani corporis pars est, quæ sanctissimi Adolescentis potentiam non senserit, atque ejus beneficia, depultis lethalibus morbis, non passim celebret ac veneretur. Ut adeo triumphalem Stanislai super astra e-vesti cursum sequantur audita supplicum vota, elementa naturam vertere coacta, debellatum morborum genus omne, varium, violentum ac multiplex, ipséq; præcipuos inter cœli Proceres proprijs virtutibus coronatus, mirabilis emineat orbi terrarum. *Similem illum fecit in gloria Sanctorum.* At quibus, inquires, alis in tantum fastigium evolavit Adolescens, ac penè puer? Virginitate, inquam, & Humilitate;



te ; quarum altera integritatem Angelicam æquaret, & candore suo solis jubar anteiret: altera obscura adeò esset atque depressa, ut infernis penè tenebris par, cū denique invidiā dignum reputaret, qui inter homines postremum, aut nullum etiam locum occuparet. Tempus haud patitur, me de utraque Virtute disserere: transmittam itaque priorem, quæ tamen si alteram amœnitate splendorēque post se relinquat, adeò tamen delicatæ sunt & fragiles de argentatæ ejus pennæ, ut offendas, seu laudaturus, seu suasurus pertractes: accedit, quòd Stanislaus ipse laudatoribus suis, illudque *simile illum fecit in gloria Sanctorum* ingeminantibus, reponat: **ELEGI ABJECTUS ESSE** *in domo Dei mei, magis quàm habitare in tabernaculis peccatorum.* Planè acti diceret: quisquis celsitudinem meam miratur, demissionem imitetur. Hujus amor, & manifestum Deiparæ oraculum, è Paterna domo in eum Virorum religiosorum coetum me transtulit, qui tempestate illâ omnium odijs, atque obtreccionibus expositi, quàm

quàm longissimè à profanis juxtà sacrísq;  
Magistratibus, voti etiam ad hoc ipsum  
nuncupati, religione arcebanrur. Tam  
altè subvectus sum, quàm & ipsi fatemi-  
ni, & Christi Vicarius, decretò meo no-  
mini publicò cultu, testatur, eò quòd,  
omni virium contentione, id unum con-  
fectatus sum, ut me deprimerem, abscon-  
derem, ac sepelirem quodammodo. Nec  
aliter se res habuit, licètque nobis ad Sta-  
nislauum, Pauli primò, ac dein Bernardi  
verba transferre: *Qui descendit, ipse est, &  
qui ascendit. Descendit siquidem QUO*  
*INFERIUS NON DECUIT; ascendit*  
*QUO CELSIUS NON POTUIT.*  
Atque hanc sui depressionem svadere o-  
mnibus hujus Societatis Filijs in animum  
induxi, quam Fundator suus altissimæ,  
immobiliq; religiosæ demissionis basi  
superstruxit: & primùm quidem osten-  
dam, qualem eam in omnibus esse con-  
veniat, cum quantis cultum suum præmijs  
remuneretur, neglectum supplicijs ulci-  
scatur.

131. Nemo vestrùm ignorat, per quor  
dis-

Ephes. 4.10.

Ser. 13. ex

parvis.

T: 51. 14.8.

discrimina, quantisque incommodis Stanislaus Patriam Parentesque reliquerit : ego verò transfugæ manum injicio , & quid causæ est, inquam, quòd tam præcipiti fugâ paternam domum deferis , sub cujus tecto de infernis hostibus triumphasti, Deiparæ conspectu, divinissimique ejus Filij amplexu recreatus, vel inter profanos homines vitam sanctissimam agebas? Contra Stanislaus : domo, inquit, illâ, in qua cœlesti præsidio dæmonibus prætor invictus, & ad prodigiolarum virtutis decora provehor, non aliam ob causam excedo, quam ut humilitatem in ædibus vestris reperiam, quam in meis frustra requiro. Equidem Divinæ Clementiæ tot nominibus æternum obstringor, quot illa cœlestibus donis, nihil tale merentem, cumulavit. Nisi tamen Servatoris mei, eò usque meâ causâ depressi, aliquam in me ipso similitudinem exprimam, in tantis divinæ gratiæ delicijs mæstus vivam, ac nè vivere quidem me putabo. Tamenli enim non desit mihi intrâ domesticos parietes, quò pudeam, quippe, cum Paulus Fra-

ter

ter, nec injurijs, nec verberibus abstineat, méque tanquam mancipio abutatur, has tamen qualescunque humilitatis imagines, tot alia decora illinunt, ut non tam Christi demissionem imitari, quàm oppugnare videri possim. Injurijs ac contumelijs exagitatus, heteromallo nihilominus induor, peristromata calco, gemmis corusco, clientibus stipor, nobilium virorum amicitijs affluo, summósque inter Regni Proceres proximum gradum teneo. Atque adeò omnis hic profanorum luminum splendor, qui me circumdat, abjectionem, quam ardeo, prodigiosâ quadam, votisque meis, heu ! nimium quantum importunâ eclipsi intercipir. Vitam vivere concupisco, adeò geminam illi, qui natus in stabulo, centonibus involutus, inter fabriles labores, in officina ignobili educatus, Discipulos Piscatores, cum ad erudiendum orbem se compararet, latrones collegas, cum in cruce moreretur, optavit; eo me conferam, ubi nemo resciat, qui fuerint Majores mei, quibusque Terris imperarint. Non quiescam, nisi  
lapi-

lapidis instar in altissima mei depreffione, tanquam in centro recumbam. Constitit sua dictis fides, prius quoque, quam inter nos propositum sibi locum occuparet. Tantam enim Evangelicæ demissionis hæreditatem sibi præripuit, (dum adhuc experimentum caperetur de religiosi consilij constantia) ut vel eâ solâ posset inter modestissimi cujusque Instituti innumerabiles Alumnos primogenitus haberi. Dilingano Seminario famularem operam locavit, quosque nobilitate, aut anteibat, aut certè æquabat omnes, eos, licèt ingenio atque ætate feroces, vilitissimis quibusque tordidissimisque obsequijs colebat, labores ac vigilias inter mediastinos reliquijs ciborum tolerans, quæ de mensâ herili superaverant. Inde digressus, nullo comite, ignotâsque per Gentes, ad hoc nostrum Tirocinium viam exorsus est, mendicato pane victitans, somnum vel inter pecudes, vel sub dio capiebat, ubique pro mendico, pro exule, & hominum novissimo habitus ac neglectus. At verò, cum se inter Ignatij Filios cooptatum,



tum, jamque penitus nostrum intra hæc ipsa, quæ habitamus, cubicula conspexit, nunquam aut voce, aut alio indicio, vel genus suum prodidit, vel cætera, quibus ornabatur, decora patefecit. Enimvero tantis natalibus, ac prodigijs illustris adolescens, tùm triumphabat maximè, cùm serviret, non minùs in Aram, quàm focum intentus; ut illinc se se transfunderet in Deum, hinc infra omnes abjiceret. Sane cùm primarius quispiam è Purpuratorum Patrum Senatu, ejus vitendi gratiâ, quippe non ignarus quàm claris Natalibus ortus esset, hanc domum accederet, non dubitavit Stanislaus, ut erat serviliter præcinctus, & coquinæ fuligine sordidus, occurrere, si modò Prætidibus placuisset, angelici Ministri modestiam dignitati Hospitis præhabere. Nè omnia persequar: nulla erat animi corporisque exercitatio, quam æstimaret, nisi abjiciendi se se materiem ipsi præberet; non præmium, nisi ex ignominia captabat; nec alacrius evolabat ad metam virtutis, quàm cùm per calcatos honores, suique depressionem

curfus esset. Obversabatur semper oculis  
 Christus, adeò infra homines dejectus,  
 ut de se diceret: *Ego sum vermis, & non*  
*homo, opprobrium hominum, & abjectio ple-*  
*bis*: ad eamque formam sensus, rationes,  
 motus omnes, se denique totum integer-  
 rimus Adolefcens componebat.

132. Atq. huc præcipuè collimant  
 religiosi Ordines universi; ex ijs videlicet  
 hominibus coacti, qui, quàm procul ab  
 hominibus degunt, tam sunt ijdem rigidæ  
 paupertatis, aliarumq; afflictationum in-  
 commodis circumsepti. Inopiam verò,  
 quæque illam arumnæ consequuntur,  
 verecundiacumulat, nec alius vitæ religi-  
 osæ commeatus est, ut cur Christi amor  
 initar est omnium, & tecti, famulorum,  
 victus denique vicem præbet. Hinc Sal-  
 vianus Massiliensis Episcopus, posteaquàm  
 hominum genus omne, cæcisque Christi-  
 anos omnes torrente quodam Apostolicæ  
 vehementissimæque orationis inundâ-  
 set, cùm ad Cœnobiorum vestibula ven-  
 tum est, impetum repressit, retròque fle-  
 xit, pro reprehensione reverentiam de-  
 ferens,

ferens, ut, quæ veluti consummatæ sanctitatis sacraria, eumque, qui religiosè vivendi formam ac leges sectaretur, Christi, post vitam in summa rerum omnium penuria exactam, infami mortis genere sublato, spirantem effigiem appellaret, juxta & veneraretur. Exstabunt, inquit, in voluminibus meis religioso sub Præsede viventium, & in horas, obedientiæ victimas se facientium nomina, non tam ad ipsorum gloriam sempiternam, quam ad scriptorum meorum decus, tantum abest, ut vitam eorum, morèsque laudatissimos in contentionem, ac judicium vocare constituerim. *Mihi autem nimis honorificati sunt amici tui Deus.* Hos enim ego OMNES non aliter, quam imitatores Christi honoro, non aliter, quam Christi imagines, colo; non aliter, QUAM MEMBRA CHRISTI suspicio: & ad hoc tantum illorum memini, ut eorum memoriâ dignus fiam. Verum enimvero ad hoc laudis & virtutis penè divinæ fastigium, neque cellæ angustiae, neque victus vestitusque tenuitas nos provehunt. Accedat oportet honorum fu-

Lib. 2. ad  
Eccl. Car.  
To: 54. 132.

ga, contemptus & obscuritatis amor, & de postremo inter Sodales loco munereque omnium ignobilissimo certamen; Ea videlicet Christi inter homines agendi ratio, id, honores dignitatesque fugientis, latebras contra opprobriaque conlectantis, institutum ac consilium fuit. Eaque propter Ambrosius Evangelicæ Professionis Discipulis ac Professoribus ejusmodi legem scribit. NEMO HIC FULGERE QUÆRAT, *nemo sibi arroget, NEMO SE JACTET. Nolebat se Christus hic cognosci, nolebat prædicari: Venit, ut laceret sæculum hoc. Nempe vel ab ipsis prodigiolarum actionum fulgoribus laudatores Servator removit, tum Elephantriacos, quot perfanaverat, tum Dæmones, quos fugarat. Vide nemini dixeris. Non sinebat ea loqui.* Hinc discemus, religiosine viri nomine dignus sit, Prototypo suo fortè neque par, neque similis? At enim imitari Jesum, at ejus effigiem fideliter reddere, at in ejus membra fingi penitusque immutari debemus. Hos enim ego OMNES non aliter, quàm imitatores Christi honoro,

Lib. 3. Offic.

c. 5. To 14.

95.

Matt. 8. 4.

Marc. 1. 34.

non

*non aliter, QUAM CHRISTI IMAGINES colo, non aliter, quàm Christi membra suspicio.* Et ille quidem Regnum, arreptâ in montes fugâ, declinavit, maluitque sylvæ solitudinem, ac societatem ferarum. Idem, qui servos, & Centurionum mancipia coràm convenire, sanarèque sustinuit, Regulorum aedes subire, ad impertientiam Hæredi Filio sanitatem, dubitavit. Quâ igitur ratione illius effigiem esse dicemus, qui primos accubitus, cathedras, dignitates, qualescunque in hoc vitæ genus cadere possunt, exambit; qui stirpi suæ splendorem addere non suum, somniatisque Majoribus, & adscititijs ornamentis se se tollere vanissimo studio contendit, DEI Filio interim dissimulante, quod erat, & Divinitatis suæ radios densissimis tenebris premente? *Nemo, ah nemo!* HIC FULGERE *quarar.* *Nemo sibi arroget, nemo se jactet.* Quâ deinde fronte, Dei couisque exinaniti sectator, immeritos honores prensabit, seque sibi mentietur? *Nolebat se Christus* HIC COGNOSCI.



133. At enim obcuritas ista tanto studio laborèque Servatori quæsitæ, nihil est ad abjectionem, cujus formam nobis idem Dux noster, exemplarque proposuit, tribus potissimum, ut Bernardus notavit, descendendi gradibus distinctam. Prior illum ad stabuli sordes abiecit, alter ad crucem trussit, tertius denique ad mortem tumultumque propulit, infami Epitaphio notatum, quale videlicet rabies barbarièsque Sacerdotum juxta ac plebis ponere poterat, salutis auctore violatarum legum, civitatis in fraudem inductæ, ac Divinitatis affectatæ nomine per atrocissimam calumniam traducto. *In descendendo primus quidem gradus est à summo caelo usque ad carnem, secundus ad crucem, tertius usque ad mortem.* Per totidem descensus nostra se se modestia debet demittere: vetat primus, nè eminere velis inter æquales: jubet alter, ut minimis minor esse cupias: postremo nulla satis abjectio est, quæ in exercitationis & muneris humilitate non contumelias insuper & cruciatus reperiatur, videatque se tum à Præsidibus negli-

*Serm. 18. ex  
parvis.*

*To. 81. 148.*

gligi, tum æmulis esse contemptui. *De-*  
*scendamus per viam humilitatis, ponaturque*  
*nobis ejus primus profectus, NOLLE DO-*  
*MINARI: secundus, VELLE SUBJICI:*  
*tertius, IN IPSA SUBJECTIONE*  
*quaslibet contumelias & injurias illatas aqua-*  
*nimiter PATI.* Jam verò an singuli mi-  
 nimi hujus Ordinis Alumni decedere om-  
 nibus, omnibus subjacere sustineant,  
 tamque illustri exemplo virtutis, nun-  
 quam antè conspectæ, provocati gestiant,  
 si quando illaudati neglectique, nullum  
 operæ suæ usum aut pretium, apud Socie-  
 tatem ejusque Præfides esse vident, De-  
 umque virtuti suæ sic omnem mortalis  
 stipendij spem abicindere, ut nemo sit,  
 qui verecundiam, silentium, laborem, &  
 postremum inter omnes, seu sapientiæ,  
 seu alienæ salutis studio locum prestantis,  
 modestiam æstimet; id ego unicuique cum  
 animo suo reputandum relinquo. Per-  
 suadere tamen sibi debet, quisquis hanc  
 formam non exprimit, nè illam quidem  
 cum Deo, tam diu ignoto, totque oppro-  
 brijs cumulado, similitudinem se referre,

adeoque, quam in ipso Salvianus mirabatur, Servatoris effigiem perhibere: *Hos ego omnes non aliter, quam Christi imagines, colo.*

134. Fieri præterea potest, ut, qui se in Christi effigiem fingit, comitetur hunc ille quidem ad Thaborem usque sole lucidioribus radijs resplendentem, & illustri sacrorum Vatum coronâ vallatum; quin porro prosequendum putet in Calvariam à lictoribus laniatum, & infami de trabe, duos inter latrones, suspensum. Petrus quoque in gloriæ sede tabernacula figere parabat, cuius deinde alter supplicij collis nê umbram quidem conspexit. Multi *Matt. 17. 4.* videlicet exclamant: *Bonum est nos hîc esse,* dum cœli plausus exaudiunt, ac felicitatis æternæ triumphos contuentur. Non ingrata oculis nostris, aut imitatu gravis Christi species est, splendoribus æternis coruscantis: minùs verò aridet eadem, cùm Vir dolorum apparet, cumlatus opprobrijs, & Barrabæ postpositus. Non possum proinde trium Magorum invictam demissionem non magnopere mirari:

rari: attulerunt illi secum è patrijs ditio-  
nibus tam magnificam de nato Messia o-  
pinionem, ut Hierosolymas delati, quem  
gemmatis evinctum fascijs, & diademate  
redimittum credebant, per fora plateasque  
inclamarent: *Vbi est, qui natus est Rex Ju-  
deorum?* Edocti subinde tum à Principe,  
tum à Sapientium cœtu, Puerum tot vo-  
tis quæsitum, Bethlemij residere, illuc  
continuò iter converterunt, haud dubij,  
monstratam nati Principis Regiam, tan-  
tundem Hierosolymæ magnificentiam æ-  
dium, frequentiamque nobilitatis antestare,  
quantò Herodem Tyrannum cœli Con-  
ditor hominumque Rex superaret. Et  
ecce! super ignobile Oppidulum stella  
constitit, tantaque dejectos expectatio-  
ne, nè in parietinas quidem, aut tugurium  
aliquod introduxit: ut adeò, si quidem  
tam longi causam itineris conspectum de-  
siderati Regis optarent, in stabulum pe-  
netrare se se, juxtaque mutas animantes  
in præsepiac freno collocatum, atq; cen-  
tonibus malè tectum quærere cogeren-  
tur. Quis tam pleno ignominia spectacu-

lo offensus, non hospitem hîc pariter hospitiûmque damnâset? At illi neque suscepti laboris pœnitentiâ ducti, neq; fraudatas spes suas indignati, vilissimis cunis, & argenti trementique Infantulo non opes tantûm suas, verûm etiam se totos consecrârunt, non tam corpore, quàm mente pedibus ejus subjectâ. Attonitus rei novitate Bernardus, quale hoc prodigij genus est, inquit, nobilissimos Reges cultu, venerationeque suâ nihilominus dignum censere, quem infantem, eûmq; infantium omnium egentissimum miserimûmque cernebant? **NON ILLIS SORDÊT STABULUM** : *non pannis offenduntur, non scandalizantur lactentis infantia.* **PROCIDUNT**, *venerantur ut Regem, adorant ut Deum.* Quàm autem sæpe redeunt ista Bethlemij theatri spectacula, quàm crebrò ista Magorum historia renovatur! Quot vestrûm, quæso vos, post comparata multo sudore sapientiæ, rebûsque maximis gerendis præfidia, post perceptas traditâsque pari felicitate gloriæque disciplinas, obedientiæ ductu ad

igno-

Serm. 1. in  
Epiph.

To. 43. 32.



ignobile quodpiam domicilium munus-  
que non minus obscurum transmittun-  
tur: ubi neque in Sodalibus, neq; in Præ-  
sidi, quod magnopere mirentur, inveni-  
ant. Sed enim, qui Christi humilitatem  
ex animo sectatur, omnes nervos, facul-  
tatem, scientiam, ad explendas quantum-  
cunque abjecti muneris partes conferre  
consuevit, eodem planè studio ac diligen-  
tiâ, quâ summo cum plausu, in celeberrimis  
totius Evropæ Exedris, Divinitatis ar-  
cana, vel Pontificum Cæsarumque Ora-  
tor Evangelium de superiore loco expo-  
neret, subessetque Præsidi totâ Societate  
doctissimo juxtâ humanissimoque. At-  
que huic, eîusque similibus possis recita-  
tas modò laudes tribuere: **NON ILLIS  
SORDET STABULUM**, *non pannis  
offenduntur, non scandalizantur lactentis in-  
fantia.* Osculantur isti parietes, intrâ  
quos sordidæ plebeiaque pueritiæ prima  
Latini sermonis elementa tradunt, atquo  
eam, veluti consularium Familiarum po-  
steritatem, intuentur. Adeò se se ad ru-  
dium illorum ingeniorum mensuram fin-  
gunt,

gunt, adeò patienter sedulóque in eorum culturam incumbunt, ut Trajani ac Theodosii prolem instrui diceret. Jam verò, quod de uno aliquo ministerio nostro disserui, vos porrò ad alia transferte, quæ nullum sive dignitatis, sive alterius emolumentum fructum reportant. Atque hæc quidem mentes, ut proximè accedunt ad similitudinem cum Orientis Principibus, sic tam procul absunt à Petri sententia, nondum edocti, quanta ignobilibus officiis nobilitas insit, cupientisque tenere fastigium, in quo Servator humanæ naturæ vilitatem Divinitatis suæ ope dignitatēque sustulerat. *Domine, bonum est nos hic esse.*

*Mat. 17. 4.*

Quòdque magis mirèrè, eam ille sententiam dixit, post assertam Messias divinitatem, tamque luculento testimonio confirmatam, quàm erat illud : *Tu es Christus Filius DEI vivi.* Nempe submissionis Evangelicæ, gratissimæ Deo, præmiorumque cœlestium feracissimæ, Mystica Theologia, præ subtilissima illa alia, in Divinarum Personarum arcana obtutum quodammodo defigente, difficilius capitur, quando

*Mat. 16. 16.*

do Apostolorum Princeps, æternam Verbi generationem, naturæq; humanæ, & secundæ in Trinitate Personæ Hypostasim, tam felici cognitione asscutus, tam magnanimô testimoniô prolocutus, ut cœli claves, & Christianæ Reipublicæ Principatum inde referret, hallucinatus subinde graviter fuit, ignarus penitus, Servatoris nec mortale, nec caducum, nec humano simile Imperium esse. Hinc prolapsus ulteriùs, meritam reprehensionem tulit, crucem mortemq; à Dei Filio cùm auderet amoliri. Denique blandâ illa, & plenâ dignitatis imagine captus, in illustri monte, juxta Regem gloriæ, Amicus & Collega residere optavit, immemor itinerum, difficillimarumq; expeditionum, quas Apostolis omnibus, in omnes orbis plagas indici audiêrat, posthabitô Regiæ magnificentiæ tabernaculô, honoris ac quietis desiderio, tot Populorum salute ac conversione. ABSIT à te Domine, non *Mat. 16. 23.*  
 erit tibi hoc. *Qui conversus dixit Petro: Va-*  
*de post me SATANA; scandalum es mihi :*  
 QUIA NON SAPIS EA, quæ Dei sunt,  
 sed

*sedes, quæ hominum.* Adeò videlicet humilium Regem offendit, summa licet ignominia horror, & Crucis fuga Divini Senatûsconsulto decretæ. *Satana scandalum mihi est.* Quis crederet? tam severâ animadversione modò castigatus Petrus, non jam verbis, sed te ipsâ remove à Magistro suo Calvaria ignominiam tentavit, fixo in Thabore tabernaculo; ubi pro majestate mundo ius diceret, procul à monte illo alio, in quo vitam erat alioqui cum dedecore & infamia positurus. Prò, quàm difficilis est Evangelicæ obscuritatis intellectus! quàm à paucis illa æstimatur, quantòque à paucioribus adamatur! Petrus ille, qui omnia reliquerat, qui omnia nòrat, toto ferè eo tempore, quo Christo convixit, altissima mysteria nesciit virtutis ejus, quæ cæteras Messia virtutes, si non superavit, summas scilicet, adeoque pares, visa tamen est pro modulo intelligentiæ nostræ palmam universis præripuisse; testante Apostolo, & abjectionem præ cruciatibus venerante; ut ei primas tribueret, dolore secundas ob-

tinen-

tinente, alterum rectà, alterum obliquè  
demonstrans : *Humiliavit semetipsum, fa-* Phil. 2. 3;  
*Et us est obediens usque ad mortem.*

235. Age jam, si demissionis studium,  
quia longè difficillimum, tales tamque  
pretiosas coronas cultoribus suis elaborat,  
omne profectò pretium superet necesse  
est, quæ illius constantem amorem dili-  
gentemq; custodiam consequuntur. Ne-  
mo nostrum non audivit Ambrosium, sæ-  
culitransfugas & contemptores invitan-  
tem ad infimas cum Magdalena corporis  
Christi partes prestandas, osculisque jux-  
tà, & odoribus honorandas. NOLI FA- Lib. 6. in  
STIDIRE PEDES : *fimbriam illa tetigit,* c. 7. Luc.  
*& sanata est.* Nemo tam durus fuit ac To: 44. 138.  
frigidus ijs mensibus atque annis, quibus,  
mundo valere jussò, crucem toto patri-  
monio & libertatis impendio sibi compa-  
ravit, qui non omni studio contenderet,  
ultimus inter Sodales, in eadem secum  
probationis Domo versantes, videri & ef-  
fic, primum eà ratione locum apud Supe-  
ros positurus. Optavimus omnes cen-  
tonibus indui, mensæ reliquijs pasci, pa-  
lām



lām argui, laboribus atteri, sudoris pluri-  
 mum, nihil dignitatis habentibus; concla-  
 via scopis evertere, Xenodochijs navare  
 operam, captivis stipem conquirere, pe-  
 regrè rectum victumque mendicare, im-  
 portunis precibus fatigare Præsides no-  
 stros, nè quid sublime, aut honorificum  
 de nobis designarent, nè munijs nisi ob-  
 scurissimis destinarent, ut vacare à collo-  
 quijs Parentum, ab officijs Virorum Illu-  
 strium, æternæque oblivione sepelire no-  
 bis liceret, quidquid ad Natalium daretur  
 splendorem, ad ingenij existimationem  
 pertinere ullâ ratione potest: contrâ  
 promovere, quæ ad elevandam famam, no-  
 strique contemptum Sodalibus concili-  
 andum, opportuna viderentur. Hæc, in-  
 quam, talia tùm erant vota nostra, hæc ra-  
 tiones consiliæque universâ. Subinde non  
 ad unum omnibus eadem desideria du-  
 rant, pârque Christiani impropetij super  
 omnes Regum triumphos æstinatio per-  
 severat. Sed enim loquamur simpliciter,  
 nostrisque propriè vocibus utamur. Dic,  
 amabò, vestrisne te minùs interpolata de-  
 lectat?

lectat? humiliórne classis afficit? alios  
 cursu æquandi, metámque & cuiuscunq;  
 splendoris copiam frangiscendi si lucia la-  
 bori solatio est? an contrá exanimaris, &  
 ad desperationem adigeris, si vel metus  
 suboriri potest, nè felici exitu studia lite-  
 rarum absolvas? Enimvero hoc esset So-  
 cietatis ac Christi Cruci affixi pedibus o-  
 sculum panxisse, labris etiamnum à lacte  
 madentibus, eosque deinde sic averſari,  
 ut vel sola inferioris gradûs, obscurioris-  
 que muneris suspicio mentem tibi eripiat.  
**NOLI FASTIDIRE PEDES.** Quàm  
 verò mihi venerabilis, & admiratione o-  
 mnium dignus videtur, qui ad extremum  
 usque spiritum in Societate constanter cu-  
 pit latere ac negligi, nullûsque potiùs esse  
 inter omnes, quàm minimus. Et quid  
 est, cur vel Societas, vel Christus de quo-  
 libet affirmare nequit: *Ex quo intravit,*  
**NON CESSAVIT** *osculari pedes meos?* Luc. 7. 45.  
 Sanè hic talis rationes cœli impleret o-  
 mnes, & promeritorum multitudine fœ-  
 nus sibi cumlaret ingens, immensum:  
 quisquis cum Stanislao fateri potest, *Elegi*

*abjectus esse in Domo Dei mei.* Has palmas annumeret cœlo, non alio quàm stellarum numero finiendas, non alio, quàm divino arario remunerandas. Quòd si non mihi, Ambrosio certè fides habebitur, qui modestè de se sentientibus accidens ad pedes, inexhaustum ijs meritorum thesaurum pollicetur: *Non medio-*

*Lib. 6. in*

*c. 7. Luc.*

*To. 44. 132.*

*cris hac meriti est, de qua potest dicere: Ex quò intravit, non cessavit osculari pedes meos.* Illucescet tandem ille dies, S. Francisco Indiarum Apostolo sacer, quo superiorum Disciplinarum in hac Romana Provincia Professor egregius, cum bona mea venia, votum Deo nuncupabit, quotannis, quàmque poterit exquisitissimis precibus, à Præsilibus suis postulandi domicilium omnium egentissimum, munus vulgò neglectissimum, & quidquid detrum Apostolicæ vitæ gustu carentibus insuave & ingratum accidit. Is profectò, si ejusmodi sanctissimum propositum constanter tenuerit, S. P. N. de se sibi dicentem audiet: *Ex quò intravit, NON CESSA-*

SAVIT osculari pedes meos, vilissima  
quæque appetens, incurius meliorum.

136. Nemo autem ærumnosæ hujus  
abjectionis felicissimam conditionem ex-  
iret, qui rerum Divinarum meditationi  
assuetus, non munia solùm, quæ apud nos  
plustulùm eminent, verùm ipsos etiam  
Curules Regùmque thronos subicere pe-  
dibus, capitique, coronæ locò, Crucis op-  
probrium, Evangelijque jugum impone-  
re didicisset. Equidem istud animi se se  
super omnia erigentis fastigium D E U S  
Isaïæ verbis promisit omnibus, qui in di-  
vinarum paginarum arcana, meditatione  
duce, penetraturi se olim essent. *Sustol-* Isa. 38.  
*lam te super altitudines terra.* Calcat mun-  
di depressa, puta ignominias, inopiam,  
contemptum, quisquis de plebe homun-  
cio. *Quasi QUÆDAM INFERIORA*  
*TERRÆ, sunt damna, contumelia, egestas,*  
*abjectio, quæ, ipsi quoque amatores sæculi, vi-*  
*rando calcare non cessant.* Pergens subinde  
Gregorius edicere, qualia sunt cacumina, *Lib. 37. Mo-*  
quæ tam stolidâ admiratione Adami po- *ral. c. 19.*  
steritas suspicit: ALTITUDINES AU- *To. 33. 159.*

TEM TERRÆ SUNT, inquit, *lucra rerum, blandimenta Subditorum, divitiarum abundantia, sublimitas dignitatum.* Hoc genus larvæ, quas humana superbia sic exornat, sic auro & purpuris illudit oculis, & naturæ vitio cœcatis, & Divino lumine non penitus collustratis, magnificâ Divinitatis cujusdam, & proximæ Superis felicitatis imagine imponunt. Quid? quod ipsis etiam mundi transfugis, & factorum Ordinum Alumnis fucum faciunt, lapidēque, in quem offendant, obijciunt, si quos vel desiderium, vel admiratio rerum caducarum deduxit in terram. *Quæ, quisquis per ima adhuc desideria incedit, eò ipso alta æstimat, quò magna putat.* At SI SEMEL COR IN COELESTIBUS FIGITUR, MOX, *quàm abjecta sint, cernitur, quæ alta videbantur.* Audin', quid sapientissimus juxta & sacratissimus Pontifex moneat? Da nihil mentem meditationum rerum cœlestium debitam, jam illa Libani Cedros Regiæque fortunæ montes aureos, tanquam litoralem arenam & limapi granum reputabit.



bit. *Si SEMEL figitur, MOX cernitur.*

Quis ergo fieri possit, ut eum ego precandi studiosum esse arbitrer, qui, cum ipsas etiam Regum Regnorumque fortunas, & amplitudinem flocci facere deberet, qualiacumq; nostra munia, Consulum fascibus, eorumque humilitatem Olympo exæquat; sibi deinde mirificè plaudit, si fortè, ingratos ut plurimum Discipulos, erudit altiore in classe, eosque opulentos ac nobiles absolvit in sacro Tribunali; quod, pudet dicere, minùs longè ab Ara maxima ad apudem recessit. Deum immortalem! quid æquè miserum & miseratione indignum foret, si, quod non est, grande quiddam & instar omnium nobis videretur; idemque illi, quibus à Deo provincia imposita est, Populis omnibus humanæ felicitatis damna, Imperij terreni vanitatē, Natalium quantumcunq; illustrium obscuritatem demonstrandi, in ipsa dein vitæ nostræ humilitate culmen honoris, nescio quod, & in sacco pompam affectarent? Quòd si autem, ut corpore impressisque pavimento genibus, matutinæ pre-

cationis horam transigimus, sic mentem in DEum intenderemus; enimvero in punctum & nihilum, aut si quid nihilo minus est, universus nobis deliſceret orbis terrarum, & quælibet crucis insignia, præ omni Regum magnificentia amplitudinèque, subjectas sibi Provincias Populòsque imperio prementium, potiora nobis ducerentur. *Si semel cor in cælestibus figitur, MOX, quàm abjecta sint, cernitur, quæ alta videbantur.* Facit proinde laudatus modò Pontifex, ut credam, aut à semisopito, aut altum dormiente, horam eâ transigi, qui magnificè adductoque supercilio de Principum stemmatis & honorum titulis penè ad invidiam disputat. *Si cor figitur in cælestibus, MOX, quàm abjecta sint, cernitur, quæ alta videbantur.* Necesse proin est, neque Deo, neque cælestium rerum contemplationi mentem illam vacare, quam inanis mortalium fastus tam acri lumine perstringit atque hebetat. *Sustollam te SUPER ALTITUDINES TERRÆ.* Proflus, ut qui in Apenninum, rupem alpeſtrem evasit, quas  
nuper

nuper ex humili ædes & arces attonitus  
 mirabatur, eas ille jam vix animadvertit;  
 sic contemplationis alis in edita collium  
 ætærorum subvecto, mortalia omnia sub-  
 ducuntur atque vanescunt: solâ jam E-  
 vangelicæ demissionis modestiâ venerati-  
 onem, ac plenam majestatis dignitatem  
 obtinente. *Qui in summis intentionem fi-  
 gere nititur, dum nullam vitæ præsentis glo-  
 riam esse deprehendit, super terræ altitudines  
 elevatur, & quod prius, in imis desiderijs po-  
 situs, super se credidit, post ascendendo prospi-  
 ciens, sibi subesse cognovit.* Sic ratiocinan-  
 tem Gregorium, est tamen, qui interpel-  
 let argumentatione, quàm ab ore religio-  
 so alienâ, tam execratione audientium o-  
 diôque dignissimâ. Negat degener ali-  
 quis, & à reliquis omnibus Ignatij Filijs  
 longè diversissimus, ob innatam animi  
 magnitudinem non posse se in postremis  
 hære, nec in loco graduque inferiore ac-  
 quiescere: exstimulari se se identidem na-  
 tivo quodam, qui in pectore ferveat, ar-  
 dore ad summa quæque connitendi, cal-  
 catis omnibus, quæcunque seu media, seu

infima jacent. Hunc talem, si quidem inter nos est ullus, manifesti mendacij coarguit Ambrosius, patricia stirpe, Prætorio munere clarus, Magistratum honorumque intelligens, ac denique Mediolanensi Pontificatu insignis : Non magni sunt, inquit, illi spiritus, non animi magnitudo, sed infirmitas virtutis inopiæque est, admiratione ignavâ suspicere, quidquid inter mortales plusculum eminet : sed eadem animi magnitudo vera, beatissque spiritibus gemina indoles est, quæ Regalia sceptrâ ut palustres cannas, paludamenta veluti centones, trophæa tanquam ignominia notas, Diademata denique compedes æstimat : seseque, quæ demum vera sapientia est, altissimæ contemplationis pennis ad DEI solum evehit, & in ejusdem immensitate ac Divinitate, quidquid divinum non est, aspernata, quidquid ad Christi cultum imitationemque facere potest, quantumcunque in se contemptum ac vile sit, rebus omnibus anteposit.

*Epist. 84. ad  
Demetr.*

*To: 40. 102.*

*putant, Non enim, ut Dilectores hujus seculi*  
PARVI CORDIS, AUT SE-  
GNIS

GNIS EST ANIMI, HONORES  
OCCIDUOS FASTIDIRE. *Nihil hu-*  
*jusmodi mentibus rectius, nihil invenietur*  
*electius, quæ sacratissimis desiderijs UNI-*  
VERSA TRANSCENDUNT; neque  
*ad ullam creaturam, quamvis potentem &*  
*mirabilem, sed ipsum omnium ambiunt Crea-*  
torem. CUI APPROPINQUARE,  
CLARESCERE EST; QUEM TI-  
MERE, GAUDERE EST; CUI SER-  
VIRE, REGNARE EST. Quam pu-  
sillum eum animum oportet esse, quem  
rerum caducarum quælibet implet; quam  
verò capacem, qui Regna Regesque su-  
pergressus, in Deo duntaxat acquiescit!  
cui adeò vasta, adeò generosa unquam  
vota fuerunt, nil non immensum, non  
omni ex parte infinitum, non immortale  
cupienti.

137. At enim veræ in Deum pieta-  
tis præstantia in tantum fastigium evasit,  
ut rerum pomparumque terrenarum non  
gustum modo & desiderium extinguat,  
verum etiam memoriam omnē aboleat,  
non passura vel ad cogitationem admitti,

Mm̄s

quæ



quæ in humanæ felicitatis sinu, & inter  
avitarum gloriæ trophæa educatos fortuna  
excepit. Hinc S. Fulgentius, Gallam  
Viduam, cujus animo Pater Consul non-  
dum exciderat, velut in effigiem, Probam  
Virginem jussit intueri, quæ, licet stirpe  
Senatoriâ, longâ serie Avorum edita, ma-  
gnificis in ædibus Regijsque delicijs ado-  
levisset, adeò nihilominus Christianæ E-  
vangelicæque demissionis amans semper  
existit, ut abdicatis dignitatibus, & ege-  
norum turbæ, cui famulabatur, immissa,  
neque Natalium suorum splendorem, ne-  
que exercitum in Subditos imperium me-  
moriâ retineret: *Proba, cum sit Avis Ata-*

*Epist. 2. ad* *utque nata Consulibus, & delicijs Regalibus*  
*Gall. Viduâ* *enutrita,* TANTA ILLI EST HUMILI-  
*To. 16. 7.* TAS INFUSA, *ut amore subjectionis,*

*ex usu serviendi,* DOMINAM ALI-  
QUANDO SE FUISSE, JAM NE-  
SCIAT. Enimvero Regem gloriæ Dei-  
que Filium, eò usque salutis nostræ causâ  
dejectum, ut tanquam unus de plebe ac  
mercenarius, tricenos ipsos annos in fabri-  
li officina exigeret, postremos vagus pri-  
mum

mum & exul, tum damnatus & infami de  
 trabe suspensus absolveret, intuenti He-  
 roinæ illi pudori erat, natam esse in pur-  
 pura, ac ne à Rege suo Sponsoque dissen-  
 tiret, quoad liceret, simile vitæ institu-  
 tum, labore manuum obsequioque in e-  
 gentes sequendi cupido incessit: *Scit enim*  
*Domino (cui Virginitatem vorvis & cordis*  
*& corporis) pro liberatione nostra humilita-*  
*tem forma servilis acceptam. Et OB HOC*  
*delectatur Sponso, IN HUIUS SERVI-*  
**TUTIS HUMILITATE.** Quis autem  
 nobis in supremo illo mortalium omnium  
 iudicio defensionis locus relinqueretur, si,  
 qui ut plurimum Probæ Virginij de No-  
 bilitate concedimus, atque insuper Apo-  
 stolicæ demissionis studium profitemur,  
 ex ipsis deinde laboribus exercitationi-  
 busq; nostris gloriam aucuparemur? Non  
 is de ambitu, vel Probâ iudice, condemna-  
 retur, qui in religiosæ humilitatis schola  
 honores dignitatesque affectaret? Aver-  
 tat Deus illud à famulis suis summæ tur-  
 pitudinis monstrum, quale foret, in cruce  
 positum thronos & dignitatum fastigia  
 vel

vel appetere vel somniare. At, ô me miserum ! fieri potest interdum , interdum inquam ( non est repetitio ista memoriæ vitium, verba difficulter expedientis, sed orationis ad ea, quæ consequuntur, expavescentis trepidatio ) potest, inquam, interdum fieri, ut quis nobilior majorque velit in Domo Dei esse, quàm fuerit in sua, imperiûmq; in Sodales exerceat, ad quod, ob paternæ domûs obscuritatem, aspirare, aut cogitationem vertere ausus profectò nunquam fuisset. Quam gloriæ cupiditatem erumpentem è stabulo, & à cruce Christi, omni genere opprobriorum cummulati, non verbis, sed fulminibus incescit Ambrosius : tunc, inquit, cedere renuas, cui, cùm in sæculo degeres, quantumcunque esses ambitiosus, exterior incedere, & vel de via decedere cogebaris ? *Tu*

*L. 4. in Luc.*  
*To. 13. 35.* *fastidias, QUOD NATUS ES ? Dominus propria non desideravit, tu aliena quæris ?*  
 Nempe Proba nobilitatem suam inficitur, quibus orta parentibus sit, immemori atque erit inter nos terræ filius aliquis, qui Heroas inter & ipse videri illis cupiat ?

Qui

Quí ferat Lucifer ambitionem suam, cui tamen materiam suffecerat prima inter Cherubinos dignitas, condemnatam in coelo fuisse, si deinde viderit, quem, incurrente in oculos nullo non tempore Christi demissione, secundi fortè loci tædeat, tametsi in hoc exilio, in hoc pulvere, non primus cum locus exceperit?

1; 8. Neque verò adversùs pestiferam istam luem, seu ambitæ, seu retentæ dignitatis, vel illi satis fortes sunt, qui cadaveribus, quàm spirantibus simulacris similiore, fruticibus victitant; qui setosis cinctibus corpus includunt, lachrimisque & sanguine perfusi, in pœnas duntaxat vivere videntur. Nulla tam rigida vitæ austeritas est, quæ non feratur ameturq;, si modò, quàm corpus plagis atteritur, ac fame minuitur, tam exultet interim animus, præcipua sibi munia vel destinans, vel gratulans. Id nempe Gregorij ætate Anachoretis evenit, & Pastoribus Populorum, quos inediâ consumptos, ac cinere inpersos gloriæ splendor & imperij, ac potestatis majestas sollicitabat. *Ossa jeju-*

*L. 4. Ep. 66.*

*Mauri: Imp.*

*Tom: 32. 34.*

*nijis*

*nijs asteruntur, ET MENTE TURGE-*  
**MUS.** *Iacemus in cinere, & EXCELSA*  
**RESPICIMUS.** *Doctores humilium, Du-*  
*ces superbia, ovinâ facie lupinos dentes abscon-*  
*dimus.* Declamamus è superiore loco in  
 purpuram, honorum fugam, opum pro-  
 fusionem, contemptum Regnorum sva-  
 demus: subinde, nisi nos præclaris mune-  
 ribus Præsides occupent, diripimus larvâ  
 commendatæ nuper Auditoribus nostris  
 modestiæ, & sub simplicium agnorum  
 specie, velut lupi grassamur, ac genuinum  
 infigimus, segniùs quàm vellemus, ad pro-  
 positum fastigiû nos evehentibus: Chri-  
 stianorum illorum axiomatum immemô-  
 res, obliti nostrî, condemnatis Præsidium,  
 tum iniquitate, tum partium studijs. *Ovi-*  
*nâ facie* **LUPINOS DENTES abscondi-**  
**mus.** Et quamvis apud paucissimos Fi-  
 liorum meorû stabuletur versipelle istud  
 noxiosissimûq; simulationis monstrum,  
 cùm plerique omnes certatim id solum  
 ambiant, ecquis altero jacere inferius,  
 longiùsque tolerare labores possit, non  
 ideo tamen certissimus, nè, tot inter con-  
 val-



vallum lilia, urtica quæpiam caput attollat, & Carmelo ac Thabori, quæ summus eorum est apex, deplantari perfrectâ fronte deponat. Nequeunt aliquando, religiosissimorum cæteroqui & austerissimorum coetuum Antistites, subditorum vel alacritatem, vel quietem sibi promittere, nisi, obscurorum munerum in odio extractos, conspicuæ Ptovinciæ candelabro imponant.

139. Mirabiliter huc facit divina Gregorij de aëre animadversio, elemento, quò nullum flexibilius, obsequentius, ac cedere paratius; nullum non motum sentit, quamlibet impressionem, formam, coloremque admittit: jam fragrat inter aromata, jam putet in olidis lacunis, quàmque interdium fulget, tam densâ per noctem caligine squalet. Hoc idem tamen terrâ obrutum clausumq; tam ipsam mover, ac Provincias cum Urbibus excutit in sublime. *Vniuscujusque rerum, ait Nyssenus, CAPAX EST AER, non proprium colorem habens. non figuram, non superficiem, sed alienis cum coloribus, tum figuris*

*Hist. 6. dior.  
To. 13. 29.*

ris inficitur & informatur. Nam & splendidus illustratione lucis, & rursus niger, dum umbrâ involutus est, evadit. Nullo negotio utroque cedit, & fissus hinc inde retrocedit. Cave tamen terræ submittas, arcēque fastum elementi, cum omnia ferat, opprimi & in angustias redigi, se nullâ ratione laruri. Funestum ejus rei experimentum habemus, cum in Syphones compingitur, & comprimitur in catapulta, quam ventosam dicere possis: vix enim seu scintillam corripuit, seu spirandi viam, laxato per artem exitu, accipit, cum erumpit impetu tam violento, quàm oculi auresque testantur. Jam verò ejusmodi probri exsortes, aut procul abesse à similitudine horribilis illius violentiæ, nè illi quidem se arbitrentur, qui, cæterâ modesti ac morigeri, placidè acquiescunt regentium imperijs. Non enim rarò contingit, ut sacrum Deo Familiarum Patres, subditorum suorum modestiæ diffusi, omnibus eorum desiderijs obsecudent, veriti, nè occupati laboriosis obscurisque munijs, turbas ciant, & tranquillitatem domesticam

per-

perdant. En vobis paradigma ! Gloria-  
batur ille Prodigii major natus Frater apud  
communem Patrem, quod toto vitæ tem-  
pore subiectum se, mandatisque omnibus  
audientem præstitisset. *Ecce, tot annis ser-*  
*vio tibi, & nunquam mandatum tuum præ-*  
*terivi.* Verè tu illud quidem dicis ; hoc  
verò quæ colligis ? nempe nullum Patris  
imperium abnuisti, non tanè obsequendi  
promptitudine, jubentisq; reverentiâ, sed  
quod indulgentissimus Pater, non igna-  
rus quàm contumax tibi foret ingenium,  
quàm retinens, quod semel concupis-  
sisset, abstinuerit scilicet non placitura manda-  
re, frenumque, ruenti quò te ferebat im-  
petus, laxavit, id profectò venatio de-  
monstrat, à qua modò redijsti Ut adeò  
non obedientiæ tuæ, sed illius indulgenti-  
æ prudentiæque tribuendum sit, quod  
nondum recalcitrasti. Quod paternæ ca-  
ritatis, & juvenilis proterviæ indicium  
Chrysologo debemus, celebrem illam Pa-  
rabolam mirabili felicitate interpretanti.

Luc. 15. 29.

*Nunquam mandatum tuum præterivi.* Hoc *Serm. 4.*  
*tibi non tua innocentia, SED PATRIS* *Tom. 36. 106.*

Pars IV.

N n

VE.

VENIA DEDIT : *quia multâ charitate delicta Filij maluit tegere, quam nudare.* Pro quam sæpe usû venit, ut afflictissimus Præses subjectorum suorum virtutem in discrimen dare reformidet. Novit, quàm ea infirma sit, præsentit querimonias, premi se plus iusto putantium; adeoque abstinere, vel laboribus eos onerare, vel coronare diademate humilitatis. *Multâ charitate delicta Filij* MAVULT TEGERE, QUAM NUDARE. Ad primos accu-

bitus te ultro invitans, *Amice*, inquit, *ascende superius*: haud videlicet nescius, nulum te in Agni nuptijs gustum, aut cibum inferioris lecti rædio capturum. Nempe omnes artis & eloquentiæ nervos contendimus, ad Religionis commoda & Populorum salutem promovendam, si quidem Cathedræ atque Exedræ frequentem nobilemque Auditorem habeant, si famæ tuba plaususque Populorum, ministeria nostra circumsonent. Tolle frequentiam, admirationem, splendorem, continuo illa laboris contentio languet, torpent brachia, & acclamationis desperatio, vel ipsa agen-

agendi facultatem, aut destituit, aut tollit; quod nolunt velle, posse se negantibus. Apud Ethnicos quoque pro se quisque Reipub: se commodabat, si quando vel Romæ Consules designabantur, vel Carthagine inter Principes, Athenis in Senatorum numerum referebantur: ipsi quoque Præcones, cum ludis Olympicis adessent, inflare buccam, animarèq; tubas detrectabant, nisi Regum fœdera, & Quinquertij præmia essent publicanda.

*Non vis enim, nisi Consul, aut Prytames, aut Ceryx, aut Fusēs administrare Rempublicam.*

*Lib. 1. de  
tranquill.  
Tom. 9. 98.*

Nempe exporrectâ fronte, mente hilari severissimarum disciplinarum intricatissimi nodi dissolvuntur, tantique est, vel sanguinem sputare, dum Academia plaudat Præceptoris suo. Non perinde æquo animo, aut non inviti, laborem alium, licet multò leviorē, sumimus, Græcæ Latinæque linguæ pueris elementa inculcandi. Ut magnis in Urbibus Evangelia interpretemur, diurno nocturnoque labore conficimur, vix auram, vix cibum capimus; caput obtundimus, & ut me-

N n z

mo-



moria cogitatis periodis fidem præster-  
 usque ad temporum luxationem crucia-  
 mur. Ad pagos contrà & Oppidula, in  
 quibus longè uberiore animorum quæ-  
 stu, & nullo ingenij tormento rudes in-  
 stituuntur, improbi percelluntur, non o-  
 mnes ad Christum in minimis suis hono-  
 randum perinde promptè discurrūt. Ma-  
 gnatibus præstò sumus, erecto corpore  
 aperto capite, & sæpenumero risum ac  
 contemptū ex obsequio referimus. Nul-  
 la verò ejuscemodi incommoda manent  
 in triremibus, custodijs publicis, & Xe-  
 nodochijs de noxis absolventes, ad quæ  
 tamen, præter invitatos à Præside, pau-  
 convolant. Quid diu vos moror? uni-  
 versū publicæ rei curam gerunt, cūm as-  
 curules sedes evehuntur: cūm verò mu-  
 nijs neque splendorem omnem lucemq;  
 suam sol infuderit, cūm nemo thus vene-  
 rationis adoleverit, rarus est, qui pedem  
 moveat manūmq; applicet. Capitolium  
 scandimus, sed Dictatores; Athenas mo-  
 deramur, sed Areopagitæ; defendimus  
 Carthaginem, sed Imperatores, ac Prin-  
 cipum

cupum Principes. Is quoque, cui nihil inest grande ac singulare, minimus, aut un<sup>o</sup> de vulgo esse detrectat.

140. Non cum profectò modum agendi tenuit ipso Apostolici sui muneris exordio Paulus: passus æquo animo fuit minorem sui, quàm Centurionis Cornelij rationem haberi; quando inclyti quidem illi Sacri Collegij Princeps Petrus, Dux ac Præceptor est datus, sibi submissus Ananias, nè postremi quidem inter Apostolos subtelij. Sustinuit subinde ignobili labore defungi, nullo prorsus prodigio insignis, quibus alij interim Neophyti nobilitabantur: non cæcus visum, non gressum claudus illi debebat, at neque statione suâ se depulsum à Paulo fuisse ullus adhuc dæmunculus queri poterat. Jam verò, qui adeò negligi à Deo videbatur, quique paulò antè humi prostratum, ademptamque sibi lucis usuram meminerat, Evangelium ejus per Synagogas tanto ardore disseminabat, ut maximum sectatorum numerum illi paraverit. *(Continuo in Synagoga predicabat Iesum. Act. 9. 20.)*

Nn3

Acci-

23.

*Accipientes autem cum Discipuli nocte per murum, dimiserunt eum. Quo loco exclamat*

*Hom: 20. in* Chrylostomus, & non tunc, inquit,

*AA. Apost: affecutus est spiritum, qui faciebat signa: non*

*To. 36. 42. enim miracula fecit. Interim autem illum*

*erudit Ananias, non ducens illum ad eximios*

*Apostolos. Statim habebat Discipulos. Hæc*

*videlicet indoles, hoc ejus institutum est,*

*qui, cum Vas Electionis, Gentiumque*

*Doctor audiat, illis tamen favoribus, qui-*

*bus tot alij, & vel milites, fruebantur, se*

*destitutum videt. Sic quocunq; demum*

*loco nos habeat Societas, habeat à nobis*

*obsequium, non aliter, quàm si familiar*

*Principes, præcipuique tum expeditio-*

*num suarum, tum Academiæ Ducis*

*ab ea haberemur.*

141. Nam qui tùm denique sudare algeréque sustinet, amâque Societatem ut Matrem, cum ab ea in altum subvectus, laureis redimitur, unguentisque perfunditur, remotis, quæcunque tenetur foetum offendere, advocatis, quæ recreare aliquomodo possunt; non is aut amat, aut optimæ parentis filius, aut Servato.

vatoris sui servus est. Sic Dei cultoribus illudit David, quos in officio continebat, hinc cœli clementia, inde agrorum uber-  
*tas. Confitebitur tibi, cùm benedixeris ei. Psalm. 48.*

Tum enim verò Divinæ Providentiæ fi-  
 delem servitutem servies, si oculos ma-  
 nusque in cœlum tollas, licet inopia te  
 premat & compedes. Cæterum, qui  
 strenuè laborat, & in vocatione sua lætus  
 acquiescit, dum abundat & colitur, non  
 eum profectò Parens Ignatius Alumnum  
 suum agnosceat, neque Christus promisso  
 vineæ suæ cultoribus præmio remunera-  
 bitur. DESPECTA quippe vox confessi-  
 onis, QUAM FORMAT JUCUN-  
 DITAS PROSPERITATIS. *Sola au-*

*tem* CONFESSIO *habet magni meritum*  
*ponderis, quam à rectitudine* NEQUA-  
 QUAM SEPARAT *vis doloris.* Sic uni-  
 versæ Christi Ecclesiæ sanctissimus ejus  
 Vicarius edixit. Desinet proinde sibi fu-  
 cum facere, qui, quòd in regentium pote-  
 estate esse se profitetur, omnes religiosi vi-  
 ripartes implevisse se putat: nisi copiam  
 illis faciat, in quocunque seu voluerint,

*Lib. 4. mor.*

*c. 23.*

*To, 33. 144.*

seu publicæ privatæque Ordinis rationes postulaverint, ipsum munere ac ministerio collocandi. Si perinde tibi plaudat depressus ac exaltatus, si cælo laudes concinis, sive neglectam, sive adhibitam tuam operam videris, nè illa tua lætitia par erit Angelicæ, illudque tuum obtemperandi studium gratum Deo holocaustum, & constantis virtutis exemplum existet, quam nulla voluntatis obnoxie simulatio infecerit; jactantis videlicet sancti propositi perseverantiam, cum è sublimi fastigio se prælatum æqualibus, summis superiorem, & digito monstrari conspicatur. *Despecta quippe vox confessionis, quam format jucunditas prosperitatis.*

142. Et ô nos felices, si Deo duntaxat veræ demissionis inopiâ minùs aliquantò accepti efficeremur ! Sed enim plus, quàm credi potest, miseranda nostra conditio foret, nisi religiosæ submissionis decus, veluti pretiosissimum thesaurum summâ curâ servaremus. Longè verò miserrimos effici necesse foret, si gloriæ sitim honorumque cupiditatem accenderent



derent ex dotes ac ornamenta, quæ divina Clementia in nos disperfit. Tum enimvero solutis cataractis vindicis DEI furor inundaret opprimeretque, quem seu gratiæ, seu naturæ dona ad dedignandum destituta plausoribus munia, exambiendumque illustrius theatrum sollicitarent. Itane verò id ipsum, quod stimulos addere debuerat, ut Societati, à qua ad hanc sapientiam eruditi fuimus, operam nostram vellemus approbare, quodque, ut magis magisque Divinæ voluntati assentiremur, facere poterat, id ipsum inquam, cum illi contumaces, tum eorum, quibus suas vices commisit, imperijs surdos efficiet! Horribile prorsus fulmen est, quod Gregorius seu intorquet, seu paratum denunciat ijs, qui coelestibus gratiæ muneribus ad fastum abutuntur, ac modestiæ jacturam faciunt; quò doctiores, eò inflatiores; quò majore animorum quæstu Servatoris munere ditati, majores eò spiritus gerentes, & eximia quæque præmia sibi vindicare promptiores. His talibus ille fœdos lapsus, & in-

honestas ruinas minatur, tumorem ambitionemque castigaturas. Quemadmodum enim degeneres animi coelestium beneficiorum præsidia in ambitionis venenum vertère, sic illi ad sanandam eorum arrogantiam, quâ profectò coram Angelis, demissè de se sentientium amantissimis, multò mortaliùs ægrotabant, amissi pudoris probum, ac turpissimorum ulcerum mephitim adhibet. *Ecce, qui de virtute se extollit, PER VITIUM AD HUMILITATEM REDIT.* Secundum hæc ita porro seu varicinatur, seu differt Gregorius: *QUI ACCEPTIS VIRTUTIBUS extollitur, NON GLADIO, SED, ut ita dicam, MEDICAMENTO VULNERATUR, Quia ergo nos de medicamento vulnus facimus, facit ille de vulnere medicamentum: ut qui virtute percutimur, virtute curemur.* Quæ deinde consequuntur, nec ego dicere, nec audire vos sustinebitis, nisi ore velato, auribus obstructis, nè totus ad vos sonus perveniat. *Contra eos hostis antiquus, qui jam interius dominatur, etiam exterius servire permittit*

*lib: 33. moral. c. 21.*

*2p. 21. 188.*

*mittitur, ut* QUI IN COGITATIONE ELATI SUNT, *per carnis luxuriam* PROSTERNANTUR. Te ego hîc obtestor, sacratissima Jesu Societas, monéoque, ut manibus pedibûsque, ac toto corporis complexu tibi asseras, ac mordicus retineas hanc, quam profiteris animi demissionem, quæ honores aversatur, quæ dignitatibus omnibus internecinum bellum movit : quæ, quod mundus amat, pertinaciter odit, quod odit, ardentè amat ; quæ non aliam sudorum suorû mercedem, antè cursûs sui præmium ambit, quàm Christi Crucis opprobrium : quæ deniq;, veluti erumpens terrestri è Paradiso fluvius, semper in declive volvitur, atque eâ ratione omnes orbis terrarum partes sanæ doctrinæ, ac optimi exempli copiâ inundat. Is, qui tibi nomen dedit, Patris æterni Filius, tuam illam à dignitatibus aversionem, tuum modestiæ studiû remuneraturus est Angelico candore integerrimæ Castitatis, quâ domicilia tua exornari vel hostes tui fatentur. Sed enim etiam atque etiam cave, nè vel in uno altero-

terove Filiorum tuorum, suæ illius superiorum sedium damnatæ appetentiæ loliū, rebellium Angelorum. Ductor disseminet. Quam enim ambitionem tu vel dissimulabis, vel non punies, ille puniet, paucorumque seu vanitatem, seu sanctæ sui abjectionis horrorem, verecundiâ tuâ, tuorumque ignominiosis lapsibus vindicabit. *Vt qui humilitatem currentes fugimus,*  
**ELSALTEM CADENTES, HÆREAMUS.** Quod si quis diligentius animum advertere volet, deprehendet is profectò non in uno Cœtu, in quo demissionis studium nonnihil refrixerit, vaticinio adstructam fidem fuisse: cum in Alumnis quibusdam suis integritatis flores, quorum fragrantia totum Ordinem honestabat, in obscuros licentiæ carbones, non sinè jactura existimationis publicæ, commutatos agnoscit. At enim scimus, in Salomonis Epithalamio Rosas in planis camporum germinare, & lilia succrescere in profundis vallium. *Flos campi, & lilium convallium.* Si nos ipsi sustollimus, non florebitis.

*Cant. 1. 2.*

143. Erit forrè aliquis, qui cùm hæc ità se habere intelligat, pœnitendam se rem fecisse arbitretur. quòd ad hanc Societatem, in qua tanta splendorum munerum, & ad famam illustrium Magisteriorum copia sit, vocantem Deum fuerit secutus. Sed ego superbiæ metum ponere, ac pro comperto eum habere jubeo, ab administratione amplissimæ provinciæ, & pleni honorum muneris summam sui abjectionē neutiquam dissidere. Neque aliter egregijs Cœtuum religiosorum Operis, ac Christo quondam usuvenit, summâ omnium admiratione, & prodigiorum famâ tùm vel maximè celebrato. Quærentibus Joannis Discipulis, elsétne ipse promissus in lege Messias? respondit in hunc modum: *Euntes renunciate Ioanni, quæ audistis & vidistis. Cæci vident, Matth. 21. 5. claudi ambulant, leprosi mundantur, mortui resurgunt: & beatus est, QUI NON FUERIT SCANDALIZATUS IN ME.* Respexit, nisi fallor, salutis nostræ Auctor ad Crucem & Calvariam, quam sibi & repræsentabat semper, & intimè comple-



§74 HUMILIA MINISTERIA

plectebatur, cum à Populis omne genus obsequij, & venerationis rerum gestarum magnitudo, & doctrinæ præstantia ipsi conciliaret. Hinc quo tempore Populi prodigiosis suis operibus diademata destinabant & aras, ipse tantis meritissimisque honoribus negligenter transmissis, ad flagra crucémque oculos animumque intendebat. Circumsonabant aures redivivorum è tumulis, & cœlesti sapientiâ eruditorum acclamationes, dum in Pontificum conventu, in Herodis aula, in Golgotha, ubi damnandus, irridendus, configendus Cruci esset, animus interim atque omnia ejus vota versarentur. *Surdi audiunt, mortui resurgunt: & beatus, qui non fuerit* SCANDALIZATUS IN ME. Brevissima, sed divina quodammodo Gregorij Pontificis notatio est, quâ sententiam, redditis Messiaë vocibus suis,

*Hom: 6. in  
Evang.*

*To. 32. 220.*

exornavit. *Mira quidem facio, SED AB-JECTA PERPETI NON DEDIGNOR.* En tibi fœdus, quo suprema docendi agendique dignitas, cum ludibriorum & cruciatuum, nullis antè sæculis

cognitorum, desiderio copulantur. **MIRA FACIO, SED ABJECTA** *perpeti non dedignor.* Equidem elephantiasim manu abstergo, sed manus juxta pedesq; Tortoribus configendos offero. Vinum aquâ mutatum Sponsis propino, non item morienti mihi fel, & absynthium in favos convertam. Audio, qui magnis vocibus Regem Israël me salutant, video palmas triumphanti prælatas : multò tamen intentius exaudit mens mea inconditos ad mortem me ac virgas deposcentium clamores. *Mira facio, sed abjecta perpeti non dedignor.* Equidem hujus adorandi mysterij umbram quandam in primis, quos hoc minimum Commune habuit, Theologis Pontificijs spectare licuit: quorum cum in Tridentino maximorum Ecclesiæ Principum conventu, tanta esset auctoritas, par subinde erat in Xenodochijs, ad ægrorum obsequium se se abjicientium, demissio, quam & paupertatis amor, & victus precario acceptus comprobabat. Tam erant alijs ob doctrinæ præstantiam admirabiles, quàm utiles sibi: nec minus

inf.

infimis familiares, quàm summis: deniq;  
 iidem, qui modò gravissimas de Theolo-  
 gia quæstiones explicuerant, & Concilij  
 decreta constabiliverant, paulò post pue-  
 ros Christianæ Religionis elementa sim-  
 plicitissimâ oratione docebant. Neq; ve-  
 rò id sub prima duntaxat nascentis So-  
 cietatis exordia spectare licuit, licet idem  
 hodie contemplari, dum ipsi Principes  
 Academiarum, præcipuèque Domicilio-  
 rum nostrorum Magistri ac Operarii, nihi-  
 lo seu cultu corporis, seu habitatione di-  
 screti, ac Exedris & Suggestu ad custodi-  
 as publicas, pro captivorum solatio, ad  
 expiandum à noxis promiscuam plebem,  
 ad confirmandos morientium animos ex-  
 currunt. Quin ipso feriarum tempore, &  
 cum ab consuetis laboribus vacant, in ad-  
 jectos ruri suo pagos Apostolicas expedi-  
 tiones ab illis suscipi sciunt omnes, & ad-  
 mirantur. Quis deinde non stupeat,  
 quò quisque magis supra cæteros eminet,  
 eundem & Præsidibus subjectiorem, &  
 locorum munerumque incuriosioremi-  
 se? Hæc enim verò nota est, quâ Pater  
 æter-

æternus Electorum suorum frontem con-  
signat. *Scriptum quippe est, inquit Grego-  
rius, Filij autem Israël ambula verunt per sic-  
cum in medio maris. Et per Prophetam, Do-  
minus pollicetur dicens: Flumina non ope-  
rient te. Quisquis vero Societatis spiritu  
animatur, Oceanum sicco vestigio tran-  
sit, nullis naturæ donis, nullis acclaman-  
tium plausibus, nullâ potentium amici-  
tiâ, gratiâ, opinione opprimendus. Nam  
qui Sancti Spiritus gratiam tenet in mente,  
transit aquas, ET TAMEN FLUMINI-  
BUS NON OPERITUR: quia etiam  
inter medias Populorum turmas, sic peragit  
gressus sui itineris, ut non submittat actioni-  
bus seculi caput mentis. Intelligant aliquan-  
do universi, maximos Evangelij Ministros,  
in Christo consecratis ædibus, tanquam  
minimos versari. QUI SANCTI SPI-  
RITUS GRATIAM TENET in men-  
te, fluminibus non operitur. Hic profectò  
palleant oporret, atque animis concidant  
trosluli ambitiosi, & uberum manipulo-  
rum syderumq; suppedaneorum somnia-  
tores, qui vulgaribus dotibus vulgique*

Exod. 15. 10.

Isa. 48.

Lib. 6. Ep. 1

Cyriac. ep.

Constant.

To: 31. 39.

sordidis plausibus vanissimè tumentes,  
 in simpulo tantas tempestates excitant,  
 & in paucis sudoris stillis, pro salute aliena  
 à fronte deralis, naufragium faciunt, ac  
 continuò proclamant, nihil non egregi-  
 um, non eximium sibi deferendum, com-  
 moda fomentaque omnia tam sibi debi-  
 ta, quàm infra dignitatem suam esse; esse  
 se unos, quibus carere Societas nequeat,  
 ac proinde non nisi primarijs Collegijs, ac  
 Civitatibus operam suam commodan-  
 dam. Sicilli: dum alij, viri omni litera-  
 turâ virtutèque consummatissimi, quos  
 non minùs docta volumina, quàm fortia  
 facta nobilitant, per vastissima flumina, &  
 pellucidos unionibus alveos gradiuntur,  
 quin legis ullius immuniratem, aut cer-  
 tam sedem sibi audeant arrogare. *Flumi-  
 nibus non operitur.* Dignum profectò spe-  
 ctaculum, modestia, post laudum gloriæ  
 que reportata trophæa; parendi facilitas,  
 post res maximas feliciter confectas; ob-  
 servantia legum, post concitatam reve-  
 rentiam ac claritatem nominis sui; solutus  
 ab omni loco animus, & semper migrare  
 para-



paratus, post edita multiplici cruditione volumina ; dignum, inquam, spectaculum, quod pudorem aliquibus exprimat, si qui sunt aut adeò vani, aut adeò sui ipsorum pleni, ut ob exiguum messiem, quam illis colligere aliquando contigit, majore quidem Auditorum frequentia, quam fructu ; peccantium terrore, quam emendatione ; commoda sibi atque inimmunitates, nescio quas, arrogare audent. Tollat pro se quisque vocem cum Stanislaò, demississimi animi Adolescente : ELEG I ABJECTUS ESSE IN DOMO DEI MEI. Fixum mihi est, inferiorem omnibus atque etiam infimis vivere ; neq; me supra me, vel alios, qualiacunque Dei dona, sustollent. Illic duntaxat primus atq; egregius esse cupio, ubi, post vitam in obscuris laboribus inglorie ad mortem usque exactam, in Cœlitum Regno novissimos primos, & minimos maximos esse

DEI Filius demonstra-  
bit. Dixi.

F I N I S.

# INDEX RERUM PRÆCI- PUARUM.

Numerus Paragraphum, non  
Paginam, indicat.

## A.

**A**BEL nimis facilis fratri laxa & plana  
suadenti. §. 10.

Abrahamus à Necessarys suis, Dei jussu, avul-  
sus. 33.

Nimio pere Ismaëlem amat. 40.

Adamus conjugis amore victus. 39.

Timoris praesidio destitutus, vetitum cibum  
degustat. 56.

Ædificium, cum assurgit, non dedignatur fun-  
damentum. 61.

Aër cujuslibet coloris & figura patiens, à ter-  
ra premi non sustinet. 139.

Afflictationes corporis Religiosis necessariae. 77

Amor in Parentes infamia aut pœnis obnoxios  
reddat. 40.

Gravibus noxis objicit. 35. 37, 38. 39. 40.

Ejus contemptus eximia à Deo premia Religiosis promeretur. 34.

Ne sit is amor inordinatus, & seculi more. 30. 31. 32. 35. 37.

Eorum etiam memoria deponenda. 36.

Anachoreta propriarius, & infamis ex amore consanguineorum. 38.

Anima momento corpori insunditur. 20.

Apostoli ante S. Spiritus adventum quam metriculosi! 69.

Arbor non assurgit, nisi prius se in terram dimiserit. 68.

Ex intimis medullis fructus & flores educit. 49.

Deus similis speculo, quia succo suo vivit. 106.

Non recreat in Draconis vicinia. 53.

Cur ex semine tam parvo in tantam magnitudinem excrescat? 124.

Hyeme quiescit, ut suo tempore feliciter germinet. 78.

Mutatur ex insitivo surculo. 12.

Sterilis in flammam abjicitur. 4.

Arca Dei dum perstat in Iordane, huius naturam mutat. 74.

Sine stimulo & duce regitur. 13.

Vecta bobus mugientibus, strenuos sui viatores indicat. 99.

*Athesis sitientes recreat, non alluit. 126.*

*Athleta etiam in otio delicias vixant. 83.*

## B.

*Bulla sinegmate peruncta statim vaneſcūt. 62.*

## C.

*Cassianus Religioſis inſultat, qui non planè perdomuerunt perturbationes ſuas. 71.*

*Catelli primis ſtatim temporibus morſum intentant. 117.*

*Circumciſio myſtica non queratur adverſus ſerientes. 73.*

*Civitas Dei lapidibus pretioſis inadiſcata. 17.*

*Cognitio affectu & ſenſu pietatis potior 101.*

*Vide Fervor &c.*

*Colloquia cum Tepidis quàm noxia. 53.*

*Coloſſus Babylonicus vera converſionis ſymbolum. 21.*

*Columna ignis neceſſaria Aegyptum relinquentibus. 67.*

*Conſtantia in ſtudio virtutis. 10. 75.*

*Pender à cognitione bene confirmatâ, 105.*

*106. 107. 108.*

*Duret quoq; finitis annis Probationis. 125.*

*A timore Dei cuſtoditur. 55. 58. 59.*

*Conſiliarij parvi 134.*

*Tepidi rejiciantur. 10. 11. 53.*

*Tepidi, etiam ferventium ardorem restinguunt. 119.*

*Vide supra Constantia.*

*Conversio integre & citò fiat. 112. 117. 119.*

*120. 121. 122. 123. 124. 129.*

*Nè sit solum in externa specie, sed multò magis in animo, sitq. non minus intus, quàm foris. 112.*

*Vera quæ sit. 112.*

*Vera pravis natura habitibus valentior.*

*126. 127. 128.*

*Cristallus & vitrum sinè flamma non durantur. 62.*

*Christus quantopere sui demissionem amaverit. 133.*

*Non detrectat Baptismum, dum ad Crucē aspirat. 118.*

*Hominem induit, sed Deum non exuit. 86.*

*Glorià prodigiorum circumdatus, ignominiam Crucis desiderat. 143.*

**D.**

*David Gigantem lapide prosternit. 11.*

*Dositheus timore inferorū sanctus efficitur. 66.*

*Dotes, seu natura & gratia dona, ministerijs etiam humilibus impendenda. 134. 135. 139.*

*140.*

*004*

*Nè*



*Ne sint occasio superbia & contumacia. 142*

## E.

*Ebrietas sancta, animi perturbationes eliminat. 128.*

*S. Ephraem solitariam vitam, tametsi austerrimam, suavem putat. 2.*

*Exempla mala quanto opere noxia Religiosis Ordinibus. 42.*

## F.

*Ferrum candens cur tam cito ad ingenium redeat. 124.*

*Fervor Disciplinae studium non averfatur. 71.*

*Oriatur a cognitione, non a sensu. 101. 102.*

*103. 104. 105. 106. 107. 108. 109.*

*Filius prodigus nihilo peior fratre innocuo, dum hic a patre indulgenter habetur. 139.*

*Flores nisi precedant in arbore, nulli fructus consequuntur. 27.*

*Fruentum & palea in eodem agro, & ex eodem culmo succrescunt. 129.*

## G.

*Gauli velis navigant, sed anchoris egent. 63.*

*Gravitas necessaria Religiosis ruri, in villa, & extra domum versantibus. 81. 82. 83.*

*S. Gregorius M. maximi facit Religiosam vivendi formam. 78.*

*& Gr.*

142  
S. Gregorius Nazianzenus quanto Dei timore  
afficeretur. 66.

limi-  
Gubernaculum timoris Divini symbolū, men-  
tes hominum per tempestates ad portum di-  
rigit. 63.

## H.

Hebraei ad Aegyptias ollas respectant, non item  
ad servitutem, & verbera. 59.

Inconstantes in solitudine, quia in Dei co-  
gnitione non satis firmati. 107.

71.  
Heli Filijs improbis indulgens. 40.

102.  
Hilaritas Religiosa nunquam à Modestia sepa-  
randa. 82.

dum  
S. Honoratus Monachos suos sanctâ remissione  
recreabat. 80.

uctus  
Humilitas Religiosa splendida munia averfa-  
tur. 130. 132. 133. 134. 135.

x co-  
Ministeria abjecta praoptans, non dejecti,  
sed excelsi animi argumentum praeber. 136.  
Potest etiam in illustri dignitate ac loco po-  
sita retineri. 143.

63.  
a, &  
Meditationi dedita, contemnit alta, infima  
eligit. 136.

vi-  
Gre-  
Illustrium natalium memoriam delet, ob-  
scura munia praoptat. 137.

*Neglecta ab austerissima vita Professori-  
bus. 138. 139.*

*Humilitatis inopia sacros Cetus evertit. 142.*

## I.

*Icarus Paradigma Religiosorum, neque calen-  
tium neque frigentium. 95.*

*Iethro convivium celebrat cum Moyse, sed san-  
ctè. 79.*

*S. Ignatius, & ejus conversio. 110. 111.*

*Studium animarum securitati salutis sue  
anteponit. 92.*

*Infans statū corporis auget, non membra mul-  
tiplicat. 23.*

*S. Ioan: Baptista antè Sanctus, quàm natus. 15.*

*Iob quantopere Dei timens semper esset. 57.*

*Ionas Religiosos refert, non undecunque corre-  
ptos. 96.*

*Ionathas ex nimia in parentem caritate, ferro  
transfossus interijt. 40.*

*Isaac vite sanctitatem adeptus, quòd sub pa-  
rentibus sanctis adolevisset. 28.*

*Plus iusto amavit Esauum. 40.*

## L.

*Lac Corinthijs propinatum, Crucis rationem po-  
tius, quàm lactis habuit. 22.*

*Levi.*

*Levite Hebraei consanguinorum strage nobilitati. 32.*

*Lignum, quod supernatat, ignis expectat. 42.*

*Loth, & ejus Vxor, quam amor Patrie in statuam commutavit. 35.*

*Luna jam deficiens, jam plena, Religiosos notat cognitione defectos. 105.*

*Lusus permissus Religiosis intrà moderationis leges. 85. 86. 87.*

## M.

*SS. Magi Christum Infantem primò agnoscunt, eum adorant. 96.*

*Non dubitant Thesauros suos in stabulo deponere. 134.*

*Manna fastiditum Hebraeis exitio fuit. 5.*

*Manus à corpore abscissa in sterquilinum abjicitur. 31.*

*Mare rubrum sicco pede transmittitur. 143.*

*SS. Martyres sanguinis impendio cælum compararunt. 3.*

*Martyrio proximus Christum ejurat amore liberorum 39.*

*Martyrium in Dei timore fundatur. 67.*

*Massa auri statim una petit, trabes supernant. 129.*

Mini-

*Ministeria minus honorifica vitant Religiosi  
humilitate destituti. 139.*

*Ministeria vilia quam invisa tepidis. 134. 135.  
Amantur à nobilissimo sanguine creatis, à  
plebeis interdum non item. 138.*

*Ne declinetur, facit ultimi exitij metus. 142.*

*Præferuntur splendidis munij à vero Chri-  
sti servo. 130. 132. 133. 134.*

*Missionary in Indijs quam gravibus arumnis  
conflictentur. 3.*

*Modestia maximopere necessaria Religiosis, do-  
mo prodeuntibus. 81.*

*Monachus adolescens repentinâ morte luit ni-  
miam in parentes caritatem. 35.*

*Mors mystica quam sit. 94. 100.*

*Symbolum veræ Mortificationis. 114.*

*Mortificatio passionum consummata & inte-  
gra. 44. 45. 46. 70. 71. 72. 112. 114.  
119. 128.*

*Sit morti similis, & cadaveribus similes  
efficiat. 72.*

*Simillima morti. 94.*

*Sui contemptum infamiâ vindicat. 95.*

*Eradicet pravas affectiones, & hominem  
internum innovet. 43.*

*Hilari animo complectenda. 99. 100.*

*Mo-*



*Moderanda, nè studijs officiat. 3. 19.*

*Naturam vincat. 126.*

*Nisi plena fuerit, perfectionem retardat. 98.*

*Moyſes ad ſanctitatem inter matris ubera eruditus. 121.*

*Mulier minore moleſtiâ parit, ſi marem. 47.*

## N.

*Naaman Syrus facillimo remedio ſanatus. 3.*

*Naufragij timor opum contemptum parit. 57.*

*Navis, niſi profluentis impetum frangat, retro agitur. 7.*

*Nazarai colorem in plateis amittunt. 9.*

*Norvitiuſ nullam Sanctitatiſ moram interponat. 75.*

*Ardeat ſtatim diſcipline amore. 15. 16. 17.*

*18. 19. 20. 21. 22. 23. 24. 25.*

*Agat, quod agit, ſeque ipſum inflammet. 42. 43.*

*Nè ſibi ſatisfaciat mediocritate virtutis. 114.*

*Nè putet facta omnia, cum ſe ad modeſtiam composuerit. 44.*

*Nè conſidat in Sanctitate loci, niſi & ipſe ſit Sanctus. 26.*

*Niſi ſtrenuus fuerit, Ordini erit gravis. 47.*

*Nora*

*Non verus, sed ad speciem compositus. 62. 74.  
Propria non mutuatâ cognitione se stabilizat.  
106.*

*Vide Fervor.*

*Degenerabit à Tyrocinio digressus. 74.*

*Verus ac fictus Hispaniensium duorum la-  
eum paradigmata expressus. 97.*

*Verus quis sit? 46. 49. 50. 70.*

*Quomodo discernatur à ficto. 129.*

*Non cunctatur se se perficere. 112. 129.*

## O.

*Oratores Norviti, cum exercitati Magistri de-  
fecerunt, ipsi quoque ab eloquentia desce-  
runt. 28.*

## P.

*Paphnutius Abbas statim à juventute perfe-  
ctus. 23.*

*Parentes. Vide Amor.*

*Patria non aliter, quàm salutis ejus desiderio  
amanda. 34.*

*S. Paulus Apostolus momento sanctitatem ad-  
eptus. 20.*

*Nihil de labore remittit, licet miraculorum  
gloriâ, non perinde atque alij illustraretur.  
140.*

*Per-*

62. 74.  
labiliat.  
Perfectio quàm difficilis Martyribus, tam facilis Religiosis. 2. 3.

Facillima nostris. 2. 3. 19.

Alacri non invito animo comparanda. 71. 73.

4.  
rum la-  
Perseverantia. Vide Constantia.

S. Petrus Pontifex creatus, quia Christum agnovit. 102.

Diffuadet Christo Crucis opprobrium. 134.

129.  
Pisces aquam, in qua nati sunt, nunquam deserunt. 50.

Platea auro strata, symbolum Religiosa Vocationis. 80.

Proba, Virgo nobilissima stirpis, humilitatē coluit, quia generis sui immemor. 137.

Prudentia austeritatē remissione temperet. 76.

Disciplina studium studijs literarum conjungat. 3.

Psittaci à Picis Italicis superantur. 104.

## Q.

Quercus è glande in tantam magnitudinem assurgit. 45.

## R.

Recreatio licentior non est remissionis nomine digna. 87.

Religiosa, nunquam DEum è conspectu dimittit. 79. 81. 84.

Si

Si Disciplina studium non abjicit, nō est aliena à Religiosis, seu domi, seu ruri. 76. 78. 80. 83.

Insculana, Apostolicis excursionibus consecratur. 88.

Religio nihil exolumenti affert tepide in ea viventibus. 96.

Quam gratos faciat Deo. 41.

Quam copiosum meritorum proventum praefert. 132.

Quam similis Catacumbis & Caelo. 54.

Religiosi ad Perfectionem comparandam obligantur. 4.

Animorum saluti procurandae destinati, magis quam Anachoreta virtutis studio flagrare debent. 113.

Splendidis muneribus occupati, non gratulentur sibi de Obedientiae virtute. 141.

Pacati duntaxat, dum honorantur, nullum à Christo premium reportabunt. 140.

Obscuri ortu ac superbi, reprehensione dignissimi. 138.

A primis ardoribus descipientes se vere puniri. 5. 6. 8. 9. 10. 26. 50. 71. 95. 96.

Adolescentes, ignavi sunt magnae fortunae augurys. 119. 139. 140.

Tepi-

Tepidi neque religiosi sunt, neque secula-  
res. 94. 95.

Ficti, neque interius mortificati, quàm da-  
mnabiles. 43.

Si Missiones Indicas appetunt, mortificatio-  
nibus, & incommodis domesticis præludant. 118,

Nisi ferveant, nihil proficiunt, & gravi-  
bus ruinis se exponunt. 42.

Suâ sponte in amorem Religiosæ Disciplinæ  
ferantur. 13. 14. 26. 47. 49. 115.  
116. 124.

Tepidi ferventibus suum frigus assilant. 42.  
48. 53.

Degeneres. 50. 129.

Vani, & Aula sectatores. 50.

Veterani Novitijs bono exemplo præluce-  
ant. 48.

Resurrectio Lazari quàm diversa à glorioso-  
rum corporum Anastasi. 49.

Malè à Tepidis renovatur. 53.

## S.

Sal tùm conficitur, cùm ex aqua educitur. 93.

Symbolum Evangelicum doctorum Religi-  
osorum. 90.

¶

Sama-



Samaritani Christum adorant, quia nōrunt.

12. 109.

Samuel rectē agere inter nequissimos collegas  
perseveravit. 14.

Sapientia cum Virtutis & Disciplina studio  
neutiquam pugnat. 52. 90. 91.

Saul in alium hominem mutatus. 111.

Decidit, quia non planē se ad virtutem con-  
vertit. 119.

Scholastici Religiosi scandalum prabent, scli-  
mores edant, aut cachinnos. 81.

Sepulchra strenuorum & ignavorum quod-  
discrimine notentur. 3.

Sermones ludicri, & joci illiberales è sacris Ce-  
tibus proscripti. 87.

Sol momento totam lucis perfectionem expli-  
cat. 18.

Speculum figuram pro varietate rei opposita  
mutat, 106.

Speculum è chalybe flammam præsente sole fun-  
dit, absente torpet. 26.

Spongia religiosi Tirocinii Symbolum. 48.

Sponsa, ut est in Canticis, cur vulnerata? 6.

Stagna duo in Hispania invicē pugnantis. 97.

Sirenes non damnanda. 52.

Stanislaus cur sibi tam vilis in tanta decorum  
copia. 130. 131. 132.

Sy-

*Synagoga Deum timebat, nempe rebus impro-  
peris. 65.*

## T.

*Talenta. Vide Dotes.*

*Tempestas cum defuisset, projecta nuper opes  
requiruntur. 59.*

*Tentationes sopita, cum illicium abest. 44. 46.*

*Theodoricus etiam in ludo serius ac composi-  
tus. 85.*

*Tepor quam graviter in religiosis hominibus  
vindictus. 4. 5.*

*Cum fervori successit, quanto opere Deo in-  
visus. 6. 7. 8. 9. 10.*

*Terræ motus ab impatientia latendi coorinus-  
tur. 139.*

*Tigris prolis amore in retia se induit. 39.*

*Timor Dei ac panarum, Perfectis quoq; neces-  
sarius. 55. 57. 58. 60. 62. 63. 65. 66. 67. 68.*

*Non proscriptus ab Ecclesia, utpote quo ipsa  
indiget. 65.*

*Cum remittit, Tentationes vincunt. 56.  
58. 59.*

*Retineatur in Caritatis culmine stantibus.  
61.*

*Thymiana Pontifici servabatur à vulgari usu  
exemptum. 60.*

## V.

*Vacationes Autumnales Religiosorum Ordinū*

*Alumnis concessæ. 76. 88.*

*Consecrantur à studio salutis alienæ. 88.*

*Vestes nimis delicatæ Veterum Romanorum,  
ad degeneres religiosorum animos tradu-  
ctum Symbolum. 8.*

*Veterani, nisi Discipline observantes sint, Ti-  
ronibus plurimum nocent. 27. 28.*

*Vinum nunquam penitus cum aqua, aut oleo  
coalescit. 46.*

*Virtus, nisi solida fuerit, & citò perit, & mi-  
nimè sufficit. 43. 44. 46.*

*Vera quænam. 47.*

*S. Vitalis Martyr à necessariorum suorum  
more liber. 29.*

*Vitis putari indiga. 29.*

*Vocatio Religiosa quanti facienda. 41.*

## Z.

*Zelus animarum minis aliquantò studium au-  
steritatis compensat. 91. 92.*

*Quam ferax cælestium præmiorum. ibid.*

# FINIS.

Ordinū

. 88. .

anorum,  
tradu-

fm, Ti-

aut oleo

, & mi-

orum &

.

dium au-

um. ibid.





Biblioteka Jagiellońska



stdr0029894

